

Le
B.

Cruc.



2122
TEOLOGIA I

C. 21
10.

Ther

2122

REGIA
CRVCIS
VIA.

REGIA
CRUCIS
V. P. A.

Bibliotheca Regii Majoris Acad^{ie} Praemonstratensis



REGIA
VIA
CRVCIS

Auctore
D Benedicto Haefeno
Ultraiectino

Reformati Monasterij Afflige-
niensis Ordinis S. Benedicti
Proposito.



ANTVERPIÆ EX OFFICINA PLANTINIANA
BALTHASARIS MORETI. M. DC. XXXV.

REGIA
VIA
CROCI



ANTWERP EX OFFICIA
- PATRIS

V

EXCEL^{MO} ET ILLVST^{MO}
DOMINO
D. IACOBO
DE NOYELLE

MARCHIONI AC CASTELLANO
LISBURGENSI,
COMITI DE CROIX,

*Vicecomiti de Nielles, Baroni de Malde-
gem, Guize, Contsy, Toparchæ de Laires,
Boucourt, &c.*

ÆRARI REGII PRÆFECTO,
*Et renouandis per Flandriam Magistrati-
bus Commissario Regio.*



VÆ nobis è solo
ad cælum à cælesti
Rege demonstrata
iam olim strataque
est REGIA CRVCIS
VIA, eam, COMES EXCELL^{ME},

* 3

calamo

vj

calamo nostro adumbratam nomi-
mini Tuo imus consecratum .
Dux siquidem & præcursor no-
ster, qui non sine comitatu suam
sibi in Caluariæ locum detulit
CRUCEM, per omnes sæculorum
ætates itineris huius comites re-
quirat. Quemadmodum enim

Iudic. 9, 48

strenuus ille Abimelech *ascendens
in montem cum omni populo suo,
arreptâ securi præcidit arboris ra-
mum, impositumq; ferens humero,
dixit ad socios: Quod me videtis
facere, citò facite: non secùs supre-
mus noster Imperator, qui*

Lucan. l. 9.

— *primus arenas
Ingrediens, primusq; gradus in pul-
uere ponens,
omnibus idemtidem inclamat:
Exemplum dedi vobis, ut quemad-
modum,*

Ioan. 13,
15.

modum ego feci, ita & vos faciatis.

&: Si quis vult post me venire, Matth. 16, 24.

abneget semetipsum, & tollat CRUCEM suam, & sequatur me.

Hinc maxima CRUCEM ferendi Christianis imposita necessi-

tas. nam qui dicit se in CHRI- 1. Ioan. 2, 6.

STO manere, debet, sicut ille ambulavit, & ipse ambulare. * Quo-

* Paulin. Epist. 5. ad Severum.

modo autem putas CHRISTVM sequendum, nisi lege quâ docuit,

& formâ quam prætulit? * Se-

* Hilarius Pict. can. 16. in Matthæum.

quendus, inquam, est CRUCE assumptâ, & passionis suæ si non sorte, attamen voluntate comitandus.

In hoc comitantium agmine quòd primas, EXCEL^{ME} COMES, Tibi deferam, non Comitatus Tui dumtaxat titulus, sed rara in Deum pietas fecit. Nam præ na-

viii

Deut. 13.4
ita legit
Ambros.

Ecclesi. 23,
38.

S. Hilar.
Arelat.
Serm. de
S. Hono-
rat.

talium splendore, omnibusq; qui-
bus merito Tuo illustraris nomi-
nibus, gloriosum ducis, in Te im-
pleri, quod scriptum est: *Post Do-
minum Deum tuum ambulabis: &
ipsi soli adharebis.* Quid enim? an
non *gloria magna est sequi Domi-
num?* & huius non modò comi-
tem fieri, sed & filium? *Fastigium*
scilicet *nobilitatis est, inter Dei filios*
computari: nec addere nobis quid-
quam ad dignitatem ferre originis
decus, nisi contemptu suo potest.
Nemo est in caelestibus gloriosior,
quàm qui repudiato Patrum stem-
mate, solà elegit CHRISTI pater-
nitate censerì.

Maçte hac virtute, COMITVM
PRISSIME, tanti Ducis insiste ve-
stigijs, certus, quòd, vt dici solet,
Bonus

Bonus Dux, bonum reddet Comitem. imò iam reddidit. Ab illo enim sunt, quæ in Te suspicimus, non vulgaria ornamenta. Ab illo singularis ea, quam dixi, in Deum pietas, in Regem fides, iuuandæ Reip. studium indefessum. Ab illo nota illa in rebus arduis prudentia, in dubiis consilium, in prosperis moderatio, in aduersis æquanimitas, & benigna in omnes comitas. Quæ sanè Catholici Regis permouerint Maiestatem, vt nouo Te, quem gratulamur, MARCHIONIS ornaret titulo; cui & ipse futurus sis ornamento. Quid dicam de Tuo in Dei Seruos amore, quos inter nostræ Congregationis homines ita complecteris, vt operam Tuam, cùm eâ

X

opus est, perhumaniter iis prolixéque impendas.

Hæc aliaque, quæ recensere promptum esset, lubens prætereo, quia

Fucati sermonis opem mens conscia laudis

Abnuit:—

& vna ac verissima hæc Tua laus, posse, nec velle laudari. In partem tamen gratitudinis CRUCEM hanc VIAMQUE accipe: hanc, vt teras; illam, vt feras; & vtriusque tandem præmium referas æternum. Affligenio, Nonis Ianuarij, anni M. DC. XXXV.

EXCELLENTIAE TVAE

obsequiis addictissimus.

F. BENEDICTVS HÆFTENVS.

GLORIOSISSIMÆ
VIRGINI
S. TERESIAE
A IESV

Carmelitarum Excalceat.

FVNDATRICI.



AS mihi sit, arden-
tissima CRVCIS
CHRISTI Amatrix,
Seraphica virgo TE-
RESIA, REGIAM
hanc CRVCIS VIAM sacris Tuis
substernere pedibus, & nomini
Tuo longè celeberrimo consecra-
re. Quamquam enim cælestis vr-
banitatis ignari, nimix id forsitan
adscri-

xij

adscribent audaciæ; ego tamen
vel hoc pacto perennem illum
Tuum erga CRVCEs afflictionesq;
amorem venerari mihi posse vi-
deor. Etenim *dilectus Tuus candi-*
dus & rubicundus, electus ex milli-
bus, vnam Te ex multis elegit mil-
libus, ad similitudinem suam vir-
ginitate candidam, patiendi desi-
derio rubicundam, cui diuitias &
delicias CRVCIS suæ luculentius
aperiret. Hinc vitæ Tuæ cursus a-
liud fuisse non videtur, quàm ad-
scensus purpureus, quo per CRV-
CES & dolores ad ferculi Salomo-
nis reclinatorium aureum pene-
trasti. Non modicum Tibi præbe-
bant CRVCEs solatium; poenæ &
tormenta Tibi videbantur orna-
menta: opprobria & conuitia vel-
ut

Cant. 5.
12.

ut suauissima quædam harmonia
 Tu is insonabant auribus. Parum
 Tibi erat , ô Magnanima He-
 roïna , tribulationes æquo animo
 tolerare, nisi etiam flagrantissimo
 eas desiderio à Deo flagitares, &
 crebrò Tibi esset in corde, crebrò
 in ore;

AVT PATI, AVT MORI: Teref. Vi-
tæ suæ c. 4.
 & quòd, vt ipsa litteris signa-
 sti, *afflictiones cum omnibus mundi* Teref. in
Concep.
diuin. a-
mor. c. 6.
thesauris non commutares. Vnde
 autem hæc vota ? vnde hæc af-
 flictionis æstimatio ? vnde hoc
 desiderium ? Ab Amore Tuo
 Crucifixo CRVCIS hunc amo-
 rem hausisti : impatiens hoc pa-
 tiendi desiderium ab eo procul-
 dubio processit, qui se patientiæ
 præceptorem fecit & exemplum.
 Nimi-

xiv

Nimirum totus Tibi fixus erat in corde, qui pro Te totus fixus fuerat in CRUCE.

Sed finem non habent amantium vota, nec mortali clauditur vitâ immortale desiderium. Manet iam cælo receptæ eadem Tibi, si non maior, patiendi voluntas. Et si quâ causâ, interminâ illâ carere velles beatitudine, hac solâ id velles, vt posses pati. Ergone cælestes animæ, si hæc in eas cadat affectio, mortalibus CRUCES inuideant? Auxisti, ô prudentissima Negotiatrice, auxisti hoc Tuo suffragio tribulationis & CRUCIS pretium: tantumque piorum mentibus calcar addidisti, nemo vt iam sit, qui vel longiorem, vel æquo grauiorem
que-

queratur, quam à Cælitibus ambizioso didicerit voto posse concupisci.

Tibi igitur, ô sacra Virgo, REGIAM hanc CRVCIS VIAM facro. Digna enim es, quæ post Agnum crucifixum, Ducemque nostrum, CRUCEM ferentium agmen deducas, *quæ CRVCIS diu portata vexilla circumfers*. Post Moysen præeuntem *in veteri Testamento virgo Hebraorum per mare duxit exercitum*. Felici Tu cum IESV contubernio, per sæculi huius pelagus CRUCE suâ iter pandente, piorum præibis exercitum; omnibus Apostolicum illud ingeminans: *Imitatores mei estote, sicut & ego CHRISTI*.

Sidon. l. 6.
Epist. 1.

Ambros.
Epist. 7. ad
Siricium
Papam.

1. Cor. 4.
16.

Neque verò nouum quid abs

Te

xvj

Te peto. Etenim cùm commu-
ni nobiscum hîc forte degeres,
CRVCIS trophæa passim erige-
bas. Iam tum, velut altera Ma-
chabæa, *Tu supra modum Ma-
ter mirabilis, & bonorum memoriâ
digna, lectissimam quam condi-
disti gentem hortabaris voce pa-
triâ fortiter, repleta sapientiâ, &
femineæ cogitationi masculinum
animum inserens, dicebas: * Hoc
SYMBOLVM & axioma vestrum
esse credite: QV AE PLVS PATI
POTEST, PLVRA DEI NOMI-
NE PATIATVR; hæcquæ omnium
erit beatissima. * Quicumq; au-
tem hoc patiendi in se desiderium
non sentiet, ille se veram Discal-
ceatam esse non existimet; cùm
non tam recreationis quam patiendi
mate-*

2. Macha.
7, 10.

* Teref.
Castell.
anim.
manf. 2.

* Lib. 2.
Fundat.
cap. 27.

materiam desiderare debeamus .
 Quod in CHRISTI Sponsis potissimum requirebas, insignis erga illum erat amor : sed huius mensuram CRUCEM esse voluisti, *certissimum arbitrata pro magnâ* Via perfect. c. 32.
aut parvâ in CRUCE ferendâ resolutione , amorem esse solere , iuxtaque eam debere commensurari .
 O voces prudentissimâ virgine, fortiq̃ue viragine dignas ! voces quæ tenerrimis etiam virgunculis CRUCIS amplexum seriò persuaserunt !

Patere igitur , ô gloriosa patientiæ Magistra, Te, post Agnum quem sequeris , REGIÆ huius V I Æ ductricem Doctrinamq̃ue nominari : instrue , quæso , errantes , iacentes erige , euntes dirige.

xviii

Pro hoc verò qualiquali scripto,
quod sanctissimo nomini Tuo
supplex veneransque inscribo,
CRVCIS & CRVCIFIXI amo-
rem tabulis cordis mei inscribe,
& Clientum Tuorum me, licet
indignum, numero adscribe.



A D

A D
PIVM LECTOREM
SEV
VIATOREM
PRÆFATIO.



AELESTEM, *exul homo*
 & peregrine, *inquiris pa-*
triam? REGIA huc CRV-
 CIS ducit VIA. *Quam, ne*
vagus forsitan & incertus
oberrares, diuinus Ductor Doctorque, qui
regnauit à ligno, suis olim calcavit pedibus,
inculcauit sermone, signauit Sanguine.
Hanc denuò tibi sub eius personâ proponi-
mus, & utcumque exponimus. Sequere,
Viator, praeuentis vestigia, & exhortantis
verba libenter excipe. Si quis, *inquit, vult* Luc. 9. 23.
post me venire, abneget semetipsum,
& tollat CRUCEM suam quotidie,
& sequatur me.

Sur. in Vi-
tâ, 29. De-
cembus.

Hoc Opusculi huius argumentum , hoc
Hodœporicon regni cœlestis , & iti-
nerarium est vitæ æternæ. Sententiam
hanc cum ex Euangelio sanctus legisset
Ebrulphus , attentiusque apud animum
suum, quàm vulgò solemus, considerasset;
non insuper habendam ratus est conditio-
nem, quam non homo Rex, sed Deus offer-
ret. Mox igitur aulæ Regis Galliæ, con-
iungi, liberis, opibus & clientelis Vale
vitimum dixit, Angeloque duce in solitudi-
nem sese abdidit, verus Crucifixi IESU
futurus discipulus. Hac ipsa verba cum
beato Siluestro (qui Monachorum Siluestri-
norum sub Regulâ sancti Patris Benedicti
deinde fundator fuit) aliquando occurrif-
sent, facile ei persuaserunt, ut relicto sæ-
culo eremum peteret, ubi vigilis, oratio-
nibus, ieiuniisque deditus, crudas tantùm
herbas in cibum sæpiùs adhibebat. Fuit
& vir quidam Religiosus in paucis; cuius
(ut Granatensis testatur) continuum stu-
dium, sententiam hanc diligenter expende-
re: adeò enim illi placebat, dicere ut sole-
ret,

Gran. in
Catechif.
maiore
lib. 3. c. 28.

ret, librum se conscripturum, cuius singulas paginas his CHRISTI insigniret verbis. Intelligebat scilicet, iis omnia contineri quæ ad salutem necessaria. Votum hoc viri verè pijs secuti, eadem Redemptoris nostri verba pro modulo nostro illustravimus; ipso illo fine, quo ab eo prolata.

Ipsam prout CHRISTVM cum Staurophilâ eiusque sororibus dialogismi formâ differentem introducimus. Hanc enim & Platonem, & Tullium, & ex S. S. Patribus Augustinum, Chrysostomum, Magnum Gregorium, aliosque adamasse constat: quin & ipse Spiritus sanctus amoris illud Epithalamium dramatico flore depinxit. Gratiore nempe solent esse colloquia, quàm perpetui libri. Condiementa namque ac pigmenta multa adhiberi queunt: continuatæ tractus uniformis orationis, haud rarò strigosus est; aut æqualitate, succedentiumque catenatâ sententiarum similitudine tædium parit sæpenuerò. Et hac causâ versiculi & imagines insertæ, ut horrorem, quem

Scaliger
Exercit.
108. in
Cardan.

xxij

CRUX & tribulatio adferre solent , aliquousque leniant , & Lectorem nonnihil oblectent.

Lucret.
lib.1. de
Rer. nat.
& iterum
lib.4.

—Veluti, inquit ille, pueris absynthia
tetra medentes

Cùm dare conantur , priùs oras pocula circum

Contingunt mellis dulci flauoque liquore.

Exempla sparsim miscuimus, vt Viatores nostri in hoc itinere comites , imò & duces habeant , quorum insistant vestigiis.

Seneca
Epist.6.

Semper enim homines amplius oculis quàm auribus credunt. Longum iter est per præcepta , breue & efficax per exempla. Nam ideò Deus Sanctos tribulari permittit , vt reliqui in grauias incidentes, sufficientem mitigationem & consolationem habeant, in eos respicientes. *Scripturæ sacra hæc vox est:*

Chrysostr.
Hom. 1.
ad Pop.
Antioch.

Tob.2,12.

Hanc tentationem ideò permisit Dominus euenire *Tobia*, vt posteris daretur exemplum patientiæ eius , sicut & sancti Iob.

Dicendi

*Dicendi porrò character hīc varius est, & esse etiam debuit. Cū enim inventio tota & ordo à nobis sint, verba tamen & sententias variè conquisiui-
mus, à Scripturâ in primis sacrâ, & Auctoribus priscis & recentibus. Nec verò nudas aut sparsas sententias dedi-
mus; ne diffluerent, & esset, quod di-
citur, arena sine calce: sed eas aut inter
se utcumque vinximus, aut interdum
velut cæmento quodam commisimus
nostrorum verborum. Ad summam,
ut Phrygiones è varij coloris filo v-
num aliquod aulæum formant: sic
nos è mille aliquot particulis vniforme
hoc & cohærens corpus. Quæ
autem CHRISTO hic tribuuntur, non ea
maioris censerī debent auctoritatis, quàm
fides mereatur eorum, quds ad marginalem
citamus oram.*

Lipf. Præ-
fat. ad
Polit.

Sueton.
Calig.

*Non me fugit, Auctores bonos, quā
veteres quā Neotericos, in hoc argumento
multa & bona scripsisse, & benè; hos
ego à longè subsequi conatus sum, non*

Gregor.
Nyssen.
Orat. ad-
uers. For-
nerat.

*assequi : nec alia scribere volui , sed aliter ,
nullo aliorum detrimento . Nam & one-
rariam nauem , quæque millenis mer-
cibus referta hinc inde impellitur , se-
quitur exigua quædam cymbula , idem
secans æquor ; virisque athletico more
& ritu depugnantibus , eadem lege
diglantur & pueri . Sed & vniuersè
vtile est , plures à pluribus fieri libros
diuerso stylo , non diuersâ fide , etiam
de quæstionibus eisdem ; vt ad pluri-
mos res ipsa perueniat , ad alios sic , ad
alios autem sic .*

Aug. lib. i.
De Trinit.
cap. 3.

*Ceterum ne quis fortè mihi illud obii-
ciat : Vbi est fortitudo tua , patientia
tua , & perfectio viarum tuarum ?
lubet humillimam vetusti Scriptoris in si-
mili causâ protestationem pro me adscri-
bere .*

Tertull.
lib. De
Patient.
cap. i.

Confiteor ad Dominum Deum , sa-
tis temerè me , si non etiam impu-
denter , de CRUCE & patientiâ com-
ponere ausum , cui præstandæ idoneus
omnino non sum , vt homo nullius bo-
ni :

ni : *vereor*que , ne dicta factis deficientibus erubescant. Atque utinam erubescere istud , remedium ferat , uti pudor non exhibendi , quod aliis suggestum imus , exhibendi fiat in athenis ! Itaque velut solatium erit , disputare super eo quod frui non datur , vice languentium , qui cum nunc vacent à sanitate , de bonis eius tacere non norunt. Ita miserrimus ego , semper æger caloribus impatientiæ , quam non obtineo patientiæ sanitatem , & suspirem , & inuocem , & perorem necesse est.



C E N S V R A.

VT mundi huius euadas labyrinthum, auream hanc è sacræ Scripturæ sanctorumque Patrum sententiis variegatam apprehende Catenam, quâ R. D. *Benedictus Hafrenus Affligensis Præpositus* fidelium pedes ceu Ariadnæo filo per REGIAM CRVCIS VIAM dirigit in vitam æternam. Publico proinde bono lucem adspiciet, vt eam viatoribus omnibus præferat. Ita censui hac XXIII. Februarij, anno M. DC. XXXIII.

*Henricus Calenus S. Tholog. Licent.
Archipresbyter Bruxellensis, Librorum Censor.*

SVMMA PRIVILEGII.

PHILIPPVS IV. Hispaniarum & Indiarum Rex Catholicus, ac Potentissimus Belgarum & Burgundionum Princeps, Diplomate suo sanxit, nequis *Regiam Viam CRVCIS, Auctoritate D. Benedicto Haesteno Ultraiectino, Reformati Monasterij Affligemensis Ordinis sancti Benedicti Præposito*, præter Balthasaris Moreti voluntatem vllō modo intra sexennium imprimat, aut alibi terrarum impressam in Inferioris Germaniæ ditiones importet, venalemve habeat. Qui secus faxit, confiscatione Librorum & aliâ graui pœna mulctabitur, vti latius patet in litteris datis Bruxellæ XI. Septembris anno M. DC. XXXIV.

Signat.

Steenhuysse.

I N-

INDEX
AUCTORVM
QVI
IN HIS LIBRIS CITANTVR.

A.



C T A S. Andreae.

Acta canonizationis S. Tereſiæ.

Acta canonizationis S. Xauerij.

Ambroſius.

Anſelmus.

Antiochus.

Antonius Balinghem.

Antonius Hemartius.

Archita Tarentinus.

Athanafius.

Auguſtinus.

B.

Baronius.

Baſilius Magnus.

Baſilius Seleucia Episcopus.

Beda.

Benedictus Abbas.

Bernardinus Senenſis.

Bernardus.

Biblia ſacra.

Birgitta.
 Boëtius.
 Bonaventura.
 Breuiarium Romanum.

C.

Carolus Scribanus.
 Chryfillus.
 Cicero.
 Clemens Alexandrinus.
 Clemens Romanus.
 Concilium Tridentinum.
 Cornelius à Lapide.
 Cyprianus.

D.

Daniel Mallonius.
 Didymus.
 Dionysius Areopagita.
 Dionysius Carthusianus.
 Dorotheus.

E.

Ealredus.
 Ephræm.
 Epictetus.
 Euripides.
 Euthymius.

F.

Faustus Rhegiensis.
 Franciscus Labata.
 Franciscus Ribera.

G.

Gertrudis Abbatissa.
 Gregorius Magnus.
 Gregorius Nazianzenus.
 Gregorius Nyssenus.

H.

Henricus Suso.
 Herodotus.
 Hieremias Drexelius.
 Hieronymus.
 Hieronymus Platus.
 Hilarius Arelatenfis.
 Hilarius Pictaviensis.
 Horatius.
 Hugo de S. Victore.

I.

Iacobus Corenus.
 Iacobus Saliatus.
 Idiota.
 Ignatius Martyr.
 Ioannes Auila.
 Ioannes Baptista Vilalpandus.
 Ioannes Brugmannus.
 Ioannes Cassianus.
 Ioannes Cedrenus.
 Ioannes Chrysostomus.
 Ioannes Climachus.
 Ioannes Damascenus.
 Ioannes Gerson.

Ioannes

Ioannes Lorinus.
 Ioannes Ruysbrochius.
 Ioannes Stobæus.
 Ioannes Taulerus.
 Isidorus Hispalensis.
 Isidorus Pelusiota.
 Iulius Scaliger.
 Iustinus Martyr.
 Iustus Lipsius.

L.

Lactantius.
 Laurentius Iustinianus.
 Laurentius Surius.
 Leo.
 Leonardus Lessius.
 Leontius.
 Lucanus.
 Lucas Pinellus.
 Lucretius.
 Ludolphus Carthusianus.
 Ludouicus Blosius.
 Ludouicus de Ponté.
 Ludouicus Granatenfis.

M.

Marcus Eremita.
 Martialis Episcopus.
 Matthæus Raderus.
 Maximus Taurinensis.
 Minutius Felix.

xxxij

Missale Romanum.

N.

Nicetas Choniates.

Nicetas Serronius.

Nilus Abbas.

O.

Origenes.

Ouidius.

P.

Paulinus.

Pelagius.

Petrus Blesensis.

Petrus Chrysologus.

Petrus Damiani.

Petrus Equilinus.

Philo Carpathius.

Philo Iudæus.

Pindarus.

Plinius Secundus.

Polybius.

Prosper.

Prudentius.

Publius Mimus.

R.

Richardus de Sancto Victore.

Ruffinus.

Rupertus.

S.

Saluianus.

Seneca

Seneca Philosophus.
 Seneca Tragicus.
 Sidonius Apollinaris.
 Silius Italicus.
 Sixtus Papa.
 Sophronius.
 Sozomenus.
 Stephanus Eduensis.
 Suetonius.

T.

Terentius.
 S. Tereſia.
 Tertullianus.
 Tibullus.
 Titus Liuius.
 Theophylactus.
 Thomas à Kempis.
 Thomas à Villâ nouâ.

V.

Valerianus Episcopus.
 Venantius Fortunatus.
 Vincentius Puccineus.
 Virgilius.
 Vitæ Patrum.

INDEX CAPITVM.

LIBER PRIMVS.

Præambula ad viam CRVCIS
ineundam.



APVT I. Ingressus in sermonem.	
Paginâ	I
CAP. II. Crux certa ad calum via: omnibus perambulanda.	7
CAP. III. Quid CRUX, & quotuplex.	15
CAP. IV. Quodcumque CRVCIS genus CHRISTVM tulisse.	25
CAP. V. Beatissima Virginis exemplo CRUX ferenda.	31
CAP. VI. Cur CRVCES necessariae.	39
CAP. VII. Cuiusque viribus CRVCEM à Deo contemperari.	49
CAP. VIII. Voluntatem omnino firmam ad CRVCIS baiulationem adferendam: signi- ficasse id CHRISTVM, cum dixit: Si quis vult venire post me.	54
CAP. IX. Voluptati studentes CRVCEM fugere.	63
CAP. X. Honoris cupidos CRVCEM spernere.	71.
	CAP. XI.

- CAP. XI. *Peccatoribus maiorem à damone
imponi CRVCEM.* 81
- CAP. XII. *Voluptuariis, auaris, ambitiosis,
& Aulicis suas non deesse CRVCES.* 88
- CAP. XIII. *Coniugatorum CRVCES.* 95
- CAP. XIV. *Abnegatio sui, optima ad CRV-
CEM ferendam preparatio.* 103
- CAP. XV. *Baiulandi CRVCEM CHRISTVS
se formam exhibuit.* 114

LIBER SECVNDVS.

De optimâ CRVCEM ferendi
methodo.

- CAP. I. *CRVX absque dilatione statim
tollenda.* 119
- CAP. II. *Sua cuiq; ferenda CRVX, nulla
eligenda.* 127
- CAP. III. *Non trahenda, sed ferenda CRVX;
spernenda quoque, quæ ob illam ingeruntur
opprobria.* 137
- CAP. IV. *Ostentatio in CRVCIS baiulatio-
ne vitanda.* 147
- CAP. V. *Non precedendum, sed CHRIS-
TVM cum CRVCE sequendum.* 155
- CAP. VI. *Exemplo CHRISTI CRVX
ritè ferenda.* 163
- *** 2 CAP. VII.

XXXVj

- CAP. VII. *Depulsio querelæ de nimia CRV-
CIS longitudine, aut pondere.* 169
- CAP. VIII. *CRVX ferenda quotidie,
abijcienda numquam.* 177
- CAP. IX. *In CRVCEM ferente, non ferenda
inanis gloria.* 187
- CAP. X. *Quâ intentione CRVX ferenda, &
primò ad satisfaciendum pro peccatis, & vi-
tandas inferni pœnas.* 195
- CAP. XI. *Spe mercedis CRVX toleran-
da.* 203
- CAP. XII. *CHRISTI amore CRVX
ferenda.* 211
- CAP. XIII. *In CRVCE orandum.* 219
- CAP. XIV. *Gaudendum in CRVCE.* 227
- CAP. XV. *In CRVCE, & pro ipsâ agenda
gratia.* 237
- CAP. XVI. *Potius in aduersitate quàm
prosperitate referendas gratias : non Deo
tantum, sed & CRVCEM inferenti.* 247
- CAP. XVII. *Vt in CRVCE gloriandũ.* 257
- CAP. XVIII. *VIA CRVCIS finis, car-
nis CRVCIFIXIO.* 265
- CAP. XIX. *Vt mundus crucifigendus.* 273
- CAP. XX. *Cum Crucifixo simul crucifigi
oportet.* 279.

LIBER TERTIVS.

De baiulata CRVCIS fructibus.

P RÆLOQVIVM.	290
CAP. I. CRVX <i>seruat à lapsu, vincis tentationes.</i>	295
CAP. II. CRVX <i>emendat, & emundat à peccatis.</i>	305
CAP. III. CRVX <i>oculos mentemque ape- rit.</i>	313
CAP. IV. CRVX <i>anchora spei, tessera sa- lutis.</i>	321
CAP. V. <i>Ex CRVCE vinum spirituale.</i>	327
CAP. VI. <i>CRVCE homo fit templū Dei.</i>	333
CAP. VII. <i>CRVCI decreta corona.</i>	343
CAP. VIII. <i>Maiórne CRVCI & passio- nibus, quàm actionibus corona respōdeat.</i>	350
CAP. IX. <i>CRVX CHRISTO unit, & conformat.</i>	359
CAP. X. <i>Præsidio CRVCIS mare seculi transfretandum.</i>	369
CAP. XI. <i>Veiculo CRVCIS caelestem adiri Ierusalem.</i>	379
CAP. XII. <i>CRVX scala, quā ascenditur in domum Dei.</i>	389
CAP. XIII. <i>CRVX regni calorum pandit portas.</i>	397.

ARGVMENTVM

LIBRI PRIMI.

Vitam quæ faciant beatiorem,
Sophis questio ventilata priscis:
 Hic enim titulos, honoris umbras,
 Ille diuitias pecuniasque,
 Iste delicias, iocosque salfos,
 Et quid non ? animi beatitatem
 Dixit, ut sua cuique suggererat
 Seductrix facilis libido mentis.

Erratis sed enim perita turba,
Erratis malè, quotquot estis, omnes.
Et tu, qui hendecasyllabis notasti
Vitam quæ faciant beatiorem,
Jucundissime Martialis, erras.
Non tu, non alij, expedire nobis
Hanc vnam potuere veritatem.

Vna sed pote veritas IESVS,
Doct̃or optimus, optimusque Duct̃or,
 Et **VITAE VIA** vera sempiternæ.
Hunc ergo, hunc adeamus, hunc sequamur,
Hunc quotquot sumus audiamus vnum.
 Vitam

Vitam quæ faciat beatiorem

CHRISTO Iudice, *Christiane*, CRVX est: II.

Dura CRVX, *gravis, aspera, & molesta*, III.

Tristis, difficilis, labore plena;

Certâ sed ratione, lege certâ, VII.

Certo pondere, lancibusque certis

Omnium moduloque, viribusque

Summo à Numine temperata amore.

Quid CRVCEM refugis *superbe vilem?* X.

Duram quid refugis *voluptuose?* IX.

Frustrâ, ne dubitetis, estis ambo.

Non patet fuga, nec tibi, nec illi.

Iter nam CRVCIS omnibus terendum, VI.

Pondus est CRVCIS omnibus ferendum.

Nec CRVCIS fuit ipse CHRISTVS IV.

expers,

CHRISTI nec Genitrix, nec hi, *superna* V.

Quos nunc indigetes recepit Aula.

Ergo quâ ratione, quove iure

Vobis eximiis licebit esse?

Omni, credite, destinata ab ævo

Cunctis stat sua CRVX, manetq; cunctos;

Nec quisquam potis est, licet repugnet,

Declinare. Iugum fugisne CHRISTI?

Te

- XI. XII. *Te CHRISTI, CRVCIS, & salutis hostis*
 XIII. *Confestim grauiore degrauiabit.*
 XIV. *An lubet magis abnegare temet,*
Et pedes Domini sequi libenter?
Iam iugum CRVCIS esse denegabis
Asperum, graue, triste, permolestum:
 XV. *Nam CHRISTO duce, gratiâ iuuante,*
Senties leue pondus & suauē;
Mortem quod faciat quietiorem,
Vitam quod tribuat beatiorem.



s hostis

bis

nante,

1

REGIÆ VIAE CRVCIS

LIBER PRIMVS.

*Praambula ad viam CRVCIS
ineundam.*

CAPVT PRIMVM.

Ingressus in sermonem.



ACRYMARVM illa spatiosa
vallis, quæ specioso Cosmopo-
litani Regni exornatur titulo,
vetus Adamidum sedes & ha-
bitatio fuit. In hac, Deo pater-
num vlciscente scelus, destinati priùs quàm
nati, ærurnosam hactenus vitam trahunt.
Postquam enim à diuinis legibus primus ille
generis huius parens sponte recessit, patriam
& dulce hospitium, in exilium; paradysum
voluptatis, in terram desertam, absynthio &
felle repletam, commutauit. Miseranda pro-
fectò, & omnium sæculorum luctu deplo-
randa

RE-

A

randa

randa catastrophæ, quæ amœnissimum ver in hiemem, Zephyros in Aquilonem, rosas in spinas, lilia in zizania, serenitatem in procellam, libertatem in captiuitatem, ianuas cæli in portas conuertit inferorum. Hinc scilicet illæ lacrymæ, quibus omnium maxillæ & ora madent, quasi non pomum, sed allium Adamus olim momordisset.

Sed posterì primæuam illam, à quâ exciderant, felicitatem memoriâ idemtidem repetentes, vehementissimo studio illius, quâ liceret, refarcire iacturam conati sunt. Magnâ enim animi consensione, magnisq; impendijs ædificauerunt sibi ciuitatem illam, quam vocauerunt THARSIS, quasi dicas, * GAVDII EXPLORATIONEM. Quidquid enim hîc moliuntur, quidquid ardentissimo desideriorum impetu ambiunt, eò ferè spectat, vt fugitiuam postliminio reuocent voluptatem, & umbrâ saltem amissorum bonorum suam quoquomodo solentur miseriam.

Ciuis hîc fuit PHILETES nomine, stirpe nobilis, & à fortunis copiosus: ternas ei vxor, iam pridem vitâ functa, reliquerat filias; quarum senior, quæ formæ venustate, animiq; solertiâ, ceteras facîle anteibat, STAVROPHILA dicebatur, quòd festo CRVCIS lucem hanc primùm aspexisset. Quæ huic ætate erat proxima, HILARIA;

tertia

*Ita exponit Hieron. in cap. 23. Isaia.

tertia natu minima, HONORIA à parentibus appellata est. Conueniebant rebus nomina : hæc enim honores , & magna nomina , illa voluptates mundi quæ delicias audissimè conlectabatur. Non rarò autem tres hæ sorores laxandi animi gratiâ rus adibant paternum, atque ibi vno alteròve die moram trahabant. Verum iam appulerat tempus, quo incipit

*Cælum nitescere, arbores frondescere,
Vites latifica pampinis pubescere,
Rami baccarum vbertate incurvescere,
Segetes largiri fruges, florere omnia,
Fontes scatere, herbis prata conuestirier.*

Cicero 1.
Tusc.

Auia cùm resonant aubus virgulta canoris, Virg. 2.
Parturit almus ager, zephyriq; tepetibus auris Georg.

Laxant arua sinus.

Temporis huius amœnitas, eique accedens inuentæ CRVCIS festum, virgines has in villam velut inuitabat. Copiam benignior facit pater. Ecce autem in ipso itinere Staurophilam inceslit cupido visendi sacellum in proximâ siluâ salutiferæ CRVCIS sacrum. Hortari igitur germanas occœpit, religionis causâ comitari ne negligent. Illæ contrâ niti, & importunam dicere hanc pietatem; eundem potiùs, quò patris destinarentur voluntate. Staurophila tam nominis quàm solemnitatis memor, multis illas in suam per-

4 REGIÆ VIÆ CRVCIS

trahere nitebatur sententiam : minari etiam se patri delaturam , quòd in re pià , nec admodum difficili , tam præfractæ seniori restitissent. Verùm frustra omnino fuit. Cœptum illæ vrgebant iter , & hoc illi dumtaxat permittebant , vt si ire prorsus decreuisset , sola , quòd animus & deuotio ferebant , abiret : non ingratam eius fore absentiam , quæ pro recreatione intempestiuam hanc ingereret pietatem.

Recessit igitur mœrens ; & , In prandio , vel circa , inqueiebat , vobis adero. Viarum autem non admodum gnara , dum densiorem ingreditur siluam , sacram ædem incauta pertransiit , quoque magis ad illam volebat accedere , eò recedebat longius. Varias itaque oberrans semitas , atque ex vnâ dilapsa in aliam , plures consumpsit horas. Sorores , longioris moræ , quàm precibus credebant impendi , pertæsx , cibum iam sumpserant. Interim huc illuc incerta vagabatur Staurophila , nec qui se anfractibus istis extricaret , videbat. Ingrauescentes paulatim tenebræ alteram mœrori adijciebant causam. In lacrymas proinde soluta , Næ , inquit , infelix ego puella , quæ , dum CRVCEM veneratura accedo , magnam mihi ipsa inueni CRUCEM ! & quis tandem me his bonus Angelus educet locis ? domus apparet nulla , & quò deinceps

LIBER PRIMVS.

5

ceps pergam ignoro. Hic si mansero, belluis
 fortè præda fiam, & , vt illæ absint , incom-
 mode saltem quiescam , probeque complu-
 ta. Ad cumulum enim malorum & hoc ac-
 cedebat, quòd

—— aethere toto

Turbidus imber aquâ , densisq; nigerrimus

Virg. 96

Aen.

Austris

prorueret. Quid ageret ? Necessitati ceden-
 dum fuit. Patulæ ergo sub tegmine fagi, fa-
 me & mœrore confecta confedit : seque, vt
 potuit, ad qualemcumque composuit quie-
 tem. Animi mœror, & contracta defatiga-
 tio non difficulter ei somnum conciliarunt.
 Breuis tamen is fuit, quem & anxia formi-
 do, & loci horror, idemtidem interrompe-
 bant. Varia igitur animo versans, hæc quo-
 que (diuino vt creditur instinctu) iniecta ei
 cogitatio. Vt ipsa iam à sacello aberrans, per
 varios anfractus huc illuc discurrendo dis-
 cessisset longius, ita animas minimè pocas,
 dum à rectâ salutis deflectunt semitâ, mundi
 hunc peruagari labyrinthum, in plurimos
 sese induere errores, à cælesti denique patriâ
 æternum excludi.

Voluebat hæc animo attentissimo, & eli-
 quabatur sensim eorumdem veritas in corde
 eius. Quare de se iam magis quàm de exitu
 siluæ sollicita, vnum id suspirabat, id vnum

A 3

age-

6 REGIÆ VIÆ CRVCIS

agebat, vt VIAM inueniret VITÆ. Conuerſa proinde ad Dominum, altumque ingemiſcens, in hæc prorupit verba:

Dominator vitæ meæ, Deus meus, en ego ancilla tua, tot iam annis vitam hanc duxi; & quis ſcit, an benè? in communi hoc ſtadio, quod mortales omnes decurrimus, plurimos iam paſſus feci; at ignoro an ad ſalutem, an ad perditionem. Quid enim, ſi pro
 Prou. 16, viâ veritatis, viam elegerim vanitatis? *Eſt*
 25. *namque VIA quæ videtur homini recta, & no-*
 Pſal. 118, *uiſſima eius ducunt ad mortem. Erraui for-*
 176. *taſſis ſicut ouis quæ perijt, vadens non quod*
 eundum, ſed quod paſſim itur vel erratur. Et
 Ier. 10, 23. *nunc ſcio Domine, quia non eſt hominis via*
 Prou. 20, *eius: nec viri eſt vt ambulet, & dirigat gref-*
 24. *ſus ſuos. ſed, vt Sapiens ait, à Domino di-*
 Pſal. 138, *riguntur grefſus viri. Quare vide, quaſo, ſi*
 24. *via iniquitatis in me eſt, & deduc me in VIA*
 * Pſal. 142, *ÆTERNA. * Notam fac mihi, Domine, VIAM,*
 8. *in quâ ambulem, quia ad te leuaui animam*
meam.

Hæc, & plura his ſimilia, amariffimè lacrymans, dicebat, & turbida parturitione melioris vitæ, exuebatur mundo mens eius, & flagrantibus votis affigebatur cælo.

CAPVT II.

CRVX certa ad cælum *via*: omnibus
perambulanda.

Hæc est *via*, ambulate in eâ. *Isaia* 30, 21.

Ardua floriferæ CRVX cingitur orbe coronæ: *Paulin.*
Hanc, age, si volup' est tollere, tolle CRUCEM. *Epist. 12.*



ON poterat tam calidas preces
non exaudire is, qui *prope est* *Psal. 144,*
omnibus inuocantibus eum in *18.*
veritate; & his præsertim, qui *Psal. 33,*
tribulato sunt corde. *Volens* *19.*

proinde consolari ancillam suam, pulcherri-
mâ iuuenis specie, multoque lumine coru-
scans, se illi visendum præbuit. Tam inopina-
tus formosissimi adolescentis aspectus pænè
stuporem Staurophilæ attulit, & vocem
prorsus interclusit. Sed benignissimus IESVS
blandè eam sic compellauit: Noli expau-
scere filia, ego sum æterna Sapiencia, *initium* *Prou. 8, 22.*
viarum Domini. * Ego sum VIA, *veritas,* & * *Ioan. 14,*
vita. Et ad hoc nunc veni, vt desiderio tuo
faciam satis. Complacuit enim deprecatio
tua, quæ ardenti emissâ corde, velut virgula
fumi ascendit ante conspectum meum. Me-
lius sanè optare nihil poteras: *Hæc enim di-* *Ier. 6, 16.*

8 REGIÆ VIÆ CRVCIS

Hæc est via, ambulate in ea. Isa. 30.21



Ardua florifera CRUX cingitur orbe coronæ:
Hanc, age, si volup est tollere, tolle CRUCEM

cit Dominus: State super VIAS, & videte, & interrogate de semitis antiquis, quâ sit VIA BONA, & ambulate in eâ: & inuenietis refrigerium animabus vestris. Propterea & ego nunc ad vocem orationis tuæ inclinaui cælos, & descendi, vt docerem te VIAM SALVTIS quam exquirat anima tua.

Latabatur admodum hæc audiens Staurophila, atque admirans dicebat: Domine, quid est homo quod memor es eius? Et vnde hoc mihi, vt veniat Dominus meus ad me? Quod ad te accesserim, inquiebat Christus, non tua dignitas, sed mea fuit dignatio. Nam *delicia meæ esse cum filiis hominum.* Ad Prou. 8, 31 hæc Staurophila: Gratia tibi, benignissime IESV, quia respexisti humilitatem ancillæ tuæ, nec despexisti orationem pauperis. Sed, obsecro, fiat mihi nunc secundum verbum tuum, & doce ancillam tuam VIAM VERITATIS, & semitas iustitiæ.

Audi igitur filia, inquiebat Christus, & inclina aurem tuam, vt intelligas verba vitæ æternæ. Postquam omnis caro corruerat viam suam, & à tramite iustitiæ deflexerat, descendi ego de cælo vt *initiare* vobis Heb. 10, 10. VIAM NOVAM, & *viuentem per velamen, id est, carnem meam.* Sicuti enim caro viam cæli clauferat, & velut obstaculum sese opposuerat: ita per velamen carnis meæ, quâ ego

Ita exponit
Anselm. in
cap. 10.
ad Hebr.

propter vos homines, & propter vestram salutem obuelatus fui, NOVAM vobis VIAM dedicaui; quam ipse omnium primus intraui, ipse primus perambulauit, & fidelibus potestatem ambulandi per eam tribui.

Sed, inquiebat Staurophila, haud facile assequor quænam hæc noua viuensque VIA, quæ & intrantes viuere faciat, & perducatur ad vitam æternam. Via hæc, inquiebat Christus, vt verbo dicam, non est alia quàm VIA CRVCIS. An non audisti in Euangelio: *Qui non accipit CRVCEM suam, & sequitur me, non est me dignus?* Quam sententiam idcirco sæpius inculcaui, vt neminem omnino lateret, nemo se de ignorantia excusaret. Quare ne solis Apostolis aut Discipulis meis dictum videretur, putauit Euangelista clarè exprimendum, me omnes allocutum. ita enim habet:

Luc. 9, 23. *Dicebat autem ad omnes: Si quis vult post me venire, abneget semetipsum, & tollat CRVCEM suam quotidie, & sequatur me.* Idipsum autem Marcus euidentiùs declarauit: postquam enim narrasset sermonem quem cum Discipulis de passione meâ habueram, subiicit: *Et conuocatâ turbâ cum discipulis suis, dixit eis: Si quis vult me sequi, denegat semetipsum, & tollat CRVCEM suam, & sequatur me.* Omnibus ergo, Staurophila, omnibus omnino hanc VIAM proposui. *Hæc est enim via*

Bern. Ser. 1
in die Palmar.

*via vite, via gloriæ, via ciuitatis habitaculi, via regni. * Non est salus animæ, nec spes æterna vita, nisi in CRUCE. Non est alia via ad vitam, & ad veram internam pacem, nisi VIA SANCTÆ CRVCIS. Ambula ubi vis, quære quodcumque volueris, & non inuenies altiorem VIAM supra, nec securiorem VIAM infra, nisi VIAM SANCTÆ CRVCIS. In CRUCE salus, in CRUCE vita, in CRUCE protectio ab hostibus; in CRUCE infusio superne suauitatis, in CRUCE robur mentis, in CRUCE gaudium spiritus, in CRUCE summa virtutis, in CRUCE perfectio sanctitatis.*

*Thomas
à Kemp.
lib. 2. de
Imit. Chri-
sti cap. 12.

Horrore quodam ad hunc sermonem percellebatur Staurophila, admirans nihil aliud quàm CRUCEM sibi denuntiari. Et durus, inquit, mi Domine, hic sermo, qui animum meum non leuiter discruciat. Nam & ipsum CRVCIS vocabulum pœna est. * Asperum enim est cùm dicimus, CRUX: & ipsius verbi asperitas, cum doloris, quem CRUX efficit, asperitate concordat. Ideoque contremui ad verba labiorum tuorum. Quid hoc? respondebat Christus, adeone ad solam CRVCIS mentionem expauiisti? nimium delicata es, filia, cui solum CRVCIS nomen incutiat terrorem. Et vide num palàm in nomen tuum pecces, Staurophila, quod non dubites CRVCIS significare amatricem. An ignoras, in hac la-

cry-

Chrysost.
Hom. de
Cruce &
Latrone.
*August.
lib. de Prin-
cip. Dia-
lect.

crymarum valle non esse gaudij & deliciarum tempus, sed laboris & afflictionis? Quis vnquam virtutis VIAM absque tribulatione & difficultate depinxit? An non ille cecinit:

Virgil.de
LitterâPi-
thag.

*Nam via virtutis dextrū petit ardua callem,
Difficilemq; aditum primum spectantibus of-
fert?*

Et alius:

Silius Ital.
lib. 15. de
Bello Pun.

*Ardua saxoso perducit semita cliuo,
Aspera principio (nec enim mihi fallere mos
est)*

*Prosequitur labor; adnitendum intrare vo-
lenti.*

Sed mittamus nunc hæc sæcularia. Tu sanè
Joel 2, 23. non ignoras me datum à Deo Doctorem iu-
stitiæ, & magistrum veritatis, quem cælestis
Pater in monte Thabor hoc elogio decora-
uit: *Hic est Filius meus dilectus, in quo mihi*
Matt. 17, 5. *benè complacui; ipsum audite. Vos quoque*
Ioan. 13. *benè complacui; ipsum audite. Vos quoque*
13. *vocatis me, Magister & Domine, & benè dici-*
Coloss. 2, 3 *tis: sum etenim. Nam in me reconditi sunt*
omnes thesauri sapientiæ & scientiæ Dei. Iam
verò in scholâ huius mundi, quid aliud do-
cui quàm VIAM CRVCIS? An non apertè
Luc. 14, 27 *dixi: Qui non baiulat CRVCEM suam, & ve-*
nit post me, non potest meus esse discipulus?

IE SV præceptor bone, inquiebat Stauro-
phila, ignosce rudi etiamnum in scholâ tuâ
discipulæ: pænè oblita eram decantatæ toties
lectio-

lectionis. Non audiuisse, referebat Christus, sufficit; sed retinere audita, & in opus conferre oportet. Totum hoc vitæ spatium, à Deo tibi concessum, tempus studij est, quo doctrina CRVCIS ediscenda. A morte tempus est examinis: tum ego Magister & Iudex à singulis repetam præscriptam lectionem. Qui VIAM CRVCIS ignorauerit, rejicietur tamquam me indignus, nec scholæ meæ discipulus. Hoc enim signum CRVCIS erit in cælo cùm ad iudicandum venero.

*Hoc signum oues ab hædis in extremo examine segregabit. Hunc in electis characterem ego Iudex recognoscam, & propria mortis decoratos stigmatæ, mox ad æternæ vitæ præmia gratus remunerator inuitabo, dicens: Venite benedicti Patris mei, percipite regnum. * Tunc omnes serui CRVCIS, qui se mihi crucifixo conformauerunt in vitâ, accedent ad me Iudicem cum magnâ fiduciâ. Qui enim modò libenter audiunt & sequuntur verbum CRVCIS, tunc non timebunt ab auditione æternæ damnationis. Tu itaque si discipula meâ es, angustam & asperam incede viam, nec agrè feras, nec indigneris. Non enim potest citra CRVCEM, non potest citra tristitiam præsens vita transmitti. Noli igitur, mea Staurophila, subito pavore perterrita refugere VIAM SALVTIS, quæ non est nisi angusto initio incipienda. Processu*

verò

Pet. Damiani
Serm. 18.
de Inuent.
Crucis.
Matt. 25.
34.
* Thom. 2.
Kemp. 1. 2.
de Imitat.
Christi
cap. 12.

Chryso.
Hom 66.
Tom. 5.
S. Bened. in
Prologo
Reg.

*verò conuersationis & fidei, dilatato corde, in-
enarrabili dilectionis dulcedine curritur via
mandatorum Dei.* His verbis perstricta Stau-
rophila, Propter verba, inquiebat, labiorum
tuorum, Domine, deinceps custodiam vias
duras; fiducialiter ingrediar angustam CRV-
CIS VIAM; tu tantum sis Adiutor & Prote-
ctor meus Domine. Confide filia, aiebat
Christus; non ego te deseram, neque dere-
linquam, qui sic insto præcepto, vt præcur-
ram exemplo. Non enim iuberem venire
post me, aut sequi me, nisi ipse præcederem,
& tecum forem in omni angustia, & tribu-
latione cordis.



CAPVT III.

Quid CRVX, & quotuplex.

Multæ tribulationes iustorum. *Pf.* 33, 20.

Non lignum, signumve, CRVCIS modò nomine dignum,

Ast animum quidquid discruciare potest.



COVIESCEBAT Staurophila sermoni quem dixerat IESVS: sed porrò etiam instrui volens, Quia cœpi, inquiebat, loquar ad Dominum meum, cùm sim

cinis & pulvis. Dic, obsecro, ancillæ tuæ:

Quid vult sibi hoc verbum, Tollat CRVCEM suam? An ut lignum vnusquisque nostrum ferat? aut cum Christo crucifigatur in ligno?

Quasi vna de stultis mulieribus, inquiebat Christus, locuta es, non intelligens Scriptu-

ras. Nec enim CRVX Christiana solum li-

gni est patibulum, sed vita virtutisq; propo-

situm. Tota vita Christiani hominis, si secun-

dùm Euangelium viuat, CRVX est atque mar-

tyrium. Fuerunt autem, Staurophila, similes

tui districtissimi quidam monachorum, habentes quidem zelum Dei, sed non secundum scien-

tiam; qui simpliciter intelligentes illud, *Qui*

non

Chrysof.

Hom. 1.

De adorat.

Crucis

Tom. 1. in

fine.

Iob. 2, 10.

August.

Serm. 3 2.

de Sanct.

Cassian.

Collat. 8.

cap. 3.

Multæ tribulationes iustorum. Ps. 33, 20.



Non lignū, signūmvē, CRVCIS modò nomine dignū,
 Ast animum quidquid discruciare potest.

non accipit CRUCEM suam, & sequitur me, non est me dignus, fecerunt sibi CRUCES ligneas, easq; iugiter humeris circumferentes, non edificationem, sed risum cunctis videntibus intulerunt. Hos Serenus Abbas reprehendit, tamquam qui sequerentur occidentem litteram, non viuificantem spiritum. CRUX enim, quam baiulare iubeo, non illa tantum August. citato Serm. 32. de Sanct. dicitur, quæ passionis tempore ligni affixione constructa est; sed illa etiam, quæ totius vitæ curriculo, cunctarum disciplinarum virtutibus captatur. Numquid enim omnes Martyres, qui secuti sunt me, crucifixi sunt? Numquid omnes Virgines, quæ, iuxta Apocalypsin, sequuntur Agnum Dei, crucifixæ sunt, ut sequantur? Numquid Apostolus Paulus crucifixus fuerat, cum dicebat: Mihi autem absit gloriari, nisi Gal. 6, 14. in CRUCE Domini nostri Iesu Christi, per quæ mihi mundus crucifixus est, & ego mundo? *Leo Ser. 20. de Resurrect. Susceptio ergo CRUCIS aliud nihil est, quàm interfectio cupiditatum, occisio vitiorum, declinatio vanitatis, & abdicatio omnis erroris.

Video, inquit Staurophila, veritatis luce abstersum meum errorem. Sed enim (pace tuâ liceat hoc quærere) nihilne meriti, qui ex simplicitate ligneam circumferebant CRUCEM, acquisierunt? Quid ni? inquebat Christus, si tam piè simplices fuerint, ut hoc ex præscripto meo faciendum putauerint.

B

Si

Matth. 6,
22.

Ex Radero
part. 2. Vi-
ridarij SS.
cap. 5.
& Petro
Equil. in
Catal. SS.
lib. 5. c. 78.
Vide Ba-
ron. anno
Chr. 1094.
in fine.

Si enim oculus tuus fuerit simplex, totum corpus tuum lucidum erit. Si bona intentio, totum corpus actionum, quod ex illâ procedit, non nisi bonum erit. An non legisti, fuisse aliquando Nicolaum quemdam peregrinum Staurophorum, qui rebus mortalibus spretis, Deo se initiauerat in religioso S. Lucæ monasterio. Hic, iactis veræ pietatis fundamentis, cum illam vocem sæpius audisset, quâ me secuturi iubentur CRVCEM tollere, ratus se præcepto non satisfacturum, nisi fabricatam è robore molem CRVCIS in humeros iniiceret; relicto suorum cœtu, peregrinationem sublatâ CRVCE suscepit, venitque Hydruntum, inde Tarentum ac Tyrheniam, ibique vectans humeris solitam CRVCIS trabem, coëgit puerorum cœtum, obijtque sacra urbis templa, assiduò solemne sibi ΚΥΡΕΙ ΕΛΕΗΣΟΝ clamitans, globumque puerorum ad easdem voces iterandas inuitans. Fuit hæc illius simplicitas, aliis irrita pro infantiâ, aliis pro summâ pietate culta. Delata tandem res ad Episcopum, qui obiurganti similis, querit cur urbem tantis clamoribus impleat, quid id sibi velit. Domini, inquit ille, præcepto obsequor, uti eius exemplum sequar, & CRVCEM non animo tantum, sed corpore etiam & humeris, ut ipse tulit, circumferam. Quod si tibi molestum est, & me

me exequi mea vota prohibes, alias vires oppidaque petam. Sensit interim cautus Præsul hominem minimè malum; imò sanctum arbitrat, Ego verò, inquit, nihil impedio quò minùs cœptum viuendi genus prosequare. Accedas etiam ad meam quotidie licet mensam, vt commodiùs pietatis studiis vacare possis. Grata fuit hæc Nicolao pij Pontificis clementia, sed intra paucos dies febriens, citato comitatu suo, pueris inquam frequentibus, CRUCEM suam velut amplissimum patrimonium quasi testamento tradidit, omnibusque benè precatus, ad cælestem Imperatorem profectus est. Quàm verò mors eius fuerit pretiosa in conspectu Domini, crebra per eum beneficia mortalibus impetrata docuerunt. Hoc habuit bonus ille, de bonâ intentione præmium. Sed, vt dicere cœperam, dum CRUCEM ferre iubeo, non lignum, sed quidquid molestum est tolerare præcipio. CRUX enim à *cruciatu* Bernard.
dicitur, aut certè cruciatus à CRUCE. Tollere Serm. in
ergo CRUCEM, est ferre quidquid molestum Vigilia
est, ac cruciat. Tollere CRUCEM, est tolera- S. Andræ.
re in mundo pro nomine meo, quidquid intulerit mundus. *Siquidem & animi ad mortem pro me subeundam alacritas, & membrorum quæ sunt super terram mortificatio, & illud quòd quis libenter se cuius impendenti pe-*

Basil. in
Reg. fus.
Interrog. 6.

*August.
Serm. 47.
de Diuers.

riculo offerre pro meo nomine paratus sit, & nullâ de rebus vitæ huius affectione tangatur, hoc nimirum est tollere CRVCEM suam. Sive ergo minas, sive blandimenta, sive quasilibet prohibitiones, si sequi vis, in CRVCEM verte; tolera, porta, noli succumbere.*

Tacebat Staurophila, conferens in corde suo verba sapientissimi Magistri; cum Dominus rursus, Et vis, inquebat, ô filia, plenius cognoscere, quam non vnica CRVX sit quam tollere iubeo? age semitam hanc, quæ ad dexteram est, mecum perambula, & ostendam tibi totum Staurophylacium Patris mei, capacem, inquam, CRVCIVM OFFICINAM, quas electis distribuit prout vult. Sequebatur illa promptissimè, & gestiebat CRVCIVM genera suis distributa classibus cernere. Ibant ergo pariter, cum ventum tandem ad montem duplici colle distinctum, vndique CRVCIBVS, ceu proceris arboribus, conlitum. Et Ecce, inquebat Christus, hæc illa CRVCIVM supellex, in salutem humani generis destinata. Viden' supremum illum collem, vsitatis & propriè dictis CRVCIBVS exornatum? Et agnoscis, credo, primo loco meam illam CRVCEM, spineâ coronâ redimitam, lanceâ & spongiâ hinc inde cinctam. Principem enim locum obtinere debuit arbor illa nobilis, supra omnia li-
gna

gna cedrorum excelsior, in quâ ego, vita mundi, pependi, & mortem superavi. Agnosco, inquiebat Staurophila, instrumentum salutis publicæ, *trophæum contra potentiam diaboli, & principium condemnationis eius.* Sed dic, quæso, quænam altera illa CRVX, tuæ non admodum dissimilis, nisi quod inuersa? Hæc, inquiebat Christus, Apostoli mei Petri est, qui & ipse CRVCIS LIGNVM degustauit, sed *ad instar magistri in recto schemate crucifigi recusauit, rogans ut inuersis vestigijs figeretur, tamquam in celum viam à terrâ faciens.* Exspecto, inquiebat Staurophila, quæ reliquæ CRVCIVM species. Quid opus? inquiebat Christus. an non cernis decussatam illam? Hanc *Andreanam vulgò dicitis, validâ & satis veteri famâ, diuum istum in eâ cruciatum.* Iam hinc veterum furcam, inde Iaponum CRVCEM spectas: reliqua nota hodieque apud vos patibula.

Sed enim, inquiebat Staurophila, auct animus inferioris ordinis CRVCEs cognoscere: video enim varia illis adiungi symbola, quæ sine dubio mysteriis focta sint. Illæ etiam, aiebat Christus, referunt varia cruciatuum genera, quibus aut corpus, aut animus hominis, aut vtrumque torquetur. Et quidem CRVX illa, cui cor gladio transfixum hæret, interiorem CRVCEM significat, quæ mentem

S. Ignar.
Epist. ad
Philipp.

Chrysost.
Orat. in
Pet. &
Paul.

Vide Lips.
lib. 1. de
Cruce. 7.

- validè excruciat. Hæc CRVX beatissimæ
 Luc. 2, 35. Matris meæ, cuius animam (vt Simeon præ-
 dixerat) pertransiuit gladius. Hæc & Apo-
 Rom. 9, 2. stolus ille affligebatur, qui dicebat: *Tristitia*
mihimagna est, & continuus dolor cordi meo.
 Gregor. Hæc compassionis CRVX dici potest. *Qui*
 Hom. 37. *enim dolorem exhibet in alienâ necessitate,*
 in Euang. CRVCEM portat in mente. Ad hanc CRV-
 CEM sollicitudines, curæ, ægrimonix, mœro-
 res, angores, scrupulorum aculei, animi de-
 iectio, desolatio spiritualis, tædia, aliaque his
 similia sine dubio pertinent. Grauis hæc pla-
 nè afflictio, vt testabatur ille qui clamabat:
 Pl. 87, 2. 4. *Domine Deus salutis mea, in die clamaui, &*
nocte coram te: quia repleta est malis anima
mea, & vita mea inferno appropinquauit. Ita
 est, inquiebat Staurophila, supremum enim
 malorum arbitratur animus, qui offensum
 sibi suspicatur misericordiarum Patrem, &
 Deum totius consolationis.

Sed pergat, quæso, Dominus meus alias ex
 ordine CRVCES explicare. Subiunxit ergo
 Dominus: Illa, quam vides gladiis, fustibus,
 catenis, laqueis, compedibus, virgis & flagel-
 lis decoratam, varia Martyrum meorum
 supplicia designat. Quanta enim passi sunt
 tormenta, vt securi peruenirent ad palmam
 martyrij! nam *ludibria & verbera experti,*
insuper & vincula & carceres; lapidati sunt,
secti

fecti sunt, tentati sunt, in occisione gladij mortui sunt: & quid non pertulerunt in mundo, quibus dignus non erat mundus?

Morborum CRUCEM non difficulter agnoscis, quæ non utilis modò, sed subinde etiam necessaria. Israëlità fani obliuiscébantur Dei; at ubi *multiplicate sunt infirmitates eorù, postea accelerauerunt.* Psal. 115, 4. Et cum Deus ** Ps. 77, 34.* occideret eos, reuertebantur, & diluculò *veniebant ad eum.* Quàm multis infirmitas corporis mentis præstitit sobrietatem! In Eccli. 31, 2.

Infirmitas enim grauis, sobriam facit animam. Quare morbum nihil aliud esse credas, quàm Nazianz. Epist. 70. *utilem quamdam institutionem: hoc est, ut & corporea omnia, & quidquid fluxū est & caducū asperneris, & totum te celesti parti addicas.*

CRUX verò illa, cui lignea scutella & mendici adiungitur crepitaculum, paupertatis insigne est. Quis enim nesciat, hanc quoque virtutis instrumentum, si quis eo rectè norit uti? *diuitiarū acquisitio laboris, possessio verò timoris, amissio plena doloris inuenitur:* Bernard. de Conuers. ad Cleric. cap. 12. diuitiæ cum amantur, inquinant; cum habentur, onerant; cum minuuntur, cruciant.

Sed quid sibi, aiebat Staurophila, vult retrum illud quod ab alterâ conspicio parte? Id afflictionem eam, respondebat Christus, designat, quæ ex parentum & consanguineorum contrahitur morte. Sustinenda &

24 REGIÆ VIÆ CRVCIS

hæc æquo animo ; quia etsi durum amittere charos, tolerabile tamen ; quia sustulit ille, qui dederat, bonus Deus. Et quantis profuit amicis carere, qui dum viuerent, à Deo auocabant ! Hæc audiens Staurophila, oculos in stulti cucullum conuertebat. Sciens autem Christus, quòd eum vellet interrogare, Video, inquit, mirari te hoc stultitiæ schema, nec satis assequi quid illud sit. Grauis hæc, filia, CRVX est irrisio, contemptus, ac ludibriorum ; quâ veri patientes non horrent stulti audire propter me : nec quidquam est quod ita hominum mentem perturbet, quàm despectui haberi. Multi sanè cupiunt Deo *seruire, sed cum hominū laude & fauore*, & pleriq; humilitatem amant sine humiliatione, volentes eam *sine honoris mundani exercere iactura, & absque ullius exasperatione conuitij, patientia gratiam possidere.*

Sed quid hoc demum, aiebat Staurophila, quòd video subsannantes digitos, & exspuentium ora ? Illud nimirum, respondebat Christus, non deesse seruis meis, quorum vitam mundus æstimat insaniam, contumelias, detractiones, probra, mendacia, iudicia temeraria, & alia huiusmodi, quorum vberima ubique seges ; tam derisoribus noxia, quàm verè patientibus vtilissima. *Hos enim eligit Deus, quos despicit mundus ; quia ple-*

rum-

Cassian.
Collat. 4.
cap. 12.

Gregor. in
Euang.

*rumque ipsa despectio hominem reuocat ad se-
ipsum.* Optime ergo Apostolus meus mo-
nuit, Deo seruiendum per *gloriam, & igno-* 2. Cor. 6, 2.
*bilitatem; per infamiam, & bonam famam; ut
seductores, & veraces.* Fasciculus verò mul-
tarum CRVCIVM simul ligatarum, id deno-
tat, plures subinde afflictiones simul in vnum
incurrere hominem, Deo ad eius salutem
id permittente, atque etiam immittente.

CAPVT IV.

*Quodcumque CRVCIS genus Christum
tulisse.*



TVPEBAT non parum Stau-
rophila, audiens multiplices
CRVCES vni aliquando desti-
nari, &, Mi Domine, aiebat,
vel vnica ex commemoratis
CRVCIBVS satis profectò fuerit ad validum
hominem deiiciendum; ecquis ergo con-
geriem aliquam sustineat? Quid est quod
loqueris? reponebat Christus. numquid
considerasti seruum meum Iob, quanta susti-
nuerit, & quot in eum simul irruerint CRV-
CES? Armenta enim primò sublata, liberi
deinde ruinâ domus oppressi, percussus ipse
vlcere pessimo vsque adeò, ut sedens in ster-
B s qui-

quilinio testâ saniem raderet: & ad malorum cumulum, propria etiam marito insultaret vxor. Amici, qui ad consolandum venerant, acerbis disceptationibus malū exasperabant. In his omnibus tamen infractus persistebat

Iob. 2, 10. sancti viri animus, vt diceret: *Si bona suscepimus de manu Dei, mala quare non suscipiamus?*

* Iob. 1, 21. * *Dominus dedit, Dominus abstulit: sicut Domino placuit, ita factum est: sit nomen Domini benedictum.* Magna, inquebat Staurophila, hæc Iobi patientia; sed quis assimilabitur ei? Quis mihi mentem ita cōfirmabit, vt aduersus omnia aduersa inconcussa permaneat?

Cui Christus: Nulla melior ad patientiam monitio, & munitio, quàm aspicere
 Heb. 12, 2. in me auctorem fidei, & consummatorem IESVM. Nam & hæc mihi patiendi causa fuit, vt ouibus meis præberem exemplum. Omnes enim CRVCES, omnia terrena mala, quæ
 Aug. lib. de Catechiz. rudib. *sustinenda præcepi, ego, Deus ipse, sustinui, ne in illis timeretur infelicitas.* Si enim aduersitas, ô Staurophila, nullam hîc vidisti CRUCEM, quam ego non prius tulerim. Itâne verò, aiebat illa, & tu Redemptor mi, omnes has CRVCES? Sic est, aiebat Christus, nec de primâ dubitas: neque enim nescis, quomodo prætorio exiuerim baiulans mihi CRUCEM, & factus fuerim Patri obediens usque ad mortem, mortem autem CRVCIS. Hoc om-

Phil. 2, 8.

omnes viuâ fide credimus, aiebat Staurophila, sed de aliis non ita passim constat.

Proinde aduerte, inquiebat Christus, percurram reliquas, sed breuiter, & quali in transitu. Defuitne mihi interior CRUX, cum in horto cœpi tædere, pauere, & mœstus esse, & dicerem: *Tristis est anima mea* Matth. 26,
vsque ad mortem. Volui deinde ad consolati- 38.
 tionem seruorum meorum esse quasi derelictus & despectus à Deo. Ecquid enim animi credis tum mihi fuisse, cum flebili & intermoriturâ voce clamarem: *Deus meus*, Matth. 27,
Deus meus, ut quid dereliquisti me? Quanto 46.
 dolore cordis tactus sum intrinsecus propter omnia & singula hominum omnium scelera, iam inde ab ipso mundi exordio perpetrata! hæc enim in me susceperam expianda; pro illis, agnus licet sine maculâ, & qui peccatum non feceram, reum ipse me constitueram, ut pro iis ad iustitiæ rigorem Patri satisfacerem, & quæ non rapui, exoluerem. Cernebam autem perspicuè, & in particulari, quanta in singulis diuinæ bonitati fieret iniuria, quanta contumelia, quantus contemptus. Cernebam quoque quantum malum sit aterna damnatio; quam totum genus Adæ sibi per peccatum accersuerat. Multò enim exactius & clariùs singula considerabam & ponderabam, quàm vlla posset creatura. Vnde non
 dubi-

Less. de
 Perfect. di-
 uin. lib. 2.
 cap. 17.

1. Reg 4,
18.

dubitaui quidam affirmare, hunc ipsum dolorem sufficientissimum fuisse ad vitam mihi milles eripiendam; si vim suam in corpus exere-
re fuisset permissus. Si enim Heli captâ Arcâ retrorsum cecidit, & expirauit; si & nurus eius dolore eiusdem cladis extincta est; quis dubitet, quin idem potuisset dolor, quem pro peccatis vestris assumpseram, cum ille longe fuerit maior, quàm ullus, qui in hominem possit cadere? atque hæc tristitia mihi fuit continua ab ipsò initio conceptionis vsque ad finem vitæ.

Marth. 26,
27.

Ps. 37, 18.

Ps. 37, 18.

Isai. 53, 3.

O lætitia Angelorum! aiebat Staurophila, numquam credidissim, tantum interni te habuisse doloris, nisi me docuisses. Quare concupisco & reliquas tuas cognoscere CRVCES. Iam audiuiisses, aiebat Christus, nisi interrupisses. Pergo igitur de corporis afflictionibus, de quibus fortè non ambigis. An non vinculis constrictus, huc illuc magno furore per vias raptatus, impulsus & protrusus fui? an non colaphis me ceciderunt, & palmas in faciem dederunt? Denique ego in flagella paratus fui, & acutissimis spinis coronatus, arundine in capite percussus, & pluribus aliis CRVCIBVS inhumaniter exagitatus, & sic dolor meus in conspectu meo semper.
De morborum CRVCE quid attinet dicere? cum non ignores ab Isaiâ me dici *virum dola-*

dolorum, & scientem infirmitatem, qui vestros
lāguores verè tulerim. nec defuit mihi acerba
potio: *recordare enim absynthij mei & fellis*, Thren. 3,
& quomodo *in siti meā potauerunt me aceto*. 19.
Pf. 68, 22.

Paupertatem verò amavi & exquisivi ab
vtero matris meæ, *quoniam* propter vos ege- 2. Cor. 8, 9.
nus factus sum, cū essem dives, ut meā ino-
piā vos diuites essetis. Et attende, quæso, pau-
pertatem natiuitatis meæ, quale ego *fabrica-* Cyprian.
tor mundi elegerim hospitium; stabulum pro Sermon.
domo, præsepium pro lecto; *panniculi pro* de
purpurâ, pro bysso in ornatu Regio lacinie con- Natiuit.
gerebantur; pedisequas substantia familiaris
non patiebatur, mancipiorum obsequia sumptus
tenuis & inops mensa excludebat. Denique
pauperes elegi discipulos, & tanta mea fuit
paupertas, ut neque cubile, neque domici-
lium quo reciperer, haberem. vnde non im-
meritò dicebam: *Vulpes foueas habent, & Matth. 8,*
volucres cali nidos; Filius autem hominis non 10.
habet ubi caput suum reclinet.

Compassus quoque fui hominum casibus
& necibus: hinc enim super perituram Ieru-
salem lacrymatus sum. Hinc, ut alios conso- Luc. 19, 41.
larer, mortuos excitavi; & cū Lazarus a-
micus defunctus esset, infremui spiritu, tur-
baui meipsum, & lacrymatus sum, ut dice-
rent Iudæi: *Ecce quomodo amabat enim!* Ioan. 11,

Contumeliis denique & opprobriis satu- 33.

ra-

Bernardus
Serm. 20.
in Cant.

Matth. 11,
19.

Luc. 22, 64

Heb 12, 3.

Luc. 23, 31

ratus fui. *In dictis enim meis sustinui contradic-
tores, in factis observatores, in tormentis il-
lusores, & in morte exprobratores.* An non
potator vini, Publicanorū amicus, seductor,
dæmonium habens, Samaritanus, blasphemus,
& diuinitatis impius vsurpator, contumeliosissime
appellatus fui? Et quasi non sufficerent contumeliæ verborum, etiam factis
ignominiosissimis mihi insultarunt, & æternam Dei
sapientiam pro stulto & insano habuerunt. Velaue-
runt faciem meam ludentes, & illudentes mihi, & cum
alapis me cæderent, dicebant: *Prophetiza nobis
Christe, quis est qui te percussit?* Spreuit me
cum exercitu suo Herodes veste albâ indu-
tum; instar vanissimi regni affectatoris spi-
neo diademate me coronarunt: arundine, velut
scepro, & chlamyde coccineâ, ceu Regio paludamento
per ludibrium me ornauerunt. Quæ nunc, ô Staurophila,
superest CRVX, quam non expertus fuerim? atque hæc
quidem passus sum propter te, vt & tu recogitans eum,
*qui talem sustinuit à peccatoribus aduersus semetipsum
contradictionem,* non fatigeris animo tuo deficiens,
sed aspiciens in faciem Christi tui, eius exemplo
commonita dicas: Si sic ille, quid ego? *Si in viridi ligno hæc facta, in me arido,
& tantum non flammis deputato, quid fiet?*

C A-

CAPVT V.

*Beatissimæ Virginis exemplo CRVC
ferenda.*

Tuam ipsius animam pertransibit gladius. *Luc. 2, 35.*

Si CRVCIS haud expers sit Virgo criminis expers;

Noxia, quid dubitas subdere colla CRVCI?



INETRABANT hæc, velut sagittæ acutæ, animum Staurophilæ, vt lacrymæ vbertim defluerent ex oculis; resumpto autem spiritu dixit: Gratias tibi ago, ô sponse sanguinum, quia in vitâ tuâ exhibuisti mihi formam cuiuscumque CRVCIS ferendæ. Et quis mihi det, vt per semitam patientiæ & humilitatis incedens, per Christum ad Christum meum tendam. In quo itinere et si nec æstus desit laboris, nec nubes tristitiæ, nec procella formidinis, nec insidiæ iniquorum, nec mina potentium, nec contumeliæ superbiorum, confido tamen quòd tuo adiutorio hæc omnia percurram; non ignara, non tam optandum declinando ista effugere, quam

Leo Serm.
16. de Pas-
sione.

Tuam ipsius animam pertransibit gladius. *Luz.*



*Si CRVCIS haud expers sit VIRGO criminis expers;
Noxia, quid dubitas subdere colla CRVCI?*

quàm tolerando superare. Atque hoc nunc est desiderium & votum cordis mei.

Benè habet, inquit Christus, quòd grata sis instructori tuo : nam beneficia potiora meretur, qui pro acceptis non fuerit ingratus. Alterum proinde stimulum ad CRVCIS onus suscipiendum adiungam. Sed id priùs velim mihi dicas, quid nuper tibi acciderit, cum nouam coëmeres tunicam? Subridebat hic Staurophila, & Cur illud, inquit, Domine requiris? aut quid ad rem facit? Nimirum, aiebat Christus, intelliges postea, hoc tuæ seruire eruditioni. Nihil igitur cunctata, Tergiuersabar, inquit, cum mercatore de pretio, quod ille (vt mihi quidem videbatur) enormius efflagitabat, ac multis vltro citroque habitis sermonibus, tandem subijciebat: Ecce vno aut altero abhinc viro mater mea habitat, quæ eundem panem non minoris emit. Adi eam, & audi, num ita se res habeat, & videbis me iniquum non exigere.

Satis hoc, inquit Christus, hinc iam docebo, quàm æquum sit, pro Regno Dei, & salute tuâ CRVCEM ferre. Venale habet Pater meus Regnum caeleste, & aliud non querit pretium quàm te ipsum: tantum scilicet valet, quantum es: te da, & habebis illud. Sed da te CRVCEM baiulantem, da te me se-

Beda Ser-
mone 18.
de Sanctis
ex August.

C

quen-

Luc. 24,
26.

Damasc.
Orat. 2. de
Dormit.
B. Mariæ.

quentem, da te vitam in CRVCE consummantem? Quid turbaris de pretio? nonne & me oportuit pati, & sic intrare in gloriam meam? Iam vide, quæso, an non eodem pretio immaculata Mater mea, quæ nullis terrenis inquinata fuit affectibus, sed celestibus educata cogitationibus, cum esset animatum calum, cælestia emerit tabernacula.

Quod si à CRVCE quispiam immunis ad æternam admitteretur beatitudinem, an nõ putas id Genitrici meæ, eidemque sanctissimæ, indulgendum fuisse? sed stat, æternum. que stabit æterni Patris decretum, *Per multas tribulationes oportet intrare in regnum Dei.*

Volupe tamen erit, aiebat Staurophila, audire has B. Virginis CRVCES & dolores, ut per eius exempla sequar Dominum Redemptorem. Recensebo ergo nonnullos, inquebat Christus, ut puri hominis, & infirmioris quidem sexus formam tibi proponam, ne diuinâ virtute Deum-hominem aduersa superasse fortassis obijcias, atque ut hinc erga mœstissimam Matrem meam tibi crescat reuerentia & cultus. Gratius mihi, aiebat Staurophila, nihil posset accidere: iam pridem enim, quidquid ad cultum Virginis-Matris aliquo modo facit, maximo pietatis sensu me affecit.

Age

Age igitur, inquiebat Christus, compingam tibi velut in myrrhæ quodam fasciculo Dolores & CRUCES, quibus discrucitata fuit. Quo enim dolore affectam credis, cum Reginæ cælorum, & Angelorum Dominæ locus non esset in diuersorio, sed in patulum quoddam stabulum tenera ac prægnans Virgo secedere coacta fuit? Quo sensu recens nati vagitus excepit? quàm intimè comparsa est nuditati, frigori, inopiæ, & reliquis, quibus tum affligebar, infantia ærumnis? Et cum prænosceret omnes mihi postea infligendos cruciatus, an non credis, quoties me pannis inuoluit, quoties manus & pedes contrectauit, toties animum nouo dolore absorptum, quòd cogitaret, illas manus, illosque pedes duris aliquando clauis CRUCI affigendos? Quàm dirus doloris gladius penetrauit Virginis animam, cum cruentam Filij sui aspiceret circumcisionem! cum audiret Herodis decretum de occidendis paruulis, illudque deinde immaniter executio- ni dari! Quàm molestum ei fuit, intempe- stâ nocte solum vertere, difficillimo itinere in Ægyptum concedere, ibique septem ipsis annis cum barbaris hominibus, qui innum- meris probris diuinum Numen lacebant, vitam transigere!

Quid referam luctum, quem habuit, cum

Luc. 2, 7.

Ex S. Bri-
gitæ lib. 6.
Reuelat.
cap. 57.

- triduo amissus hærebam in templo? Si enim
Tob. 10, 4. Anna Tobia mater, eò quòd die statuto minimè reuerteretur filius, fleuit irremediabilibus lacrymis; quos non planctus emisit illa, quæ me non filium modò, sed Deum suum credidit amissum? Quis mæror occupavit, cùm consanguineum suum Ioannem
Luc. 7, 28. Baptistam, quo maior inter natos mulierum non surrexit, audiuit in vincula coniectum,
Matt. 11, 2. & capite multatum? Quàm acerbus ei fuit dilectissimi sponsi Ioseph interitus!

Magna profectò, inquiebat Staurophila, magna hæc sunt, quæ Virginem-Matrem gravissimè affecerint; & vix ipsa credideram tot eam CRVCIBVS, ante Domini mei passionem, adobrutam. Præludia hæc fuere, inquiebat Christus, & initia dolorum, qui deinceps velut agmine factò in eam irruerunt. Neque enim ignara fuit eorum quæ mihi passionis tempore acciderunt, quæ & à Prophetis legerat prædicta, & magno doloris sensu animo eius semper obuersabantur.

Quid illam animi habuisse dixeris, cùm nuntium illi adferretur, me, solatium cordis sui, captum velut latronem per plateas frequentissimæ ciuitatis circumduci, raptari, trahi, de vno Iudice ad alium indignè ablegari! Quam CRVCEM ei intulere alapæ maxillis meis crudeliter impactæ? flagella, corona

rona spinea, arundo, & ipsa CRVX, quam
sauciis ac cruentis humeris, miserando sanè
spectaculo deportabā. Sed præ his omnibus,
tū vel maximè doloris gladius animam eius
pertransiuit, cū staret iuxta CRUCEM, & ea
quæ circa me fiebant, contempleretur.

Cū me vidit suum natum

Morientem, desolatum,

Emittentem spiritum.

Non se poterat vltra continere Stauro-
phila, sed in lacrymas effusa, subiunxit :

O quàm tristis & afflicta

Fuit illa benedicta

Mater Vnigeniti !

Quis est homo qui non fletet,

Mæstam matrem si videret

In tanto supplicio ?

Pergebat verò Christus : Tunc, ô Stauro-
phila, (iuxta Ieremiam) *angustia & dolores* Ierem. 49;
*tenuerunt eam quasi parturientem : * nam do-* 24.
lores partus, quos effugit parturiens, sustinuit * Damasc.
ex maternâ compassione viscerum me repartu- de Fid.
riens lacerum. Orthod.
Omitto quòd è CRUCE de- lib. 4. c. 15.
positum gremio exceperit, omnia vulnera
explorauerit, & magnâ animi mœstitiâ vlti-
mæ interfuerit sepulturæ. O Domine, in-
quiebat Staurophila, quis mihi det penitiùs
expendere & appendere singulos dolores
mœstissimæ Matristuæ !

4. Esdr. 4.5

Pondera mihi, dicebat Christus, si vales, *pondus ignis*. Rimare, si potes, feruentissimum illud amoris incendium, quo cor eius erga me continuè æstuauit, & tum doloris magnitudinem utcunque cognosces. Agnosce Matrem, agnosce Filium, & hunc vnigenitum, illum *desideratum cunctis gentibus*,

Agg. 2.3.

* Pl. 44.3.

** Speciosum formâ præ filiis hominum*, denique ipsum Deum ac creatorem vniuersorum. Quantam verò ex tanto amoris fomite surrexisse credis flammam? *Tantum enim necesse est vrat dolor, quantum hæserit amor.*

August.
lib. 21. de
Ciu. Dei
cap. 26.

Bernard. de
Lament.
Virg.

Vnde credo plenè enarrari non posse *dolorem Virginis*: sed hoc dicendum, *tantum fuisse, quantum vmquam dolere potuit de tali filio talis mater.*

1. Theff. 3,
3.

Saluian.
contra
Gent.

Hæc porrò eò adducta sunt, filia, vt clarissimè videas, ne Matrem quidem meâ CRVCIS fuisse exortem: ac proinde nec te nec vllum omnino à CRVCIS consortio excipiendum. Optimè id intelligebat Apostolus, qui dicebat: *Nemo in tribulatione moueatur, ipsi enim scimus quòd in hoc positi sumus.* An ergo mirum, si CRVCES & calamitates in hoc saculo perpetuò ferendæ, cum ad toleranda vniuersa militetis. Et sanè Christianus quodammodò esse desinit, qui, in hoc positus vt perferat, nihil perferat.

CAPVT VI.

Cur CRVCEs necessaria.

VCCREVERAT iam aliquò vsq;
 Staurophilæ animus ad CRV-
 CEM suscipiendam, quam vide-
 bat & Christum & Christi ma-
 trem patientissimè tulisse, se ve-
 rò, quiduis demum ageret, nullo modo posse
 effugere: *sed mirabatur enim, quid causæ
 esset, quòd à Christianâ vitâ insolubile vin-
 culum esset tribulatio.* Et, Ne indignetur, in-
 quiebat, Dominus meus, si pergam propo-
 nere quæ animo occurrunt meo. Quid, pre-
 cor, illud est, quòd electos tuos excruciarì
 velis, & neminem sine CRVCE ad Regnum
 Patris tui admittas?

Respondit Christus: Sufficere deberet, fi-
 lia, quoniam sic placitum est Patri meo, nec
 vllas eius rei exquirere causas, quando opti-
 mè nosti, id æquissimum, quod diuinæ pla-
 citum fuerit voluntati. Non detrectabo ta-
 men nodum hunc, quem proponis, soluere:
 quando & hoc ad imbecillem animum cor-
 roborandum non parum faciat. Huius rei
 gratiâ, subijciebat Staurophila, id vel maxi-
 mè requirebam: neque enim vllum mihi

Chrysost.
 Hom. 66.
 ad Pop.

erat dubium, quin optimis niteretur rationibus, quod ab optimo Deo aut fieret, aut fieri permetteretur.

Greg. l. 13.
Moral.
cap. 15.

Audi igitur, aiebat Christus: *Pio Dei consilio agitur, ut huius peregrinationis tempore electorum vita turbetur. VIA est vita præsens, quâ ad patriam tenditur, & idcirco hîc occulto iudicio frequenti perturbatione homines conteruntur, ne VIAM pro patriâ diligant.* Hinc mundi iter asperum, *ne dum quisque præsens vite requie quasi amaritudine VIÆ pascitur, magis eum diu pergere, quàm citius peruenire delectet: ne dum oblectatur in VIA, obliuiscatur quod desiderabat in patriâ.*

August. in
Psalm. 43.

Felle proinde miscenda erant omnia, ne mel mundi pro summis deliciis haberetur: *nam si semper Deus in istis prosperitatibus faueret, ut omnia abundarent, nullamq; in tempore isto mortalitatis tribulationem, nullas pressuras angustiasq; pateremini, non diceretis, nisi ista, esse summa bona, quæ præstat Deus seruus suis, & maiora ab illo non desideraretis. Idcirco autem huic vite male-dulci miscet amaritudines tribulationum, ut alia, quæ salubriter dulcis est, requiratur. O infelicitas generis humani! Amarum est mundus, & diligitur: putas si dulcis esset, qualiter amaretur? Turbatur mundus, & amatur mundus; quid si tranquillus esset mundus? * Formoso quomodo haeres,*

August.
Serm. 111.
de Temp.

*Idem
Serm. 246.
de Temp.

res, qui sic amplecteris fœdum? flores eius quomodo colligeres, qui à spinis non reuocas manum?

Profectò, inquiebat Staurophila, non utilis modò, sed etiam necessaria, vt video, CRUX atque tribulatio; alioqui insensati homines relinquerent cælum cæli Domino, terram verò terrigenis, & filiis optarent hominum. Sed vltèrius, subijciebat Christus, expendere oportet, *habere bonum Deum bona malaq; distribuenda singulis, & alternatim secundas res, aduersasq; dissipari, easq; ita digerere, vt, vtralibet in hac vitâ contigerint, altera in futurâ sint expectandæ.* Id scilicet volebat Pater Abraham, cum Epuloni ita loqueretur: *Fili, recordare quia recepisti bona in vitâ tuâ, & Lazarus similiter mala; nunc autem hic consolatur, tu verò cruciaris.*

Salian. l. 2.
De Timore
Dei,
cap. 33.

Luc. 16, 25.

O quàm verè terribilis Deus in consilijs suis per filios hominum! Quis enim non timeat exemplo diuitis huius, quem *deliciæ vitæ igni tradiderunt. Non enim ob iniustitiam, sed propter mollem & delicatam vitam reprehensus, in flammâ fornacis torrebatur.* Prosperitas ergo apud Deum crimini est, supplicioque obnoxia; & CRUCE caruisse, perpetuum meretur cruciatum. An non dixi in Euangelio: *Ve vobis diuitibus, quia habetis consolationem vestram! Ve vobis qui saturati estis, quia esuri-*

Psal. 65, 5.

Basil. Homil. 1. de Ieiun.

Luc. 6, 24.

rietis ! Væ vobis qui ridetis nunc , quia lugebitis & flebitis !

Salian. vbi
sup.

Stupebat supra modum Staurophila, &, Nisi optimè nobis constaret, aiebat, sapientissimè omnia à diuinâ prouidentiâ ordinari, nescio quâ humana mens hoc Dei iudicium capere posset. Quid ita? inquiebat Christus, nōne & Ethnici id cognouerunt? Quò enim spectant gemina illa Iouis apud Homerum dolia, quorum alterum bonis commodisve huius vitæ refertum sit, damnis & calamitatibus alterum, quæ ille alternatim hominibus dispertiat? Socrates quoque dicebat, dolorem & voluptatem inter se ita esse composita, vt sese mutuò sequerentur, vt in puteo vrceus inanis & plenus, vita & mors in viuētibz, nox & dies in cælo. Dies præcursor est noctis, & nox prænuntia diei. Qui hîc situlam plenam recipit, postea habebit vacuam. Cui in hac vitâ iugiter fulsit dies, in alterâ æterna torquebitur nocte. Ita est, mea Staurophila, nemo potest & hîc & illic frui quiete. Et quid tantum miraris Dei dispositionem? Nōne in omnibus penè rebus humanis vix vlla existit lætitia, quam non tristitia præcesserit? *Mulier cū parit, tristitiam habet, quia venit hora eius: cū autem pepererit puerum, iam non meminit pressuræ propter gaudium, quia natus est*

Ioan. 16,
21.

est homo in mundo. Amaritudo enim præcuntis doloris, commendat ampliùs gaudia secutura. Sic pretiosior sanitas est, quæ post languoris recuperatur incommodum. Agricola quoque de vbertate frugum latari non poterit, nisi priùs terram multo labore confecerit, & tantò magis prosperitatis spem congerit, quantò se ampliùs desudasse cognouerit. Hoc nimirum est quod dici solet, Vbi vber ibi tuber; vbi mel ibi fel. &c.

Hieron.
Tom. 4. in
Epist. ad
Virg. in
exil. mil.

Semper odoriferis proxima spina rosis.

Cumulatè, aiebat Staurophila, dubitationi meæ satisfactum. Alias proinde rationes, si quæ sint, libenter excipiam. Pergam igitur, subdebat Christus: *Tentat vos per CRUCES* Deut. 13, 3
Deus, ut palàm fiat utrùm diligatis eum, an non, in toto corde, & in totâ animâ vestrà. In Eccli. 2, 5.
igne enim probatur aurum & argentum, homines verò receptibiles in camino humiliatio-
nis. & numquam audisti, vasa figuli probat Eccli. 27, 6.
fornax, & homines iustos tentatio tribulatio-
nis. Bonos in deliciis Deus non habet, experitur, indurat, sibi illos præparat. Eos autem, Seneca de
quibus indulgere videtur, quibus parcere, mol- Prouident.
les venturis malis seruat. Non legisti de iu-
stis vexatis, quid scriptum? Quoniam Deus Sap. 3, 5.
tentaui eos, & inuenit illos dignos se. Tam-
quam aurum in fornace probauit illos, & quasi
holocausti hostiam accepit illos, & in tempore
erit

*erit respectus illorum. Vexati ergo, afflicti, & cruciati Deo digni sunt. contra, qui non accipit CRUCEM suam, & sequitur me, non est me dignus. Et * verè ille miser est, qui in afflictione constitutus nimium tristatur, & Deo non se dignum præbet.*

Math. 16,

38.

* Nicetas
Choniates.

Tob. 12,

13.

Chrysostr.
Hom. 1. ad
Pop. Antioch.

Verum, inquiebat Staurophila, quid opus probatione, cum Deus vniuscuiusque nouerit virtutem, etiam si nulla ingruat aduersitas? Non ita probat Deus, respondebat Christus, vt noua ei succedat notitia, sed vt aliis notam faciat iustorum tolerantiam, cui ipse materiam suggerit & occasionem. Ita Tobias dictum: *Quia placebas Deo, necesse fuit vt tentatio probaret te, & declararet, non Deo aut Tobias, sed aliis hominibus, quam excelso animo sustineret aduersa. Et nesciunt plerique quâ mente Sancti Deum colant, & non rarò propter præsentis vitæ felicitatem Deo seruire credunt, sed CRUX & tribulatio facile ostendit, quanto Deo adhæreant amore. Ita diabolus ob temporalia bona Deum à S. Iob coli opinatus est. Cum enim videret sanctissimum virum valde copiosum & opulentum, nihilq; haberet quod ei accusationis loco obijceret, ad hanc confugit calumniam: Numquid gratis te colit Iob? Circumuallasti interiora & exteriora eius: propter mercedem ille virtutem sequitur, tantâ fruens opulentiâ.*

Quid

Quid igitur fecit Dominus? volens demonstrare quòd Sancti ipsum non colant propter mercedem, omnem substantiam abstulit, & paupertati tradidit, & in grauem morbum incidere permisit. Et quidem omnibus ille diuitijs circumfusus, quis esset, non multis manifestum erat, postquam verò ipsas velut vestimentum exutus, athleta abiecit, & ad pietatis certamina nudus intrauit: sic spoliatus spectatores omnes perculit, ita vt & ipse Angelorum Dominus super animi eius tolerantia vehementer acclamaret, & victori illi applauderet.

Cognosco nunc Domine, aiebat Staurophila, necessaria esse fortium exempla, tum vt eos, prout meriti, veneremur; tum vt ad eorum accendamus imitationem. Subiecit verò Christus: Sed & alteram audi rationem, magna & precipua virtus est patientia; Lactant. de Iustit. l. 5. cap. 23. carebit hac iustus, si nihil patiatur aduersi. Est enim patientia, malorum, que aut inferuntur, aut accidunt, cum equanimitate perlatio. * Seneca l. de Proud. Paternum Deus habet aduersus bonos viros animum, & illos fortius amat, & operibus, doloribus ac damnis exagitat, et verum colligant robur. Non est arbor solida nec fortis, nisi inquam frequens ventus incursum: ipsa enim vexatione constringitur, & radices certius figit. Marcet sine aduersario virtus: tunc apparet

paret quanta sit, quantumq; valeat polleatq;, cum quid possit patientia ostendit.

Prudent. in
Psychom. *Nam vidua est virtus, quam non patientia firmat.*

Fateor, inquit Staurophila, paternum Dei erga nos animum: sed dura est super nos manus eius. Quis enim vel à vitrico continuas expectet vexationes, & non leues calamitates? Matris, video, aiebat Christus, requiris blanditias, & foueri sinu, contineri umbrâ, numquam contristari, numquam laborare, numquam affligi desideras. Numquam audisti,

Lbean. l. 9. *Gaudet patientia duris?*

Apoc. 3, 19. *vel illud Patris misericordiarum, Ego quos amo, arguo, & castigo? Hanc rationem in ele-*

Seneca l. de
Prouident. *ctis suis Deus sequitur, quam in discipulis praeceptores, qui plus laboris ab his exigunt, in quibus certior spes est. Numquid tu inuisos esse Lacedaemonijs liberos suos credis, quorum experiuntur indolem, publicè verberibus admotis? ipsi illos patres adhortantur, ut ictus flagellorum fortiter perferant, & laceros ac semianimes rogant, perseuerent vulnera praebere vulneribus. Et verò monasteriorum Praefecti, ut nouisse potes, vix admittunt, nisi durè exercitatos. Narrat Climacus, fuisse monasterij dispensatorem pudicum & moderatum, & mitem ut quis alius. In hunc monasterij*

Climac.
Grad. 4.
antemed.

sterij Pater inuectus est absque vllâ causâ,
iussitque de Ecclesiâ proijci: intempestiuè
sanè. Climachus cum eum sciret eius cri-
minis, quod Pater obiecerat, insonem, seor-
sim Patri illi dispensatoris commendabat
innocentiam. Ad quem & ille sapientissimè.
Scio, inquit, Pater; sed sicut crudele est ex
ore famelici *infantis panem rapere, ita & se-
ipsum & operarium lædit, qui animas suscipit
regendas, nisi illi coronas, quantas illum susti-
nere posse nouit, horis singulis providere sata-
gat, siue per contumelias, siue per ignominias,
siue per obiectiones, siue per ludibria.* * Quod si
Cænobiarcha ritè, ac ordine facit, quando in-
fontes etiam contumelijs exercet; cur amplif-
simi monasterij Pater, orbis gubernator Deus,
qui Oceano & calo velut muris clausum con-
tinet monasterium suum; cur hic, inquam, ma-
gnus Pater iniquè faciat, si filios suos fame,
morbis, egestate, iniurijs exerceat? Denique,
ne diutius te traham; & idèd CRUCES à
Deo immittuntur vt coronæ & præmia vo-
bis augeantur. Quantum enim tribulatio-
nes intenduntur, tantum & retributiones
ampliantur. Imò & amplius. *Non enim sunt* Rom. 8, 18.
*condigna passionis huius temporis ad futu-
ram gloriam qua reuelabitur in vobis.*

*Drexel in
Gymnas.
patient.
part. 1. c. 2.

Pondus et statera iudicia Dñi sunt. *Prou. 16, 11.*



CRVX sua quemq; manet, certo quā pondere summus
Arbiter ex magno mittit amore Deus.

CAPVT VII.

*Cuiusque viribus CRUCEM à Deo
contemperari.*

Pondus & statera iudicia Domini sunt.

15 Prouerb. 16, 11.

*CRUX sua quemque manet, certo quam ponde-
re summus*

Arbiter ex magno mittit amore Deus.



RGVTARI hîc rursus occœpit
Staurophila, & Cùm dispar, in-
quiebat, humanarum virium sit
robur, vt quod vni leue, aut non
admodum graue, alteri videat-
tur longè grauiissimum, scire velim, quem-
admodum omnes CRUCI baiulandæ apti
esse queant. Multi enim sunt debiles, infir-
mi, & sibi ipsis graues: & qui, quæso, teneræ
virgines, pueri, & puellæ CRUCIS onus ge-
stabunt? Erras Staurophila, inquiebat Chri-
stus, & crasse admodum. Si enim credis
Deum esse sapientissimum, inò ipsam sa-
pientiam, quomodo CRUCEM imponat,
quæ ferentis excedat vires? An non legisti: *1. Corinth.*
Fidelis est Deus, qui non patietur vos tentari *10, 13.*
*supra quàm potestis. * Si enim homines suis in-* *Ephraim*
mentis *Tract de*
Paucis.

D

mentis non plus oneris imponant quàm ferre queant, multo minùs plus tentationum aut afflictionum imponet Deus, quàm ferre possint.

Francisc.
Labat. tit.
Tribul.

Nouit nauclerus certo pondere nauem saburrâ onerare, ne æquo leuior, ventorum tempestatibus transuersum eat; & tamen non ita prægrauat, vt demergatur in profundum: non secus Deus CRVCES & tentationes amicis suis immittit, ne leui statu abripiantur, sed vt prosperè æternæ gloriæ portum attingant.

Fateor Domine, inquebat Staurophila, errorem meum, & insipienter locuta sum. Sed ne graue, quæso, sit, erudire incitiam meam: *Beatus enim quem tu erudieris Domine.* Cui Christus: *Deus*, qui iuxrà sapiens est ac iustus, *omnia in mensura, & numero, & pondere disposuit.* Nouit ille exactissimè

Horat. de
Ante Poët.

————— *quid ferre recusent*
Quid valeant humeri, —————

ideoque afflictiones & pœnas æquâ explorat mensurâ; ne CRVX iusto longior aut breuior alicui immittatur. Dinumerat ille quot huic, quot illi, & quâ serie CRVCES assignandæ: appendit præterea, velut in balance, ex vnâ parte cuiusque CRVCIS pondus, & patientis vires ex alterâ; atque ita vtraque attemperat, nihil vt ultra vires immittatur. An
Psal. 79, 6. *non Dauid ait: Cibabis nos pane lacrymarum,*
&

& potum dabis nobis in lacrymis in mensurâ?

** Dat in mensurâ, non supra mensuram, ne sine moderatione mensura, pœna cumulo ho-* * Ambros. in Ps. 118. Oâon. 20

mines gravarentur, & sustinere non possent. Deut. 25, 2

An non Deus olim decreuit, vt pro mensurâ peccati, sit & plagarum modus? Iam & de nu- Ibid.

mero quàm sollicitus est, cum vetat quadragenarium excedi? Et quid est quod pauidi filij hominum reformidetis? nam & capilli Luc. 12, 7.

capitis vestri omnes numerati sunt, & ne vnus quidem de capite vestro peribit, nisi ex præ- Luc. 21, 18.

scripto Dei. In pondere quoque, spirituum Prou. 16, 2.

ponderator, CRUCES disponit, vt iusti ponderis rependat in cælo coronas. Id enim 2. Corinth. 4, 17.

quod in presenti est momentaneum & leue tribulationis vestræ, supra modum in sublimitate æternum gloriæ pondus operatur in vobis. Et erit aliquis, qui queri possit, grauius sibi onus imponi, quàm sustinere valeat? Homo id faciat, cui robur ferentis ignotum; aut si notum, crudelis erit, si fecerit. Non cadit hoc in Deum optimum & sapientissimum.

Equidem id credo, Domine, aiebat Stauraphila; sed nescio quomodo semper querula caro submurmuret, & grauiora se, quàm reuerà possit, ferre existimer. Sapientia carnis, respondebat Christus, mors est, nec benè de bonitate Dei iudicat. Disce vel ab Agonothetis quid de Deo sentire debeas:

Origen.
de Princip.
lib. 3. c. 2,

nam sicut hi qui agonibus præsumunt, eos qui ad certamen veniunt, non utcumque, neque fortuito inter se sinunt inire certamina, sed diligenti examinatione, prout viderint corpora vel aetates, æquissimâ comparatione iungentes illum cum illo, ut pueros cum pueris, viros cum viris. Ita intelligendum est de Deo, quod homines, qui in hos humana vita descendunt agones, iustissimâ ratione dispenset, secundum rationem vniuscuiusque virtutis, quam ipse solus agnoscit; ut alius quidem pugnet aduersus carnem, tali & tanto tempore, alius verò non tanto: tum ut alius resistat aduersus inimicam potestatem hanc vel illam, alius aduersus duas vel tres simul. Non vno modo vasorum exploratur integritas: solidiora grauiore ictu, fragilia leuiore tanguntur. Artifex vitrum extremo vix digito tangit, argenteum scyphum malleo percutit, campanam verò prægrandi plectro, & quæ libras aliquot appendat, fortissimè pulsat, securus periculi, propter metalli soliditatem. Non secus Pater cælestis pro virium mensurâ CRVCES & tribulationes immittit. Vitreos & fragiles homunciones benigniùs habet, fortes verò & probatæ virtutis duriùs tractat. Nihil igitur metuendum, ne grauior alicui imponatur CRUX, cum à paternâ Dei manu omnes æquè descendant.

Do-

Domine, inquiebat Staurophila, quotiescumque vel ægrotos viso, vel cum afflictis loquor, antiqua hæc eorum, & quotidiana est querela, manum Dei grauem esse super eos, seque sustinere non posse. Homines, respondebat Christus, loquuntur vt homines; sensuum iudicium sequuntur; ad Deum, sine quo permittente aut immittente nulla venit afflictio, oculos non attollunt. Nec cogitant à Patre eam venire, & sapientissimo, & benignissimo, & moderatissimo. An tu existimas hunc Patrem subito furore aut iracundiâ concitum neque videre, neque intelligere, neque attendere quem percutiat? quot, quamque graues, aut diurnas CRUCES immittat? Non ita agit, in neminem firmit, neminem suorum despicit; sed vniuscuiusque virtutem dispicit, cuiusque robur velut ad trutinam examinat & explorat. Vidit ille ab omni aternitate, has illasve corporis ærumnas, afflictiones, dolores, huic & illi profuturas, ideoque prudenter admodum decreuit, vt hoc aut illo anno, mense, die, aduersitas quædam contingeret, quæ animæ salutem promoueret. Noli igitur, filia mea, expauescere, noli durum vocare Patrem, qui per Prophetam suauissimè ita te consolatur: *Noli timere, quia redemi te, & vocavi te nomine tuo; meus es tu. Cum transieris per aquas,* *Isai. 43, 1.*

54 REGIÆ VIÆ CRVCIS


tecum ero, & flumina non operient te. Cùm ambulaueris in igne, non comburèris, & flamma non ardebit in te. Quia ego Dominus Deus tuus. sanctus Israël.

C A P V T VIII.

Voluntatem omnino firmam ad CRVCIS baiulationem adferendam: significasse id Christum, cùm dixit:

Si quis vult venire post me.

Matth. 16, 24.



INIERAT Christus, cùm Staurophila ex beniguitate Domini confidentior facta, nouam mouit quæstionem. Et quid est, inquit, ô Domine, quòd

LUC. 9, 23. CRVCEM ferendam omnibus proponens, dixisti: *Si quis vult post me venire, abneget semetipsum, & tollat CRVCEM suam:* cùm CRVX adeò necessaria sit, nullà vt arte; nullà vt industrià eam effugere liceat? velint igitur nolint homines, CRVX omnibus perferenda videtur.

Chrysost.
de Adorat.
Cruc. &
Hom. 56.
in Matth.

Ita quidem, respondebat Christus, sed nolui ego *vllam necessitatem verbis meis adiungere, nec dicere, Velitis nolitis, hoc vobis per-*
fe-

ferendum est, sed, si quis vult me sequi. Non vim affero, non cogo; sed sui quemque iudicij ac voluntatis Dominum facio, utrum CRUCEM suam mei amore velit ferre, ob eamque causam dico, si cui in animo est me sequi. Nam sicut qui vim facit, plerumque auertit; sic qui liberos audientes constituit, multò magis attrahit. potentior est oratio mitis, quàm violenta. Atque id expendas, Staurophila, me non tam ad CRUCES, afflictiones & onera, nec ad supplicia & pœnas (ut cogere mihi opus sit) quàm ad ineffabilia bona conuocare; quorum ea natura est, ut facile per seipsa vos inuitare possint. Magna enim sunt quæ retribuo, ac talia, ut ultro ac sponte homines ad ea concursuros dubitare non debeam. Non enim si quis aurum atque argentum proponeret, vim inferret; quantò igitur magis in celestibus bonis inferenda non est? Et certè si rerum ipsa natura non persuadet, & nisi sponte curras, nec accipere quidem digna eris.

Idem Hom.
mil. 56. in
Matth.

Nimirum propter hoc ipsum, inquebat Staurophila, arbitrata sum, neminem fore, qui, si rectè expenderet, CRUCIS detrectaret consortium. Qui enim sequitur te, non ambulat in tenebris, sed habebit lumen vite: & quid, quæso, quærunt homines, quod non inueniant in TE. Honores ambiunt & gloriam? Gloria magna est sequi Dominum.

Ioan. 8, 12.

Ecclesi. 2, 3, 38.

Pl. 15, 11.

Quærunt voluptates? *delectationes in dextera tuâ vsque in finem.*

August.
Serm. 111.
de Temp.

Non omnes, respondebat Christus, capiunt verbum hoc: sunt enim (prò dolor!) sunt multi, quod *pestimum est*, qui *durissimum & amarissimum avaritiæ iugum cum multis laboribus volunt ferre*, & *dulce iugum meum*, & *onus leue dissimulant humeris suis imponere: malunt cum multis peccatis sub sarcinâ graui succumbere, quàm iugum meum, quod eos potest in celum eleuare, suscipere*. Fateor, aiebat Staurophila, ita agunt peccatores: sed tamen pietatis amantes, serui tui, prompto, vt arbitror, animo ad CRVCEM se accingunt.

Thomas
à Kemp.
lib. 2. de
Imitat.
Christi,
cap. 11.

Crede mihi filia, aiebat Christus, habeo ego nunc *multos amatores regni celestis, sed paucos baiulatores meæ CRVCIS. Multos habeo desideratores consolationis, sed paucos tribulationis. Omnes cupiunt mecum gaudere, pauci volunt pro me aliquid sustinere. Multi me sequuntur vsque ad fractionem panis, sed pauci ad bibendum calicem passionis. Multi miracula mea venerantur, pauci ignominiam CRVCIS sequuntur. O quàm pauci, Staurophila, post me ire volunt, cum tamen ad me peruenire nemo sit qui nolit! Volunt omnes me frui, at non ita & imitari: conregnare cupiunt, sed non compati. Non curant querere, quem ta-*
men

Bernard.
Serm. 21.
in Cant.

men desiderant inuenire, cupientes consequi, sed non sequi.

Et vnde, quæso, hoc mi Domine? aiebat Staurophila. Cui ille: Nimirum contingit passim, quod Sapiens ait: *Vult & non vult piger.* Quæris, quid hoc? *Imperare vult piger cum Christo, non subesse pro Christo: præmium amat, non prælium.* coronam desiderat sine certamine, sine sudore gloriam, sine CRUCE, sine tribulatione regnum cælorum.

Prov. 13, 4.

Hieron. in

cap. 13.

Proverb.

Vnde autem, aiebat Staurophila, hæc voluntatis, quam experimur, in homine lucta? An forte vnam habet voluntatem quæ velit, & alteram quæ nolit? Et vnde hoc monstrum? & quare istud partim velle, partim nolle? *Imperat animus ut moueatur manus; & tanta est facilitas, ut vix à seruitio discernatur imperium: & animus, animus est, manus autem corpus est. Imperat animus, ut velit animus, nec alter est, nec facit tamen. Vnde hoc monstrum? & quare istud? imperat, inquam, ut velit; qui non imperaret nisi vellet; & non fit quod imperat. Non monstrum est hoc, ô Staurophila, respondebat Christus, sed agritudo animi; quia non totus assurgit, veritate subleuatus, consuetudine pregrauatus. & ideo non ex toto vult, nec ex toto imperat. Nam in tantum imperat, in quantum vult: & in tantum non fit quod imperat,*

August.

l. 3. Conf.

test. c. 9.

Ibid. con.

seq.

Ibid. c. 10.

in quantum non vult. Sunt ergo velut duæ voluntates, quia una earum tota non est; & hoc adest alteri, quod deest alteri. Ita quandoque cum aternitas delectat superius, & temporalis boni voluptas retinet inferius, eadem anima est, quæ non totâ voluntate illud aut hoc vult; & ideo discerpitur graui molestiâ, dum illud veritate proponit, hoc familiaritate non deponit. Sed & ipsa, Domine, aiebat Staurophila, hoc nonnumquam experior, quod dum vel maximè & seriò aliquod volo bonum, nescio quàm leuiter vel omitram, vel in aliud differam tempus: adeò vt bono proposito perquam rarò effectus respondeat. Hæc, aiebat Christus, imbecillitas humanæ mentis, quæ omni vertumno mutabilior est. Hæc inconstantia voluntatis in bono, quod vtrunque concupiscit, nec tamen generosè prosequitur. Simulachrum id dixerim potius, quàm veram voluntatem; tantum enim abest efficaciter vt velit, quod velle in speciem se fingit, vt potius nolle dicenda sit. Vidistin' aliquando Herculem in ostijs depictum, clauâ instructum, quam in obuium quemque vtraque manu validissimè vibrare videtur, neminem tamen percussit, neminem vel leuiter tangit, etiam si milles id velle videatur? Huic tepidi homines prorsus simillimi, semper volituri, verè
num-

numquam volentes. *In imagine pertransit* Psal. 38, 7.
homo. Proficisci velle videtur, non profici-
 scitur: molitur ambulare, non plus ambulat
 quàm homo pictus. Hoc igitur primum
 discite, Staurophila, in VIA CRVCIS primam
 curam hanc esse, vt magno animo, vt effica-
 ci voluntate velis venire post me. *Nam non* August.
solum ire, verum etiam peruenire ad me, nihil 18. Con-
est aliud quàm velle ire; sed velle fortiter & fess. cap. 8.
integrè, non semisanciam hac atque hac ver-
sare & iactare voluntatem, hac parte assurgen-
tem, cum aliâ parte cadente luctantem. Lau-
 dati sunt Israelitæ, qui in totâ voluntate qua- 2. Paralip.
 sierunt Deum, & idè eum inuenerunt, qui 15, 15.
 bus & Dominus præstitit requiem per cir-
 cuitum: hos sequere, hos imitare.

Mox Staurophila, *Concupiuit*, inquiebat, Ps. 118, 20.
anima mea desiderare viam iustificationum
 tuarum, REGIAM VIAM CRVCIS, viam salu-
 tis; sed quis dabit mihi vt velim validius, &
 vt quod volo, valeam? *Sine me*, aiebat Chri- Ioan. 15, 5.
 stus, *nihil potes facere*, & nequaquam per-
 uenies ad me, nisi gradiendo post me: & ne
 hoc quidem, nisi adiuta à me. Quid igitur
 opus, nisi vt traharis post me, & dicas, *Trahe* Cant. 1, 3.
me post te, in odorem vnguentorum tuorum
curremus. Ita, quæso, aiebat Staurophila, mi-
 hi contingat Domine; & qui dixisti, *Ego* Ioan. 12,
cum exaltatus fuero à terrâ, omnia traham ad 32.
 me-

Bernard.
Serm. 21.
in Cant.

meipsum; me quoque trahe, *trahe*, inquam, *me post te*, *vt conuersationis tuæ valeam vestigia sequi*, *vt possim amulari virtutem, normam tenere vitæ, & morum apprehendere disciplinam*. Da mihi *semper tuis inherere vestigijs*, ac *sequi te quocumque ieris*: quoniam VIÆ tuæ, VIÆ pulchræ, & omnes *semitæ tuæ pacifice*. Trahe quodammodò inuitam, vt facias voluntariam. Trahe torpentem, vt reddas currentem. Trahe me, inquam, & curremus post te: non ego sola, sed & sorores adolescentulæ mecum: dabo enim operam vt & illas adducam, & vnà mecum suauē CRVCIS subeant iugum.

Eia, inquit Christus, quantum spei tibi est in sororibus tuis? an non illæ proteruè restiterunt tibi? vt ne quidem ad cultum CRVCIS adhibendum te comitari voluerint, hinc enim in auia hæc præcipitata es, & tu nunc eas adducas, vt CRVCIS huic non vno die, aut altero, sed quotidie baiulandæ humeros supponant? Staurophila, verbo dicam, non facient. Confidentia tamen mihi multa est, inquit illa, quòd, auditis omnibus, quæ locutus est Dominus ad cor ancillæ suæ, faciliè in meam ituræ sint sententiam. I verò, aiebat Christus, periculum fac; ego autem scio quòd neutiquam consentient; Noui enim durissimam ceruicem earum:

earum: sed vade, adduc eas, crastinum interea expectabo diem, cum hac hora hinc rursus adero, ut in VIA CRVCIS deinceps instruaris. Dicebat hæc Christus, cum subito Staurophila eum disparuisse vidit, & se non longe à suburbano constitutam.



Inimici CRVCIS Christi. *Philipp. 3, 18.*



*Quid fugis hinc? animo placet haud peritura voluptas?
Nulla, vel huc ducet te CRVCIS vna VIA.*

CAPVT IX.

Voluptati studentes CRUCEM fugere.

Inimici CRUCIS Christi. Philipp. 3, 18.

*Quid fugis hinc? animo placet haud peritura
voluptas?*

Nulla, vel huc ducet te CRUCIS vna VIA.



ISCRUCIABANTVR animo so-
rores, anxix quidnam Stauro-
philæ accidisset, quæ integro
die. & nocte iam abfuisset.
Vna, aberrasse, & per siluam
vagari suspicabatur: altera, quòd sola reli-
cta esset, indignabundam domum repetiisse,
& querelam apud patrem fortè deponere
affirmabat. Hæc dum loquerentur, inopi-
natò ingressa est Staurophila, omnium sanè
admiratione & gaudio: vbi magnâ statim
contentione quæsitum, vbinam hæsisset hac-
tenus, quid actum, quomodo in villam re-
diisset. Illa, honesto nomine moram suam
excusans, & nescio quid prætexens, sorores
in partem seuocat, & prolixo sermone Chri-
sti apparitionem, suauissimum colloquium,
explicatam vitæ æternæ semitam exponit;
quanta denique gaudia, quot voluptates,
quos

quos honores illi consequantur qui VIAM
 illam sedulò perambulauerint : se proinde
 venisse, vt sorores tantæ felicitatis haberet
 socias. Illæ more suo se excusare, promissa
 illa dicere incerta, visionem, præstigias & il-
 lusiones vocare; tandem absolutè recusare
 propositum iter suscipere: contrà Stauro-
 phila precibus & obsecrationibus id agere,
 saltem in conspectum speciosissimi Iuuenis,
 & colloquium venire ne detrectent; habere
 illum verba vitæ æternæ, penetrantia vsque
 ad ipsam animam, quam non difficulter
 possit conuertere, & ex nolente facere vo-
 lentem. Multis vtrò citroque habitis ser-
 monibus, spondent tandem comitatum, siue
 vt curiositati indulgerent, siue vt Staurophi-
 læ aliquousque gererent morem. Ad condi-
 ctum igitur veniunt locum, vbi statim ful-
 gentissimâ facie Christus adfuit, & compen-
 diò regni cælestis gaudia exposuit: verùm
 ad ea non nisi per CRUCEM aiebat, patere
 aditum; proinde hortari se hanc breui tem-
 pore susciperent, quæ eis eam allatura esset
 voluptatem, quam *oculus non vidit, nec auris*
audiuit, nec in cor hominis ascendit. Plura in
 hunc sensum dicebat, cum subito Hilaria:
 Et hoc scilicet est, quod non vanè suspica-
 bar, nihil scilicet hic nisi tetrica & tristitia me
 audituram: neque ego, bone Iuuenis, tam
 ini-

1. Corinth.
 2.9.

insipiens fuerim, ut omnibus huius vitæ voluptatibus me exuam, propter nescio quam alterius & melioris vitæ expectationem, CRUCEM ego amavi numquam, nisi quæ in argenteis vel aureis fulget nummis, aut quæ aureorum aliquot millium quotannis adferat redditus. Tuam verò CRUCEM, longam illam & laboriosam, ego tenella haudquam susceperim.

Et, Nolis tu, filia, inquiebat Christus, breui CRUCE redimere æternam? nolis labore non admodum longo regnum obtinere æternum? nolis pro animæ salute exiguum aliquem ferre dolorem? Quam vulgatum est illud:

Vt corpus redimas, ferrum patiaris & ignes; Ouid. lib. 1.
De remed.
amor.

Arida nec sitiens ora lauabis aquâ:

Vt valeas animo, quidquam tolerare negabis?

At pretium pars hæc corpore maius habet.

Quid igitur?

Te totam ut salues, sit graue ferre CRUCEM?

Eheu, inquiebat Hilaria, *durus est hic ser-* Ioan. 6, 61.
mo, & quis poterit eum ferre? At durius, in-
quiebat Christus, audire, *Ite maledicti in ig-* Matth. 23,
41.
nem æternum. Meliora spero, regerebat Hil-
laria, neque enim frustra in Deum credo, &
Christianis initiata sum sacris:

Nihil proderit, respondebat Christus,
mortua sine operibus fides. & si Christiana es, Iac. 2, 27

E

quid

August. in
Psalm. 55.

quid Christi CRUCEM refugis? Nullus ser-
uus Christi sine tribulatione. *Si putas te non
habere persecutiones, nondum capisti esse Chri-
stiana.* Illa rursus: Dura res est dolor, CRUX,
cruciatus. Imò tu mollis es, regerebat Chri-
stus, quæ nihil ferre consueuisti. Cui illa:
Non ego sola, sed pauci admodum dolo-
rem ferre potuerunt. Et Christus: Esto ex
paucis; *multi enim vocati, pauci verò electi*;
& pusillus est grex, cui Pater cælestis regnum
dabit æternum. Repetebat Hilaria consue-
tam cantilenam:

Matth. 20,
16.

Tibull. l. 3.
Eleg. 2.

*Non ego firma satis: non hæc patientia nostro
Ingento: frangit fortia corda dolor.*

Et quid possum? talem me, Domine, natura
formauit. Naturam, aiebat Christus, infa-
mare noli, illa fortes genuit. Vince natu-
ram, vt violenta cælum rapias. Et cur dicis te
non posse? dic potius, nolle. nam

Ouid. l. 2.
De remed.
amor.

Posse pati facile est, tibi ni patientia desit.

Omnia sanè potes in Deo, qui te confor-
tat. Et quàm multi pueri & puellæ, iuuenes
& virgines, senes cum iunioribus, relictis om-
nibus, CRUCEM acceperunt, & per varias
tribulationes intrauerunt in regnum cælo-
rum? *Tu verò non poteris, quod isti & istæ?
An isti & istæ in semetipsis possunt, & non in
Domino Deo suo?*

August. l. 8.
Confess.
cap. 11.

Nescio, inquiebat Hilaria, quæ illis mens,
quæ

quæ fortitudo animi fuerit: mihi certum est omnibus modis CRUCEM fugere. vix enim vel hunc sermonem sustineo. Quid hoc est, inquiebat Christus, adeone tibi exosa salus, vt VIAM eius abijcere statuas? tam horrida tibi CRUX, vt verbum eius te in fugam conijciat? Attende, quæso, quid Apostolus Andreas iam iam crucifigendus fecerit, quid dixerit, & quàm grata ei CRUX fuerit. *Videns* enim paratam *eminus* CRUCEM, nequaquam, (vt exigere videtur mortalis infirmitas) facies eius expalluit, nequaquam sanguis eius gelatus est, non steterit come, aut vox faucibus hesit; non contremuit corpus, nec mens turbata est, non recessit (vt assolet) intellectus: ex abundantia cordis os locutum est, & charitas, quæ feruebat in corde, quasi scintillas quasdam ardentissimas emittebat in voce. O CRUX, inquit, diu desiderata, & iam concupiscenti animo preparata, securus & gaudens venio ad te, ita & tu exultans suscipias me discipulum eius, qui pependit in te, quia amator tuus semper fui, & desideravi amplecti te. Obsecro te, aiebat Hilaria, homo est qui loquitur hec, an Angelus, aut noua aliqua creatura? Homo, inquiebat Christus, planè similis vobis passibilis: nam passibilem cum passio ipsa testatur, quâ appropinquante tam letabundus exultat. Vnde ergo, subdebat Hilaria, in homine noua hec

Bernard.
Serm. 2. de
S. Andieâ.

68. REGIÆ VIÆ CRVCIS

exultatio, & letitia hætenus inaudita? unde in tantâ fragilitate tanta constantia? unde in homine tam spiritualis mens, tam feruens charitas, animus tam robustus? Non à seipso cebat Christus, hæc inerat ei virtus, donec hoc perfectum erat, descendens à Patre lumen, ab eo utique qui facit mirabilia magna solus. Planè spiritus erat, qui adiuuabat infirmitatem eius, per quem diffundebatur in corde ipsius fortis charitas ut mors, imò & fortior morte. Spiritus enim Dei super mel dulcis, ita ut ne ipsa quidem dulcedini eius præualere queat amarissima licet mortis amaritudo.

Iacob. 1,

17.

Pf. 135, 4.

Rom. 5, 5.

Eccli. 24,

27.

Rom. 8, 9.

Ego verò, aiebat Hilaria, hoc spiritu destituta, quid mirum si molestam sentiam, & exolam habeam CRVCEM? Totâ sollicitudine, aiebat Christus, quæras hunc spiritum: nam qui querit, inuenit; & necesse prorsus est hoc spiritu ornari. Quicumque enim spiritum Christi non habet, hic non est eius. Non capio ego, subiciebat Hilaria, neque cupio hunc spiritum, qui ad dolores, CRVCEs, & angustias quærendas impellit: expectant cum, & expectent quicumque velint; ego sanè lætitiæ nihil, lethi autem in eo inuenio plurimum. Nolo proinde quidquam de eo ampliùs audire. Dicit hæc, & simul se coniecit in pedes; cùm Christus ad Staurophilam: Ecce hoc est quod prædixeram: novi

noui enim quam pauci sint qui contendant
 CRVCEM tollere, & intrare per angustam Matth. 7,
 portam. An non bonus ille adolescens, qui 13.
 bono animo me accedebat, dicens: *Magister* Matth. 19,
*bone, quid boni faciam vt habeam vitam eter- 16.
nam? cum audisset, *Si vis perfectus esse, vade,*
vende quæ habes, & da pauperibus, & habebis
thesaurum in celo, & veni sequere me; abijt
tristis? Ita nimirum difficile est, diuites &
 voluptati studentes intrare in regnum celo-
 rum. Quid ergo? inquebat Staurophila,
 propter neglectam CRVCEM æternum dam-
 naretur soror, nec spes vlla esset salutis?
 Quid me interrogas? respondebat Christus;
 interroga Apostolum meum quid de illis
 sentiat. an non audiuisti cum lacrymis di-
 centem: *Multi enim ambulant, quos sæpe di-* Philipp.
cebam vobis (nunc autem & flens dico) INIMI- 3, 18.
 COS CRVCIS CHRISTI, quorum finis interi-
 tus: quorum Deus venter est, & gloria in con-
 fusione ipsorum, qui terrena sapiunt. Viden-
 verò cur inimici sint CRVCIS? quia nimirum
 voluptati indulgentes, ventrem Deum fa-
 ciunt, terrena sapiunt, neglecto celo. Quid
 igitur hinc consequens, nisi vt finis eorum sit
 interitus, & perditio æterna? Sic nimirum
 qui creaturam sibi facit Deum, numquam
 fruetur Creatore, & vero Deo.*

Verbum CRVCIS pereuntibus stultiitia
est.

1. Corinth. 1. 18.



CRVX humilis sapit haud alium sapientibus; illam
Atq̃ auidè, cœlum cia sapit, ille caput.

CAPVT X.

Honoris cupidos CRVCEM spernere.

Verbum CRVCIS pereuntibus stulti-
tia est. 1. *Corinth. 1. 18.*

CRVX humilis sapit haud altum sapientibus,
illam

Ast auide, cælum cui sapit, ille capit.



TONITA ad hæc Staurophila,
altum ingemiscebat ; & ad al-
teram conuersa sororem , Ne,
oro te Honoria, fugitiuâ hanc
imiteris, quæ nõ tam se à CRV-
CE, quam a IESV, & salute elongauit æternâ.

Age nunc ingenuitatem nobilitatis tuæ co-
gita , & generose CRVCEM suscipe, vt in æ-
terna tabernacula, quò illa ducit, suscipiare.

At illa fastu tumens, Egone verò, inquit, in-
famem stipitem , seruire supplicium , arbo-
rem fatalem , infelix illud lignum , ignobi-
lem trabem , nobilis virgo in humeros sus-
tollam ? Nomen ipsum CRVCIS (ait eloquen-

tia parens) *absit non modò à corpore ciuium* Cicero pro
Rub.
Romanorum, sed etiam à cogitatione, oculis,
auribus. Harum enim omnium rerum non so-

Minutius
Felix in
Apologet.

lum euentus atque perperſio, ſed etiam conditio,
exſpectatio, mentio denique indigna cine Ro-
manorum atque homine libero eſt. Vt quid er-
go CRVCIS lignum velut pretioſum monile
geſtabo, quæ non neſciam, Cæcilium CRV-
CIS ligna feralia Octauio obieciſſe?

Actæ An-
drex.

Quid eſt quod loqueris, ſoror? aiebat
Staurophila, aut quid fruſtrâ Gentilium al-
legas dicta? quaſi verò neſcias, CRVCIS li-
gnum decorem ex membris Domini ſuſcepſiſſe,
nec infamis ſtipēs CRVX, aut fatalis arbor,
ſed inter omnes arbor vna nobilis,

Venantius
Fortun. in
Hym.

*Arbor decora & ſulgida,
Ornata Regis purpurâ,
Electa digno ſtipite
Tam ſancta membra tangere.*

Quid infauſtam nominas arborem, quæ
verè

*Beata, cuius brachijs
Pretium pependit ſeculi?*

Seneca
Epift. 127.
Liuius l. 4.
Sibylla
apud So-
zomen.
lib. 2. c. 1.
Venant.
Fortun.
in Hym.
1. Corinth.
1, 18.

Infelix vocas lignum, cum Senecâ & Liuiio,
quod meliùs cum Sibyllâ diceres,
O lignum felix, in quo Deus ipſe pependit!
& cum Eccleſiâ:

*Dulce lignum, dulces clauos,
Dulce pondus ſuſtinens.*

Lignum CRVCIS contumelijs dignum vi-
ſum eſt inimicis, *ys autem qui ſalvi ſunt, id
eſt, nobis, verbum CRVCIS Dei virtus eſt.*

Quid

Quid verò nobilitatem iactas? cum summa ingenuitas ista sit (vt S. Agatha dixit) in quâ seruitus Christi comprobatur. Sancta illa nobilissimis orta natalibus, ab ignobili gaudentrahebatur ad carcerem, & exultans dicebat: *Ancilla Christi sum, ideò me ostendo seruilem habere personam. Multò enim præstantior est Christiana humilitas & seruitus, Regum opibus ac superbiâ.* Et verò tu nunc videris cui seruias, Christo an dæmoni, virtuti an peccato. *Qui enim facit peccatum, seruus est peccati.* Et quis est qui non peccet? *In multis sane offendimus omnes.* Proinde vel hoc nomine CRUCEM reuigere non oporteret. Nam fugitiui olim serui, aut alias flagitiosi, si commeritum supplicium illis condonaretur, in signum ignominie CRUCEM vestibus insertam aut depictam deferebant, vnde Cruciferi aut Cruciarij dicebantur. Cur ergo tu, quæ æternam non semel commerita es CRUCEM, non feras temporariam, si illa pro hac tibi condonetur?

Tu quidem Staurophila, inquiebat Honoria, importuna concionatrix es: sed mihi nõ persuaseris. Tu, vt lubuerit, & Crucifera, & Cruciaria, & discipula CRUCIS esto; ego hanc infamiam numquam admisero. Dixit hæc, & petulantissime simul insiliit in subiectam CRUCEM, probris illam & conuitiis

Breuiar.
Rom. in
eius festo.

Ioan. 8, 34.

Iac. 3, 2.

Ita Daniel
Malonius
in Hist. de
Christi
stigmati-
bus Sindo-
ni impres-
sis c. 4. n. 5.

excipiens, & quod maximè indignum, etiam computans.

At Christus immemor iniuriæ, memor clementiæ, vtramque sic affatus est: *Si magnæ pietatis sacramentum intelligitis, & quod pro salute humani generis ego vnigenitus Dei Filius gessi, aduertitis, hoc, quæso, sentite in vobis, quod & in me Christo Iesu, cuius humilitas nulli aspernanda diuitum, nulli est erubescenda nobilium. Nec enim in tantum prouehi potest qualibet felicitas humana fastigium, vt æstimet sibi pudendum, quod ego manens in formâ Dei Deus, non sum arbitratus indignû. Et quid gloriaris de nobilitate, cum ego sim Rex Regum, & Dominus dominantium; qui tamen CRVCEM idcirco elegi, vt in eâ tota diabolice dominationis contereretur aduersitas, & de elatione superbiæ victrix humilitas triumpharet. Subieci humeros CRVCI, & coram toto mundo eam baiulaui, vt sequentibus me præberem exemplum. Quid enim? Grande profectò hoc fuit spectaculum! sed si spectet impietas, grande ignominie documentum; si pietas, grande fidei munimentum. Rursum, si spectet impietas, videt Regem pro virgâ regni, lignum sui portare supplicij: si pietas, videt Regem baiulantem lignum ad semetipsum figendum, quod si xurus fuerat in frontibus Regum; in eo spernendus oculis impiorum,*

Leo Ser. 2.
de Resurr.

Philipp. 2,
1.

Leo Serm.
4. de Pass.

August.
Tract. 117.
in Ioan.

*piorum, in quo erant gloriatura corda sancto-
rum.* Cui ergo deinceps intolerabilis videbi-
tur CRUX, quam Rex gloriæ non duxit sibi
ingloriam? an non prorsus intolerabilis im-
pudentiæ est, ut ubi sese exinaniuit maiestas,
vermiculus infletur & intumescat?

Audiebant hæc quidem ambæ, dispari ta-
men euentu: Honoria enim his sermonibus
exasperata, cum indignatione recessit; Stau-
rophila verò intime compuncta, nihil præ-
texere sciebat præter humanam infirmita-
tem, & apparens dedecus. Et quis, inquit, est
Domine, qui illustri loco natus ludibrio se
haberi patiatur? Quid? inquiebat Christus,
an non audisti, ut Dauid ob pietatis cultum
à Michol irrisus fecerit? & quid dixit ille?

Ludam, inquit, & vilior fiam plusquam factus 2. Reg. 6.
sum, & ero humilis in oculis meis. Bonus hic, 22.
ò filia, ludus, quo Michol irascitur, & Deus de- Bernard.
lectatur. Bonus ludus, qui hominibus quidem Epist. 87.
ridiculum, sed Angelis pulcherrimum specta-
culum prabet. Bonus, inquam, ludus, quo effi-
ciuntur serui mei opprobrium abundantibus,
& despectio superbis. Nam reuera quid aliud
secularibus, quàm ludere videntur, cum, quod
ipsi appetunt in hoc seculo, illi contrà fugiunt;
& quod ipsi fugiunt, illi appetunt?

Pulchrum hoc exemplum, inquiebat Stau-
rophila, sed antiquum; & hodie plures in-
uenias,

Ealced.in
Virâ sancti
Eduardi.

uenias, qui Michol ad viuum repræsentent, quàm qui Dauidem. Ita est, aiebat Christus, sed non defuerunt posterioribus etiam sæculis illustres personæ, contemptus sui illustriissima exhibentes testimonia: accipe vnum in Rege mirandum, & imitandum. Cùm in palatio iuxta Ecclesiam B. Petri Anglorum Rex Eduardus aliquando moraretur, superuenit quidam vir, Hibernicus genere, pedis vtriusque priuatus officio. Nervi enim in poplite contracti, ad posteriores corporis partes crura retorserant, tali natibus inhaeserant, immerique carnibus pedum articuli, à lumbis eius & deorsum corpus omne peruerterant: porrectis ad terram manibus, & scamnis suppositis repebat, & factus sibi metipsi grauis, trahebat se post se. Hic videns Regis cubicularium, ait ad eum: Hugoline, non me respicies, nec misereberis, nec mouebit te mea tanta calamitas? Et ille: Quid me vis facere? Cui pauper, Sexies, inquit, Apostolorum limina repens (vt cernis) visitaui, & sanitatem necdum promerui. Quam tamen mihi Apostolorum Princeps non negauit, sed distulit, socium in hoc miraculo habere volens Eduardum, quem sibi nouit in omnibus esse deuotum. Ab ipso enim Apostolo in mandatis accepi, Regem adire, vt me suo sacro subuectum dorso ad Ec-

Ecclesiam eius, quæ palatio vicina est, perfectam, recepturum, si id fecerit, membrorum integram sanitatem. Hæc ubi nuntiata sunt Regi, gratias agit Deo, & citatus mox æger accessit. Rex verò, ut spiritalis ille *asinus fortis, accubans inter terminos, supposuit humerum suum ad portandum.* Genes. 49. 14. Pendet de humero tanti Principis plenus sordibus pauper, squallidis manibus, brachijsque squamosis Regium illud pectus collumque complectitur. Interea ex assistentibus ridebant nonnulli, alij à paupere Regem delusum iocabantur; alij simplicitatem iusti, fatuitatem iudicabant. Cum itaque Rex paululum processisset, subito nervi extenduntur, rigantur ossa, carnes marcidæ recalescunt, emergunt à carne articuli, pedes à natibus soluuntur. Dissendit homo crura, poplite iam flexibili, & sanie cum sanguine profluente, vestis Regia ornatur potius, quam fœdatur. Iam tunc satis esse clamant omnes, sanatum languidum, onus ac sordes ulcerum deponendum. Ille verò memor præcepti quod susceperat, Sirenarum cantus obturatâ aure pertransiit: ingressusque Ecclesiam, ante sanctum altare holocaustum, quod detulerat, Deo ac beato Petro resignat, incolumemque dimisit. Quid tibi videtur, Staurophila, de hoc Rege?

Lau-

Laudo, inquiebat illa, humilitatem & demissionis studium, scio tamen quòd sæculi homines id stultitiam & insaniam reputarent. Cui Christus: Ita esse, & Apostolus meus indicauit: *Verbum enim CRVCIS per euntibus stultitia est. Sed quod stultum est Dei, sapientius est hominibus; & ideo non multi sapientes secundum carnem, non multi potentes, non multi nobiles ad prædicandum CRVCIS mysterium electi sunt; sed quæ stulta sunt mundi elegit Deus, ut confundat sapientes; & ignobilia mundi, & contemptibilia elegit Deus, ut confundat fortia.* Noli igitur, Staurophila, noli ob mundanorum subsannationes baiulationem detrectare CRVCIS: maxima enim sapientia est, pro Deo stultum velle reputari, & cum Apostolo dicere: *Nos stulti propter Christum. & Spectaculum facti sumus Deo, & Angelis, & hominibus.* *Noluit Moyses Rex esse, cum posset, sed opprobrium Christi thesauris Aegypti arbitratus est præferendum: sed fugiendo potentiam, potentior factus est. Et tu contemne quæ sæculi sunt, & Dominica passionis opprobrium contende omnibus præferre diuitijs. Irrideant nunc viri illusores Staurophoros meos, quos Gentiles CRVCIS religiosos appellare soliti sunt: erit aliquando tempus, cum sapientem hanc vestram laudabunt iniipientiam, & serò nimis dam-

1. Corinth.
1, 18.

vbi suprâ
v. 26.

1. Corinth.
4, 9.
Ibid. v. 10.
*Ambr in
Psal. 118.
& Epist. 30
ad Sabin.

Tertul. in
Apolog.
c. 16.

damnabunt suam. Cùm enim in extremo iudicij die impij videbunt iustorum gloriam, turbabuntur timore horribili, & mirabuntur ^{Sap. 5, 2.} in subitatione inasperata salutis, dicentes intra se, pœnitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperij. Nos insensati vitam illorum aestimabamus insaniam, & finem illorum sine honore; ecce quomodo computati sunt inter filios Dei, & inter sanctos sors illorum est.



Multa flagella peccatorum. *Psal. 31, 10.*



*Spreuerunt minimam, grauiorem adquntur iniquæ,
Quo magis exhorrent, hoc magè ferre CRUCEM.*

CAPVT XI.

Peccatoribus maiorem à damone imponi
CRUCEM.

Multa flagella peccatorum. *Psal.* 31, 10.

Spreuerunt minimam, grauiorem adiguntur
iniqua,
Quò magis exhorrent, hoc magè ferre CRV-
CEM.



ON poterat Staurophila non meminisse fugæ germanarum suarum, quæ oculis & animo ipsius continuò obuersabatur. quare ita Christum compellat: Vt fileam, Domine, de futurâ vitâ, auctamen animus scire, num in hac saltem fugitiuâ illâ degent sine CRUCE. Ideò enim se subdixerunt, vt in deliciis & honoribus sine cruciatu viuant.

Nequaquam, aiebat Christus, hîc immunes erunt: *nam qui me per CRUCEM sequi* Pinell. l 4.
recusat, semper illum CRUX ipsa prosequetur. De perfect. Relig. c. 10.
Et * *mortalis nemo est, quem non attingat do-* * Euripid. apud Ci-
lor. Quemadmodum enim mori omnibus cer. in Tus-
contingit, ita & pati: & sicut mortuus quis- cul. 3.
que suum habet sepulchrum, sic viuens
F suam

fuam CRVCEM. Quando moritur, CRVX ante illum portatur: quando oritur, CRVX illi portanda imponitur. *Occupatio enim magna creata est omnibus hominibus, & iugum graue super filios Adam, à die exitus de ventre matris eorum, vsque in diem sepulture, in matrem omnium. Noli errare, mea Staurophila, multe sunt & planè diuersæ CRVCIS causæ, & omnino nullus inueniri potest à tristitiâ & mærore liber. Sicut enim nauigans non potest non cum varijs periculis conflictari; ita qui hanc vitam viuit, non potest non in tribulatione & CRVCE versari. Omnes enim, cuiuscumque sortis sint, varias CRVCIS causas habent, hic quidem ab uxore, hic à filio, alter à seruo, alter ab amico, alter ab inimico, ex vicino quidam, quidam ex fortunarum iacturâ.*

Et quis non causas mille doloris habet?
Sed habent seculi homines, inquiebat Staurophila, multas etiam delectationes, & proprias sequuntur voluntates: ideoq; parum ponderant suas tribulationes & CRVCES. Cui Christus: Esto, ita sit, & habeant quidquid voluerint: sed quàm diu putas durabit? Ecce quemadmodum fumus deficient abundantes in seculo, & nulla erit recordatio preteritorum gaudiorum. Sed & cùm adhuc viuunt, non sine amaritudine, & tædio ac timore in eis quiescunt. Ex eadem namque re, vnde sibi delectatio-

Eccli. 41, 1.

Chrysof.

Hom. 67.

ad Antioch.

Quid. l. 2.

De remed.

amor.

Thom. à

Kemp. l. 3.

De imit.

Christi

cap. 12.

Psal. 63, 3.

Etatio-

*ctationem concipiunt, inde doloris pœnam frequenter recipiunt. Iuste illis fit: ut, quia inordinatè delectationes querunt & sequuntur, non sine confusione & amaritudine eas expleant. * Iussit enim Deus, & sic est, ut pœna sua sibi sit inordinatus animus. Videre tamen est, aiebat Staurophila, Reges, Imperatores, Principes, & quibus supremum in alios ius, quorum voluntati nullus reluctari audeat, nihil aut admodum parum de CRUCE participant. Respondebat Christus: Nullo modo hi excipiuntur. Neque enim Rex procul à curis & CRUCE vitam agit, sed vitam vivit plenam multis tribulationibus & curis. Neque diadema respicias, sed curarum tempestatem, per quam ipsi corona paritur: neque purpuram intueri, sed animam ipsâ purpurâ magis nigrescentem. Non ita corona caput circumdat, sicut animam sollicitudo: nec satellitum ceteruam, sed molestiarum multitudinem spectâ. Nec enim priuata domus tot curis plena reperiri potest, quot Regi.e sunt CRUCES per singulos dies expectandæ. Ut video, inquebat Staurophila, & illis CRUCES non defunt, quibus de fide vel maxime putantur. Quid dicam, Staurophila? inquebat Christus. Militia, & continua tentatio est vita hominis super terram: & tam abundantia quàm inopia solet esse materia peccati, cum vel diues*

** August.
l. 1. Confess. c. 12.*

*Chrysost.
Hom. 66.
ad Pop.
Antioch.*

Iob. 7. 1.

Prophet.

extollitur ad superbiam, vel pauper profilit ad querelam, & vtrunque non leuis exoritur CRVX. Væ prosperitatibus sæculi semel & iterum, à timore aduersitatis, & à corruptione letitiæ! Væ aduersitatibus sæculi, semel & iterum, & teritiò, à desiderio prosperitatis! Et quia ipsa aduersitas dura est, & naufraga tolerantia, numquid non tentatio est vita humana super terram, sine vlllo interstitio.

Fateor, Domine, aiebat Staurophila, in hac tentatione frequentes & graues esse lapsus. Sed peccatores hoc non CRUCEM arbitrantur, sed latam & gratam admodum occupationem. Ita quidem nunc, aiebat Christus, sed aliter in alterâ vitâ iudicabunt. An non hæc impiorum vox: *Lassati sumus in viâ iniquitatis & perditionis, & ambulauimus vias difficiles: VIAM autem Domini ignorauimus?* * *Iugum meum suaue est, & onus meum leue, quod qui tollunt, inueniunt requiem animabus suis. Sarcina autem peccatorum est velut talentum plumbi, quod sicut onus graue grauatur super eos. Deinde, seruiunt hi dijs alienis die ac nocte, qui non dant eis requiem.* * *Quidquid enim peccatur, quidquid malorum operum die ac nocte fit, imperium est demonum, qui numquam dant requiem, sed semper impellunt delictis augere delicta, & cumulum facere peccatorum.* Et vide mihi laborio-

August.
1.10. Con-
fess. c. 28.

Sap. 5, 7.

* Matth.
11, 30.

Zachar. 5,
7.
Ierem. 16,
13.

* Hieron.
in cap. 16.
Ierem.

riosam peccatorum defatigationem in for-
 tissimo illo Samfone designatam. Ille enim Iudic. 16,
 blanditiis vxoris superatus, rasâ cæsarie tra- 16.
 ditur Allophylis, excæcatur, mittitur in car-
 cerem, & vertendis molis velut asinus de-
 putatur. Sic patiatur necesse est, quisquis
 Dalilæ, id est, carni suæ, nimium blandiens,
 illius se arbitrio committit. Hic enim spiri-
 tuali robore ab eâ exspoliatur, & hostibus,
 mundo, carni, & diabolo, futurum manci-
 pium traditur. Quid verò à crudelibus his
 dominis non patitur? lumine rationis orba-
 tur, & instar bestię molam torquere asina-
 riam cogitur. *Considera huiusmodi vitam,* Paulin.
& tota tibi species iumentis molentis occurrit. Epist. 4.
Vt illud pannis oculos corporis, sic iste sordi- ad Seuer.
bus vitæ suæ, oculos mentis obsitus, per erro-
res suorum sensuum, quasi circa ambages mola-
rum, laboriosâ miser statione versatur. Stat in
viâ peccatorum compeditus vinculis cupidita-
tum suarum, & ipse sibi carcer est, obsessus te-
nebris erroris sui, & conscientie squalore con-
cretus: in semetipso pistrini ergastulum pati-
tur; saxum cordis sui, pertinaciâ iniquitatis
induratum, quasi molam versat; farinam ho-
stibus suis de corruptâ anime suæ fruge confi-
ciens. O quantâ hoc pistrinum defatigationis
præbet materiâ! quàm meritò per Prophetâ
clamat Dominus: Quiescite agere peruersè! Isaïæ 1, 16.

Et verò quàm difficiles vias ambulant peccatores! *Viæ enim eorum tenebræ & lubricæ*, nesciunt ubi corruant. Et considera, quæso, quemadmodum in iis luto fœdantur intemperantes, lapidibus lædantur auari, arduitate lassentur ambitiosi, spinis cruententur iracundi, tenebris occæcentur inuidi, turbâ comprimantur adulatores, inæqualitate & contragositate retardentur acediosi.

Denique *contritio & infelicitas in vijs eorum*, Video planissimè, subdebat Staurophila, non vnâ malos manere CRUCEM: sed tamen videntur quietè admodum & tranquillè vitam ducere, securi prorsus imminentium periculorum. Verè dixisti, respondebat Christus, videri eos tranquillam vitam ducere: videtur enim, non verè est. Torquet enim eos conscientia delictorum, nec vermis ille continuè rodens vllam eis concedit requiem. Magnum, aiebat Staurophila, tormentum inquieta conscientia, animum continuè flagellans & discrucians. Subdebat Christus: Ita est. *Inter omnes enim tribulationes humane anime, nulla maior est tribulatio, quàm conscientia delictorum*. Namque si ibi vulnus non sit, sanusq; sit intus hominis, quod conscientia vocatur, ubicumque alibi passus fuerit tribulationes, illic confugiat, & ibi inueniet Deum. Si autem ibi requies non est,

August. in
Psal. 45.

est, propter abundantiam iniquitatis, quoniam
 & ibi Deus non est; quid factururus est homo?
 quò confugiet, cum cœperit pati tribulationes?
 Fugiet ab agro ad ciuitatem, à publico ad do-
 mum, à domo in cubiculum: & sequetur tribu-
 latio. A cubiculo iam quò fugiat non habet,
 nisi interiùs ad cubile suum. Porro si ibi tumult-
 us est, si fumus iniquitatis, si flamma sceleris;
 non illuc potest confugere: pellitur enim inde;
 & cum inde pellitur, à seipso pellitur. Et ecce
 hostem suum inuenit quo confugerat, seipsum
 quò fugiturus est? Quocumque fugerit, se ta-
 lem trahit post se: & quocumque talem traxe-
 rit se, cruciat se. Et quis animorum hæc tor-
 menta æquo sustineat animo, quæ æterno-
 rum sunt veluti præambula? Nam ut Cru-
 ciarij, Romano ritu CRUCEM suam ferebant,
 ipsi ab eâ mox ferendi; sic impijs omnibus, con-
 scientiæ hanc CRUCEM Deus imposuit, in quâ
 pœnas luant, priusquam luant. Inunc, Stauro-
 phila, & felices puta, quibus opes, potentia,
 voluptates circumfulæ: vere enim non sunt,
 quamdiu carnifex ille animus quotidie eos
 minutis ictibus cruciat & pungit, ac lento il-
 lo passu ducit ad mortem æternam.

Lipfl. 2. de
 Constant.
 cap. 14.

CAPVT XII.

*Voluptuarijs, auaris, ambitiosis, & Aulicis
suas non deesse CRVCES.*



ISERA hæc CRVX peccatorum, inquiebat Staurophila; miserere mei, misericors Domine, ne incidam in illam. Non peccatoribus dumtaxat, aiebat Christus, sed omnibus omnino suæ sunt CRVCES, laborumq; exors nullus est, nec erit. * Inest enim singulis vitæ conditionibus, quod inexpertus ignoret, & expertus exhorreat. Vis audire testem certissimum? Salomon Rex omnia huius vitæ commoda, delicias & voluptates expertus, hoc de illis tandem affirmavit: *Vidi cuncta quæ fiunt sub sole, & ecce vniuersa vanitas, & afflictio spiritus.* In omnibus enim quædam iunt, quæ affligant & excrucient.

Satis id quidem paradoxum hominibus videbitur, aiebat Staurophila, & ne dissimulem, ægre ipsa id assequor. quare pergat, quæto, Dominus meus ancillæ suæ hanc veritatem exponere. Animaduerte igitur, respondere Christus: *Omne quod est in mundo, concupiscentia carnis est, & concupiscentia*

ocu-

Pindar.
Hym. 4.
* Boët. l. 2.
de Consol.
prosâ 4.

Eccle. 1,
14.

1 Ioan. 2,
16.

oculorum, & superbia vitæ. Aut enim carnales delicias, aut diuitias, aut honores, mundani quarunt. Et quidem voluptates plus fellis quam mellis habent: vt non malè è sæculi sapientibus quidam dixerit: *Nullam capitaliorem pestem, quàm corporis voluptatem hominibus à naturâ datam, eamq̃, quò maior est, omne animi lumen extinguere.* Vt quid igitur, interrogabat Staurophila, voluptates nuncupantur, si nihil volupe, amaritudinis autem habeant plurimum? Cui Christus: Deliciæ sibiipsis contrariæ sunt. vnde nescio quomodo nomen hoc habeant, cum iniucundæ sint. *Non tam vehementer fluuiialium aquarum cursus ripas corrodere solet, sicut deliciæ & luxus omnia valetudinis nostræ firmitata facile subruunt. Si enim medicinalem ingrediaris officinam, omnes serè morborum causas illic inuenies esse. Vilis enim tenuisq̃ mensa, vt loquuntur Medicorum pueri, sanitatis mater est: saturitas verò ægritudinis mater est, morbosq̃ parit ipsorum quoque Medicorum artem transgredientes: pedum enim dolores, & capitis grauedines & vertigines, & manuum cruciatus, & tremores, & remissiones, & alia his multò plura, ex saturitate nasci solent. Si verò vis animi morbos inde nascentes videre, auaritiæ, mollitiæ, melancholiæ, ignauia, omnes ignorantia hinc habent principium:*

Archita
Tarent.

Chrysoft.
Hom. 54.
& 55 ad
Antioch.

Cyprian.
de Bono
pudicit.

1. Corinth.
6, 15.

Boët. lib. 3.
de Conso-
lat. prof: 7.

Boët. lib. 3.
Metro 7.

Matth. 13,
22.

nihilo namque sunt asinis meliores animi, ta-
lium mensarum delicias sectantes. Prætereo
lubens blandam ruinam melioris ætatis, lu-
xuriam dico, obscænum ludibrium reddens
ministris suis, nec corporibus parcens, nec ani-
mis. Et notum satis est, eum qui fornicatur
in corpus suum peccare. Deliciæ mihi, in-
quiebat Staurophila, deliciarum CRVCES &
tormenta intelligere; quas vel ideò deinceps
minus, uti spero, affectabo. Prudenter, re-
ponebat Christus, feceris. Quid enim solidi
in iis inuenias? nam turbida hæ voluptates,
cum appetuntur, plene anxietatis; cum exple-
te sunt, pænitiæ sunt refertæ: & intolera-
biles dolores, quasi quemdam fructum nequi-
tiæ, fruuentium solent referre corporibus. Ni-
mirum

*Habet omnis hoc voluptas,
Stimulis agit fruentes,
Apiumq; par volantum,
Vbi grata mella fudit,
Fugit, & nimis tenaci
Ferit ic̃ta corda morsu.*

Atque hi quidem sunt cruciatus martyrum
carnis & huius sæculi.

Exspecto, inquiebat Staurophila, an diui-
tius tanta quoque insit carnificina & CRVX.
Quid verò dubitas? aiebat Christus, quas
vel ideò spinas appellauī, quia ut illæ dum
infi-

infiguntur, hærent, dolorem creant; sic di-
uitiæ magno labore acquiruntur, maiore timore
conseruantur, maximo dolore amittuntur.

Ludolph.
de Vit.
Christi
part. 1. c. 64

Hinc miserum auari martyrium, cuius ani-
mam mordaces hæc curæ continuò absument.

B. fil. Ho-
mil in ali-
quot Scri-
ptur. loc.

Canis latrat, avarus putat furem esse. Mus
fortè perstrepat, & avari cor salit, quemlibet
vel puerum suspectum habet. Filios iam gran-
des, ut insidiatores aspiciat, quòd eorum iam æ-
tas successionem expetere videatur. Et atten-
tius, quæso, vide, amatores auri quanta patian-

August.
Serm. 100.
de Quæst.
cap. 6.

tur. Hiemalibus asperitatibus se nauigando
committunt: sic feruet auaritia, & nulla for-

midet frigora: iactantur ventis, suspendun-
tur & deprimuntur fluctibus; ineffabilibus pe-
riculis usque ad mortem agitantur. Dicant &

Ps. 43, 12.
August.
Serm. 50.
de Sanctis.

ipsi auro: Propter te mortificamur tota die.

Imò ne nocte quidem quiescunt: somnum
enim expellunt de lucro sollicitudines, ut
verè etiam possint dicere, Quis nos separabit
à cupiditate auri? tribulatio? an angustia? an
persecutio? Magnam habet, aiebat Stauro-

phila, cum vero martyrio auari hic crucia-
tus similitudinem: sed in eo maximè distat,
quòd sine merito sit, quin & magno (ut equi-
dem suspicor) animarum dispendio. Non
hæc suspicio est, aiebat Christus, sed ipsa ve-
ritas. Nam qui volunt diuites fieri, incurrunt

1. Tim. 6, 9.
Luc. 18,
25.

in tentationem, & in laqueum diaboli: & faci-

lius

92. REGIÆ VIÆ CRVCIS

Blesen.
Epist. 91.

Luc. 6, 24.

Tertull.
lib. extrem.
de Pœnit.

lius est camelum transire per foramen acus, quàm diuitem intrare in regnum celorum. Et vide, quâso, ut auari CRVX, infernalis miserie quamdam præferat imaginem, nec enim deest illi vnda Tantali, Titij iecur, rota Ixionis, urna Belidum, saxum Sisyphi, dum inter diuitias esurit, dum sollicitudinibus anxietur, dum cupiditate torquetur, dum ad illicita rapitur, dum in saccum pertusum congregat, dum congregando diuitias, labore continuo & superuacuo se affligit. Non immeritò, inquietabat Staurophila, in Euangelio horridum illud vñ intentatum est diuitibus, si talis eorum tam in hoc quàm futuro sæculo conditio.

Subtexam nunc, aiebat Christus, animalia illa gloriæ & honorum mancipia, quibus sua quoque non deest CRVX & tortura. Per quot enim ærumnas, honores petuntur! namque illos qui ambitu abeunt capeßendi magistratus, neque pudet neque piget incommodis animæ & corporis; nec incommodis tantum, verum & contumelijs omnibus eniti in causâ votorum suorum. Quas non ignobilitates vestium affectant? quæ non atria nocturnis & crudis salutationibus occupant? ad omnem occursum maioris cuiusque persone decrescetes, nullis conuiujs celebres, nullis comestationibus congreges; sed exules à libertatis & lati-

latitiæ felicitate, idq. totum propter unius anni volaticum gaudium. Eheu ! quantis laboribus & doloribus honores & dignitates petuntur ! Ambitiosus ut dominetur alijs, prius seruit ; curuatur obsequio, ut honore donetur. Confragosa in fastigium dignitatis via est. Ambitio ipsi naturæ vim parat. Quid Cn. Pompeium in Africam, quid in Septemtrionem ? quid Mithridatem & in Armeniam, & omnes Asiæ angulos traxit ? infinita scilicet cupido crescendi, cum sibi uni parum magnus videretur. Quid C. Cæsarem in sua fata pariter ac publica immisit ? Gloria & ambitio, & nullus supra ceteros eminendi modus. Iam verò si cui honor desideratus negetur, quantum is se torquet & cruciat ! Sedebat Mardocheus ante fores palatij, sed quia non asurgebat Amano, indignatus is est valdè, ut diceret, se, cum plurima haberet, nihil habere se putare, quamdiu videret Mardocheum sedentem ante fores regias. Et res hæc, quæ levis videri poterat, animum eius adeò pupugit, ut iusserit excelsam parari CRUCEM, in quam Mardocheus tolleretur. Sed ut ad curiam & palatium hîc nos sermo duxit ? Ingrediamur sanè, erunt & hîc quas consideres CRUCES.

Aulicos vulgus suspicit, ignorans quantis pateant periculis. Mare qui intrat, & navigat,

Ambros.
lib. 4. in
Luc. c. 4.

Seneca
Epist. 94.

Esther 5, 9.

Lips. Cent.
4. miscel.
Epist. 33.

*Polyb.
lib. 5.

Sidon. l. 1.
Epist. 7.

Blesens.
Carm. de
Luctu
carn. &
spirit.

Idem Epi-
stolâ 14.

gat, fluctus expectat; qui aulam, motus. * Re-
uera enim hi similes sunt abaculorum calculis.
Isti enim secundum computantis arbitrium,
modo erei sunt, modo aurei: & aulici ad nu-
tum Regis nunc beati, nunc miseri. Quam
multi post crepantes adulationum bullas,
opprobrium hominum facti, interdum vs-
que ad inimicorum dolorem deuenustati, & à
rebus humanis, veluti vomitu fortune nau-
seantis exspati sunt. Intelligo iam, aiebat
Staurophila, quam bene is dixerit, qui dixit:

*Desere palatia, nam curia
Curis, imò CRVCIBVS, & mortibus,
Semper est obnoxia.*

Non aliter est, aiebat Christus: pro vanissi-
mâ enim vanitate militant curiales, in labore,
& arumâ, in vigilijs multis, in periculis
magnis: periculis maris, periculis fluminum,
periculis pontium, periculis montium, pericu-
lis in falsis fratribus: in mortibus frequenter,
in confractione & lassitudine corporis, atque in
alijs vitæ discriminibus, in quibus gloriam
martyrij mererentur, si hæc pro meo nomine
sustinerent. Nunc autem sunt martyres secu-
li, mundi professores, discipuli curiæ, milites
Herluini. Per multas siquidem tribulationes
promerentur infernum. Vide nunc, an à
CRVCIBVS liberi sint aulici: & disce, longè
plura

plura pro mundo tolerare sæculi martyres,
quàm multi pro Deo & æternâ salute. Sub-
iiciebat Staurophila: Cum Senecâ ergo iu-
re dixerim:

*Stet, quicumque volet, potens
Aula culmine lubrico:
Me dulcis saturet quies.*

Seneca in
Thyeste.

CAPVT XIII.

Coniugatorum CRVCES.



NON DVM omnes sæcularium
CRVCES, aiebat Christus, ex-
plicauimus: superest enim ma-
trimonij status, in quem, velut
densissimo imbre, mœtiores,
anxietates, angores & CRVCES depluunt:
ratum enim fixumque manet, quod Aposto-
lus dixit: *Si acceperis uxorem, non peccasti* 1. Corinthi.
tribulationem tamen carnis habebunt huius- 7, & 8.
modi. Quid hoc est, Domine, inquebat
Staurophila? Ego, rerum ignara, putabam nu- Hieron.
ptias saltem carnis habere letitiam. Si autem lib. contra
nubentibus etiam in carne tribulatio est, in quâ Iovinian.
solâ videbantur habere delicias, quid ergo erit
reliquum, propter quod nubant, cum & in spi-
ritu, & in animâ, & in ipsâ carne tribulatio
sit? Ita est, respõdebat Christus, & quæ opti-
ma

ma in matrimonio iudicantur, ea ipsa multo sunt felle respersa.

In bonis huius status numerant insolubilitem, vt quod *Deus coniunxit*, homo non separet, sed compedes & vincula hoc modo quoque bona censeantur: vinculum enim & ligatura est coniugium. vnde Paulus: *Mulier alligata est legi, quanto tempore vir eius vivit*. Et de viro: *Alligatus es uxori? noli querere solutionem*. Quemadmodum enim serui fugitivi singuli separatim vincti à suis dominis, rursusq; tenui quadam catenâ inter se constricti vniuersi, vt compedibus catenæ utrimque affixis, alius alium sequi cogatur, liberam non habet abeundi facultatem; sic coniugum animæ, cum propriam sui curam sustinent: tum alterâ etiam premuntur necessitate à communibus coniugij vinculis impositâ, quæ eos grauius urget omnibus vinculis: & hoc ipso ab utroque libertatem aufert, quòd alteri ne semel quidem principatum defert, sed utrique distribuit. Quanta verò hæc seruitus? Sermo enim, si quando paratâ pecuniâ pretium, quo emptus est, persolvere potuerit, plerumque libertas conceditur; at vir, quamuis omnium difficillimam nactus sit uxorem, seruitutem tamen perferre necesse habet: quippe qui nullam potest inire viam, quâ solutus eiusmodi dominatu liberetur. Eadem uxoris conditio, quæ

Math. 19.
6.

1. Corinth.
7, 39.

Chrysostr.
lib. de Vir-
ginit.

Ibidem
Chrysostr.

quæ Dominum sibi cum dote cœmens virum, Basil. de Verâ virginit.
 ancilla pro liberâ efficitur, breuissimæq; volu-
 ptatis gratiâ, naturali libertate se priuans, ia-
 nuam sibi ineffabiliû dolorum, perpetuûq; mæ-
 roris, per huiusmodi connubium aperit.

Sed enim, inquiebat Staurophila, vt vin-
 cula hæc communia sunt, ita mutuò sese
 coniuges iuuant, onusque in duos diuisum
 fertur leuius. Inò verò, inquiebat Christus,
 aggrauant inuicem iugum: nam quæ bonum Basil. loc. cit.
 blandumq; nacta est virum, perpetuo, ne moria-
 tur, metu viduitatis, incommoda cruciatusq;
 iam suslinet: duram quamdam & immitem cu-
 ram, & presente illo, & absente, propter inspe-
 ratos casus, animo indefinenter excipiens. Sin
 verò contrâ duro & immiti fuerit coniuncta,
 tota quidem vita illi cruciatus est. Et cum pu-
 dicitie ratione neutrum queat eligere, id est,
 nec viri mortem, propter viduitatis angustias;
 nec vitam, ob molestiam incommodumq; conui-
 ctus; ancipiti atque inuitabili malo acerri-
 missq; doloribus semper atteritur. Benignior,
 inquiebat Staurophila, virorum apparet
 fors, qui tantis non subiacent periculis. Haud
 multò melior, respondebat Christus, eorum
 status; quia vniuersæ familiæ curandæ in se
 onus recipiunt. Si mihi, inquit quidam, tale Antiphon. apud Sto-
bæum
Serm. 68.
 corpus alterum, quale meum est, accederet, tan-
 tum negotiorum mihi exhibens pro sanitate

& victu in dies colligendo, & pro gloriâ ac temperantiâ, celebriſq; fame, ac benè audiendi gratiâ, non poſſem vivere. Quid igitur fieret, ſi alterum quoque tale corpus ſimiliter mihi procurandum eſſet? Itaque conſtat, quòd vxor, eſi viro chariſſima fuerit, non minùs tamen ei faceſſat negotij circa amores aut dolores, quàm ipſemet ſibi. Iam verò ſi muliebrem attendas ingenium, quod plerumque moroſum eſt, & rara omnino auis, quæ huiuſmodi non ſit, iuge hinc & ad totam vitam protenſum videre erit tormentum. Melius eſt habitare in terrâ deſertâ, quàm cum muliere rixosâ & iracundâ. Tecta perſtillantia in die frigoris & litigioſa mulier comparantur: qui retinet eam, quaſi qui ventum teneat, & oleum dextera ſua vocet. Non eſt caput nequius ſuper caput colubri; non eſt ira ſuper iram mulieris. Commorari leoni & draconi placebit, quàm habitare cum muliere nequam. Et hæc non de adulterâ & meretrice, ſed de legitimâ dicuntur vxore. Cum huiuſmodi igitur vitam omnem diu noctuque exigere, an non eſt in perpetuis ſpinis ac ſentibus volutari? quibus tamen aded arcè ſis implicitus, vt excutere has ærumnas ſolâ morte poſſis.

At non omnes, inquiebat Staurophila, in malam incidunt vxorem: ſunt enim & mites, & benignæ, & taciturnæ. Si ſint, reſpondebat

Prou. 21,
19.

Prou. 27,
15.

Eccli. 25,
22.

Id oſtendit
Hieron.
lib. 1. in
Iouinian.

debat Christus, sunt admodum raræ. Salomoni, qui mulierum greges habuit, hoc crede. *Inueni*, ait, *amariorem morte mulierem.* Eccle. 7, *Virum de mille vnum reperi, mulierem ex omnibus non inueni.* quasi diceret, Vix inueni vnum virum bonum & rectum, mulierem autem ne vnâ quidem. At solatium aliquod, aiebat Staurophila, habent in proli- bus, in quibus alteros velut se contemplan- tur, quos & tenerrimè diligunt, & magnâ voluptate, vt passim cernimus, educant. Imò ad malorum cumulum, aiebat Christus, ac- cedunt liberi: quot enim pignora, tot CRV- CES. Partu edita est quæpiam femina: quòd natus non sit masculus, tetricum maritus vul- tum gerit. Adiectus est masculus? partu edi- tus est fœtus, qui formosus non est. Eleganti est formâ uterque? tamquam de pulchris acer- bior cura incessit. Depulsi sunt à lacte? rursus anxietas educationis succedit. Cùm sanî fue- rint, metus ne egrotent. Cùm agrotauerint, formido ne moriantur. Cùm mortui fuerint, metus ne deinceps prole carens, contemnatur. Cùm mortui non fuerint, de viventibus gra- uior sollicitudo incumbit, vnde liberis ad insti- tutionem sumptus suppeditabuntur; vnde con- iugalis fœderis apparatus; vnde vestimento- rum decor, vnde famulorum unicuique distri- butio; quænam ex bonis maiori attribuet? quo

Chryso-
st.
Orat. de
S. Theclâ.

paſſo minoris inuidiam mitigabit? Ecquid iam tibi videtur?

Gregor.
Nyſſen.
lib. de Vir-
ginit. c. 3.

Mirum profectò, aiebat Staurophila, & inde lacrymarum ſegetem meti parentibus, vnde baculum ſeneclutis & mœroris exſpectabant leuamen. Ita eſt, reponebat Chriſtus, *dolorem enim liberi nati æquè important, ac non nati: & rursus tam viui, quàm mortui. Hic enim liberorum multitudine gaudet, cum non ſatis habeat vnde alat. Ille verò herede caret facultatum ſuarum, in quibus maxime claborauit. & quidem bona fortuna, alterius calamitatem efficit, cum ſibi vterque euenire velit, quo alterum cruciari videt. At huic mortuus eſt ſuauiſſimus puer, illi verò in vitâ eſt filius perditus: vterque ſanè commiſeratione dignus: vnus quidem filij mortem, alter verò vitam luget.* Et an non mater per vnamquamque naſcentem prolem animo ſcinditur, & præſentibus triſtibus naſcituræ cura ſemper adyctur? Inde vbi iam filios edidit, aut ad bonam illi frugem euaserunt; & maiores ex illorum abſentiâ dolores iugiter tolerat, quàm parturiens tulerat; aut malos euafiſſe conſiderat, & maius ex eâ procreatione liberorum, quàm ſi permanſiſſet ſterilis, opprobrium ſuſtinet. Sæpè antequam prædicta experiat, incommoda, vna & ſponſa & vidua efficitur; ac ſine liberis in viduitatem delapſa, nec vxor iam,*

*Bafil de
Verâ vir-
ginit.

iam, nec virgo, nec mater est. Sic profectò omnibus, quæ putantur leta coniugij, semel amissis, breuissimo voluptatis sensu irrecuperabilem virginittatis perdidit florem; coniugijq; tantum solummodo experta est, quantum illi satis esset ad agnoscenda viduitatis incommoda. Quod si relicta vidua pupillos enutriet filios, eius quem ex viri morte perceperat mæroris, iuge monumentum cernit, & semper in lacrymis, semper in gemitu, semper in sollicitudine educandorum degens, nullum præterito malo solatium inuenit. Præterea & propinquis, & famulis, & filiorum curatoribus, ipsiq; postremo etiam filijs, ubi virilitatis annos attigerint, cunctisq; omnino se vexare volentibus ad prædam miserabiliter exposita, doloris luctusq; tragediam, vitam suam omnium ingeret oculis. Transeo breuitatis causâ illadem aliorum malorum, quæ in hunc statum, velut agmine factò, quotidie incurrunt.

Domine, aiebat Staurophila, si sic viuatur, & in talibus vita spiritus eorum qui matrimonio iuncti sunt, profectò non expedit nubere: nam

Isa. 38, 16.

Matth. 19, 10.

Quid est duorum vita longa coniugum
Præter iugum?

Cui Christus: Non omnes capiunt verbum istud, sed quibus datum est. Beati autem qui seipsos castrauerunt propter regnum calorum.

Ibid. 11.

Luc. 23, 29. Nec immeritò CRVCE onustus filiabus Ie-
 rusalem dixi: *Venient dies, in quibus dicent:*
Beata steriles, & ventres qui non genuerunt,
& vbera quæ non lactauerunt. Verè, respon-
 dit Staurophila, terque quaterque beata &
 Sap. 3, 13. *felix est sterilis, & incoinquinata, quæ nesciuit*
ihorum in delicto, habebit fructum in respec-
tionē animarum sanctarum.



CAPVT XIV.

*Abnegatio sui, optima ad CRUCEM feren-
dam præparatio.*

Abneget semetipsum, & tollat CRUCEM suam. *Luc. 9, 23.*

*Ingenium geniumq; tuum, te denique totam,
Baiula ritè CRVCIS si lubet esse, nega.*



ATIS iam superq; , aiebat Christus, sæcularium CRUCES expendimus: & ipsa vtcumque vides, sorores tuas non tam fugisse quàm commutasse CRUCEM, leuem illam & breuem, in grauissimam prorsus & maximè diuturnam; pro quâ, tantum abest vt meritum sperent, quin etiam pœnam incurrant. Iis proinde relictis, reliquum est vt ad CRVCIS susceptionem magis instruaris. Nil gratius, aiebat Staurophila, mihi accidere posset: etsi enim animata vtcumque sim, nescio tamen quis horror etiamnum peruadat animum, quem confirmandum & ipsa satis video.

Nec ego, ô filia, aiebat Christus, sine aliquo præambulo in viam CRVCIS te intro-

Abneget semetipsū, et tollat CRUCEM suam. Luc 9.



Ingenium geniumque tuum, te denique totam,
Bauiula rite CRVCIS; si lubet esse, nega.

duxi. Annon dixi: *Si quis vult post me venire*, ABNEGET SEMETIPSVM, ET TOLLAT CRUCEM SVAM? *Et sermo quidem vnum quid significare videtur, tria verò continet, abnegationem tui ipsius, & vt CRUCEM accipias, & teritiò vt me sequaris.* Prima igitur conditio necessaria est tui ipsius abnegatio, sine quâ nemo CRUCEM tollet; aut si tulerit, non feret constanter. Et quidem volentibus me sequi, omnia relinquenda denuntiavi, dicens: *Qui non renuntiat omnibus quæ possidet, non potest meus esse discipulus.* Sed in omnibus istis ne ipsum hominem (attende quæso) excepi, volens eundem esse relinquente, & relictum. Quod vt expressius insinuarem, dixi, VT ABNEGET SEMETIPSVM. *Et fortasse laboriosum non sit homini, relinquere sua, sed valdè laboriosum est relinquere semetipsum. Minus quippe est abnegare quod habet, valdè multum autem, abnegare quod est.*

Luc. 9, 23.

Chrysof.

Hom. 56.

in Matth.

Luc. 14, 33.

Gregor.

Hom. 32.

in Euang.

Sed quomodo, aiebat Staurophila, intelligendum, ABNEGET SEMETIPSVM SIBI, cum se ipsum homo sibi negare non possit, eò quòd conscientia eius non recipiat, vt se aut non esse putet, aut alterum possit estimare quàm fuerit? Puto hoc esse negare se, verbi gratiâ, si cui dicatur, Tu es Lucius? & cum ipse sit, non se esse respondeat. Hoc apud alterum si forte

Sixt. Papa

l. de Cast.

tom. 5.

Biblioth.

Pat.

valebit, non tamen apud semetipsum. Quomodo ergo sentiendum est, ABNEGET SEMETIPSUM SIBI? aut quomodo semetipsum aliquis relinquet? quò ibit extra se? vel quis est, qui aliquò vadit, & se deserat?

Gregor.
Hom. 3. 2.
in Euang.

Adhuc modicum, respondebat Christus, in te lumen est, filia; audi & intelliges. *Aliud sunt homines per peccatum lapsi, aliud per naturam conditi, aliud quod fecerunt, aliud quod facti sunt. Relinquunt semetipsos, quales peccando se fecerunt, & manent ipsimet quales per gratiam facti sunt. Ecce etenim qui superbus fuit, si conuersus humilis factus est, semetipsum relinquit. Si luxuriosus quisque ad continentiam vitam mutauit, abnegauit utique quod fuit; si auarus quisque ambire iam desiit, & largiri didicit propria, qui prius aliena rapiebat, proculdubio semetipsum relinquit. Ipse quidem est per naturam, sed non est ipse per malitiam. Hinc enim scriptum est: Verte impios, & non erunt. Conuersi namque impij non erunt: non quia non erunt omnino in essentia, sed quia non erunt in impietatis culpa. Abnegare ergo se, est vitare quod per vetustatem fuit, & ad hoc niti, quò per nouitatem vocatur. Est, inquam, expoliare se veterem hominem cum actibus suis, & induere nouum.*

Prou. 12. 7

Coloss. 3. 2

Paradoxum hoc, aiebat Staurophila, difficulter, vt video, intelligitur; & pauci fortasse

tasse illius sensum assequuntur. Exemplis, aiebat Christus, res erit clarior. *Quendam adolescentem, fabula ferunt, propter amores meretricis peregrè profectum, & abolito amore regressum postea veteri occurrisset dilectæ: quæ ubi non interpellata mirata, putauit non recognitam, rursusq; occurrens dixit: Ego sum. Respondit ille: Sed ego non sum. Et expende quomodo se Paulus abnegauerit, qui dicebat: Gregor. *Vino autem, iam non ego. Extinctus quippe fuerat ille seuus persecutor, & viuere cæperat pius prædicator. Si enim ipse esset, pius profectò non esset. Sed qui se viuere denegat, dicat, unde est, quòd sancta verba per doctrinam veritatis clamat? Protinus enim subdit, Viuit verò in me Christus. ac si apertè dicat: Ego quidem à meipso extinctus sum, quia carnaliter non vino; sed tamen essentialiter mortuus non sum, quia in Christo spiritualiter vino. Abnegauerat se etiam frater ille in eremo habitans, ad quem cum carnalis frater auxilij petendi gratiâ aduentasset, respondit vt adiret alterum fratrem eorum, cum ille utique obisset. Cumq; admiratus qui venerat responderet, Quia ille obyt. Eremita se quoque similiter obysse respondit. mortuus enim erat mundo & consanguineis, vivebat autem Deo. Et hoc scilicet est quod Apostolus meus omnes hortatur. Christus, inquit, pro omnibus mortuus est,**

Ambros.
lib. 2. de
Pœnit. c. 10

Gregor.
Hom. 32.
in Euang.
Gal 2, 20.

Bernard.
Serm. 2. in
Dom. 1.
post Oct.
Epiph.

2. Cor. 5.

Gregor.
Hom. 32.
in Euang.

est, ut qui viuunt, iam non sibi viuunt, sed ei, qui pro ipsis mortuus est. Oportet enim vnicuique mori sibi, ut viuat Deo. Quia nisi quis à semetipso deficiat, ad eum qui super ipsum est non appropinquat; nec valet apprehendere quod vltra ipsum est, si nescierit mutare quod est. Sic olerum planta transponuntur ut proficiant, atque, ut ita dixerim, eradicantur ut crescant. Sic rerum semina in terræ admixtione deficiunt, ut in reparatione sui generis uberius assurgant. Unde enim videntur perdidisse quod erant, inde accipiunt hoc apparere quod non erant.

Chrysost.
Hom. 56.
in Matth.

Vtiliter, aiebat Staurophila, ignoravi, quod tam luculenter mihi expositum, nunc velut manu palpo. Sed & planius, aiebat Christus, pleniusque hanc ABNEGATIONEM SVI exponam, quando & libenter differentem auctus, & doctrina hæc prorsus sit necessaria. Si intelligis quid sit alium abnegare, tunc recte percipies, quid sit abnegare teipsum. Qui alium iam abnegauit, fratrem puta, aut seruum, aut quemuis alium, si cedi eum virgis videat, si arceri vinculis, aut quidquid aliud mali patitur, non occurrit, non auxiliatur, non flectitur, nec prorsus ullo modo mouetur, cen is qui penitus ab illo alienatus est. Sic igitur nullo te patet corpori parcere volo: ut neque si ceditur, neque si pellitur, neque si tritur, nec si quid aliud

aliud huiusmodi patitur, ei parcas, sed quasi extraneus quis, aut hostis hæc patiatur, sic afficiaris.

Papæ! inquiebat Staurophila, quid hoc est? Insensibilem prorsus ac mortuum esse oporteat, qui huiusmodi sit. *Ego homo cùm Terent. sim, humani nihil à me alienum puto: nec video ut in ineptiam adeò possim esse crudelis, quæ alienis malis magno sensu compati-
tor. Non ego, aiebat Christus, Stoicam insensibilitatem aut crudelitatem suadeo, sed humanos truncari volo affectus, abnegari carnalia desideria, non tribui nimium carni & sanguini. Crimini siquidem apud me obnoxius est parentum amor, si Dei sit contrarius. Qui enim amat patrem aut matrem plus Matth. 10, quàm me, non est me dignus. imò & ipsam 37.
animam seu vitam odibile oportet propter me. Dilexit Petrus animam suam plus quàm me, cùm eam periculo timeret exponere, & idè ter me negavit. Si amasset me, proculdubio abnegasset se. Et, an non ego vnigenitus Virginis Matris meæ abnegavi meipsum, cùm, quasi ad eam minime pertinerem, ei dixi: Quid mihi & tibi est mulier? nec Ioan. 2, 4.
confundere volebam teneram eius verecundiam, sed instruere vos, carnalium curam parentum, & consanguineorum necessitudines, impedire non debere exercitium spirituale.*

rituale. Vnde cum mihi aliquando diceretur: *Ecce mater tua, & fratres tui foris stant querentes te*; respondi: *Quæ est mater mea? & qui sunt fratres mei? non iniuriosè matrem refutans obsequium pietatis, nec fratres contemnens; sed paternis mysterijs amplius, quàm maternis deberi monstrans affectibus, & opus spirituale carnis præferens cognationi.*

Gaudeo planè, aiebat Staurophila, quòd huius abnegationis te, Domine, non tantum præceptorem habeam, sed & exemplum. Erit sanè mihi hoc nomine & leuior, & gratior. Numquid non Abraham, subiiciebat Christus, abnegauit semetipsum, cum patrem se oblitus, filium vnigenitum, & tenerè dilectum immolare voluit? An non laudati Deut. 33, 9 *Leuita, qui dixerunt, patri suo, & matri suæ, Nescio vos; & fratribus suis, Ignoro vos, & Exod. 32, 28. nescierunt filios suos?* Cum nimirum zelo inflammati ob adoratum vitulum, nullo personarum respectu consanguineos quosque trucidarunt? *Licet igitur sparso crine, & scissis vestibus, vbera quibus te nutrierat, mater ostendat, licet in limine pater iaceat, per calcatum perge patrem, siccis oculis ad vexillum CRVCIS meæ euola, solum pietatis genus est, in hac re esse crudelem.* Si propria hinc attrahat caro, illinc blandiatur sensualitas, istinc mundus & noti inuitent sodales, liberè responde,

sponde, Nescio vos. Et si qua alia tibi ex parte exterioris hominis cogitatio venerit, respondeas & dicas, Nescio te. Quàm diu mea fui, suggestionibus tuis etiam libens acquievi: nunc me Christus sanguinis sui pretio comparauit; mea non sum, nec meam iam possum facere, sed eius ad quem pertineo, voluntatem.

Sixt. Papa
lib. de Ca-
stitat.

Ita me facturam, aiebat Staurophila, tuâ gratiâ, confido. Sed satine iam instructa videor ad CRUCEM baiulandam? Satis, inquit, bat Christus, si his probè noueris uti, & ad particularia descendens ea in opus conferas. Et quo pacto, rogabat illa, hoc faciam? Cui Christus: Homo, uti nosti, duabus constat, istique diuersissimis partibus, corpore scilicet & animâ. Vtrisque autem sua debetur *Abnegatio*, quam nisi adhibueris, CRUX tibi prorsus erit intolerabilis. Primò autem necesse est, longius abigas vicinam illam tuam Dominam, dico *Sensualitatem*, mulierem per omnia mundanam, leuem & carnalem: quæ te quoque ad carnis illecebras & sæculi vanitates allicere studet. Hæc sensuum blandimenta, quibus homo vel maxime inescatur, continuè offert; nam vel risu lepida, vel gustu sapida, vel odoratu fragrantia, vel tactu mollia, aut auditu ingerit iucunda, atque hisce lenociniis quemque ad te pertrahere nititur. Quæ nisi statim refutaueris, exer-

rasti

ralli à CRVCIS semitâ ; in viam peccatorum redisti. Seductrix illa (vt solita) ostendet tibi adolescentularum mundi huius delicias & honores, quibus, secundum desideria sua, perfruuntur. Nisi autem auerteris oculos tuos ne videant vanitatem, citò abiecta CRVCE incipies vagari post greges sodalium tuarum. Sugeret deinde scandalum CRVCIS, & filiarum Babylonis subfannationes : tu verò obtura aures tuas ad voces Sirenarum, atque

PL. 37, 25. *esto sicut homo non audiens, & non habens in ore suo redargutionem.* Amaram & insipidam CRVCEM, tactuque insuauem exprobrabit : tu autem, ô filia, propter verba labiorum meorum perge custodire vias duras : respue oblectamenta sensus, & amplectere

Sap. 13, 1. *asperitatem CRVCIS. Vani enim sunt sensus hominum, in quibus non subest scientia Dei.* Monitis his, aiebat Staurophila, cautior ero, vt subdolam hanc mulierem, quæ honesta mihi quidem videbatur, omnibus modis vitem. Bonum id, aiebat Christus, sed non satis ; restat enim, vt interiorem quoq; hominē mortifices. In eo autem abneganda memoria, intellectus & voluntas. Memoria instar pugillarium, inaniū, superfluarū & indecentium rerum similitudines retinet coaceruatas : hæ autem intellectum ad sui considerationem, voluntatem sollicitant ad amorem.

Pro-

Protere igitur tabellas has, quæ sæcularis felicitatis spectacula repræsentant. Si enim recordata fueris mundanæ prosperitatis, non diu in CRVCIS perseverabis VIA. Lumen quoque interiorum oculorum, intellectum dico, & vagæ imaginationis perispicilia, in obsequium sanctæ CRVCIS calca, neu tuo vti velis iudicio, aut *sapientiâ carnis*, quæ *inimica* Rom. 8, 7.
est Deo, & in multos te inducet errores. Calida imaginatio longè maiorem & grauiorem repræsentabit CRVCEM, quàm reuerà sit, itaque semper querula, semper eris impatiens. Intellectus suggeret, non impositam, sed aliam quamvis meliùs tibi convenire CRVCEM. Tu verò vtrumque abnegans, *omne quod tibi applicitum fuerit, accipe: & in dolore sustine, & in humilitate tuâ patientiam habe.* Denique *& à voluntate tuâ auertere.* Eccli. 2, 4.
 Ipsa enim desideris suis, amore, dolore, gaudio, irâ, variè abducta, iugum CRVCIS tenat excutere. Abnega ergo, ad exemplum meum, voluntatem tuam, vt in omnibus id tibi sit in ore, id in corde: *Non mea, sed tua* Luc. 22, 42.
Domine voluntas fiat. Hæc sedulò meditare, 1. Timoth. 4, 15.
& in his esto.

CAPVT XV.

*Bainlandi CRVCEM Christus se formam
exhibuit.*



VDITIS hisce, abiturum parabat
Staurophila, atque Gratias, in-
quit, ago tibi Domine IESV,
quia docuisti ancillam tuam
VIAM salutis: tempus nunc est,
vt reuertar ad patrem, quò iam præcesserint
sorores, & vereor, querimonias deposuerint
non leues: &, si parentem noui, ægre tulerit
moram hanc meam, & quòd germanas co-
mitata non fuerim. Id verò, si acciderit, aie-
bat Christus, habebis profectò vnde VIAM
CRVCIS auspiceris: & parum, mihi crede,
idonea CRVCIS gerula eris, si paterna non
feras verba. Interim vade in pace, & si VIAM
CRVCIS non tam discere quàm perambula-
re desideras, fac paucos intra dies hîc denuò
te sistas, vt CRVCEM tollas, & me sequaris.

Dabo, inquiebat illa, operam: sed vnum
hoc doceri velim, quid intereà temporis mi-
hi faciendum, quibûsve exercitiis animus ad
CRVCEM præparandus. Respondit Chri-
stus: Cùm portam ciuitatis ingressa fueris,
occurrer tibi monasterium Cruciferorum,
ac-

LIBER PRIMVS. IIS

accede illuc, & euocato Priore, pete meditationes, quas sibi præparauit, & legendis ac ruminandis his tempus impendes. Fecit illa, vt iussa erat, & impetratis piis commentationibus, læta domum reuersa est, quotidie se non indiligenter his scriptis occupans.

Sensim tamen subrepsit ei torpor quidam, & negligentia. Hinc ex aridâ dumtaxat consuetudine, & perfunctoriè commentabatur, iamque in dies minùs erga CRUCEM afficiebatur. Assiduitas enim eadem cogitandi non nihil fastidij excitarat. Vltimis proinde diebus ex toto intermittebat has exercitationes, & quæ hætenus à Christo audierat, è memoriâ excidere non prorsus inuita patiebatur.



ARGVMENTVM

LIBRI SECVNDI.

- H***Uc vitæ cupidus beatioris,
Qui dulcissima te vocantis vsque
Prorâ suscipis aure verba Christi,
Iamque te CRVCIS exhibere sanctæ
Gnauum discipulumque baiulumque
Gestis, huc agedum paratus adsis :*
- CAP. I. *Moras abiice, moxque te Vocanti
Festino pede promptus obsecunda.*
- II. *CRVCEM quam dederit Redemptor, illam
Letus excipe, ceu monile gratum :
Nefas eligere hanc foret, vel illam :*
- III. *Nefas Et per humum velut profanæ
Stipitem trahere arboris. Proinde
Obuiis manibusque, brachijsque,
Et collo ac humeris amoris, illud
Lubens nobile baiulato pignus.
Nec quidquam remorentur improborum
Te ludibria, scommatûmve plaustra.
Pro Christo decus est tulisse probrum.*

- Si forsan populus frequentiori* IV.
Fama te rehat, audiasque passim
Sanctus & pius : hem caue barathrum ;
Hic anguis latet : has velut venenum
Voces negligē (si sapias) dolosas :
Et constantior vsque & vsque perge,
Per vestigia trita perge Christi, V.
Quem ceu prototypon sequare ad unguem. VI.
Nec CRVCIS grauius ve longius ve, VII.
Impositum tenero querare pondus :
Singulis tolerare quod diebus, VIII.
Nullo ponere quod decet dierum.
Rursum sed moneo (puta necesse) IX.
Caue respicias inanioris
Fumum gloriolæ, leuesque plausus.
Quò spectes sed enim docebo paucis : X.
Prima intentio noxias piare,
Et vitare focos docet perennes ;
Spectat altera gloriam perennem : XI.
Vni tertia se probare Christo, XII.
Dilecto studet vnicè placere.
Sed CRVX dum cruciatque deprimitque, XIII.
Quæris, quid facias. Precare : fiet
Verorum seges ampla gaudiorum ; XIV.

xv. & xvi. *Pro quâ mille vobis referre grates;*

xvii. *Et summam tibi gloriam putabis
Quæ summæ tibi gloriæ sit auctrix.*

*Nec CRVCIS satis est tulisse pondus,
Ferentem nisi CRUX ferat vicissim.*

xviii. *Hinc carnem crucifigier rebellem*

xix. *Et mundum decet, & decet te ipsum*

xx. *Anæsti in CRUCE, Christiane, Christo,
Mortem quod tribuat suauiore,
Vitam quod faciat beatior.*



REGIÆ
VIAE CRVCIS
LIBER SECVNDVS.

*De optimâ CRVCEM ferendi
methodo.*

CAPVT PRIMVM.

CRVX absque dilatione statim tollenda.



CONDICTVM aduenerat tem-
pus , quo Staurophila amabile
CRVCIS onus, & iter erat sus-
ceptura salutare. Verùm, quæ
humanæ mentis instabilitas,
non parum reformidabat & illius pondus, &
huius spatia longiora ; vt pænè iam fidem
fallere , & expectantem in Sacello IESVM
non reuifere decerneret. Sic nimirum quod
volunt homines, non diu volunt; & quæ ca-
lidè primùm concipiunt vota , vix languidè
tandem, ac ne vix quidem exsequuntur. *Spi-* Matth. 26,
ritus scilicet promptus est, caro autem infirma : 41.

quantumque ille salutaria concupiscit, tantum hæc refugit. Nobile hoc in genere exemplum dedit Apostolorum princeps, qui in abundantia cordis sui liberaliter admodum dicebat: *Tecum paratus sum & in carcerem, & in mortem ire. Et si omnes scandalizati fuerint, sed non ego.* At idem ille post non multas horas, ad vnius ancillulæ vocem cepit iurare, quia non nouisset hominem.

Luc. 12, 33.

Matc. 14,

29.

Math. 26,

74.

Talis & nostra ferè Staurophila: dum suauissimè cum IESV conferret, cum verba vitæ æternæ audiret, anhelabat & suspirabat ad CRUCEM; nihilque illi dulcius videbatur, quàm passionibus Christi per patientiam communicare. Vt verò Cosmopolitanis iterum mixta filiabus, dulce venenum, & insanias hausit fallas, lentè omnino, & somnolentè de VIÆ CRVCIS cogitabat, & tantum non pœnitebat promissi. Urgebatur interim huius religione, nec quietem à conscientia carnificina sperabat, nisi ex præscripto se sifteret. Ibat ergo lugens & tristis, siue quòd amatas defereret adolescentulas, siue quòd arctam nimium horreret semitam. In ipso tamen itinere altum ingemiscens, Domino subinde se commendabat: nec deerant interlucens quidam diuini fauoris radij, animam eius cælesti luce per interualla collustrantes.

Ven-

Ventum tandem ad locum, & vix dum oculis huc illuc circumspexerat, cùm ecce præfens adest, cum quo pridem instituerat colloquium, Christus Dominus: qui nouum exorsus sermonem, Eia, inquit, Staurophila, quàm factum benè, quòd ciues Babylonis deserueris! quòd promissis steteris, & abruptis blandis illis retinaculis, ad vexillũ CRVCIS intrepida euolaris! Noui laqueos & pedicas gressibus tuis tensas: sed vt euaderes, gratia mea fecit. Nunc ecce tempus facienda, tempus acceptabile, occasio salutis. Nunc, inquam, tempus ferendi CRUCEM, & sequendi me. Quisquis enim in regno cælorum voluerit *Agnum sequi quocumque ierit*, Apoc. 14, 4 is nunc sublata CRUCE venire debet post me, & præeuntis sequi vestigia.

Non multum hæc mouebant Staurophilam; quæ timore adeò consternata erat, vt ad solam CRVCIS mentionem pænè trepidaret. Quare vt in bello, qui se viribus inferiores agnoscunt, ad inducias confugere solent; non secùs illa, cùm declinare CRUCEM omnino non posset, dilationem petijt. Et hoc saltem, inquebat, te Domine rogo, liceat mihi aliquanto adhuc tempore mundo & ætate frui, nec tam citò mortisissimum hoc iter auspicari. Adolescentula sum ego, viribus tenera, animo imbecillis: cum annis

crescet robur, ac tum maturè satis CRVCIS iugum excipiam. Equidem non detrecto illud, sed liceat, quæso, pace tuâ, aliquantulum differre.

Irascenti similis Christus, Quid hoc demum, inquiebar, Staurophila? miror quod tam citò reliqueris VIAM bonam, VIAM salutis, quam ostendi tibi. *O insensata filia, quis te fascinauit non obedire verbo veritatis, quod audisti ex ore meo? Cur coruinam vursupas vocem, & periculosâ procrastinatione opus salutis in posterum reijcis? An non* Gal. 3, 1. *dicit Scriptura, Ne tardes conuerti ad Dominum, & ne differas de die in diem; subito enim veniet ira illius? Æquûmne tibi videtur, vt mundo atatis florem, Deo senectutem; mundo voluptates, Deo corpus effatum referues? Quid potest habere laudis, si corpus voluptatibus, & iam senectutis gelu frigidum ad* Eccli. 5, 8. *sera deuotionis officia, deposito iam segnior vigore, conuertas? Non est corona, nisi, vbi fuerit difficilioris lucta certaminis, ad quam rari contingere possunt, nec omnes qui ingressi fuerint stadium, peruenire. Et an non pudet te primitias vitæ tibi reseruare, & id solum tempus bonæ menti (ac tollendæ CRVCI) destinare, quod in nullam rem conferri possit? Quàm se- rum est, tunc viuere incipere, cùm desinendum est!*

Nazianz.
Orat. in
S. Baptisim.
Ambros. in
Psal. 118.
Ostom. 19.

Seneca. de
Breuitate
vitæ.

Parce

Parce Domine, aiebat Staurophila, & ignore deprecationi meæ: neque enim in extremam senectam CRVCIS iter differre, mens erat, sed in aliquot tantùm annos. At enim, respondebat Christus, quis eos tibi promisit? An non *breues dies hominis sunt*? Nescit re- Iob. 14. 5.
uerà, *nescit homo finem suum, sed sicut pisces capiuntur hamo, & sicut aues laqueo comprehenduntur, sic capiuntur homines in tempore malo, cùm eis extemplò superuenerit.* Si sciret quisque quo tempore de præsentī sæculo sibi esset exeundum, aliud quidem voluptatibus, atque aliud tempus CRVCI ac pœnitentiæ aptare potuisset: sed qui crucigero cælum, pœnitenti veniam sponndit, is negligenti ac tergiuersanti crastinum non promissit. *Incertum est, quo te loco mors expectet, itaque tu illam omni loco expecta.* Eccli 9. 12.
Seneca
Epist. 26.

Verùm, replicabat Staurophila, adolescentior, ut dicebam, etiamnum sum; ætatem magis vegetam expectari tantùm velim. Ad hæc Christus: Omnis Deo matura est ætas, magis autem prima, & primæ proxima. *Bo- Thren. 3,
num est viro cum portauerit iugum ab adoles- 27.*
centiâ suâ Non solum enim tollere iugum Do- Ambros. in
Psalm. 118.
Serm. 2.
mini, sed in iuuentute oportet tollere. Si enim Gen. 48,
15.
serò tollas, incipies pœnitentiam superiorum
magis habere, quàm tenere gratiam. An non
præstat dicere, Deus qui pascis me à iuuentute
meâ,

Psal. 24, 7.

meâ, quàm recordatione lapsuum dicere, Delicta iuuentutis meæ, & ignorantias meas ne memineras? hoc debilitatis est remedium, illud robur salutis. Ei autem qui post decursâ iuuentutis annos iugum tulerit, non est statim perfectum bonum. Stimulant enim eum peccata sua, exagitat conscientiam consuetudo peccandi, & usus erroris instabilem facit. Luctandum est diu huiusmodi, ut abolere faciat inueterata atque diuturna. Plus enim in his talibus valet deterius inolitum, quàm melius insolitum.

August. l. 8.

Conf. c. 11.

Cant. 1, 2.

Pl. 87, 16.

Sed quid est quòd ætatem incusas, sororibus tuis prouector, & plenis iam nubilis annis? Adolescentulam tamen te dicis. Esto fanè: atq; vtinam vna tu esses ex illarum grege, de quibus scriptum: *Adolescentulæ dilexerunt te Deus! vtinam non verbo tantum, sed opere & veritate diligeres me! non ita CRVCIS consortium refugeres. Et quod amantis potissimum votum? nōne amato, qua licet, assimilari? Ego autem pauper fui, & in laboribus à iuuentute meâ.* Et quid aliud deceat te, quàm æmulari formam illam, quam assumpsi propter te? Quot pueri & puellæ, quot iuuenes & virgines rigidissimū viuendi genus, & CRVCIS & corporis afflictationes ab ipsâ pænè infantia sponte sunt amplexi? Quot martyrio coronati, qui præiudi-

iudicium vehabant ætatis? & tu non poteris quod isti & istæ?

Erubescere ad hæc Staurophila, & accendebatur nonnihil imitandi desiderio. Atque utinam Domine, aiebat, gratia tua me quoque praueniatur & sequatur, ut digna efficiat societate iuencularum tympanistrarum, quæ *carnem suam crucifigentes cum vitijs & concupiscentijs, mortificauerunt membra sua, quæ sunt super terram!* Bonum hoc votum, aiebat Christus, sed opere ipso opus est, non nudis verbis. Sed ut hanc voluntatem confirmem, scito longè tibi fore vtilius, in hac ætate CRUCEM suscipere, quàm in secuturam & incertam differre. Nil fertur facilius, quàm quod à teneris vnguiculis ferre didiceris: difficile autem est (ut dici solet) senem canem asluescere loris, & inueteratum dierum docere pœnitentiam.

Cælesti id visione aliquando declaratum, quam ad tuam qualemcumque consolationem subtexere non grauabor. Ferunt enim *Religiosum quemdam virum sanctum apparuisse de nocte Fratri socioq; suo, magno splendore collucentem. Cumq; eum ex cellâ eduxisset, ostendisse magnum numerum hominum candidâ veste, mirabiliq; luce micantium, qui pulcherrimas CRUCES humeris deferabant: erat autem omnium ITER in cælum. Postea modico*
inter-

Gal. 5, 24.

Colof. 3, 5.

Hieron.
Platus l. 3.
de Bono
status Re-
lig. c. 33.

intervallo, alius sequebatur ordo, isq; multò pulchrior, multoq; lucidior, quorum unusquisque ornatissimam CRVCEM, non iam humeris, sed manibus gestaret. Deinde tertius ordo, omnium longè splendidissimus, & speciosissimus, quorum item CRVCES formâ & pulchritudine reliquorum CRVCES superabant, neque eas ipsi portabant, sed suus, qui singulos præibat, Angelus, ut y alacres & ludibundi sequerentur. Quod spectaculum cum ille miraretur, exposuit socius, primos illos esse, qui prouectâ iam ætate Religiosæ vitæ CRVCEM amplexi fuissent, secundos, qui in virili, postremos autem, quos adeò expeditos hilaresq; vidisset, eos esse, qui in adolescentiâ se CRVCI subdidissent. Ecquid nunc animi tibi est, Staurophila? Iam, inquiebat illa, volupe fuerit in postremis istis non esse postremam, & reijcio prorsus, quas antea requirebam, moras, procrastinationem omnem detestor. Nunc, Domine, nunc, te auspice, incipiam, hæc mutatio dextera *Excelsi*.

Pl. 76, II.



CAPVT II.

Sua cuique ferenda CRVX, nulla eligenda.

Tollat CRVCEM suam. *Matth. 16, 24.*

*Non tua, sponte tuâ, CRVX est, quam deligis,
ast hac,*

Dius ab aeterno quam tibi struxit amor.



NIMATAM hoc pacto Staurophilam Christus in eum eduxit locum, vbi plures variæque CRVCEs per terram sparsæ iacebant. Illa verò iam accincta, & generosior videri gestiens, exiguam quamdam è pluribus præripere festinabat. Lepidè igitur, & quasi re benè gestâ ita cantillabat. *Magna ferant, magnum quibus est in corpore robur,*

*Parua erit hac humeris CRVX satis apta
meis.*

Cùm Christus: Quid hoc, ô Staurophila? in ipso rursus offendis limine. Num tam citò exciderunt, quæ pridem audisti? Quomodo? reponebat illa. An non, Domine, hoc CRVCEM tollere? Est, inquiebat Christus, sed non vt docui. Neque enim utcumque dixi TOLLAT CRVCEM; sed notanter addidi

SVAM.

Tollat CRVCEM suam. Math. 16, 24.



Non tua, sponte tuâ, CRVX est, quam deligis; atq; hæc,
Dius ab æterno quam tibi struxit amor.

SVAM. Et quæ, inquiebat illa, mea CRVX? nonne hæc, quam e multis selegi? Nequaquam, aiebat Christus, non enim conceditur hic vt pro voto quisque eligat, sed CRVCEM expectare oportet de manu Dei. Erravi, vt video, inquiebat Staurophila; nam ita mecum ratiocinabar: Ex malis eligendum minus, adeoque, si ferenda omnino CRVX, exiguum sufficere. Non levis, inquiebat Christus, hic error; CRVCEM siquidem in malis numerare, malum est. Hæc enim carnalium & mundanorum hæresis quædam est, qui corporis sensibus, cuiusque rei bonitatem metiuntur. Verum ratione & fide te niti volo; quas si adhibueris, CRVCEs malas non affirmabis. Remoue enim opinionum istud velum, & oculos ad afflictionum ortum refer, ac finem. Videbis sanè illum, à bono; hunc, in bonum. *Origo certè CRVCIS, & cuiusvis afflictionis, à Deo: id est, non ab ipso summo bono solum, sed bonorum omnium auctore, capite, fonte. A quo non magis est vt malum aliquod emanet, quàm vt malus sit ipse. Benefica tantum & salutaris illa vis: quæ ledere aquè spernit, ac ladi: & cui vna summaq; potentia est, prodesse.*

Lipsius l. 2.
de Const.
cap. 6.

Fine quoque, vt dixi, CRVX bona; quia ad bonum directæ semper, & salutem: imò recta & certa ad hanc viâ. Qui

igitur malum sit , à quo summum hominis bonum ?

Sed age , fidei lucernam hîc accendamus , vt omnis dispellatur caligo. Credisne , Staurophila , me verum Dei Filium , verè & realiter in augustissimo Eucharistiæ Sacramento contineri ? Scio equidem quòd credas : sed dic mihi modò , cur id adeò firmiter teneas. Respondit illa : Quia tu , ô æterna Veritas , id nobis reuelasti , & sacratissimo tuo

Matth. 26, ore dixisti : *Hoc est Corpus meum*. Cur ergo ,
26. inquiebat Christus , afflictiones & CRVCES non sentias bonas , cùm idem ipse dixerim :

Matth. 5,3 *Beati pauperes spiritu : Beati qui lugent : Beati qui persecutionem patiuntur propter iustitiam ?*

Tacebat ad hæc Staurophila , siue quòd consentiret , siue quòd nihil occurreret quod posset opponere. Cùm rursus Christus : Viden' quid iam hinc consequatur ? Quid ? inquiebat illa. Nimirum , si bonæ CRVCES , dicebat Christus , non aspernandas illas , sed magis optandas : & ex bonis non eligendum minimum , sed maximum. Video quidem , referebat Staurophila , id sequi , sed quis est , qui id possit ? Vt faceres , inquiebat Christus , præiui exemplo. *Nasciturus enim cùm essem eiusdem cuius nunc sapientia & potestatis , utpote Dei virtus , & Dei Sapientia , essetq;*

Bernard.
Serm. 3. de
Natiuit.

in meo arbitrio quodcumque vellem eligere tempus, elegi quod molestius est, præsertim paruulo, & pauperis matris filio. Meus erat orbis terra, & plenitudo eius, & tamen elegi stabulum: calum mihi sedes erat, & terra scabellum pedum meorum, & pro regali throno, elegi præsepis angustias. Iam verò quid de me prædictum? nonne quòd scirem reprobare malum, & eligere bonum? Malum ergo voluptas corporis, bonum verò afflictio est. Siquidem & hanc elegi, & illam puer sapiens, Verbum infans reprobaui.

Pl. 49, 10.

Isa. 66, 1.

Isai. 7, 15.

Optimum, respòdebat Staurophila, exemplum: sed quotusquisque est, Domine, qui per hanc viam te sequatur? Ecquis erit qui contemptis huius vitæ commodis, aduersa præ illis eligat? Nescis, respondebat Christus, quot habuerim habeamq; veros Crucis amatores. Non incidit tibi quid de sancto Francisco litteris proditum sit? *Laborabat hic infirmitatibus multimodis tam graui- ter, ut vix in eo membrum aliquod remaneret absque ingenti passionis dolore: ad hoc tandem per varias & diurnas, aegritudines deductus est, ut consumptis iam carnibus quasi sola cutis ossibus hereret. Cumq; duris corporis angeretur doloribus, illas suas angustias, non pauperum censebat nomine, sed sororum. Cum autem grauius solito dolorum vrgeretur aculeis,*

Bonauent.
in Vitâ
c. 14.

leis, quidam Frater simplex dixit ad eum : Frater, ora Dominum, ut mitius tecum agat : manus enim suam plus debito super te gravare videtur. Quo audito, vir sanctus cum ciulatu exclamans, ait : Nisi noscerem in te simplicem puritatem, tuum ex nunc abhorrerem consortium, qui ausus fueris circa me divina iudicia reprehensibilia iudicare. Et licet totus esset attritus grauis prolixitate languoris, projiciens se in terram, ossa debilia duro casu collidebat, & deosculans humum, Gratias, inquit, tibi ago Domine Deus, de omnibus his doloribus meis ; *teq; mi Domine rogo, ut centuplum, si tibi placuerit, addas : quia hoc erit mihi acceptissimum, ut affligens me dolore, non parcas, cum tua sanctæ voluntatis adimpletio, sit mihi consolatio superplena.*

Iob. 6, 10.

Acta canonizat.

Quid verò de generoso hoc animo censes, Staurophila ? Num ille minimâ contentus CRUCE ? Nec solus in hac mente fuit : fuit & cognominis illi Xaverius ; qui in abundantia diuinarum consolationum exclamare solebat : *Satis est Domine, satis est.* In CRVCIBVS, laboribus & persecutionibus dicebat : *Amplius Domine, amplius. Non me liberares hac CRUCE, nisi grauiorem immittas.*

Sed ne quidquam desit, proponam tibi sexus tui exemplum prorsus memorabile. Sponsa mea Catharina Senensis adeò afflictionibus

etionibus delectabatur, nihil ut in hac vitâ
 tantum ei solatiij adferret, quantum CRVCS;
 sine quibus, ut ipsa aiebat, vita hac ei fuisset
 molestissima: propter eas autem perlibenter
 tulisset beatitudinis dilationem, non ignorans,
 illam afflictionibus non parum augeri. Appe-
 tita autem graui calumnia, cum eam multis
 lacrymis ad me referret, apparui ei, habens
 in dexterâ coronam auream muri decoris, in si-
 nistrâ spineam, dixiq; ei, ut eligeret, vtram
 mallet. At illa, Ego, inquit, Domine, cupio in
 hac vitâ tue passioni semper conformari, &
 pœnas amplecti pro refrigerio: simulq; è sini-
 strâ spineam coronam feruenter arripiens, il-
 lam vi multâ impressit capiti, illud undique
 spinis compungens.

Quid iam tibi videtur? num omnes CRV-
 CEM abhorrent? num minimam requirunt?
 aut si possent, ut tui similes, nullam? Verum
 hi omnes perfecti & sancti fuerunt, inquebat
 Staurophila, ego autem peccatrix sum, & ad-
 modum tenera. Sed enim, regerebat Chri-
 stus, quid obest quò minus & perfecta &
 sancta fias? nec aliis caro anea fuit, sed erant
 homines passibiles, similes tibi. Verum non
 id modo ago, ut ad tam excelsa te urgeam;
 tantum ne ipsa tuo arbitratu CRVCEM tibi
 deligas, dicens cum imperfectis: Hoc &
 istud facile admifero, sed quæ mihi modò

Thom. à
Kemp. l. 3.
cap. 19.

imponitur CRVX nimis ea grauis est, quàm
vt ferre queam. *Non est*, crede mihi, *verus*
patiens, qui pati non vult, nisi quantum sibi
visum fuerit, & à quo sibi placuerit. *Verus pa-*
tiens indifferenter ab omni creaturâ, quantum-
cumque, & quotiescumque ei aliquid aduersi
acciderit, totum hoc de manu Dei gratanter ac-
cipit, & ingens lucrum reputat. Si teipsam, vt
edocta es, abnegasti, si intellectum & volun-
tatem ex integro mihi resignasti, quid est
quòd nunc, velut oblita priorum, iterum illa
in consilium adhibeas? An non ego, æterna
Sapientia, ita ordino vniuersa, vt quidquid
acciderit, id tibi certè bonum atque vtile sit?
Domine, aiebat Staurophila, nimis insipien-
ter egi, propriâ innitens sapientiâ: & fateor,
ex prudentiâ carnis processit hæc electio,
quæ fortè periculo non vacat. Ita est, inque-
bat Christus, *Væ enim portantibus CRVCEM*
non SVAM, sed alienam! væ citharædis citha-
rizantibus, non vt illi de Apocalypsi, in citharis
SVIS, sed in alienis. Aliena enim censeri de-
bet CRVX, quam propriâ quis elegerit spon-
te; propria autem, quæ à Patre meo vnicui-
que destinata & imposita fuerit, cuiuscum-
que tandem ad hoc manibus vtatur. *Tùm*
virgo Gertrudis commiseratione mota, oraret
pro quadam personâ, quam audierat impatien-
ter conquerentem, quòd Deus ei grauamina
im-

Bernard. in
Apolog. ad
Guiliel.
Abbat.
Apoc. 14, 2.

Blos. in
Monil.
cap. 10.

immitteret saluti suæ minùs conuenientia ; respondit ei Dominus : Dices illi pro quâ oras, ut quia sine aliquâ saltem tribulatione vel molestiâ regnum celeste obtineri non potest, eligat atque indicet quænam grauamina sibi utilia esse putat : & cum hæc ipsi euenerint, seruet patientiam. In quibus verbis Gertrudis intellexit, periculosissimum genus impatientiæ esse, quando homo peruersè ac superbe eligere vult quæ ferat, dicens saluti suæ minùs congruere, seq̃ non posse sustinere ea grauamina, quæ sibi à Deo immittuntur. En quantum in electione CRVCIS periculum : tu verò iam admonita, illud seriò vitabis.



Exeamus ad eum extra castra, improperium eius portantes. *Hebr. 13, 13.*



*Hanc CRVCIS ipse viam, populo plaudente, precanti,
Et pudor est Domini ponere subire pedes.*

CAPVT III.

Non trahenda, sed ferenda CRVX; spernenda quoque, quæ ob illam ingeruntur opprobria.

Excamus ad eum extra castra, improprium eius portantes. *Heb. 13, 13.*

*Hanc CRVCIS ipse viam, populo plaudente, præiit,
Et pudor est Domini ponere subire pedes?*



IS auditis animaduvertebat Staurophila, vix posse se destinatae CRVCIS iugum detrectare. Proinde veluti conuiicta, accinxit se ad tollendam quam Christus monstraauerat CRVCEM. Sed ut restitit semper refugia tristium natura, callidè meditabatur tam parum oneri se submittere, quàm posset. Quid igitur fecit? iniecto fune non tam tollere, quam per terram trahere post se CRVCEM cœpit. Et quia videbat fore ut aliorum oculis notaretur, & subinde etiam fannis exciperetur, faciem velo cooperuit; erubescens nimirum opprobrium CRVCIS. Videbat hæc Christus, &

IS pri-

primum quidem dissimulare visus, mox eam ita redarguere occœpit.

Et quid hoc, Staurophila? Anne sic CRVCEM te ferre arbitraris, quā velut rem ignominiosissimam, ne contactu quidem dignaris? Recordare, obsecro, quod non dixerim, *Qui vult post me venire*, trahat vel ducat,

^a Matth. sed ^a tollat, ^b baiulet, & ^c accipiat CRVCEM
16, 24.
Marc. 8, 34. *suam, & sequatur me.* Quā loquendi formā
Luc. 9, 23. quid aliud innuere volui, nisi CRVCEM, ubi-
^b Luc. 14. cumque illa inuenta fuerit, vt pretiosum pi-
27. gnus, è terrā subleuandam, & in humeros
^c Matth. accipiendam? non secus ac matres charissi-
10, 38. mas proles magno gaudio brachiis imposi-
tas gerunt.

Non facilè inueniebat Staurophila quid ad hæc responderet, sed tepidā tantum ac trepidā voce aiebat, se nimio horrore ad CRVCIS onus expauisse, & solo aspectu adeo territam, vt subleuare nō auderet. Cui Christus: Immodica hæc formido non è CRVCIS mole, sed Cruciferæ prouenit opinione. Non enim malum est, malum pati; at nescire malum pati, hoc demum malum est.

Quanto melius ad patiendum te disponis, tanto sapientius agis, & amplius promereris. Sed quis hoc poterit? inquiebat Staurophila. Nemo non, inquiebat Christus, qui non in se, sed in Deo confidit. Fateor equidem *non est*

A Kemp.
lib. 3 de
Imit Chri-
sti, cap. 19.

*est secundum hominem CRUCEM portare, Idem 1.2.
CRUCEM amare, corpus castigare; honores su- cap. 12.
gere, seipsum despicere, & despici optare, & ni-
hil prosperitatis in hoc mundo desiderare. Si ad
teipsam respicis, nihil huiusmodi ex te poteris;
sed si in Domino confidis, dabitur tibi fortitu-
do de celo.*

Sperare quidem hoc possum, inquebat
Staurophila, cum magna sit misereris Dei
benignitas; sed abstrahit me, ut verum fa-
tear, tam arduæ CRVCIS horror. Cui Chri-
stus? Virgam olim Moyses in colubrum ver-
sam usque adeo exhorruit, ut planè fugeret. Exod. 4. 3.
Verum cum iussu Dei manum extenderet,
apprehenderetque caudam eius, versa est in
virgam, quam solito tulit more; eaque po-
pulum e miserrimâ servitute per mare ru-
brum traduxit. CRUX & tribulatio virga est,
quam si in terram proicias, nihil aliud quàm
colubrum existimabis, à quo morsum mor-
temque reformidans, fugam capeffes. At si è
terrâ sustuleris, manuque veritatis per cau-
dam apprehenderis (optatissimum scilicet
tribulationum respiciens finem) iam CRV-
CEM virgam Moysis facilè experire, quæ à
peccati servitute in cælestem te ducat Ieru-
salem. Respice ergo cælum, quod CRUX du-
cit, respice æternam beatitudinem CRVCI
repromissam. Qui fluvij vada pertranseunt,
oculos

oculos ad cælum, vel litus attollere monentur, ne aquarum fluxu turbati corruant. Tribulationum pelagus transmittere omnes oportet, ne autem mirabiles elationes maris cerebrum nimium obturbent, sursum ferenda corda, cælum intuendum, non *contemplanda quæ videntur; sed quæ non videntur: quæ videntur enim temporalia sunt, quæ non videntur, æterna.*

2. Corinth.
4, 18.

Et quid est, quæso, quòd digito vix vno CRVCEM trahas? Si vnum tantum alterumve hominis membrum æterna afficiendum esset beatitudine, sufficeret fortè vnâ manu aut digito CRVCEM tulisse: sed cum totum hominem saluum fecerim, totum perenni gloriâ, in quâ *cor & caro exultabunt in Deum vivum*, remunerare statuerim, quidni totus CRVCE affligatur, totus CRVCE oneretur? Neque verò nescis, Staurophila, me totum id quod pro hominibus assumpsi, totum hominibus redimendis impendisse. Vt quid igitur patiar tam parcè mihi seruire, quasi satis foret, qualitercumque CRVCEM post se trahere? Aliter sane amor & labor meus videtur compensandus. Strictum hîc tenebar Staurophila silentium, nec hiscere contra audebat.

Christus verò alium non leuem castigans errorem, ita rursùm inquit: Cur, quæso, adduxisti

xisti velum super faciem tuam? an Crucigeram videri ignominiosum ducis? Ita sane, inquebat Staurophila, *operuit confusio faciem meam*, ecce enim facta sum *opprobrium* Psal. 68, 8. *vicinis nostris*, *subsannatio & illusio his qui in circuitu nostro sunt*. Nec est vt multis exponam: etenim *tu scis improprium meum, & confusionem meam, & reuerentiam meam*. Cui Christus: Eia, inquit, ad me oculos conuer-
te. Nonne ego, gloria & honore coronatus, *proposito mihi gaudio sustinui* *CRUCEM*, *confusione contempta*? An non propter te sustinui opprobrium? propter te quoque factus sum *vermis & non homo*, *opprobrium hominum, & abiectio plebis*? Certe cum educerent me extra portas ciuitatis sanctæ baiulantem mihi *CRUCEM*, *omnes videntes me, deriserunt me*, ** subsannauerunt me subsannatione*, ** frenduerunt super me dentibus suis*. Psal. 21, 7. Et tu nunc modicam infamiam *CRUCIS* reformidas, quasi vile & infame foret participium *CRUCIS* meæ: cum veri mei discipuli hoc ipsum tibi duxerint gloriosum. Quare non dubitauit Apostolus Paulus ita exhortari: *Exeamus ergo ad eum extra castra, improprium eius portantes*. Hebr. 13, 13.

Respondit verò Staurophila: Ferrem equidem non illibenter, mi Domine, tecum & pro te *CRUCES* & ignominias, vt multi Martyres

tyres fecerunt, sed illud pessimè me habet, quòd velut publica peccatrix censear, quasi delictis meis CRVCEM hanc commerita fuerim. Proinde etiam atque etiam rogo te,

Psal. 42, 1. *Indica me Deus, & discerne causam meam de*
Psal. 118, *gente non sanctâ, nec iradas me calumnianti-*
121. *bus me.*

Cui Christus: Quid tum? Nónne & ego,
Rom. 8, 3. qui peccatum non feci, veni *in similitudi-*
Marc. 15, *nem carnis peccati?* nónne *cum iniquis reputa-*
28. *tus sum?* An non cum duobus latronibus
Luc. 23, 32 *eductus, medius inter eos crucifixus sum?*
Isai. 53, 6. Nónne *in me Pater posuit iniquitates omniũ*
vestrũ, & existimatus sum tamquam percus-
sus à Deo? Et tu nunc, quasi iustitiam fece-
ris, exhorrescis inter peccatores numerari.
Ierem. 3, 1. An ignoras quod *fornicata sis cum amatori-*
bus multis? quòd tregeris iugum, & abieris
Iob 15, 16. *vaga in viam cordis tui, ita vt velut aquam*
biberes iniquitatem? Et nunc velut innocens
conquereris te nonnihil ludibrio haberi, cum
2. Corinth. iam pridem edocta fueris me sequi *per glo-*
6, 8. *riam & ignobilitatem, per infamiam & bo-*
nam famam. Si me attendis, videbis sanè quòd
August. *ubi humilitas, ibi maiestas; ubi infirmitas,*
Serm. 20. *ibi potestas; ubi mors, ibi vita.* Si ergo vis ad
de Verb. *illam venire, noli ista contemnere, noli erube-*
Apost. *scere; idè enim in fronte, tamquam in sede pu-*
doris, signum CRVCIS accepisti.

Non

Non sat animi habebat Staurophila, vt his rationibus acquiesceret. Proinde, fateor, in-
 quiebat, quòd coram te, Domine, multis pec-
 catis obnoxia sim, non tamen iis quæ publi-
 cè oculos hominum offendant, quæque ipsi
 me designasse clamant. Quid tu semper, aie-
 bat Christus, hominum attendis dictèriis?
Gloria nostra hac est, inquiebat Paulus, *testi-*
monium conscientie nostræ. Bene ergo sibi con-
scijs, falsis non debet moueri, nec aestimare plus
ponderis in alieno esse conuitio, quàm in suo te-
stimonio. Ad hæc Staurophila: Vt cumque
 non reprehendat me cor meum, nec grauior-
 is mihi conscia sim sceleris, durum tamen
 censeo inter flagitiosos publicè censerì.

Eamdem, aiebat Christus, reiteras cantile-
 nam: & durum id esse non nego, sed tamen
 tolerabile. Neque similitudo CRVCIS, quâ
 tam boni quàm mali discruciantur, merito-
 rum probat æqualitatem. *Quicumque enim*
boni malig, pariter afflicti sunt, non idè ipsi
distincti non sunt; quia distinctum non est
quod utrique patiuntur. Nam sicut sub vno
igne aurum rutilat, palea fumat; & sub ea-
dem tribulâ stipulae comminuuntur, & fru-
menta purgantur, nec idè cum oleo amurca
confunditur, quia eodem prali pondere expri-
mitur; ita vna eademq, vis irruens bonos
probat, purificat, eliquat; malos damnat, va-
stat,

2. Corinth.

I, 12.

Ambros.

de Offic.

August. I. 1.

de Ciuit.

Dei cap. 8.

stat, exterminat. Vnde in eadem afflictione mali Deum detestantur, boni autem precantur & laudant. Nam pari modo exagitatum & putorem suum exhalat canum, & suauiter fragrat unguentum.

Nescio quid dicam, aiebat Staurophila, & CRVCEM ferre, & passim ab omnibus subfannari, duplex malum. Inidò vnicum, aiebat Christus: hæc enim altera CRVCIS pars est, sub eâ, & cum eâ contumeliam pati.

2. Timoth.
3, 12.

Prou. 14, 2.

Ioan. 2, 1.
22.
* Ioan. 15;
19.

Chrysoft.
Homil. 7.
in Epist ad
Philip.

Omnnes enim qui piè viuere volunt, persecutionem patientur. Et commune est in hoc sæculo, vt ambulans recto itinere, & timens Deum, despiciatur ab eo qui infami graditur viâ. Sed relinque mundo iudicia sua, & vanas opinionationes, tu me sequere. * Si de mundo esses, mundus quod suum est diligeret; nunc autem odit te mundus, quia elegi te de mundo, vt sequeris me, & CRVCEM tuam baiulares: sed & hoc scito, quia me priorem odio habuit, subfannauit, & irrisit. Propterea enim Iudei, deditâ operâ, istâ morte CRVCIS interimere me voluerunt, vt probrosum quoque efficerent; vt, etsi nemo propterea à me abstineret quòd occisus essem; abstineret tamen vel ideò, quòd hoc mortis genere occisus essem. Sed hoc ipsum diligentes me magis allicit, quòd propter ipsos plenam dedecore mortem elegerim. Atque hæc ipsorum est in ignominiiis

miniis consolatio, quòd mihi efficiantur
quàm simillimi.

Magna hæc, aiebat Staurophila, perfectio
est; nec omnibus, vti credo, communis: ego
verò infirma sum, nec tam alta præsumere
ausim. Ita est, inquiebat Christus, perfectio-
rum hoc studium est, sed ad illud omnes
omnino hortatus sum: *Estote perfecti, sicut*

Math. 5,
48.

& Pater vester cælestis perfectus est. Et qui-
dam in patientiæ gymnasio non mediocri-
ter eruditus, ita scripsit: *Is qui ad placidissi-
mam animi quietem atque ad Deum currit, die
omni, quo maledicta non sustinet, ingens de-
trimentum se sustinuisse arbitratur. Sicut enim
arbores, quæ à ventis agitantur, altioribus
semper radicibus nituntur: ita & qui in obe-
dientiâ degunt, validas atque inconcussas ani-
mas possident.* Quàm vellem, aiebat Stauro-
phila, & ego tantum in VIA CRVCIS profe-
cisse, tantumque animi robur obtinuisse!
Confide filia, inquiebat Christus, primum
bonæ mentis signum est, virtutem concupi-
scere, crescente deinde desiderio, facile cre-
scet & studium. Si ergo vterius optas in-
strui, audi eundem pietatis Magistrum:
*Initium, inquit, beatæ tolerantie est, in amari-
tudine & dolore anima ignominias suscipere:*

Climach.
Grad. 4.

Idem Cli-
mach.
Gradu 8.

*Medium verò, eas tolerare sine mærore: Finis
autem & consummatio, illas laudem existima-*

*Ibid. pau-
cis inter-
iectis.

re. * Vidi ego tres unâ Monachos iniurijs af-
fectos, ex quibus unus mordebatur quidem in-
iurijs atque perturbabatur, sed tamen in silen-
tio premebat iracundiam : alius verò gau-
debat quidem ex luctu suo, sed eius qui se male-
dictis infectatus fuerat peccato angebatur : ter-
tius verò proximi tantum damna secum vol-
uens, vim ardentium lacrymarum profunde-
bat. Eratq; suave spectaculum, timoris, & mer-
cedis, & charitatis operarios aspicere.



CAPVT IV.

*Ostentatio in CRVCIS baiulatione
vitanda.*

Attendite ne iustitiam vestram facia-
tis coram hominibus, vt videamini
ab eis. *Matth. 6, 1.*

*Non quid agas, sed quò spectes, Deus undique
spectat,
Ferre tuam, vanum, vt sancta ferare, CRV-
CEM.*



ON illibenti animo hæc exci-
piebat Staurophila, iamq; me-
ditabatur in opus conferre;
cùm illud, quod vulgò dici
solet,

*Dum vitant stulti vitia, in contraria cur- Horat.
runt,*

ei euenit planissime. Intellexerat non tra-
hendam retrò CRVCEM, vt ignobile onus,
non formidandam CRVCIS ignominiam,
quæ gloriæ esset seminarium, proinde aliud
nihil quàm gloriam & honorem aucupaba-
tur. CRVCEM siquidem transversim ante se
ferens, omnium se oculis visendam expone-
bat;

Attendite ne iustitiam uestram faciatis corā
hominibus, ut uideamini ab eis. *Math. 6, i.*



*Non quid agas, sed quò spectes, Deus undiq̃ spectat:
Ferre tuam, vanum, ut sancta ferare, CRUCEM.*

bat; hoc nomine magnam se rata, quòd iam CRVCIS Christi esset gerula. Ita infelix, quæ ostentui haberi metuebat, in probrosam incidit ostentationem.

Animaduertens id Christus, noui erroris eam commonefecit. Et quid hoc, inquit, filia? præcedens vitium æquali vel maiore vis corrigere? CRUCEM te tollere, non te extollere oportet. Et vide, quàm parum succedat hæc talis baiulatio: vbique enim impingis, atque ipsa CRUX tibi impedimento est, ne angustam regni cælestis ingrediare portam. Non legisti quâ ratione id S. Arsenio olim fuerit ostensum? Sedebat hic aliquando in cellâ suâ, & venit vox dicens ei: *Veni ostendam tibi opera hominum. Et surgens exijt, & ecce vidit templum, & duos viros sedentes in equis, & portantes lignum transfuersum, vnum contra vnum: volebant autem per ianuam intrare in templum, & non poterant, propter lignum illud quod in transfuerso portabant: & non inclinantes se vnus post alium, vt fieret lignum illud directum, remanserunt foris extra ianuam templi. Et cùm interrogasset quid hoc esset, ille respondit ei: Hi sunt, qui portant velut cum superbia iugum iustitiæ, & humiliati non sunt vt corrigant se, & ambulant humiliter in VIA CHRISTI; propter quod & remanent foris à regno Dei. Viden' vt hîc*

Pelag. in
Vit. Pat.
lib 5 li-
belli. 18.
num. 2.

tua depingatur insipientia, & quanto te discrimini exponas? CRVCEM ferre, & hoc ipsum ad gloriam referre, vanum est, nullamque meretur mercedem.

Respondit Staurophila: Quòd hoc pacto, Domine, me geram, id eâ gratiâ feci, vt vel maximè declinarem errores illos, de quibus proximè monueras. Neque tantum mali in eo credebam, quòd aliquantam gloriam admitterem: occurrebat enim illud quod legeram,

Ouid. 5. — *Non paruas animo dat gloria vires:*
Trist. Eleg. & :

15.

— *Immensum gloria calcar habet.*

S. Nilus
Orat. 7.

Hoc igitur stimulo me ad duram alioqui CRVCEM excitabam, nec inconueniens arbitrabar hoc qualicumque fomento difficultates, quæ ei insunt plurimæ, nonnihil tollari. Si gloria delectat, inquiebat Christus, æternam eamque solidam specta, temporalem hanc & inanem procul abijce. *Ne vendas, quaeso, labores tuos humanis laudibus, nec futili famâ proyicias futuram gloriam. Laus enim humana in puluere domicilium habet, & gloria eius extinguitur super terram; vera autem & solida virtutis gloria manet in sempiternum.* Quàm puerilium est diligere gloriam hominum magis, quàm gloriam Dei! Extremæ est, Staurophila, dementiæ, in rebus

LIBER SECVNDVS. ISI

bus spiritualibus non nisi inanem spectare gloriam: hoc enim est & labore se affligere, & mercedem prodigere. *Seruus ad Domini oculos respicit, ad herum mercenarius, & ad preceptorem discipulus: tu contra omnino, remunerantem Deum Dominumq; relinquens, ad conseruos respicis, etsi benè noueris Deum rectè factorum tuorum in futurum quoque recordaturum, hominem verò tantum ad præsens, & quidem utcumque. Et cum habeas theatrum in celo constitutum, spectatores tamen in terrâ tibi deligis & colligis. Athleta quidem ubi certat, ibi & probari cupit: tu cum in superioribus certes, in inferioribus coronari quæris. Numquam sanè credidissem, inquebat Staurophila, tantum mali esse, gloriolam aliquam venari ex re non malâ. Parum mihi, inquebat Christus, versata videris in scholâ pietatis: an nō audiuiisti quàm seriò monuerim: Attendite ne iustitiâ vestram faciatis coram hominibus, ut videamini ab eis: alioquin mercedem non habebitis apud Patrem vestrum, qui in calis est? Nōne hōc nomine hypocritas damnaui, quòd eleēmosynam facientes, tubâ canerent ante se, & quòd in Synagogis & angulis platearum stantes orarent, ut honorificarentur ab hominibus? hæc enim pietatis opera volui fieri in abscondito, ut Pater cælestis, qui videt in abscondito, reddat mercedē.*

Chrysoft.
Hom. 17.
in Epist. ad
Rom.

Matth. 6, 1.

Ibid. 2.

Hæc quidem, inquiebat Staurophila, etsi non rarò audierim, memoriæ tamen non occurrebant, neque attentius illa hætenus expendi. Et hoc scilicet est, inquiebat Christus, quòd viuus sermo meus & efficax tam paruum in vobis fructum faciat. Sed vt porò pergam, non malè quidam seniorū meorum dixit: *Mater gehenna, est inanis gloria.*

Chrysost.
Hom. 17.
in Epist. ad
Rom.
Psal. 52, 6.
*Bernar. in
Apolog. ad
Guilielm.
Abbat.

Nec est, vt multis hoc probetur, nam & Regius Vates olim cecinit: *Deus dissipauit ossa eorum qui hominibus placent: confusi sunt, quoniam Deus spreuit eos. *Væ semel, & v. e. iterum portantibus CRUCEM meam, & non sequentibus me! quia nimirum, cuius passionibus participant, humilitatem sectari negligunt. Duplici quippe contritione conterentur, qui huiusmodi sunt, cum & hîc pro temporali gloriâ se affligant, & in futuro pro internâ superbiâ ad æterna supplicia pertrahentur.*

Luc. 11, 34.

Sed, obsecro mi Domine, aiebat Staurophila, doce ancillam tuam, vt pestem hanc fugere queat. Cui Christus: *Lucerna corporis tui, est oculus tuus. Si oculus tuus fuerit simplex, totum corpus tuum lucidum erit. Oculus mentis, intentio est cordis, hæc si fuerit re-cta, totum actionum tuarum corpus rectum, pulchrum ac lucidum erit: sin distorta, nequam erunt quæcumque ex eâ processerint. Non tantum si bonum est quod facis, sed præci-*
pue

August. in
Psal. 118.
Conc. 12.
in medio.

puè si bonum est propter quod facis, cogitan-
dum. Auerti poscebat Psalmistâ oculos suos
ne viderent vanitatem, id est, ne hanc atten-
derent, & propter hanc fieret, cum bonum ali-
quid fieret. Deus enim non valdè attendit
quid homo faciat, sed quid, cum facit, aspiciat.

August. in
Psalm. 31.

Quare quod Apostolus meus monuit: *Sine
manducatis, sine bibitis, sine aliud quid faci-
tis, omnia in gloriam Dei facite*. Idipsum in
hâc VIA CRVCIS tibi quàm maximè incul-
catum velim, vt scilicet intentio tua sit recta,
& ad Deum directâ. De animalibus illis
Ezechieli olim ostensis, scribitur: *Facies eo-
rum & penna eorum extenta erant desuper.*
Quid autem per faciem, nisi intentio; quid
per pennas, nisi contemplationis volatus desi-
gnatur? Omne proinde bonum quod agitur per
intentionem, semper ad celestia cleuetur.

1. Corinth.
10. 31.

Ezech. 1.
Gregor. 1.1.
in Ezech.
Homil. 4.

* Quelibet enim actio, quamvis bona videatur,
tamen quasi mortua indicatur, si non per inten-
tionem bonam animetur. * Nihil igitur propo-
sito vanitatis, & inanis gloriæ capeſſenda gra-
tiâ facias, quæ autem bono initio cæperis, ob-
ſeruatione ſimili cuſtodire nitaris.

* Richard.
de S. Viſt.
de Strat. int.
hom. c. 7.
* Caſſian.
l. 1. i. Inſtit.
cap. 18.

Sed quomodo captanda humane laudis, aie-
bat Staurophila, vitium declinabo? Si tibi cer-
tò perſuaſeris, respondebat Chriſtus, ubique
Deum adeſſe. Siquidem nemo eſt, qui cum in o-
culis Domini ſit, cum illius dedecore conſeruo

Baſil. in
Reg. Bre-
uio. qu. 34.

Chrysoft.
Hom. 5.
in Genes.

suo malit gratioſus eſſe, quàm Domino. Nō vides in equorum ludis, quomodo hi qui equos agitat, non aduertunt plauſū populi aſidentis, nec voluptatē ex eo plauſu capiunt; ſed in vnū Regem in medio ſedentem oculos intendunt, ac ad nutū illius attendentes, totam multitudinē deſpiciūt. Hos & tu imiteris, nō magni faciendo hominum famam, ſed ſententiam iudicis iuſti exſpectando, atque ad nutum eius omnia dirigendo.

Breuiar
Roman.
14. Sept.

Quid verò vlteriūſ faciendum? percontabatur Staurophila. Hoc, inquebat Chriſtus, vt humili ac ſubmiſſo animo, atque ab omni inſolentiā remoto, CRVCEM feras. Heraclius Imperator auro & gemmis ornatus, ſolēni celebritate ſuis humeris CRVCEM referre volens in eum montem, quò ego eam olim tuleram, inſiſtere coactus eſt in portā. Quò enim magis progredi conabatur, eò magis retineri videbatur. Quā re cū & ipſe Heraclius & reliqui omnes obſtupescerent, Zacharias Ieroſolymorum Antiſtes, Vide, inquit, Imperator, ne iſto triumphali ornatu, in CRUCE ferendā parum Ieſu Chriſti paupertatē & humilitatē imitere. Tunc Heraclius, abiectō ampliſſimo veſtitu, detractiſq; calceis, ac plebeio amiētū indutus, reliquum via facile confecit, & in eodem Caluarie loco ſtatuit. Hoc pacto CRUCEM ferri deſidero, vt geſtu ſcilicet humili incedas, & quantū fieri poteſt, hominum oculos cautē declines.

CA-

CAPVT V.

*Non pracedendum, sed Christum cum
CRVCE sequendum.*

Qui festinus est pedibus, offendit.

Proverb. 19, 2.

*Que prait, errat onis: propriam lubet ordine
recto*

Si portare CRVCEM, ponè sequare Ducem.



T qui à rectâ viâ semel deuia-
uerit, in alia semper incidit di-
uerticula: ita qui superficiete-
nus Deum tantum quærit, se-
misfauciâ voluntate, volens no-

lenique rectam nunquam tenebit semitam,
ex vno in alium labetur errorem. Experta id
fuit Staurophila, quæ dum docetur vnum
cauere vitium, in alterum incidit. Tot enim
iam monitis instructa, meditabatur generosè
CRVCIS iter onusque suscipere, nec vllis ce-
dere difficultatibus. Feruidè igitur CRV-
CEM in humeros coniiciens, non expectato
Domini responso, præcurrere satagebat: ni-
hil interim hîc sibi simplex columba metue-
bat, cum & proprio niteretur iudicio, & sine
duce tam arduum iniret iter.

At

Qui festinus est pedibus, offendit. *Prou. 19. 2.*



*Que preit, errat ouis: propriam lubet ordine recto
Si portare CRVCEM, pone sequare Ducem.*

At Christus ponè eā retinens, reuocansque; Erras, inquit, ò Staurophila, & temerario peccas feruore: oblita siquidem videris earum quas antea tradidi instructionum, ita vt rursus indigeas edoceri quæ sint elementa exordij sermonum Dei. Cui illa: Quænam ista sunt Domine? Respondit Christus: Ignoras etiam? an non principio dixi, *Si quis vult post me venire, tollat CRUCEM suam, & sequatur me?* idemtidem inculcans, vt & venires post me, & baiulans CRUCEM sequereris me, quasi satis non foret, semel id monuisse; tu interim ne semel quidem id animo reuoluisti.

Luc. 9, 23.

Necdum Staurophila errorem suum agnoscebat, sed volens iustificare semetipsam, respondebat: Domine, semper audiui duplicuisse tibi tepidos & dissolutos, contra placuisse spiritu feruentes, Domino seruientes. Rom. 12, Et memini Apostolum tuum non ad ambulandum, sed percurrendum Christianæ vitæ stadium exhortari. Sic, inquit, *currite, vt comprehendatis.* Quid igitur pecco, si gnaui-
ter me ad eursum accingam, & currere etiam incipiam? Et nonne sic breue, quod vitæ meæ restat tempus, feruore compenso? In eo, inquiebat Christus, delictum est, quod non venias post me, quod ME (vt iam dixi) non sequaris, quod ducem non habeas, nec
ma-

11.

1. Corinth. 9, 24.

Ambr. su-
per Pl. 118.
Serm. 5.

Luc. 23.

Ambros.
lib. 10. in
Luc. c. 23.

* Chrysol.
Serm. 54.

Basil. in
c. 1. Iſai.

magistro vtaris. *Miles qui ingreditur iter, viandi ordinem non ipse disponit sibi, nec pro suo arbitrio viam carpit, ne discedat à signis: sed itinerarium ab Imperatore accipit, & custodit illud; præscripto incedit ordine, cum armis suis ambulat, rectaq; viâ conficit iter; meritoq; non desicit qui Imperatorem sequitur suum. Hanc legem viarum esse præscriptam me docente & ducente, Sanctis commeantibus, recognoscas velim.* An tu mysterio vacare censes, quòd Cyrenæus ille Simon CRVCEM tulerit meam, non ante, sed POST ME? Quid enim hoc insinuabat, nisi quòd bonus ordo spiritualis profectus hoc exigebat, ut prius CRVCIS meæ trophæum ipse erigerem, deinde Martyribus, alijsq; traderem erigendum.

* *Præcurrens Zacchæus ascendit arborem sycomorum, priusquam ego CRVCIS arborem conscendissem, sed quid ei dictum fuit? Festinans descende. Si sapis, descende ante Dominum de Adamiticâ arbore, ut post CRVCEM Dominicæ passionis ascendas.* Ita in arcano fermone sequi eum, non præcedere docui.

Quid verò mali, aiebat Staurophila, si quis præcedat? nam si bonum CRVCEM ferre; quid adeò ductore & Doctore opus? Nimirum, inquiebat Christus, ut bonum fiat bene. *Intolerabilis est superbie argumentum, estimare se nullius egere consilio; sed sibi vni*
atten-

attentum esse, quasi solus possit decernere quæ optima sunt. * Ridiculum planè est, ut vilium ac mechanicarum artium magistros nanciscaris, huc atque illuc oberrare; diuinam tamen Staurosophiā tamquam vile aliquid ac despicandum tibi ipsi reservare. Quare id maxime rogo ne ipsa te doceas, & absque Doctore ingrediaris viam, quam numquam ingressa es: statimq; in alteram partem declinandum sit, & errori pateas; plusq; aut minùs ambules, quàm necesse est: ne aut currens lassaris, aut moram faciens obdormias.

*Isido. Pe-
lusiot. l. 1.
Epist. 260.

Hieron.
Epist. 4. ad
Rust.

Numquam arbitrata fueram, aiebat Staurophila, magnum eos subire periculum, qui in spiritu vehemente studerent procedere, atque etiam præcedere; nec unquam mihi tantopere proprium iudicium suspectū fuit. Id verò, aiebat Christus, imperitiæ tuæ facile condonauero. Quàm malum autem sit, suo, etiam in re piā, niti iudicio, & me, vel qui vice meā fungitur, velle præcedere, satis Apostolorum Principi declaratum fuit. Præcedere quodam loco Petrus volebat, audiens enim de CRUCE & passione me loquentem, ait: Absit à te Domine, non erit tibi hoc. Sed

Matth. 16,
23.

quid responsi tulit? vade post me satana, scandalum mihi es, quia non sapiſ ea quæ Dei sunt. Quid est hoc? Ille qui antea audierat, Beatus

August. in
Psalm. 69.

es Simon Bar-Iona, quia non tibi reuelauit caro

&

*& sanguis, sed Pater meus qui in calis est: modo repente audit: Redi post me satanas. Quid est, Redi post me? Sequere me. Præcedere me vis? consilium mihi dare vis? Melius est ut consilium meum sequaris: hoc est, redi retrò, redi post me. * Sic antecedentem compeſcebam & satanam appellabam, quia volebat ducere Ducem, docere Magistrum, iubere Domino. Crede mihi, Staurophila, qui se sibi magistrum constituit, stulto se discipulum subdit. Vnde lepidò apophthegmate prisci monachorum Antistites dicebant: Si videris iuuenem voluntate suâ ascendentem in calum, tene pedem eius, & proice eum in terram, quia non expedit ei. Viden' ut noceat præpropera festinatio?*

Hui! exclamabat Staurophila, quid tantum mali est, voluntate propriâ in cælum conscendere? Illud scilicet, respondebat Christus, quòd voluntas propria sit pes superbiæ, quo nemo totus calum introiit. Iterum dico, * qui priuatum sequitur geniũ, & absque cognitione ac directione Euangelicâ graditur, impingit in multa. Plerique siquidem, non modicos labores, & exercitationes decurrerunt; afflictiones & ærumnas multas, tamquam Dei nomine pertulerunt: priuata tamen dispositio & indiscretio, item arbitrari se non egere auxilio proximi, ipsorum tam graues labores, fatigationes.

* Item in
Psalm. 55.

Bernard.
Epist. 87.

Ephræm
tom. 2. Pa-
sca. 35

Gerson
tom. 3.
tract. de
Relig. per-
fect. con-
fid. 12.
* Marc.
Eremit. in
Præcept.
salutar.

tionēs, & vexationes infructuosas effecerunt.
 Tu igitur hoc barathrum fuge, &, si sapias,
 me sequere. Moysen imitare, qui monitus
 vt ascenderet de loco in quo erat ad Ter-
 ram promissionis, confidenter Domino di-
 cebat: *Si non tu ipse precedas, ne educas nos* Exod. 33,
de loco isto. In quo enim scire poterimus, ego 15.
& populus tuus, inuenisse nos gratiam in con-
spectu tuo, nisi ambulaueris nobiscum. Sic &
 tu filia, time vel vnum figere pedem, nisi in-
 nixa super dilectum tuum, & sequens vesti-
 gia eius. Si currere iuuat, non improbo qui-
 dem, noli tamen præcurrere. *Exultauit ego* Psal. 18, 6.
vt gigas ad currendam viam, si me volueris
 consequi, oportet sequi: non in virtute pro-
 priâ, sed me trahente, & gratiâ meâ adiu-
 uante. Hoc Sulamitidis votum fuit, quæ Cant. 1, 3.
 non præire, sed trahi optabat, vt curreret post
 me in odorem vnguentorum meorum.



Gloria magna est, sequi Dominum. Eccli. 23, 38.



*Lux ego sum mundi, mea post vestigia curre:
Qui sequitur me, non ambulat in tenebris.*

CAPVT VI.

Exemplo Christi CRVX ritè ferenda.

Gloria magna est, sequi Dominum.

*Eccli. 23, 38.**Lux ego sum mundi, mea post vestigia curre :**Qui sequitur me, non ambulat in tenebris. Ioan. 8, 12.*

ANDEM aliquando tot conui-
cta rationibus, tot incitata ex-
hortationibus Staurophila ma-
nus dedit, & CRVCEM ritè ge-
stare occœpit, alacri animo

Christo dicens: *Præcedat Dominus meus* an-Gen. 33,
cillam suam, & *ego sequar paulatim vestigia* ^{14.}

eius. Factum bene, inquiebat Christus, &
nunc scis, ô filia. Ego namque *descendi de* Thomas
calo pro tuâ salute: suscepi tuas misérias, non à Kemp.
necessitate, sed charitate trahente: ut patien- lib. 3. de
tiam disceres, & temporales misérias non in- Imit. Chri-
dignanter ferres. Tum Staurophila: *Domi-* sti cap. 1. 8.
ne, quia tu patiens fuisti in vitâ tuâ, in hoc
maximè implendo præceptum Patris tui, di-
gnum est ut & ego misella peccatrix secun-
dum voluntatem tuam patienter sibi sineam: &
donec ipse volueris, onus corruptibilis vitæ &
CRVCIS huius pro salute meâ portem. Nam et si

onerosa sentitur praesens CRVX, facta est tamen iam per gratiam tuam valde meritoria, atque exemplo tuo tolerabilior & charior. O quantas tibi gratias teneor referre, quod VIAM rectam & bonam dignatus es mihi & cunctis fidelibus ad aeternum regnum tuum ostendere! nam vita tua, VIA nostra: & per sanctam patientiam ambulamus ad te, qui es corona nostra. Nisi tu nos praecessisses & docuisses, quis sequi curaret? Heu, quanti longè retroq, manerent, nisi tua praeclara exemplainspicerent!

Ita est, inquit Christus, idèd enim exemplum dedi vobis, ut quemadmodum ego feci, ita & vos faciatis. Nauigantibus ad sidus aliquod dirigendus est cursus. Pictores, ut imaginem exprimant, prototypon intuentur: vis ritè ferre CRVCEM, quem, nisi me baiulantem mihi CRVCEM, proponere potes? huc spectauit Apostolus meus, cum diceret: *Per patientiam curramus ad propositum nobis certamen, aspicientes in auctorem fidei & consummatorem IESVM.*

O Domine, inquit Staurophila, hoc cum perpendo, vnà cum dilecta Sulamitide dicere lubet: *Fasciculus myrrhæ dilectus meus mihi inter ubera mea commorabitur. Vtrumq, enim mihi es, Domine IESV, & speculum patiendi, & meritum: vtrumque fortiter prouocat, & vehementer accendit. Propterea semper*

Ioan. 13,
15.

Hcbr. 12, 1.

Cant. 1, 12

Laurent.
Iust. in
Ligno vitæ
de P. tient.
cap. 5.

per

per habeo te, Domine, non retrò in humeris, sed antè, præ oculis: ne portans te, ô dilecte mi, fasciculum myrrhæ, & non odorans, onus premat, & odor non erigat. Videns enim tuas angustias, Domine, meas leuius portabo.

Eia sic age, inquit Christus, Gloria enim magna est sequi Dominum, longitudo enim die- Eccli. 23, 38.
rum assumetur ab eo. Nam quod pro magno

inter septem Sapientum dicta celebratur, SEQVERE DEVM; hoc verè perficiunt ser-
ui mei, qui per REGIAM VIAM CRVCIS me
sequuntur. Hi profectò non meritum tan-
tùm, sed magnam etiam apud Deum asse-
quuntur dignitatem. Exhilarata his verbis
Staurophila, In quo, obsecro, aiebat, hæc di-
gnitas sita? In eo, respòdebat Christus, quod
digni Deo efficiantur. An non legisti, quid
de iustis Scriptura dicat: *Visi sunt oculis insi-* Sap. 3, 2.

*pientium mori, & æstimata est afflictio exitus
illorum, coram hominibus tormenta passi sunt?*
sed quid coram Deo? *Deus*, inquit, *tentavit
eos, & inuenit illos dignos se.* Quàm felix
CRVX! quàm beata afflictio, quæ dignum
facit Deo! *Is solum miser est, qui in afflictio-* Nicetas
Choniat.
*ne constitutus nimium tristatur, & Deo non se
dignum prebet.* Ideoque clarissimè edixi, *Qui* Matth. 10, 38.
*non accipit CRUCEM suam, & sequitur me,
non est me dignus.*

Admirans verò Staurophila, exclamabat:

Eccle. 2, 12. *Quid est homo, ut sequi possit Regem factorem suum? Mihi sane adhærere IESV meo bonum est, illum sequi opto, illi vniri concupisco.*

Leo Ser. 2. de Resurrectione. *Nam si mundana sapientia ita in suis gloriatur erroribus, ut quem sibi quisque ducem elegerit, eius opiniones & mores, atq; omnia instituta sectetur: quæ mihi erit communio nominis tui Christe, nisi ut tibi inseparabiliter vniar,*

Ioan. 14, 6. *qui es, ut ipse insinuasti, VIA, & veritas, & vita? VIA videlicet conuersationis sanctæ, veritas doctrinæ, & vitæ beatitudinis sempiternæ.*

Rectè tu illud quidem, subiiciebat Christus; ego enim sum VIA, & per me venit ad me. Per Christum enim ad Christum tendit, qui per semitam patientiæ & humilitatis incedit. In quo planè itinere nec æstus deest laboris, nec nubes tristiæ, nec procella formidinis: ibi sunt insidiæ iniquorum, persecutiones infidelium, minæ potentium, contumeliæ superborum; quæ ego Dominus & Rex gloriæ ideo omnia percurri, ut inter præsentis vitæ pericula, non tam optandum esset hominibus declinando ista effugere, quàm tolerando superare.

Lætata sum in his quæ dicta sunt mihi, inquebat Staurophila, & miror sanè, inueniri quàm plurimos, qui te recusent sequi. Magis etiam miraberis, aiebat Christus, si attendas quid damni patiatur qui noluerint sequi. Ego enim caput sum hominum, illi autè mea membra.

bra. Recusat porro esse in corpore, qui odium August.
mundi, CRUCEM & tribulationes non vult Serm. 47.
sustinere cum capite: nec meretur congaude- de Sanctis.
re in patriâ, qui recusat condolare in VIA.

Quidni, inquiebat Staurophila, caput Bernard.
suum membra sequantur, si bona suscepimus Serm. 1. in
ab hoc capite, mala autem quare non sustinea- cap. Ieiun.
mus? Non est magnum si compatitur mem-
brum capiti, cum quo est glorificandum. Fe-
lix omnino membrum, quod huic adhæserit
per omnia capiti, & sequetur illud quocumque

ierit! Causa patiendi capiti fuit, ut corpori August. in
præberet exemplum; tu enim, Domine, vo- Pf. 34.
luntate passus es, nos necessitate: tu miseratione,
nos conditione. Tua proinde voluntaria

passio, nostra est necessaria consolatio, ut quan-
do talia forte perpetimur, intueamur caput
nostrum, ut eius exemplo commoniti, dicamus:

Si sit ille, quid nos? Si, inquam, tu, qui pecca- 1. Pet. 2,
tum non fecisti, nec est inuentus dolus in ore 22.

tuo, tot ludibria, tot alapas, tot flagella, tot
spinarû aculeos perpeffus es, si faucijs cruen-
tatisq; humeris CRUCEM baiulasti, quid nos?

Vtinâ Domine totus mihi figaris in corde, qui August. lib.
totus pro me fixus es in CRUCE! Vtinam non de Sanctâ
recedat ab oculis meis imago Domini mei virgin.
CRUCEM baiulantis, ut alacriter quoq; meâ
discam baiulare! Deuotus enim miles non sen- Liuius l. 2.
tit sua, cum benigni Ducis intuetur vulnera. decad. 1.

Id quod in presenti est momentaneum et
leue tribulationis nostræ, æternum gloriæ
pondus operatur in nobis. 2. Cor. 4, 17.



Quid CRVCIS abscindis pondus tolerabile? CRVX est
Quæ grauis, illa breuis; quæ diuturna, leuis.

CAPVT VII.

*Depulsio querelæ de nimia CRVCIS longi-
tudine, aut pondere.*

Id quod in præsentī est momentaneum
& leue tribulationis nostræ, æter-
num gloriæ pondus operatur in no-
bis. 2. *Corinth. 4, 16.*

*Quid CRVCIS abscondis pondus tolerabile?
CRUX est*

Quæ gravis, illa brevis; quæ diuturna, levis.



VI ex animo se Christi dedica-
uerunt seruitio, primùm qui-
dem suauibus quibusdam so-
latis solent deliniri; nam in-
star paruulorum, quibus lacte
opus sit, a benignissimo Patre habentur. At
vbi in virtute nonnihil addoleuerint, grauioribus subinde exercentur temptationibus. Ho-
stis enim noster quantò magis nos sibi rebellare
conspicit, tantò amplius expugnare contendit.
Eos enim pulsare negligit, quos quieto iure pos-
sidere se sentit. Quin & ipse Deus nonnum-
quam se subducit, vt athletas suos experia-

Greg. l. 14
Moral. c. 7

tur : atque hinc est quòd desolationis tempore, non rarò illa displiceant, quæ durante consolatione vel maximè placebant. Vicissitudinem hanc expertus est Regius Vates;
Psal. 19, 7. qui de prosperitatis statu ita canit: *Ego autem dixi in abundantia meâ: Non mouebo in æternum.* Sed quid in aduersitate? *Auertisti*, inquit, *faciem tuam à me, & factus sum conturbatus.*

Eamdẽ quoque alternationem in Staurophilâ deinceps considerabimus. Vidimus eam iugo Domini collum submittentem, vidimus CRVCEM alacriter gestantem, & lætitiâ propemodum gestientem: nunc exortâ tempestate querulam, gementem, & tantum non sub onere fatiscentem intruebimur. Hilariter CRVCEM exceperat, sed quò diutius eam ferebat, eò magis premebatur: & modò æquo longiorem, modò nimis querebatur grauem. Ad callida proinde conuertitur consilia, & abesse Christum rata, inferiorem CRVCIS partem ferrâ, nescio vnde acceptâ, abscindere cœpit.

Huic verò dum esset intenta operi, superueniens Christus, eam redarguit. Quid est, inquiens, quod video? Et hæc CRVCIS contumelia est, illi vel modicum velle demere. Hoccine desideratum prius & suaue iugum

iugum meum ferre? Cui Staurophila: Bona verba, quælo Domine. CRVX hæc longior apparet, quàm vt eam ferre valeam, ideoque nonnihil amputandam putavi. Recte, inquiebat Christus, dixisti, apparet; non enim reuerà est, sed oculis malè affectis, aut per opinionum perspicilia delusis ita videtur. Breuis CRVX & leuis dolor Seneca Epist. 78. est, si nihil illi opinio adiecerit. Contrà, si exhortari te cæperis, ac dicere, Nihil est, aut certè exiguum est, duremus, iam desinet: leuem illam dum putas, facies. Ad opinionem homines dolent: tam miser est quisque, quàm credit.

At ego, aiebat Staurophila, dolorem grauem sentio. Cui Christus: Quidni sentias, Seneca. ibid. si muliebriter tuleris? * Non sentire CRUCEM, * Seneca de Con- sol. ad Polyb. c. 36. non est hominis; non ferre, non est viri aut viraginis fortis, quæ pro regno Dei fortia agere & pati Christianum putat.

Demiror ego, replicabat illa, CRUCEM posse dici nec longam nec grauem, quam talem videmus, palpamus, sentimus. Per eandem lineam, respondebat Christus, ferram reciprocas, vnde & regero quod antè dixi: Homines perturbantur non rebus, Epict. Enchirid. c. 10 sed iis quas de rebus habent opinionibus. Fit nonnumquam, vt duo quidam simillimâ & eadem pænè CRUCE premanant: alter

alter excitatoris animi, suam putat esse chartaceam; alter abiectionis & tristioris, suam prorsus plumbeam. Hic non res, sed opinio diuersa est. Vis exemplo doceri?

Drexel. ib.
cap. 4. ex
Dionys.
Carth. in
Append. ad
instruct.
Nouit.

Erat Carthusiani Ordinis Nouitius quidam principio alacer, & ad omnia promptus, paulatim autem cepit languescere, & inter onera numerare, quæ initio facillima videbantur. Illud præcipuè religiosum iuuenem vexabat: niger ei cucullus ut tironi ferendus erat. Hunc ille iniquissimis oculis intueri, & trabalem CRVCEM credere, quod aliorum neminem fatigauit. Fuit, ut huic iuueni meridiano somnum conciliaret altissimi silentij quies. Dum dormit, somniat me cum prægrandi CRUCE per cænobiij ambulacrum incedere, & ascensum moliri per scalas, nec tamen progredi posse, ob immodicam CRVCIS molem. Igitur ille ipse tiro, qui hoc somniabat, visus est sibi accurrere, & adiuuare velle laborantem. At eum toruè intuens: Et tu, inquit, impatientissime, in meâ mihi ferendâ CRUCE sis auxilio? tuam portare nequis, & alios iuues? Euigilauit tiro ad has voces, & respuit, robustiora patientiæ specimina daturus. Quis non dixisset: Cucullus, mi frater, quem horres, ater quidem est, sed leuis est, & ex ritu Ordinis Nouitiis omnibus gestandus? Absit à seruo Christi

Tertul. lib.
de Patient.
cap. 8.

sale

*tale inquinamentum, vt patientia maioribus
tentationibus preparata, in friuolis excidat.*

Non poterat his, vtcumque vellet, con-
tradiceret Staurophila; sed Assentior tibi,
inquebat, Domine IESV: *Morosum est, vt*
equidem experior, genus humanum, sortem
suam semper accusans, & animum gerens gra-
uatum. Proprium enim vnumquemque plus,
quàm alienum afficit, & se proximos quisq;
superare putat. Sic oculus habens vitiatum,
nullam egritudinem aliam, talem esse censet,
qualem suam: rursus qui stomacho laborat,
hoc omnium esse difficillimum asserit; & quo
quisque tenetur, hoc omnium molestissimum
esse dicit. Idem euenisse mihi non diffiteor,
sed hoc tamen mihi concedas velim, vt
quando de longitudine CRVCIS nihil re-
secare conceditur, liceat saltem dolabrâ
hac nonnihil læuigare. Præterquam enim
quòd grauis nimium sit, rudis est & aspera
CRVX, vt artus mihi planè comminuat.

Sic loqueris filia? reponebat Christus:
cessa conqueri, melius est frangi laboribus
& doloribus ad salutem, quàm remanere
incolumem ad damnationem. In quantum
autem grauaris, in tantum lucraris, & in
quantum inuuaris, in tantum tua tibi premia
minuis. Elige ergo, quod eligas, an quod
grauando inuet, an quod inuando grauet:
hoc

Chrysoft.
Hom. 67.
ad pop.
Antioch.

Bernard.
de Inter.
domo
cap. 46.
Idem Epi-
stolâ 73.

hoc tibi meritum auget, illud minuit.

Sed enim, inquiebat Staurophila, impar ego sum tanto oneri. Quasi verò, aiebat Christus, æterna Sapientia nesciret, quantum hominum ferrent vires? Repetendumne iterùm quod dictum & doctum iam factis: *Fidelis est Deus, qui non patietur vos tentari supra id quod potestis, sed faciet etiam cum tentatione prouentum, ut possitis sustinere?* Nouit Medicus cur vini plus absynthij aut hellebori misceat, quàm alteri: nempe quia morbus eius sic postulat, aut natura. *Emplastrum mordax urit te, sed sanat te. Rogas Medicum, ut tollat emplastrum, & non tollit, nisi cùm fuerit sanatum quo posuerat. Ego noui quem curo, non mihi det qui egrotat consilium, potiùs acquiescat meo, si sanari velit.*

1. Cor. 10,
13.

August. in
Plal. 98.
post med.

Ingemiscens Staurophila, Ah! grauis est, inquiebat, Domine, manus tua super me, & ecce deficio pænè sub hac tam longâ, tam graui, tam acerbâ CRVCE. Repugnans, aiebat Christus, spiritui Dei, qui per Apostolum meum ait: *Non deficiamus, licet is, qui foris est noster homo corrumpatur.* Et, quare obsecro? quia is, qui intus est, renouatur de die diem. Id enim quod in presenti est momentaneum & leue tribulationis nostræ, supra modum in sublimitate æternum gloria

2. Cor. 4,
16.

pon-

pondus operatur in nobis. Perge ergo iam
 murmurare, & dicere; longum est, graue
 est, non possum tam immania, & tam diutur-
 na portare. Apostolus momentaneum & le-
 ue perhibet esse quod toleras: & certè necdum
 à Iudeis quinquies quadragenas vnâ minus
 accepisti, necdum nocte ac die in profundo
 maris fuisti, necdum plus omnibus laborasti,
 postremò, necdum ad sanguinem restitisti.
 Vide ergo, quòd non sint condigna passiones
 ad gloriam. Quod tribulationis est, momen-
 taneum est & leue; quod glorie, aeternum
 est, & pondus etiam supra modum in subli-
 mitate.

Bernard.
 Serm. de
 Fallac. hu-
 ius vitæ.

2. Coriath.
 11, 24.



Disciplinam Domini, fili mi, ne abijcias; nec
deficias, cum ab eo corripieris. *Prov. 3, 11.*



*Abicit eterne Studium, spem, iusque salutis,
Quæ volet impositam deseruisse CRUCEM.*

CAPVT VIII.

*Crux ferenda quotidie, abiicienda
numquam.*

Disciplinam Domini, fili mi, ne abii-
cias, nec deficias cū ab eo corri-
peris. *Proverb. 3, 11.*

*Abiicit eterne studium, spem usq^{ue} salutis,
Que volet impositam deseruisse CRUCEM.*



T vidit Staurophila, non li-
cere de CRVCIS pondere
quidquam imminuere, hume-
ros rursus oneri subiecit, quam-
uis non admodum libenter;
rogabat proinde Dominum: Quā diu,
quæso, hanc tolerabo CRUCEM, & quan-
tum adhuc absūm à fine. Longa sanè hæc
VIA est, & plurimum adhuc requirit tem-
poris, vt emetiri valeam. Cui Christus: *Cu-* Sap. 1, 11.
stodi te à murmuratione, quæ nihil prodest.
O quā longè adhuc es à vestigiis Marty-
rum, de quibus canit Ecclesia:

Ceduntur gladiis more bidentium:

Non murmur resonat, non querimonia;

M

Sed

Breuiar.
Rom. in
Hymn. de
plurib.
Sed Mart.

Sed corde impauido mens bene conscia

Conseruat patientiam.

Tu autem quereris & indignaris, nunc ob CRVCIS longitudinem, nunc ob ponderis grauitatem; modò temporis inculas diuturnitatem, & ne illud quidem cogitas quæ, & in quem indignèrè. Quæ? Homo, umbra, puluis. In quem? Horrendum dictu, in Deum, in Patrem, & Patrem infinitè bonum, infinite sapientem. Si autem CRUX non permissa solum à Deo, sed immissa: tu, quæ fremis, quæ repugnas, quid aliud quam sceptrum illi (quod in te est) eripis & arbitrium regnandi? Deus, ô filia, bonitas ipsa est: edocere velis infinitam bonitatem, quo se pacto erga te gerat? Aurificis est scire quàm diu auro sit in igne sudandum, nec aurum prius ex hoc balneo educitur, quàm satis esse purgatum constet.

Act. 1. 7. Ita sane *non tuum est nosse tempora vel momenta, quæ Pater posuit in sua potestate.*

August. in
Plal. 36. A CRUCE liberaberis, cum visum fuerit illi qui imposuit. Quid quereris de temporis diuturnitate? Infirmitas tua, facit diu videri quod citò est, *quod tibi longum videtur, citò est Deo; subiunge te Deo, & citò tibi erit.*

Vtcumque hæc se habeant, inquebar Staurophila, attritæ sunt omnino vires meæ,
&

& præ fatigatione vterius pergere nequeo. Namium prolixus hic labor, & qui eum sequitur dolor. Ex Christus: Mitte inanes has voces, rectius enim diceres, Non volo, quàm, Non valeo hanc CRUCEM ferre: *Omnia enim potes in eo qui te confortat*: Phil. 4, 13. *posses utique, si velles: sufficit enim tibi gratia mea*. *Nec est durum, nec graue quod ille imperat qui adiuvat, ut fiat quod imperat*. *Proprium est agri, nihil diu pati, & mutationibus ut remediis uti*. Age, Staurophila, constanter age, nec assiduitate a suscepto semel CRUCIS iugo deterreare. *Si exiguus, est dolor, feras, levis est patientia: si grauis, toleret, non levis est gloria; si diuturnus, perseuera, perennis erit retributio: assiduitate ipsa dolor mitigabitur*. *Quod quotidie fit, lenius fertur, & ipsa consuetudine in naturam transit, adeo ut arumnis ipsis superiores fiant, continuo patiendi exercitio veluti obduco callo obarmati*. In mari, qui primum naue[m] con-
scendunt, ob nauigandi insolentiam, perturbantur, tumultuantur, & vertigine corripuntur: at qui multa maria peragrarunt, & multas tempestates, & saxa, & scopulos, & belluarum impetus, & piratarum insidias pertulerunt, & continuas procellas sustinuerunt, fidemiori deinceps animo, quàm, qui ambulant in terrâ, in naui sedent; non in-

*tus dumtaxat ad carinam, sed etiam in ipsis
 naui lateribus insidentes, & tum in prorâ,
 tum in puppi sine metu stantes: & qui prius
 vel ad ipsius maris aspectum cum tremore
 iacebant, post periculum factum, iam & fu-
 nem trahunt, & vela pandunt, & remos ca-
 pesserunt, & in omnes naui partes facile con-
 cursant. Idem ne dubites, filia, & tibi ac-
 cidet: ferendi difficultatem quotidianus
 emolliet vsus.*

At metuo, aiebat Staurophila, ne hic vsus
 ita me atterat, nihil vt mihi restet virium.
 Etenim quem via hæc habitura sit finem,
 & quando, ne à longè quidem prospicio;
 quare ad illum vsque cum hac CRVCE
 pertingere non valebo. Velis ergo, inque-
 bat Christus, arreptum iter deferere? CRV-
 CEM derelinquere? ne, quæso, id feceris;
 toleratus enim hætenus labor prorsus fiet
 inanis. Hæc Christianorum vera demum est
 gloria, cum capite suo dicere: *Opus consum-
 maui, quod dedisti mihi, vt faciam.*

Pergebat verò Staurophila conqueri, &
 Prolixâ nimis, aiebat, patientiâ opus est,
 tot vt hebdomadibus, atque etiam menti-
 bus & annis in CRVCE perlistam. Nulla
 CRVX, respondebat Christus, diuturna
 videbitur, si ei dederis latitudinem, longi-
 tudinem, altitudinem, & profunditatem.

Latitudo

August.
 Serm. 7. de
 verb. Apo-
 stoli.

Latitudo charitas est; quæ sola benè operatur, efficitque ne pereat, quidquid boni facis. *Quæ est longitudo? Qui perseverauerit usque in finem, hic saluus erit.* Hæc est longitudo

Matth. 10, 22.

CRVCIS, ubi totum corpus porrigitur, ubi quodammodo statur, quo stando perseveratur: Si vis habere CRVCIS longitudinem, habeto perseverandi magnanimitatem. Quid est habere altitudinem, nisi cogitare Deum, & gratis amare ipsum Deum adiutorem? Crede mihi Staurophila, cum ego paulò ante mortem grande illud CRVCIS onus ad Calvaria montem deportarem, vehemens desiderium gratissimam Dei Patris exequendi voluntatem ad eò in me excreuerat, ut vel ad extremum usque iudicii diem pro salute hominum sic incedere nihil recusassem, si sic fuisset visum Patri, & ad illius cessisset honorem.

Thaul. in
Exercit.
Dom. Pass.

Parum mouebatur his Staurophila, sed laboris pertasa CRVCEM abiiecit, & fugam apparabat. Christus verò eam retentans, aiebat: *Va his qui sustinentiam perdididerunt.* Quid est hoc, Staurophila? ut quid studes fugere CRVCEM, quam ultro & magno animo non ita pridem subiuvisti? *In cassum bonum agitur, si ante vita terminum deseratur: quia frustra velociter currit, qui, priusquam ad metas venerit, deficit.* Ad quod illa ei-

Eccli. 2, 16

Greg. lib. 1.
Moral.

lans, Domine, inquiebat, si cognouissem, tanto tempore, & quidem sine vllâ intermissione ferendam CRVCEM, numquam illam suscepissem.

Leo Sermon.
19. de Passi.

An non disertè præmonui, subdebat Christus, tollat CRVCEM suam QVOTIDIE, & sequatur me: natis enim de Spiritu sancto quantumcumque superest mundani temporis, non sine CRVCIS susceptione ducendum est. Nam * sicut totius corporis est piè vivere, ita totius est temporis CRVCEM ferre, qua meritò ferri vnicuique suadetur, quia propriis modis atque mensuris ab vnoquoque toleratur. Sed vide, quātō, quid agas:

* Idem
Sermon. 9. de
Quadra-
ges.

Thomas
à Kemp.
lib. 2. de
Imitat.
Christi
cap. 12.

nam si abiicis vnā CRVCEM, aliam proculdubio inuenies, & forsitan grauiorem. Credis tu euadere, quod nullus mortalium potuit preterire? Quis Sanctorum in mundo sine CRUCE & tribulatione fuit? Nec ego vel vnā horā sine dolore passionis sui, quamdiu vixi. Et quomodo tu aliam viam quæris, quā hanc REGIAM VIAM, quæ est VIA SANCTÆ CRVCIS. CRUX semper parata est, & ubique te expectat. Non potes effugere, quocumque cucurreris: quia quocumque iueris, teipsam tecum portas, & semper teipsam inuenies. Conuerte te suprà, conuerte te infrà: conuerte te extrà, conuerte te intrà, & in his omnibus inuenies CRUCEM: & necesse est te
vbique

*ubique tenere patientiam, si perpetuam velis
promereri coronam.*

Erubescbat ad hæc Staurophila, nec poterat quidquā respondere. IESVS verò misericorditer saviens, coëgit eam abiectam resumere CRUCEM. Et age, inquit, mea Staurophila, CRUCEM hanc rursus tolle, & cooptam perge viam. *Feras, non culpes, quod mutari non potest.* Publ. Mi-
mus.

Illa verò illacrymans, Domine, inquebat, *imperfectū meum viderunt oculi tui*, & quid nunc agam, ignoro. Cui Christus: Priorum oblita in anteriora te extendens, ad destinatū persequere. Tene, inquam, quod habes, ut nemo accipiat coronam tuam. Pone te ut fidelis ancilla Christi ad portandam viriliter CRUCEM Domini tui, pro te ex amore Crucifixi. *Præpara te ad toleranda multa aduersa & varia incommoda in hac miserâ vitâ: quia sic tecum erit, ubicumque fueris.* Phil. 3, 13.
Apoc. 3, 11.
Thomas à Kemp.
lib. 2. de Imitat.
Christi cap. 12.

Sed nescio, inquebat illa, quomodo hoc faciā viribus adeo fractis, vix ut queam subsistere. Cogita, inquebat Christus, quod siue velis, siue nolis, CRUCEM & calamitatem patieris. Quod si grate, maxima lucraberis; si verò agere & impatienter feras, neque illam ita minorem facies, sed maiorem. Cogitans ergo quod necessitatis est, hoc tue voluntatis esse facias. *Præcipuum enim in rebus humanis est,*

Senecc. l. 3.
Natur.
quæst. in
exord.

posse leto animo aduersa tolerare: quidquid acciderit sic ferre, quasi tibi uolueris accidere. Debuisses enim ferre, si scisses omnia ex decreto Dei fieri; flere, queri, ingemere, desistere est. Grauet CRVX, longa sit VIA, difficultates occurrant plurimæ, tolerandum est; Deus enim uoluit. Ita David: Opprobrium, inquit, insipienti dedisti me. Obmutui, & non aperui os meum. & quare? quoniam tu fecisti. Hæc scilicet sufficiens erat causa, cur non murmuraret aut obloqueretur Deo, quoniam ipse fecisset. Hoc idem animo tuo reuolue, Staurophila.

Psal. 38, 9.

Blef. Epist.
31.

Necessitas sanè hæc, aiebat illa, ingentem tristitiam animo meo obicit. Cui Christus: Cælum suspice, æterna præmia meditare. Quod enim impatientia supplicium reputat, humiliter patienti ad solatium cedit. Cum enim patientiæ fructum consideratiùs pensat, leuigatur onus, & dulcescit afflictio: dum in ipsorum pressurâ grauaminum futuras consolationis primitias iam prægustat. Cyrenæus ille Simon mercede conductus, CRVCEM tulit post me; ita cum CRVCEM naturaliter horreat lasciuiens caro, obijciendū est oculis præmium laboris, ut saltem amore eius CRVCEM amplectatur. Iam verò expende, si quotidie oporteret tormenta perferre, si gehennam ipsam paruo tempore tolerare, ut me videre digna esses uenientem in gloria,

Citatur ut
Orig. Tractat. 35. in
Marth.

August.
Serm. 2. in
Fest. Omn.
Sanct.

riâ,

riâ, & Sanctorum meorum numero sociari; nonne dignum erat pati omne quod triste est, ut tanti boni tantæq; gloriæ particeps habereris. Tolerâ igitur quod non vis, ut assequaris quod vis. Esto fidelis usque ad mortem, & dabo tibi coronam vitæ.

Idem in
Psal. 79.
Apoc. 2, 10

Redibat hîc Staurophila animi vigor, & resumptis viribus dicebat: *Paratum cor meum Deus, paratum cor meum,* propter verba labiorum tuorum custodire vias duras. Eia Domine IESV, sicut dixisti, & promisisti, sic utiq; fiat, & mihi promereri contingat. Suscepi, suscepi de manu tuâ CRUCEM, portabo, & portabo eâ usq; ad mortem, sicut imposuisti mihi. Inceptum est, retrò abire non licet, nec relinquere oportet. Ita age, Staurophila, aiebat Christus, persevera mecum in CRUCE, nec antequam, consummatum est, pronuntiaueris, CRUCEM deferas. Si rex Israel est, clamabant Iudæi; si Filius Dei est, descendat nunc de CRUCE, & credimus ei. Mihi autem difficile non erat descendere de patibulo, qui potui resurgere de sepulchro: sed quia patientiam docebam, ideo potentiam differebam. Tu quoque, ô filia, exemplo meo patientiam exerce prolixam, qui enim perseveraverit usque in finem, hic saluus erit.

Psal. 107, 1.
* Psal. 16, 4
Thomas à Kemp.
lib. 3. de Imitat.
Christi cap. 36.

Matth. 27.
42.
August.
Tract. 37.
in Ioan.

Matth. 24,
13.

Noli extollere te in faciendo opere tuo. Eccl 10.



Mobilis oblectant quid te præconia vulgi?
In solum referas teque CRUCEMQUE Deum.

CAPVT IX.

*In CRUCEM ferente, non ferenda
inanis gloria.*

Noli extollere te in faciendo
opere tuo. *Eccl. 10, 29.*

*Mobilis oblectant quid te preconia vulgi?
In solum referas teque CRUCEMque
Deum.*



CHRISTI sermonibus animosior reddita, alacriter pergebat Staurophila cœptum CRVCIS iter. At noua mox procella, noua ei oborta tentatio. Cum enim celebriorem quemdam obambulare vicum, in eoque magna esset populi frequentia; cœpit spectantium vocibus celebrari, quod pie scilicet & generosè CRUCEM baiularet. Quamuis autem non eo fine (vt pridem) hæc faceret; non poterat tamen non delectari tam speciosâ sui commendatione, & publicâ famâ. Quare idemtidem eam auscultabat, & plurimum sibiipsi placebat.

Videns

Videns verò id Christus, non cessauit eam monere: Caue, inquit, Staurophila, caue præcipitium, periculosissima enim ab amore laudis tibi imminet tentatio. Et quid est, quæso, quòd aliorum suffragio tibi places de te, cum hoc ipso multùm mihi displiceas? *Instat sanè aduersarius veræ beatitudinis, ubique spargens in laqueis, Euge, euge: ut dum auicè colligis, incautè capiaris.* Et vide, precor, quid agas: *virtutum enim germina non rarò plantari solent ex inani gloriâ, tamquam ex cloacâ & cæno irrigari, & ex ostentatione circumfodi, atque ex laudibus humanis stercorari, quæ tamen translata postmodum in desertum solum, omnisq; inanis gloriæ cænulentâ aquâ vacuum, confestim exsiccata sunt.* Arbor, quò altius ad superiora surrexerit, eò ventorum vim vehementius sentit: quò quis maioribus operibus attollitur, eò ampliori ab ore laudantium statu fatigatur. Quare valdè perfectorum est, sic ostensò opere Auctoris gloriam querere, ut de illibatâ laude nesciant priuatâ exultatione gaudere.

Mirari satis nequeo, aiebat Staurophila, quâ rimâ hæc pestis iterùm irrepperit. *Ego enim nunc gloriam meam non quero, & ausim cum Prophetâ dicere: Auertantur statim erubescetes, qui dicunt mihi; Euge, euge. Fateor tamen nonnihil delectari me laudibus, &*

August.
lib. 10.
Confess.
cap. 36.
Climach.
Grad. 2.

Greg. lib.
22. Moral.
cap. 5.

Psal. 69, 4.
August.
lib. 10.
Confess.
cap. 37.

gan-

gaudium boni mei augere videtur suffragatio
oris alieni; & bona quæ mihi in me placent,
iucundiora mihi sunt, cum & alteri placent.
Ita quotidiana fornax nostra, est humanalim-
gua. Tu autem nosti de hac re ad te gemitum
cordis mei, & flumina oculorum meorum. Ne-
que enim facile colligo, quàm sim ab istâ peste
mundatior: & multum timeo occulta mea, quæ
norunt oculi tui, mei autem non.

Reliquiæ hæ sunt, inquiebat Christus,
præteriti morbi: quia enim vanam gloriam
auidè sectata es, iam etiam, licet inuita, ea-
dem infestaris. Piâ siquidem conditoris dis-
pensatione agitur, ut de se confidens anima,
dispensatoriâ tentatione pulsetur: quatenus
infirmata, quid sit inueniat, & presumptionis
proprie fastum deponat. Atque ex hoc capite
nescit laudem, cum suppetit, fugere; qui ad
hanc didicit, cum decesset, anhelare. * Sæpe enim
bono operi dum laus humana obuiat, mentem
operantis immutat: quæ, quamuis quesita non
fuerat, tamen oblata delectat. Cuius delecta-
tione dum mens benè operantis resolvitur, ab
omni intentione intimi vigoris dissipatur.
Tetigisti Domine vlcus meum, & agnosco
iam insidias latentis inimici. Dum enim pu-
ra intentione Deo placere studeo, eidem in-
tentioni furtim se, nescio quomodo, intentio
humane laudis interserit. Quod cum iam post-

Greg. 2.
Moral.
cap. 26.

Greg. in
Pastor. par-
te 2. c. 9.
* Idem alib.

Greg. 35.
Moral.
cap. 16.

modum tardeq. discerno, inuenio me aliter agere, quod scio me aliter inchoasse. Sic enim sæpè intentionem nostram dum ante Dei oculos rectè incipitur, occultè sibi iam subiuncta, & eam velut in itinere comprehendens intentio humane laudis assequitur: sicut pro necessitate quidem cibus sumitur, sed in ipso esu dum furtim gula subrepat, edendi delectatio permiscetur. Vnde plerumque contingit, vt refectio- nem corporis, quam salutis causâ capimus, cau- sâ voluptatis expleamus.

Morbum iam ipsa tuum, aiebat Christus, probe nosti, de remedio iam cogitandum. Quis illud melius præscribat, aiebat Staurophila, quàm tu, Domine, verus animarum nostrarum Medicus? Antidotum proinde aduersus hoc malum famulæ tuæ largiri non graueris. Cui Christus: Accipe quod iam olim præscripti: *Nesciat sinistra tua, quid faciat dextera tua, non de corpore loquens, sed vt etiam vnanimis tuus, frater tuus, quod facis nesciat, ne dum hic mercedem queris iactantiæ, illic remunerationis fructû amittas. Quinimo si possibile est, te ipsum quoque ignorare quod facis, sit tibi hoc prorsus in studio.*

Chrysost.
19. in
Matth.

Matth. 5.
16.

Sed quid opus, inquebat Staurophila, bona opera tanto studio celari, cum tuo ore dictum legamus: *Videant opera vestra bona, & glorificent Patrem vestrum qui in calis est?*
Rectè,

Rectè, inquiebat Christus, videri possunt bona opera vt glorificetur Pater celestis, cui competit omnis honor & gloria : nequaquam verò vt glorificetur cinis & puluis, cui confusio debetur faciei. *Stultitiæ enim genus est, vt, cum alij debeas vitæ beneficium, tibi adscribas ornamenta virtutum : cum non sit tuum quod es, quomodo tuum erit quod habes ?*

Valerian.
Episcopus
Hom. 11.
circa fin.

Non diffiteor, aiebat Staurophila, hæc ita esse, tua enim, ô Domine, sum ego, & *omnia opera nostra operatus es nobis*, sine te enim nihil possumus. Nam *sicut palmes non potest ferre fructum à semetipso, nisi manserit in vite, sic nec nos, nisi in te manserimus*. Sed pergat, quæso, Dominus meus inanis gloriæ depingere vanitatem, vt eam magis declinare possim. Ipsum nomen, aiebat Christus, satis se prodit. Cur enim dicitur vana gloria, nisi quia picta & umbratilis est, omnifque substantiæ vacua ? Quis sapiens sceptro aut diademate in chartâ delineato, ceu vero gaudeat ? Quis sepulchrum dealbatum, intus plenum ossibus mortuorum, thesaurum æstimet pretiosum ? *Quasi qui apprehendit umbram, & persequitur ventum, sic & qui attendit ad visa mendacia*. Cuiuscumque coloris sit corpus, umbræ semper atræ sunt & obicuræ ; quantumvis illustria sint opera,

Isaia 26,
12.
Ioan. 1 5, 4.

Eccli. 34, 2.

co-

eorundem tamen pedissequa, vana gloria
scilicet, deformis est & inanis. Et vmbra
nunc maiores nunc minores sunt, non pro
corporis quantitate, sed externi luminis ac-
cessu vel recessu: ita qui ex hominum ore
toti pendent, aliquando magni & excellen-
tes, subinde exigui & nullius momenti ha-
bebuntur; prout aliorum tulerint opinio-
nes. Atque ita *stultius sicut luna mutatur.*

Eccli. 27,

12.

Bernard.

Serm. de

Natiuit. S.

Ioan. Bapt.

Quemadmodum enim *splendet sine seruo-
re, & modò plena, modò exigua, modò nulla
videtur: mutuatum siquidem lumen numquam
in eodem statu permanet, sed crescit, deficit,
extenuatur, annihilatur, & penitus non com-
paret: sic qui conscientias suas in alienis la-
bys posuerunt, modò magni, modò parui sunt,
modò nulli, secundum quod adulantium lin-
guis vel vituperare vel laudare placuerit.* Et

Isaïæ 3, 12. quid amplius dicam? Filia, qui te beatam di-
cunt, ipsi te decipiunt, & viam gressuum tuo-
rū dissipant. * Et enim pueri ludentes ex sæno

* Chrysof.

Homil. 17.

in Epist. ad

Rom.

*coronas imponunt, coronatum autem sæpenu-
mero eius rei ignarum post tergum irrident:
ita & nunc qui te in faciem pradicant, apud
seipsos clanculum subsannant, atque ita quid
aliud sit, quàm quod homines sibi inuicem sæ-
num coronantes imponant? & utinam nil
aliud quàm sænum! Nunc autem multo et-
iam nouimento plena est hæc corona. nam*

om-

omnia rectè facta perdit. Quasi enim latro-
culus quidam est, appetitus laudis humane,
qui recto itinere gradientibus ex latere iun-
gitur, ut ex occultis, educto gladio, gradien-
tium vita trucidetur. Cumq; propositæ utili-
tatis intentio ad studia priuata deducitur, hor-
rendo modo vnum idemq; opus culpa peragit,
quod virtus inchoauit.

Greg. I. 9.
 Moral.
 cap. 13.

Agnosco, Domine, inquiebat Stauro-
 phila, agnosco satis, quantum damni infe-
 rat inanis gloria. Vere enim illa est laborum
 dissipatio, sudorum perditio, thesaurorum
 insidia, perfidia alumna, superbie præcursor,
 in portu naufragium, in arcâ formica. Quæ
 etsi tenuis est, laboribus tamen omnibus &
 fructibus insidiatur. Sed quis poterit effu-
 gere subtilissimum hunc astuti serpentis si-
 bilum, occultissimè sese actionibus nostris,
 & maximè bonis insinuantem? Prætende
 alas tuas, Domine, & fugiam sub eas, glo-
 ria mea tu esto, propter te amer, & verbum
 tuum timeatur in me. Qui laudari vult ab
 hominibus, vituperante te, non defendetur
 ab hominibus iudicante te, nec eripietur dam-
 nante te. Cum autem non peccator laudatur
 in desiderijs animæ suæ, nec qui iniqua ge-
 rit, benedicitur; sed laudatur homo propter
 aliquod bonum quod dedisti ei: at ille plus
 gaudet sibi laudari se, quàm ipsum do-

Climach.
 Grad. 21.

Aug. I. 10.
 Conf. c. 36.

Psal. 103.

num habere unde laudatur, etiam iste, te
vituperante, laudatur. & melior iam ille
qui laudatur, quam iste qui laudatus est.
Illi enim placuit in homine donum Dei,
huic amplius placuit donum hominis, quàm
Dei.



CAPVT X.

Quâ intentione CRVX ferenda, & primò ad satisfaciendum pro peccatis, & vitandas inferni pœnas.

A Domino corripimur, ne cum hoc mundo damnemur. 1. Cor. 11, 32.

*CRVX æterna stygis, brevis est tua Christe, sed illam
Vt fugiam, huic humeros supposuisse iuvat.*



DOCTA iam erat Staurophila, nec ex inani gloriâ CRUCEM deferre, nec cum illâ: vanitatem enim intendere, omni merito spoliât; subrepentem a latere sponte admittere, etsi boni operis valorem non tollat, minuit tamen, & non modicâ labe inquinat. Bonâ ergo opus esse intentione videns, percunctari cœpit, num ampliùs aliquid spectandum, quàm vt intentio mala non esset, aut ne malum haberet admixtum. Cui Christus ita respondit: Certi sunt in bonâ intentione gradus, atque vt alius alio sublimior, ita & melior: & permagni refert, quò tuos conatus refe-

A Domino corripimur, ut non cum hoc
mundo damnemur. 1. Cor. 11, 32.



CRVX eterna Stygis, brevis est tua CHRISTE, sed illa
Vt fugiam, huic humeros supposuisse iuuat.

ras. Nam & illi qui CRUCEM etiam non malè ferunt, non vnum habent præstitutum scopum, & vide illud iam antè adumbratum. Passionis meæ tempore quatuor eramus Cruciferi; diuersâ tamen intentione impositum illud onus ferentes. Duo enim latrones, qui mecum educebantur, hac causâ eam gestabant, vt digna factis reciperent, & pro delictis suis, iuxta Iudicis sententiam, facerent satis. Simon Cyrenæus coactus, & pretio conductus, baiulabat CRUCEM post me, vt mercedem acciperet. Ego verò in gestandâ CRUCE aliud non spectabam, quàm vt æterno Patri placerem, & eius morem gererem voluntati.

Triplicem ergo hîc vides intentionem. Prima seruorum est, qui formidine pœnæ, ne in æternum scilicet puniantur, CRUCE se submittunt. Altera mercenariorum, qui inclinant se ad ferendam CRUCEM propter retributionem. Tertia est filiorum, qui vt pœnam non timent; ita mercedem non expectant, sed ex puro amore Deo per CRUCEM placere nituntur.

Animaduertis hîc tres gradus, Timorem, Spem, Charitatē quorū distinctionem paucis accipe: *Qui initiatur à timore, CRUCEM* Bernard.
sustinet patienter; qui proficit in spe, portat Serm. I. in
libenter; qui verò consummatur in charitate, Fest. S.
 Andree.

amplectitur iam ardentem. Solus iste est qui dicere potest: Quia amator tuus semper fui, & desideravi amplecti te. Longe est vox ista ab eo, qui sustinet quidem, sed optaret omnino, si posset, non venisse in hanc horam. Is qui timore coërcetur patiens est: qui ratione spei ducitur, beneuolus est: sed nisi etiam fuerit feruens spiritu, facile labi potest. Porro quæ per spiritum diffunditur charitas, & patiens & benigna est, & quod est amplius, numquam excidit. Fortis enim est ut mors, non patientia aut spes, sed dilectio. Dicit patientia, Sic oportet fieri, quia timore urgetur. Dicit voluntas bona, Sic expedit, & sic agendum est, quia spei attrahitur ratione. Charitas verò, quia inflammatur à spiritu, Neque sic oportet, dicit, neque sic expedit: sed sic volo, inquit, sic cupio vehementer.

Psal. lxx,
ix

Triplicem, aiebat Staurophila, aperiri video VIAM; sed quænam mihi congruentior, prorsus ignoro. Cùm Christus: Ordine ut procedas, suadeo exordiri à timore: *Initium enim sapientiæ timor Domini.* & per hunc paulatim ascenditur ad gradus superiores. Quæ porrò id faciam? aiebat Staurophila. Principio, respondebat Christus, absque vllâ hæsitatione tibi persuadebis, optimo iure tibi impositam CRVCEM, quam tuis sceleribus non semel sis promerita. Quid enim indignum

dignum fiat illi, quæ toties diuinam lætiti-
maiestatem? & an non æquissimum, vt

Aequo animo pœnam, qui meruere, serant? Ouid.

Filij Iacob in magnâ angustia coram Iosepho constituti, veritatem hanc serò serioque agnouerunt. *Merito hæc patimur*, aiebant, Gen. 42, 21
quia peccauimus in fratrem nostrum, videntes angustias animæ illius, dum deprecaretur nos, & non audiuimus: idcirco venit super nos tribulatio. Hæc vera causa huius afflictionis. Quare in omni CRUCE, in omni tribulatione id tibi sit in ore, magis autem in corde: *Merito hæc patior, quia peccau;* & quod ait Propheta: *Via tua & cogitationes tue fecerunt hæc tibi.* Jerem. 4, 18.

Cui Staurophila: Ita est, Domine, *Iram Domini portabo, quoniam peccau ei*, & iuste CRUCEM patior, nam digna factis recipio: neque oblita sum quid generosa olim dixerit Iudith: *Non vlciscamur nos pro his quæ patimur, sed reputantes peccatis nostris hæc ipsa supplicia minora esse flagella Domini, quibus quasi serui corripimur, ad emendationem, & non ad perditionem nostram euenisse credamus.* Ideoque immerito queruntur filij Adam, & ponunt os suum in cælum, Deo adscribentes fauoriam, dum eorum punit malitiam. Noui ego, Domine,

Quæ falsò accusent Superas, stultiq; querantur Chrysost.

Mortales ! etenim nostrorum causa malorum

Ipsi nos sumus ; & sua quemque vecordia lœdit.

Bene hoc quidem , aiebat Christus , sed præterea & illud latere te nolo , non tantum iniuriam non esse quod homo crucietur , sed maximum etiam indulgentissimi Patris beneficium , *qui corruptelam filiorum non patitur longius procedere , sed plagis & verberibus emendat. Ex quo intelligant Deo se curæ esse , quibus , quoniam peccauerunt , irascatur.*

Lactant.
lib. 5. de
Iustitiâ
cap. 23.

August. in
Psal. 93.

Ansel. in
1. Corinth.
cap. 11.

Psal. 72. 5.

Ad tempus enim Deus emendat , ne in æternum damnet. Elige tibi unum ex duobus , temporalem dolorem , aut æternum. Nam illi meriti ludenti sunt , qui cum in vitâ peccent , in hac vitâ non puniuntur. In labore hominum non sunt , aiebat Psalmista , & cum hominibus non flagellabuntur : cum quibus ergo , nisi cum dæmonibus ?

Ut video , aiebat Staurophila , olim cum omnes vitæ nostræ periodos vno aspectu cernemus , fatebimur sane quod aliquando dixit Themistocles : Perieramus , ô pueri , nisi perissemus ; cruciaremur , nisi CRVCEM tulissemus. Ita est Staurophila , aiebat Christus : sed tu iam monita culpam attende , ut leuiter pœnam feras. *Tunc enim patienter illata flagella tolerantur , cum in secreto mentis* ad

Laurent.
Iustin. in
Lig. vit. de
Patient. c. 5

ad mala perpetrata recurritur, quia per hoc quod culpe pondus agnoscitur, afflictionis pœna leuigatur. Interloquebatur hîc Staurophila: Quid verò de ijs censendum, Domine, qui pœnas hîc fugiunt, quantumuis non modicas commiserint culpas, sed pro ijs dicunt se in Purgatorio luituros? Hi sane (inquiebat Christus) & se decipiunt, & parui se ostendunt iudicij. In hac enim vitâ leuissimis afflictionibus pro grauissimis criminibus potest homo satisfacere, plurimumque mereri. In Purgatorio autem sterilissima est patientia, ubi tummis cruciatibus parum satisfacias, & nihil merearis. Afflictio ibi maxima, satisfactio exigua, merita nulla. Hic verò afflictio modica, satisfactio maxima, merita plurima. Equis Mercator eo tempore merces emat cum viliores sunt, & pretia maiora, & non potius tunc cum gratis ferè habentur? Sed hæc est stultitia amatorum sui, qui nihil attendunt nisi præsentia, futurorum securi. Verum cum pauci admodum sint, qui in peccatum lethale non inciderint; quo, precor, titulo CRUCEM excutient, qui vel unico fuerint contaminati? Si animo conceperis, Staurophila, quia necesse est præuaticatricem animam tartareis panis & gehennæ ignibus tradi; nec aliud remedium constitutum esse post Baptismum, quàm Penitentiae solatium:

Ambros.
ad Virg.
lapsum c. 8

*quantamuis afflictionem, quantumuis laborem
subire eris contenta, dummodò ab æternalibus
pœnis libereris.*

Ergóne Domine, aiebat Staurophila, ad
gehennam me mittis, vt inde discam pa-
tientiam? Omnino, inquiebat Christus;

Chrysof. *non enim finet in gehennam incidere gehenna*
Hom. 31. *recordatio.* Atque vtinam homines descen-
in Epist. ad *dant in infernum viuentes,* ad damnatorum
Rom. *pœnas considerandas, ne postea descendant*
ita exponit *morientes!* Si enim cogites horrendos illos
Bernard. & *cruciatus, æternumque duraturas flammæ,*
Aiguanus *teterrimum carcerem, sæuientem rogi,*
Psalm. 54. *damnatorum gemitus, lamenta & ululatus,*
nihil tibi istorum comparatione graue vide-
bitur. Suspirans Staurophila, exclamabat:
Hic vre, hic seca, hic puni Domine, modò in
æternum parcas. Audire enim videor mise-
ras illas & perpetuò infelices animas idem-
tidem mihi inclamantes:

Ouid. 5.
Trist.

Elige nostrorum minimum minimumque do-
lorum,

Isto, quo quereris, grandius illud erit.

CAPVT XI.

Spe mercedis CRVX toleranda.

Proposito sibi gaudio sustinuit
CRVCEM. *Hebr. 12, 2.*

*Aeterna tribuit quæ grata stipendia vitæ,
Et labor & studium militet omne CRVCI.*



AC consideratione non segni-
ter Staurophila timoris semi-
tam perambulabat, animo val-
de compuncta, & creberrimè
ingemiscens, quòd suis sce-
ribus gehennæ igni se fecisset obnoxiam.
Hoc tamen nomine non parum sibi gratula-
batur, quòd mediocri hac CRVCE grauissi-
mos illos cruciatus liceret redimere. Cùm
autem Christi iudicio satis in hac palæstrâ
desudasset, volens ad altiora eam euehere
Christus, Satis, inquit, superque Staurophi-
la hanc triuisti VIAM, mœroris ac formidi-
nis plenam; amœniora restant itinera, non
sine voluptate & gaudio decurrenda. Ti-
more relicto deinceps respicies in remunera-
tionem. *Illuminata enim mens delectationi-*

bus meritorum, cuncta libenter patitur: nihilq̃

Laurent.
Iustin. Lig.
vit. de Pa-
con-tientiâ c. 6.

Proposito sibi gaudio sustinuit CRVCĒ. *Hebr. re.*



*Aeternę tribuit quę grata stipendia vitę,
Et labor et studium militet omne CRVCI.*

condignum arbitratur, quod patitur, consideratione donorum. Lata efficitur, & exponit se ad omnia, ut quod intuetur possideat. Nutriunt enim premiorum exempla patientiam: nec quisquam est qui possit ad culmen perfectionis ascendere, quando irremuneratum cernitur, quod conscientiam teste laudatur. Proinde ut meos ad tolerandas accenderem passiones, ante ipsorum oculos volui transfigurari, ut ex recordatione gloriæ libenter CRUX portaretur. Et sicut in passione dignatus sum ab omnibus intueri; ita & in corporis mei glorificatione & ascensione passus sum ab hominibus palpari, & videri, ut alacres ad patientiam fierent, cum non dubitarent de promissione. Tanto namque letior fit miles in periculo, quanto certius intuetur, quid pro mercede promittatur. Omne enim opus leue fieri solet, cum eius premium cogitatur; & spes præmij, solatium fit laboris; atque tantum proficit animus in virtute patientiæ, quantum certior efficitur de coronâ victoriæ.

Hilarescebat animo hæc audiens Staurophila, & Latata sum, inquebat, in his quæ dicta PL. 121, 1. sunt mihi; fiat mihi secundum verbum tuum. Lætifica animam ancillæ tuæ, & dirige pedes meos in VIAM pacis. Latere filia, inquebat Christus, & exulta in spe gloriæ Dei: Non Rom. 8. enim sunt condignæ passiones huius temporis ^{18.}
ad

Tertull. in
lib. ad Mar-
tyres c. 4.

Hieron.
Epist. 2. ad
Nepot.
Chrysost.
Hom. 24.
in Matth.

ad futuram gloriam qua reuelabitur in vobis. Si tantum pro denario diurno viliq; stipendio laboretur, quantum ab opificibus, agricolis, alijsq; passim fieri tu ipsa cernis, quid non deceat pro præmio vitæ æternæ? Si tanti vitæ, quanti verum margaritum? quis non libentissimè tantum pro vero habeat erogare, quantum alij pro falso? Et crede, Staurophila, minori labore margaritum regni celestis emi potest, quam à mortalibus plerisque hereditas cæsa expetitur. Si nautis minaces illi pelagi fluctus, si tempestates atque hiemes agricolis, si vulnera cadesq; militibus, si gravissimi illi ictus plagæq; pugilibus leues videntur atque tolerabiles propter spem temporalium ac pereuntium commodorum; multò magis cùm calum proponatur in præmio, & ineffabilia illa bona atque perpetua, nihil ex præsentibus his aduersitatibus sentietur.

Hebr. 11,
24.

Dulcis sane & efficax hic stimulus, aiebat Staurophila, ad CRUCEM alacriter portandam. Hac proinde consideratione, inquebat Christus, Sancti quique ad CRUCEM & tribulationes sese armauerunt. Hac Moyses grandior factus negavit se esse filium filie Pharaonis, magis eligens affligi cum populo Dei, quàm temporalis peccati habere incunditatem, maiores diuitias æstimans thesauro Aegyptiorum, improprium Christi. Cur autem?

tem? nisi quia aspiciebat in remunerationem. Cur, queso, S. Stephano lapides torrentis adeò dulces fuerunt, *ut eorum ictus veluti suauem quemdam rorem exciperet?* nimirum quia intendens in cælum vidit gloriam Dei; nam qui futura vite premia diligenter exco-
gitat, presentis vite mala equanimiter portat. Quid fecit Hebræos opprobriis & tribulationibus spectaculum factos, rapinam bonorum suorum cum gaudio suscipere, nisi quòd cognoscerent meliorem & manentem se habere substantiam? Sed & ego, filia, proposito mihi gaudio sustinui CRUCEM confusione contempta. Et quis non contemnat dulcedinem sæculi, inhians dulcedini vite æternæ?

Nyssen. l.
de Beaut.

Isidor.

Hebr. 10, 33

Hebr. 12, 2

August. in
Psal. 68.

Acuebant hæc desiderium & spem Staurophilæ, iamque magnâ aueritate ad illa cælestis patriæ suspirabat tabernacula: &, Desidero (inquit) mi Domine IESV Ierusalem cælestem. *quantò autem impatientius desidero ipsam, tanto patientius sustinebo omnia propter ipsam.* Linteum enim istud amplissimæ remunerationis omnem sudorem laboris, omnes lacrymas doloris mihi abstergit. O retributio æterna, magnes animæ meæ, quàm valide trahis me post te! inardescit animus frui te, iamque illic cupit assistere, ubi sperat sine fine gaudere.

August.
Epist. 32.
ad Paulin.

Gregor.
Hom. 37.
in Euang.

Euge, euge Staurophila, inquebat Christus:

Bernard.
Serm. 17.
in Psal.
Qui habit.

Itus: *prelibemus primitias gloria, gloriemur in spe gloriae magni Dei: non solum autem, sed (ut dicam expressius) gloriemur in tribulatione, in eâ siquidem spes gloria est.* Coniuncta enim sunt CRVX & regnum: nec hoc obtinebit, qui illam non tulerit. Agnouit hoc dilectus discipulus meus, cum ita scripsit:

Apoc. 1, 9.

Ego Ioannes frater vester, & particeps in tribulatione, & regno & patientiâ in Christo IESV. Quid enim hoc est? nisi quod qui regni consortium desiderat, necessariò debeat esse particeps tribulationis & patientiæ, quasi vnum ab altero separari non possit. Et

Luc. 24, 26

nōne oportebat me pati, & ita intrare in gloriam meam? Quid iam dicis, ô Staurophila?

Chrysost.

Hom. 2. in

cap. 1. ad

Coloss.

ad regnum vocata es, & ad regnum filij Dei; quod si singulis diebus vel in mille mortes insiliendum fuisset, an non omnia ferre oportebat? At qui principatus gratiâ nihil non faceres, cum verò consors futura sis regni vnigeniti Dei, non obicies te vel mille gladijs? non insilies in ignem? & istud quidem nondum graue quidquam fuerit. Si ergo vis beatam vitam possidere, præsentem vitam contemne. Si vis exaltari in celo, humiliate in mundo. Si vis regnare mecum, porta CRUCEM mecum. Soli enim serui CRVCIS inueniunt VIAM BEATITVDINIS & veræ lucis.

Thom. à
Kemp. l. 3.
cap. 56.

Subiunxit Staurophila: Amodò dulcis mihi

mihi erit CRVX, suavis labor, grata tribulatio: his enim nummis, exiguis licet, regnum cælorum venale est. *Et quantulum pretium damus? quodammodò unam siliquam ad accipiendos thesauros sempiternos: siliquam laboris, ad requiem incredibilem.* Sed, ô Deus meus! quando veniet *gaudium meum, quod desidero!* quando potabis me torrente voluptatis tue quam sitio? Sint interim mihi lacrymæ meæ panes die ac nocte, donec dicatur mihi: Ecce Deus tuus. donec audiat anima mea: Ecce sponsus tuus. Pasce interim me singultibus meis, resocilla me doloribus meis. Renuit enim consolari anima mea in hac vitâ, ut digna habeatur, Domine, consolationibus æternis: quia iustum est, ut amittat te, quicumque in aliquo alio magis consolari eligit, quàm in te. Et obsecro te, summa veritas, per te, ut tu solus dulcis appareas animæ meæ, qui es dulcedo inestimabilis, per quam cuncta amara dulcorantur. O quàm magna multitudo dulcedinis tuæ, Domine, quam abscondisti timentibus te! hæc est enim illa beatitudo quàm exspectamus, pro quâ tibi, Domine, continuè militamus: pro quâ tibi mortificamur totâ die, ut in tuâ vitâ tibi viuamus.

August. in
Psal. 23.

August. in
Meditat.
cap. 41.

August. in
Soliloq.
cap. 22.
Psal. 73, 6.

Psal. 30, 20

Dilectus meus mihi, et ego illi. *Cant. 2, 16.*



Non pœnas fugio, nec pro CRVCE premia posco;
Sat mihi, dilecto posse placere meo.

CAPVT XII.

Christi amore CRVX ferenda.

Dilectus meus mihi, & ego illi.

*Cant. 2, 16.**Non pœnas fugio, nec pro CRVCE præmia
posco,**Sat mihi Dilecto posse placere meo.*

BAT hoc modo exultans & gaudens Staurophila, magnaq, animi voluptate semitam spei percurrerebat, nec longè iam ab-erat à viâ charitatis; de quâ Christus ita loqui incepit: Excellentiorem etiam VIAM tibi demonstrabo, filia charissima. Timore aut præmio ad CRVCIS amplexum adduci bonum quidem, sed utroque melius amore ferri; hoc siquidem filiorum est, quorum tota voluntas Patri in omnibus placere: priora ista seruorum aut mercenariorum sunt.

Primum igitur hoc mente sedeat. Patrem esse qui CRVCEM imposuit: ambula proinde confidenter, & certa esso, quod te noluerit August. Tract. 7. in Ioannem pati, non patieris: quod te permiserit pati, flagellum corrigentis est, non pœna damnantis.

Hic Staurophila: Labia tua, clementissime Domine, velut lilia distillantia myrrham primam. Patrem enim te mihi deprædicas, sed corripientem, flagellantem & excruciantem, quæ parum amoris, seueritatis autem
 2. Corinth. habent plurimum. Ego verò te credidi pa-
 1. 3. trem misericordiarum, & Deum totius consolationis, qui consolatur nos in omni tribulatione nostrâ.

Erras verò, & largiter, Staurophila, inquietabat Christus, si consolationem à CRUCE & tribulatione abesse putas: necdum didicisti
 Rom. 15, 4 per patientiam & consolationem scripturarum
 Hebr. 12, 5. Hebræis scribat: Obliti estis consolationis
 quæ vobis tanquam filiis loquitur, dicens: Filii mi, noli negligere disciplinam Domini, neque fatigeris, dum ab eo argueris. Quem enim diligit Dominus, castigat: flagellat autem omnem filium quem recipit. Itane omnem? aiebat
 August. in Staurophila: Omnem omnino, respondebat
 Psalm. 31. Christus, & nullus exceptus, nullus sine flagello. Vis audire quem omnem? etiam ego unicus
 Conc. 2. sine peccato, non tamen sine flagello. Quod si unicum sine peccato flagellauit, & pro omnibus tradidit eum; quomodo debent flagellari qui fecerunt quare flagellentur? Sit itaque manus paterna super te; & si filia bona es, noli repellere disciplinam Patris tui. Det disciplinam,
 Idem in Psalm. 88. Conc. 2. in mod. dum

dum non auferat misericordiam. Cadat contumacem, dum tamen reddat hereditatem. Tu si promissa Patris benè agnouisti, non timeas flagellari, sed exheredari. Peccatrix filia dedignabitur flagellari, cum sine peccato videat unicum flagellatum? Atqui nōne Pater cælestis in monte hoc me elogio decorauit: Hic est Matth. 17.
Filius meus dilectus, in quo mihi benè complacui? Nota, DILECTVS, Staurophila, & tamen flagellatus, & tamen Crucifixus; vt videas CRUCEM etiam charissimis à Deo destinari. Sed & hinc collige CRUCIS dignitatem. CRUX enim, disciplina, flagellum, tribulatio, veri characteres, & notæ sunt filiorum Dei: vt omnino (spurij) reputentur, qui CRUCIS sunt expertes. Adi rursus, & audi Paulum. *In disciplinâ, inquit, perseuerate. Tamquam* Hebr. 12,
filijs vobis offert se Deus: quis enim filius, quem non corripit pater? Quod si extra disciplinam estis, cuius participes facti sunt omnes: ergo adulteri, & non filij estis. Filij si peccent, à parentibus virgâ caduntur, serui domo exturbantur. Flagellum ergo signum filij.

Vtinam, inquebat Staurophila, fruatur CRUCE tuâ, vt in numero filiarum tuarum merear computari! vtinam non excludar à tribulatione, ne simul ab hereditate! *Sim, quæso, de ijs qui inundationem maris quasi lac sumunt. Inundatio enim maris, abundantia tri-* Dent. 33.
 19.

Stephan.
Eduenſis
tom 6 Bi-
blioth. Pat.

bulationis ; quæ tunc ſugitur, cum dulcis repu-
tatur. Lac nutrimentum paruulorum, tribula-
tio pabulum fit electorum.

Sic age Staurophila, inquiebat Chriſtus, &
ſolo deinceps amore CRVCEM feras. Verus
Auguſt. 1.3. enim amor non ſentit amaritudinem, ſed dul-
Conſeil. cedinem: quia ſoror amoris dulcedo, ſicut ſoror
odij amaritudo. Qui amat, non laborat: omnis
enim labor amantibus contrarius eſt. Vnde mi-

Bernard. de
Præcept. &
diſpenſat.

hi ſeruens in charitate illâ quæ timorem ex-
pellit, labores non ſentit, meritum non intue-
tur, præmium non requirit, & tamen plus om-
nibus urget. Nihil eſt, nihil, inquam, tam hor-
ridum tamq̃, tremendum, quod hi qui vel mor-
bo aut pænis diſcruciantur non ſuperent, ſi di-
uino ſint amore incenſi, ita ut neque ignis ne-
que ferrum, neque inopia neque languor ali-
quis, neque mors neque aliud quidpiam huius-
modi graue aut moleſtum appareat ei, qui hunc
ſit erga Deum amorem conſecutus. vnde &

Rom. 8,
35.

Paulus dicebat: Quis nos ſeparabit à chari-
tate Chriſti? tribulatio? an anguſtia? an fa-
mes? an nuditas? an periculum? an perfec-
tio? an gladius? Certus ſum enim, quia neque
mors, neque vita, neque Angeli, neque princi-
patus, neque virtutes, neque inſtantia, neque
futura, neque fortitudo, neque altitudo, neque
profundum, neque creatura alia poterit nos ſe-
parare à charitate Dei, quæ eſt in Chriſto Ieſu

Do-

Domino nostro. Vnde verò, quærebat Staurophila, amoris hunc fomitem accendam? Cui Christus, Ex me discere licet: solus enim amor me de cælis in terram attraxit, amor in præsepio reclinauit, amor ad omnes adigit labores. Propter nimiam charitatem quâ dilexi vos, humiliavi memetipsum factus obediens usque ad mortem, mortem autem CRVCIS. Poteram sanè vos redimere absque illâ: nolui tamen, vt sic amorem meum patetfacerem, & esset copiosa omnino redemptio. Et nunc quid superest, nisi vt amantem, & sic amantem redames?

Id verò, inquiebat Staurophila, perquam cupio: sed, quæso, quo pacto id faciam Domine? Suscipe, inquiebat Christus, CRVCEM vndecumque, & à quocumque tibi impositam, à iustis siue ab iniustis, siue à bonis siue à nequam, siue ab alienis siue à proximis, suscipe, inquam, hilari animo velut de paternâ Dei manu; nec aliud quidquam cogites, nisi hanc esse Dei voluntatem, vt CRVCEM feras, cui ex amore perlibenter velis respondere. Magnæ, inquiebat Staurophila, id fuerit perfectionis, nec adeò facile. Homines enim cum intueor me affligètes & diuexantes, idq; malâ suâ in me voluntate, vix possum concipere id eos diuino facere instinctu: vel summo illi Numini placere, vt ita me exerceant.

Ad me respice, filia, aiebat Christus. Cùm tradendus essem in manus peccatorum, voluit Petrus exempto gladio velut strenuus miles Dominum suum defendere, sed illi dixi: *Mitte gladium tuum in vaginam. Calicem quem dedit mihi Pater, non vis ut bibam illam?* Non attendi ego, amarissimum hunc calicem Iscariotis prodicione, Iudæorum accusationibus, insanis populi proclamationibus fuisse permixtum. Non latebat me, quantum absynthij, fellis & aloës, Annas, Caiphas, Pilatus, Herodes, Scribæ & Pharisæi, pessimi pharmacopæi huic pharmaco incoxissent, sed id tantum considerabam, hunc calicem à Patre mihi propinari, quicumque illum tandem, & quibuscumque venenis temperassent. Nec poterat esse ingratum quod à Patre, alienâ licet manu, offerebatur; & ideò alacriter, *sicut mandatum dederat mihi Pater, sic faciebam.* Dulcissimus enim mihi erat *cibus, facere voluntatem Patris mei.* Hoc scilicet filiorum est, Staurophila, non metu pœnæ, non spe mercedis, sed puro amore ideò solùm CRVCEM ferre, ideò calicem potare, quia sic placitum est Patri.

Respondit Staurophila: O Domine, quia tu calicem passionis bibisti, & vsque ad fundum exinanisti, & ego ancilla tua *calicem salutaris accipiam, & nomen Domini innocabo.*

Hoc

Ioan. 18,
11.

Ioan. 14,
31.

Ioan. 4, 34.

Pf. 115, 4.

*Hoc deinceps volo, hoc desidero, hoc totis ani-
mi visceribus concupisco, vt in me, & de me,
ac per me, non mea sed tua fiat voluntas. Non
cogitem quid amarum, quid dulce, quid onero-
sum, vel leue, quid asperum vel suauē, sed cum
impetu & desiderio feruenti, & cum anxietate
curem perficere quæ tuæ sunt beneplacita vo-
luntati: hoc solum mihi iucundum, hoc mihi
sit suauē, hoc solum mihi sit leue, hoc delecta-
bile & amabile.*

Bonauent.
Stim. diuin.
amor. p. 3.
c. 17.

Insiste, inquit, Christus, hanc semitam,
& percurrere diligenter: plurimos enim ad
summam perfectionem perduxit. *Quædam* Blof. in
enim vite sanctissima virgo, cuidam percun-
Mon. c. 10.
tanti quomodo ad perfectionem perigisset,
dixit: Omnem aduersitatem equanimiter de
manu Domini suscepi. Et quisquis me aliquā
iniuriā molestiæve affecit, huic ego speciale be-
neficium repondere curavi, quod minimè fe-
cissē, nisi ab eo læsa fuissē. Nulli, nisi Deo,
grauamina mea quæstæ sum: unde & euestigio
consolationem ab eo accepi. Alia quædam ad
similem interrogationem, non dissimiliter
respondit: Numquam ita se doloribus & Blof. ibid.
pressuris obrutam fuisse, quin maiores pro Dei
amore perferre expeteret: indignam se illis ip-
sis tam præclaris Dei donis iudicans.

Neque sanè in hoc aberrasse eam iudica-
uerim, aiebat Staurophila: Nihil enim Do-

Thomas
à Kemp. ale
Imit. Chri-
sti lib. 3.
cap. 22.

mine, amatorem tuum, & cognitorem benefi-
ciorum tuorum ita letificare debet, sicut vo-
luntas tua in eo, & beneplacitum aterna dis-
positionis tue. Nam voluntas tua, & amor
honoris tui, omnia excedere debet; & plus
cum consolari, magisq; placere, quàm omnia
beneficia data, vel danda.



CAPVT XIII.

In CRUCE orandum.

Tristatur quis in vobis? oret. *Iacobi 5, 13.*

CRUX arcus, nervus fiducia, vota sagittæ,
Pennæ amor, at Deus est (iaculare) scopus.



IDEBATVR iam satis circa intentionis directionem instructa Staurophila. Volens autem totam se Staurofophiæ addicere, Domino dicebat: Aliudne restat, benignissime Iesu, quod mihi in hac VIA discendum? Superfunt, inquiebat Christus, non leuia monita perfecto CRVCIS discipulo seruanda. Atque illud in primis, vt ex CRUCE arcum tibi fabrices, quo iaculis cælum cælique Dominum petas. Quid hoc tibi velit, inquiebat Staurophila, non satis capio, & intricatum mihi apparet anigma.

Cui Christus: Orare nempe te docet in CRUCE & tribulatione. Quid enim sunt preces contriti & humiliati cordis, nisi sagittæ electæ, ex cordis pharetrâ in cælum vsque emissæ? An non dicit Scriptura: *Oratio humilientis se nubes penetrabit, & donec propinquet non consolabitur, & non discedet, donec* Eccli. 35, 21.

nec

Tristatur quis in vobis? oret. Iac. 5, 13.



CRVX arcus, neruus fiducia, vota sagitte,
Penne amor, at Deus est (eiacularè) scopus.

nec aspiciat Altissimus. Hæc iacula sunt quæ feriunt atque aded vulnerant cor Dei, & ad ipsum molles sibi aditus parant. *Vulnerasti* Cant. 4. 9. *cor meum* (exclamat cælestis Sponsus) *soror mea sponsa, vulnerasti cor meum in uno oculorum tuorum.* Vide autem ut hîc non obscure sagittandi tibi insinuetur methodus. Solent enim sagittarij, ut scopum attingant, oculorum alterum claudere, ne adhibito utroque, in diuersa oculorum acies rapiatur. Idipsum & tibi in oratione faciendum; claudendus quippe est alter oculus, ne humanarum rerum intuitu mens interpellata, huc illucque diuagetur, atque proposito sibi fine excidat. Alter autem, quo spectantur cælestia, aperiendus, quo vno duce & attingitur scopus, & vulneratur Sponsus.

Interpellabat hîc Staurophila, Cur, inquiens, Domine, CRUCEM baiulantem peculiariter iubes orare, cum ea communis fidelium sit exercitatio? Etiâne nescis, inquebat Christus, orationem maximum esse CRUCIS subleuamen, & opportunum in tribulatione auxilium? An non legisti à Deo hoc ipsum præscriptum? *Inuoca me*, ait, *in* Psal. 47, *die tribulationis; eruam te & honorificabis me.* 15.
 Et: *Clamabit ad me, & exaudiam eum, cum ipso* Psalm. 90, *sum in tribulatione, eripiam eum, & glorificabo eum.* 15.
 Vtius est hoc præsidio Regius Vates,
 cuius

Ps. 119, 1. cuius hæ voces: *Ad Dominum cum tribulatione*
 Psal. 76, 3. *rer clamaui. & In die tribulationis meæ Deum*
exquisivi manibus meis. idemque de aliis ait:

Ps. 106, 13. *Clamauerunt ad Dominum cum tribularentur,*
& de necessitatibus eorum liberauit eos. Et fre-

quentissima sunt in sacrâ Scripturâ exempla
 eorum qui in tribulatione preces fuderunt:
 id enim fecerunt Samson illus à Philis-
 tæis, Susanna in periculo mortis, tres pueri
 in flammis, Daniel in lacu leonum, Jonas in
 ventre ceti, Petrus in mari, Apostoli in na-
 uicula, Paulus & Silas in carcere. Denique
 & ego non solum in horto, sed & in ipsâ
 H. br. 5, 7. *CRUCE preces supplicationesq; cum clamore*
valido & lacrymis Deo Patri obtuli. Ideoque
 & tu tantam habens impositam nubem te-
 stium, ad orationis præsidium frequenter re-
 curre. Oratio enim in tribulatione Deum
 placat, & tribulatio ipsâ orationem non pa-
 rum iuuat.

Quàm velim, aiebat Staurophila, paulò
 expressius id intelligere? quomodo enim af-
 flictio orationem adiuuat, cum præ dolore
 aliud vix cogitare sinat? Passim enim con-
 queruntur ægroti & afflicti orandi sibi sub-
 tractam facultatem. Ad hæc sic Christus:
Quò se quisque magis ad Deum conuertit,
hoc minus afflictionis meminit, neque enim
permittit totum animum CRVCI attendere,
 qui

qui Deo, quantum quidem potest, conatur intendere. Iam verò quantum robur tribulatio addit orationi. *Sicut enim sagitta infixa cordi mouet ac impellit, vt remedium querat; sic tribulatio dolorem adfert cordi, ac urget, vt in re aliâ solatium requiratur, scilicet in cogitatione boni aterni. Aqua dum per plana & ampla spatia fertur, non in altum consurgit, sed latè sese quaquauersus expandit: cum autem manu artificis eam colligentis & stringentis coacta fuerit in angustum, iam inde sollicitè omni telo velociùs se in excelsum iaculatur, petitq; supernam regionem: sic mens humana, dum otiosa & liberior, quàm expediat, degit, diffunditur quidem & latè diffluit, cum autem asperiori rerum euentu, casuq; subito coërcente aduerso sollicitetur, iam agiliùs se extrudit, & intentas ac dilucidas orationes mittit in excelsum. In die ergo tribulationis tua Deum exquire, non per Deum aliud, sed ex tribulatione Deum: vt ad hoc Deus remoueat tribulationem, vt secura inhereas Deo.*

Vt video, inquebat Staurophila, non auxilium dumtaxat precibus CRVX confert; sed quamdam etiam ad Deum confugiendi imponit necessitatem. Non malè vidisti, aiebat Christus, huic enim fini tribulationes frequentissimè subseruiunt. Audistine ali-

Idiota de
Verâ: cœ-
nit. §. 14.

Chrysof.
Hom. 5. de
Incompre-
hens. Dei
nat. rom. 5.

August. in
Psal. 76.

2. Reg. 14.
29.

rit

rit Ioab? Vocauerat eum, submissis seruis secundò: *at ille nolebat venire*. Proinde curauit succendi segetes eius. *Surrexit itaque Ioab & venit ad Absalom. Postquam autem locutus est cum illo*, mediatorem se exhibuit apud Regem, & locutus est pro Absalom. Non secus ego, si quos videro monenti mihi obstrepere, & semel iterumque vocatos non venire, hos immisâ tribulatione venire compello; at ubi venerint, iam mediatorem me pro eis apud Patrem interpono. Tales

Psal. 15, 4.

& illi erant de quibus Psalmista: Multiplicatae sunt infirmitates eorum, postea accelerauerunt.

Psal. 81, 17.

Et: Imple facies eorum ignominia, & querent nomen tuum Domine. Multi profectò sunt, qui Dei ne semel quidem recordarentur, nisi CRVX aliqua eos quodammodò adigeret: vnde miserentis Dei est, quòd eos affligi patiatur, vt ad ipsum confugiant. *Tale aliquid faciunt amantiores filiorum parentes, cum paruulos suos viderint à se quidem sepe discedere, æquiuorum autem lusibus detineri: precipiunt famulis terribilia multa simulare, vt exagitati metu paruuli ad maternum sinum confugere festinent.*

Chrylost.
Hom. 10.
in Matth.

Ex iis quæ audio, inquebat Staurophila, non malè colligere videor, pessimum signum esse, in tribulatione ad Deum non conuersti, sed solito conuersari modo. Quis dubitet?

in-

inquietabat Christus. Ex effectu quem tribulatio in vnoquoque operatur, facile animæ eius status agnoscitur. *Sicut enim plenum granum, mox ut leuiter percussum fuerit, de paleâ suâ exilit foras; si autem subtile fuerit, tardius egreditur; quod si vacuum fuerit, numquam egreditur, sed illic conteritur cum paleâ suâ, & ita cum paleis foras iactatur: sic omnes quidem homines in rebus carnalibus delectantur, sicut grana in paleâ. Sed qui fidelis est, & boni cordis habet medullam, mox ut leuiter tribulatus fuerit, negligens quæ sunt carnalia, currit ad Deum. Si autem modicè infidelior fuerit, cum grandi tribulatione vix recedit, & vadit ad Deum. Qui autem infidelis est & vacuus, quantumvis contritus fuerit, sicut granum vacuum de paleâ non egreditur, sic ille de carnalibus rebus & impedimentis mundialibus numquam egreditur, nec transit ad Deum, sed illic in malis constitutus conteritur, ut cum infidelibus, quasi cum paleis foras projiciatur.*

Chrysof.
Hom. 3.
in Matth.
Oper. im-
perf.

Pulcherrima hæc comparatio, aiebat Staurophila. sed oro te, quando oratio Crucigeræ adeò necessaria, quid potissimum mihi precandum censeas? Hoc vel maximè, aiebat Christus, ut si ipsam CRUCEM depreceris, aut mitigari nonnihil petas, non alio id facias modo, quàm illo, quem in Oliueti

P hor-

horto verbo & exemplo docui, vt scilicet
 Matth. 26, 39. *dicas: Pater mi, si possibile est, transeat à me calix iste: verumtamen non sicut ego volo, sed sicut tu. Nonne Deo subiecta erit anima mea? ab ipso enim salutare meum. Fiat Domine voluntas tua. &: Sicut fuerit voluntas in celo, sic fiat.* Relignato enim, & in vtrumque parato oportet esse animo, qui CRVCIS fructus vberrimos velit decerpere. Deinde ipsas tribulationes ac pœnas tuas omnes, tam paruas quàm magnas, passioni & cruciatibus meis coniunctas unitasq; deuotâ mente offer Deo in laudem eternam: sic enim erunt inestimabilis meriti, & summè Deo placebunt.

1. Machab
 3, 60.

Blos. in
 Spec. spirit.
 cap. 8.



CAPVT XIV.

Gaudendum in CRUCE.

Communicantes Christi passioni-
bus gaudete. 1. Pet. 4, 13.

*Morbus deliciae, mors lucrum, pœna voluptas,
CRUX mihi quod nullâ me CRUCE cerno
premi.*



XTREMAM credebat Stauro-
phila se audiuisse lectionem,
quare nihil amplius percuncta-
batur, cum Christus ad eam:
Necdum metam attigisti, filia,
nam vt pridem in arcum, ita nunc in citha-
ram aut psalterium CRUCEM transmutare
docebo; vt discas scilicet *psallere nomini Do-* Psal. 91.
mini altissimi in decachordo psalterio, cum can-
tico in citharâ. Et hic ignorantiam meam
fateri cogor, aiebat Staurophila, neque enim
intelligo quid Dominus meus velit. Audi August. in
proinde, inquiebat Christus: *Psallere est cum* Psal. 91.
hilaritate facere: hilarem enim datorem dili- 2. Cor. 9.
git Deus. Eia igitur cantico verborum iunge
citharam operum. Cithara sonat ex inferiori,
psalterium ex superiori parte. *Cum aliquid* August. in
P 2 pate- Psal. 42.

Communicantes CHRISTI passionibus,
gaudete.

1. Pet. 4, 13.



Morbus deliciae, mors lucrum, pena voluptas,
CRVX mihi quod nulla me CRVCE cerno premi.

pateris tribulationum, tentationum, scan-
 rum in hac terrâ, quia pateris ex inferiori
 parte, id est ex eo quod mortalis es, ex eo quod
 prima tue cause quiddam tribulationum de-
 beas, Cithara es; venit enim sonus suavis ex
 inferiore parte, pateris & psallis, vel potius can-
 tas, & citharizas. Quando dicebat Apostolus:
 Gloriamur in tribulationibus, cithara sonabat
 ex inferiore quidem, sed tamen dulciter. Omnis
 enim patientia dulcis est Deo. Si autem in ipsis
 tribulationibus defeceris, citharam fregisti.
 Cum autem æquo animo atque hilariter
 perfers scrupulos, desolationes, obnubila-
 tiones, vt quasi desertam à Deo te putes; &
 gaudes tamen, etiam in hac CRVCE Deum
 laudans & benedicens; psallis Domino in
 psalterio decem chordarum: tangis chordas Augustin.
 in corde tuo, benefonantes in auribus Dei. Cum
 verò cæperis disputare de operibus Dei, Quare
 hoc? quare illud? Et, Non debuit sic facere:
 malè fecit hoc. ubi est laus Dei? perdidisti
 Alleluia, rupisti psalterium tuum.

Dici vix potest, quantum hæc Staurophi-
 lam exhilarabant. Non parum autem sus-
 pensam tenebat, quod diceret Christus in
 CRVCE exultandum & lætandum. Et liceat,
 inquebat, Domine sciscitari, quid CRVCI &
 lætitiæ? quæ conuenientia doloris & gaudij?
 CRVX enim à cruciatu verissimè dicitur:

hanc autē corpus & animā excruciare nemo melius nouit, quàm qui tulit. Ego verò totā hac vitā credebam me afflictam, desolatam, mœrore & dolore consumendam: gaudium, lætitiā & pacem in alterā expectandam; hic tribulationis, illic consolationis fore tempus. *Omnis enim disciplina, in presenti quidem videtur non esse gaudij, sed mœroris.*

Heb. 12,
11.

Plenissimam, inquebat Christus, & superabundantem lætitiæ mensuram omnes Crucifigere percipient in retributione iustorum, quando intrabunt in gaudium Domini sui, ubi *absterget Deus omnem lacrymam ab oculis eorum.* Habet tamen CRVX plurimum gaudij & lætitiæ, si eo baiuletur quo oportet modo. *CRVX enim totius gratulationis spiritalis est substantia.* Et nōne dixi in Euangelio: *Beati eritis cum vos oderint homines, & cum separauerint, & eiecerint nomen vestrum tamquam malum propter Filium hominis, GAUDETE ET EXVLTATE; ecce enim merces vestra multa est in calis.* Et Apostolus meus nōne dixit: *Communicantes Christi passionibus GAUDETE.* Et alter: *Omne gaudium existimate, fratres mei, cum intentiones varias incideritis.* Neque vas electionis meæ Paulus, quem allegasti, dicit, disciplinam in presenti non esse gaudij, sed videri non esse gaudij. Reuerā enim causa & procrea-

Apoc. 21, 4

Chrysost.
Hom. 2.
de Cruce
& Latrone.
Luc. 6, 22.

1. Pet. 4, 13

Iac. 1, 2.

creatrix est omnis lætitiæ & gaudij, adeoque vitæ æternæ. Sed in ipso castigatōis momento videtur esse mœroris, non gaudij: sensus enim doloris ita homines perstringit, vt fructum pacatissimum inde secuturum non cogitent. Hic enim ubi dolor transierit, melius agnoscitur & persentitur. Et quid dicam? Certa beatitudinis tessera est, posse in perpeſsionibus gaudere, & circumlatrantibus vndique malis, hilarem cælo animum attollere, etsi per genas copiose fluant lacrymæ.

Facile crediderim, aiebat Staurophila, non deesse gaudendi materiam in ipsâ CRUCE, si quis attentius futura reuoluerit præmia, verum vt hoc in ipsis fiat pœnis,

Hoc opus, hic labor est: ———

Seneca lib.
de Prouid.
Dei.

Aeneid. 6.

& paucos equidem esse arbitror, qui in cruciatibus exultauerint. Ego verò, respondebat Christus, minimè paucos tibi producam.

An non Apostoli ibant gaudentes à conspectu

Act. 5, 41.

concily, quod digni habui essent pro nomine IESV contumeliā pati. Quam hilaris Paulus, qui dicebat: Repletus sum consolatione,

2. Corinth.

superabundo gaudio in omni tribulatione nostrā! Et: Si immolor supra sacrificium & ob-

1. 4.

sequiū fidei vestra, gaudeo, & congratulor omnibus vobis, id ipsum vos gaudete, & cōgratula-

Philip. 2,

mini mihi. Sancti quoque ludibria & verbera experti, lapidati, secti, tentati, in occisione

17.

gladij

Rupert.
in cap. 14.
Apocal.

gladij mortui, angustia, afflicti, quid erant nisi citharædi citharizantes in citharis suis, testimonia scilicet diuinæ veritatis personantes? Quâ lætitiâ gestiebant olim Martyres in medijs tormentis? Marcus & Marcellianus fratres propter Christianam fidem comprehensi, ad stipitem alligati sunt, pedibus clavis confixis. Ad quos cum ita loqueretur Iudex: Respicite miseri, & vos ipsos ab his cruciatibus eripite. Responderunt: Numquam tam iucunde epulati sumus, quàm hæc libenter IESV Christi causâ perferimus, in cuius amore nunc fixi esse capimus. Utinam tam diu nos hæc pati sinat, quàm diu hoc corruptibili corpore vestiti erimus! Ita diem noctemq. in tormentis diuinas laudes canentes, denique telis transfixi ad martyrij gloriam peruenierunt. Nec infirmiori sexui similia desunt exempla: Agatha enim lætissimè & glorianter ibat ad carcerem: & quasi ad epulas inuitata, agonem suum Domino commendabat. Agnes quoque tredecennis virguncula nondum idonea pæne, & iam matura victoriæ, magisterium virtutis impleuit, quamuis præiudicium veheret atatis. Non enim sic ad thalamum nupta properaret, ut ad supplicij locum, læta successu, gradu festina virgo processit. Quid Thecla? post superatas bestias, ignes, carceres ita dicebat: Etiamsi in singulos dies mihi cum igne, bellis,

Breuiar.
Roman.
18. Iun.

Breuiar.
Roman.
5. Febr.

Ambros.
lib. 1. de
Virginib.

Basil. Seleu-
ciæ Episc.
in Vitâ
S. Theclæ.

vin-

vinculis, carceribus rem esse contingat: adeò mihi etiam omne mortis & discriminis genus proprietate subeundum, ipsismet paradisi delictijs, epulisq; instructissimis potiùs ducitur: tantummodo, Domine, digna, quæ pro te & nomine tuo cruciatus tolerare semper possim, habear. Vidēsne, Staurophila, quantâ alacritate, quâ animi hilaritate Sancti C R V C E S per- tulerint?

Video, inquiebat illa, sed quod in ipsis obstupesco, id, vt liberè dicam, ruborem mihi incutit: illi enim non modò patienter, sed & libenter & ardenter ad tormenta, sicut ad ornamenta properabant. Ego autem putillanimis multum etiam laboro vt patienter feram: sed adiuua, Domine, infirmitatem meam.

Eia, inquiebat Christus, confide filia, sensim cresces ad robustam & omnibus numeris perfectam patientiam, & quæ nunc pœnarum inanium leuitate deprimeris, remuneranda postmodum pretiosi auri pondera reporta- bis. Interim tamen si huc assurgere nequeas; noli murmurare, noli queri, sed constanter sustine, & in dolore tuo patientiam habe.

Pet. Dam.
l. 8. Epist. 6.

Eccli. 2, 4.

Cui Staurophila: Mihi equidem volupe esset nouisse psalterium C R V C I S aptè tangere, vt de chordis cordis mei resonaret dulcis iubilatio, & laus perennis diuinæ maiestati.

Blof. in
fist. spirit.
cap. 8.

stati. Benè habet, inquebat Christus, & facile hanc artem discas, si afflictionem vel dolorem sentiens Deo te humiliter perseueranterq; resignes: huiusmodi enim resignatio est ante Deum velut cithara dulcisona, in cuius chordis Spiritus sanctus suauissimè canens, cælestis Patris aures occulto quodam internog; modulamine mirificè demulcet. In hac citharâ crassiores fides, id est, exteriores hominis vires (quæ undique dolore occupantur) demissum lugubremq; sonum reddunt: at fides exiliores, nempe, vires interioris hominis (quæ plenâ deuotione in spontaneâ patientiâ, resignatione persistant) acutum iucundumq; sonum edunt. Natura sensibilis excruciatâ gemit, sed natura superior ac rationalis permanet tranquilla.

Iacob. 5,
13.
Prouerb.
15, 13.

Facile intelligo, inquit Staurophila, à tranquillo animo perfici spiritualem hanc melodiam: nam & Apostolus monet, vt, qui *aquo animo est, psallat*. Mens verò turbata omnem harmoniam dissoluit. In *mærore* enim *animi deijcitur spiritus*. Sed obsecro te, Domine, ediffere mihi vt hanc animi pacem nancisci poterò.

Cui Christus: Si diuinæ per omnia responderis voluntati, & aliud non velis, quàm quod vult Deus. Quicumque enim hoc fecerit, tranquillus, felix, & vere beatus erit.

Faciet

Faciet enim quidquid voluerit, cūm quid-
 quid euenire ei Deus voluerit, hoc & ipse
 velit. Nulli, ut opinor, beatiore sunt, quā Saluian. de
 qui ex sententiā suā atque voto agunt. Humiles Vero iudic.
 sunt religiosi, hoc volunt, pauperes sunt, paupe- & proud.
 rie delectantur; sine ambitione sunt, ambitum Dei lib. i.
 respuunt: lugent, lugere gestiunt: infirmi
 sunt, infirmitate letantur. Cū infirmor, in- 2. Cor. 12,
 quit Apostolus, tunc potens sum. Itaque quid- 10.
 quid acciderit ijs, quicumque verē religiosi
 sunt, beati esse dicendi sunt: quia inter quan-
 tumlibet aspera, nulli latiores sunt, quā qui
 hoc sunt, quod volunt. Suauibus his sermoni-
 bus delinita Staurophila, exultauit præ gau-
 dio, & diuino (vt facile erat colligere) agen-
 te Spiritu prorupit & ipsa in canticum lāti-
 tiæ, ita CRUCEM ex animo salutans, &
 celebrans.

Ode Staurophilæ in CRUCE
 exultantis.

CRUX aue summo veneranda cultu,
 Regis æterni roseum cubile,
 Candidi sacro rubeiq; fulgens
 Sanguine Sponsi.

Tu, tribus mundum digitis ferentem
 Carnis humana spolijs amictum,
 Saucijs qui te tulerat lacertis,
 Fausta tulisti.

Hæc

*Hac tui tota est ratio decoris,
Vniuersarum CRVCIVM rigores
Mitigans, lethum facis esse latum, &
Damna fauores.*

*Quis pijs ergo grauis esse casus?
Quid vel aduersi pote contigisse,
Queis & ærumna, lacryma, labores,
Gaudia præstant?*

*CRVX voluptatis penus æterna,
CRVX bona, ô, quam te iuuat osculari?
Quàm iugo dulci nihilo repugnans
Subdere collum!*

*Non nisi in solâ CRVCE gloriabor
Magna: nam nullâ CRVCE, CRVX grauari;
CRVX mihi summum decus, & corona,
CRVX mihi vita.*

*Ergo mi salue, bona CRVX, salutis
Tessera aterna: via qua Sionis,
Mille post casus, gemitusq; mille,
Ducis ad arcem.*

*Millies felix, mea sponsa, salue,
Mille diu votis mihi concupita,
Qua tibi iunctam, peramato Iesu
Iungis amantem.*

*O nimis felix CRVCE cui potiri,
Cui pati gratos licet hîc dolores,
Et suo verum Crucifixo amori
Reddere amorem!*

CAPVT XV.

In CRUCE, & pro ipsâ agenda gratia.

In omnibus gratias agite. 1. Tess. 5. 18.

Non ea quam tribuis CRUX est, sed pignus
amoris

Cor tibi pro tanto munere reddo lubens.



INIERAT Staurophila, cùm
Christus iterum sic inquit: Per
gradus, ô filia, scandendum ad
culmen: didicisti in CRUCE
gaudere, nunc, vt proficias, &
hoc adiungendum, vt gratias Deo non ma-
gis in prosperis agas, quàm in aduersis. Non
enim fucatè *gratus est qui inter medias de-*
prehensus calamitates toto pectore gratias agit
Domino. Nam quid magnum facis, si quando
in secundis rebus es, laudes Deum, quando in
diuitijs es, quando nullis vexaris iniurijs? Illud
est magnificum, si subiecta iniurijs & contume-
lijs iudicium Dei laudes. Magnum, inquiebat
Staurophila, reuerà hoc est, non tamen nihil
esse crediderim in prosperis non ingratum
esse. Est, inquiebat Christus, id certe etiam
aliquid, sed fatendum tamen, minùs perfe-
ctum.

S. Antio-
chus Hom.
117.

Ambros.
in Ps. 118.
O & 10. 10.

In omnibus gratias agite. 1 Theſ. 5, 18.



Non ea quā tribuis CRUX eſt, ſed pignus amoris.
Cor tibi pro tanto munere reddo lubens.

etum. Nam magnitudo gratæ mentis in tristibus apparet: Vides, quòd si in prosperitate gratias egeris, sycophanta diabolus factum tuum extenuat, & dicit: Num frustra Iob colit Dominum. Cui nimirum in secundis gratias agebat, sed ubi tot calamitatibus pressum audiuit dixisse, *Sit nomen Domini benedictum*, Diabolum prostrauit, & maiorem plagam intulit, quàm cum possidens miserabatur pauperum. Nam secundis quidem rebus gratias referre Deo, non admodum mirabile: porro cum multus fuerit fluctus, cymbæque circumacta periclitatur; tunc gratias agere magna atque excellens patientiæ & bonæ voluntatis offensio. Pro beneficijs gratias agere, vel idololatræ ac Gentiles norunt; pro calamitatibus, CRVCIBVS, ac supplicijs, soli Christiani. Summa enim religio est, inter aduersa Deo gratias agere. Et crede, Staurophila, plus valet vnum DEO GRATIAS in aduersis, quàm sex millia in prosperis.

Chrysost.
Serm. de
Iob & A-
braham.

Iob. i. 9.

Chrysost.
Homil. 5.
de Patient.
Iob.

Anila tam.
1. Epist.
pag. 16.

Vix unquam mihi persuaseram, aiebat Staurophila, pro miserijs & cruciatibus grates refundendas, cum sensibus adeò ista ingrata sint. Multa, inquebat Christus, sensualitati parum grata, vtilia sunt salutis: quo in genere & hanc gratiarum actionem reponere licet, est enim absconditus in eà thesaurus, quem ignorant filij huius sæculi. Disce hoc

hoc in mysticâ hac figurâ. Lege olim vetue-
 rat Assuerus, ne *quis non vocatus interius*
atrium intraret, nisi fortè Rex auream virgam
ad eum tetendisset pro signo clementia, atque
ita posset viuere. Esther verò contra hoc præ-
 ceptum ingrediens, cum extendisset Rex vir-
 gam auream, *osculata est summitatem virge*
eius. Sed velum iam amoueamus, vt clarius
 videas. Quid, quæso, hoc significare censes,
 nisi quòd præuaricatores homines atria Do-
 mini introire prohibeantur, nisi aureâ virgâ
 eos Deus tetigerit, eamq; fuerint exosculati?
 Quenam vero hæc virga? nisi CRVX, aduerfi-
 tas, tribulatio? Vnde autem aurea? nisi quia
 meis perpeffionibus inaurata? Cur deoscu-
 landa? quia à regali manu, à paterno amo-
 re, à benignâ Dei voluntate, vt magnum
 donum porrigitur. *Pro Deo siquidem pati,*
munus est maioris admirationis, quàm sit re-
uerà mortuos iuscitare, & signa miranda pa-
trare. Nam illinc quidem debitum contrahis,
hinc verò debitorem habes Deum. Dissua-
 uanda igitur CRVX, & cum gratiarû actione
 toleranda: signum enim est clementiæ, remis-
 sionis peccatorum, & quòd tui Deus memi-
 nerit. *Apud Persas Regi gratias agebat, qui,*
quantumuis innocens, ab eo flagellari iussus
fuiſſet, quòd Rex nimirum illius memor fuiſ-
ſet. Quid facere par est, cum non à Rege
 terre-

Esther 4,
11.

Ibid. c. 5, 3.

Chrysoſt.
Hom. 4.
in Epist.
ad Philem.

Stobæus de
Legibus
Serm. 44.

terreno, sed caelesti, qui Rex Regum, & Dominus est dominantium iuberis flagellari, torqueri, vri, secari? Cur non potius has plagas, quæ cæli pretium sunt, venereris, & supplex pro iis gratias agas? Num legisti quid Regius Vates cecinerit? *Virga tua*, inquit, & *baculus tuus*, ipsa me consolata sunt. Quasi luculentius diceret: *Disciplina tua tamquam virga ad gregem ouium, & tamquam baculus iam ad grandiores filios, & ab animali vitâ ad spiritalem crescentes, ipsa me non affligerunt magis, quàm consolata sunt: quia memor es mei. O quid non misericorditer prestatur hominibus à Deo, à quo etiam tribulatio beneficium est! Nam res prospera donum est consolantis: res autem aduersa, donum est admo-*
nentis Dei.

Psalm. 22, 4.

August. in
Psalm. 22.August.
Epist. 87.

Ad hæc Staurophila: Domine, inuenire est minime paucos qui *consiteantur tibi* cum benefeceris eis. At quotusquisque est qui CRUCE grauatus, tribulationibus pressus, ex animo gratias agat? *Quis est*, inquam, *hic?* & *laudabimus eum: fecit enim mirabilia in vitâ suâ.* An verò ignoras, inquebat Christus, fortissimorum heroum exempla, in Ecclesiâ meâ decantatissima? An non sanctissimus Iob in tot ac tam horrendis calamitatibus illud usurpauit: *Sicut Domino placuit, ita factum*
est: sit nomen Domini benedictum. Lauren-

Psalm. 48,

19.

Eccli. 3, 19.

Iob. 1, 22.

Breuiar.
Rom.
Surius in
Vitâ
14. Maij.

Ibidem
11. Febr.

Baron.
Tom. 2.
an. 261.
num. 30.

Pfal. 33, 2.

Gregor.
Hom. 15.
in Euang.

tius igneo lectulo recumbens, *Affatus*, inquebat, *gratias ago*. Bonifacius Martyr vngulis excarnificatus iubilabat: *Gratias tibi ago Domine Iesu Christe fili Dei*. S. Saturninus durum obiens dolorum agonem, aiebat: *Breuius patior, libenter patior, gratias ago, nec agere sufficio, Christe da sufferentiam, tibi laus, tibi decus*. Quid D. Cyprianus? cùm à Proconsule Galerio interrogatus breuissimè respondisset, recitatâ tandem è tabellâ sententiâ: Thascium Cyprianum gladio animaduerti placet; dixit, *Deo gratias*. Iacobus, qui à supplicio quod tulit, intercisus dictus, membratim mori sustinuit: quoties autem vel articulus digiti, vel iunctura membri præsecabatur, toties ille auditus est dicere, *Deo gratias*. Theodorus æuo Maximiani Cæsaris, laceratis & pertusis iam lateribus vix spirans ampliùs, suum tamen organum animabat, & canebat: *Benedicam Dominum in omni tempore*.

Quid tibi de his videtur Staurophila? Martyrum credo hæc priuilegia, inquebat illa; quos ad fidei confirmationem, & Tyrannorum confusionem Deus peculiariter hac gratiâ exornat. Non Martyres tantùm, respondebat Christus, verùm etiam ægroti in morbis hunc gratitudinis affectum ostenderunt. *Seruulus ille, à primâ uâ etate usque*
ad

ad finem vite paralyticus, non stare poterat, nec ad sedendum è lecto surgere, non manum ad os ducere, non se in latus aliud declinare. Hic autem studebat in dolore semper gratias agere, hymnis Deo & laudibus diebus ac noctibus vacare, qui & ipse celeste melos in morte suâ meruit audire. Et B. Clara continuis viginti octo annis, morbo intabescens, assiduè DEO GRATIAS retulit. Quid nunc censes filia? etiâne nulli tibi videntur, aut pauci qui in ærumnis Deo benedicant & gratias agant?

Fateor, Domine, aiebat illa, incogitantiam meam. Nec ego deinceps hoc sacrificium laudis intermittere decreui, quin potius *gratias agam gratiæ largitori, quia me misericorditer flagellavit: quia iram mihi conuerterit in gratiam, infirmari me volens, ne gravius infirmarer, affligens, ut parceret; prosternens ut erigeret: & quis, Domine, nouit potestatem iræ* Pl. 89, 11. *tue? plena est enim miserationibus ira tua; & iudicia tue animaduersionis quam temporali- ter exerces in tuos, certa sunt pietatis iudicia. Iustorum siquidem animæ in manu Dei sunt: Sap. 3, 1.* *ideo inter delicias & dolores iram Domini, & misericordiam sapientes in flagellis agnos- cunt. Et exultauerunt filia Iude propter iudicia tua Domine.* Pl. 47, 12.

Eia! sic loquere, inquiebat Christus, hoc

Q 2

Chri-

Chrysoſt.
Hom. 8. in
Epiſt. ad
Coloſſ.

Chriſtianorum idioma eſt: Nihil hac lingua ſanctius, quæ in aduerſis DEO GRATIAS agit. Certè non inferior eſt lingua Martyrum, utraq; certè pariter coronatur. Nam & aduerſus iſtam inſtat liſtor Deum per maledicentiam negare cogens, inſtat diabolus argutis cogitationum quæſtionibus lacerans, & animi anguſtijs obtenebrans. Si ergo dolores pertulerit, & gratias egerit, Martyrum coronam ſortitur.

Auguſt. in
Pſalm. 77.

Quid igitur melius, inquirebat Staurophilo, & animo geramus, & ore promamus, & calamo exprimamus, quàm DEO GRATIAS, hoc nec dici breuius, nec audiri latius, nec intelligi gratius, nec agi fructuoſius poteſt. Nunc proſedò melius intelligo, quid ſibi voluerit Senex quidam in Vitis Patrum, qui infirmanti diſcipulo ſuo dixit: Non contriſteris, fili, ex infirmitate vel plagâ corporis tui, ſumma enim religio eſt, ut in infirmitate quis agat DEO GRATIAS. Si ferrum es, per ignem aruginem amittis: ſi verò aurum es, per ignem probatus à magnis ad maiora procedis. Ne anxieris ergo frater; ſi enim Deus te vult in corpore torqueri, tu qui ſis qui moleſte feras? Suſtine ergo, & roga Deum, ut quæ ipſe vult, illa concedat.

Vitæ PP.
l. 7. c. 20.
num. 1. Et
Ruſſ. lib. 3.
in Vit. Pat.
num. 157.

Optimam monitionem, aiebat Chriſtus, hic Senex ſuo dedit diſcipulo, cui etiam ſubſcribo; tibi quæ, o filia, eandem etiam atque etiam commendo. Gratiarum enim actio in

CRUCE bonos a malis discriminat, & qualis vnusquisque sit optimè ostendit. Qui campanas iundunt, malleis idibus earumdem explorant bonitatem, antequam vel benedicantur, vel in excelsum turrim attollantur: nisi enim bonum ediderint sonum, reprobantur. Indem Deus facit, non eleuat electos ad cælum, nisi frequentioribus CRUCIBVS & afflictionibus exercitos, vt probe an firma etiam sit eorum patientia, & quàm gratum edant sonum, qualémve emittant vocem. Pulsauit olim Deus magnam illam campanam Iob Prophetam, & manus Domini tetigit eum. vis nosse quo instrumento? *malleo vniuersa terra*, diabolo inquam. *Quis* Jerem 50, 52. porro sonus huius campanæ? *Domini dedit, Dominus abstulit, sit nomen Domini benedictum.* * *Quomodo sonuit? quàm suauem sonum dedit? adhuc iunditur datus in potestatem diaboli, vt & caro eius percuteretur. Percussit eum à capite vsque ad pedes graui vulnere, & putrescens vermibus sedebat in stercore. Audisti quemadmodum iunsus est, audi nunc quomodo sonet. Si bona suscepimus de manu Domini, mala non sustinebimus? o sonum fortem! o sonum dulcem! o quem non dormientem excitet sonus iste!* Benedicenda, sine dubio, est hæc campana, quæ tam benedictum edit sonum. Hoc scilicet indicium viri boni, viri

Coren. in
Clyp. pa-
tient. lib. 1.
cap. 4.

* August. in
Psalm. 97.

Iob. 2, 10.

Antiochus erga Deum grati. *Contrà cognoscibile quoque*
Hom. I 17. *indiciū viri male grati: is enim dum angitur quāpiam tribulatione, est querulus, mur-*

mure interstrepit, discruciat ob hoc miserè, tuetur causam suam, & excusat innocentiam.

August.

Tom. 10.

Serm. I 11.

de Temp.

Quid plura? Sic sunt boni & mali quomodo si duo vasa sint plena, & vnum habeat putredinem, & aliud aromata pretiosa, vtraque tamen vno ventilabro ventilata. Illud vas, ubi fuerint aromata, odorem desiderabilem, aliud autem factorem intolerabilem reddit. Ita simul boni atque mali indiscretè quidem turbati, sed alto Dei iudicio separati. Quoties aliqua tribulatio in mundum venerit, qui boni sunt, velut vasa sancta, gratias agunt Deo, qui eos castigare dignatur: illi vero qui sunt superbi, luxuriosi, cupidi, blasphemant & murmurant contra Deum, dicentes: O Deus! quid tanti mali fecimus, ut talia patiamur?



CAPVT XVI.

*Potiùs in aduersitate quàm prosperitate
referendas gratias : non Deo tantùm,
sed & CRVCEM inferenti.*



ÆC VT Staurophilæ gratiarum
actionem non parum com-
mendabant, ita dubium vnum
alterumque animo eius sugge-
rebant: quæ instructori suo
proponere cupiens; Obsecro, Domine, in-
quiebat, id ancillæ tuæ explicare ne graue-
ris: Maior ne gratiarum actio in prosperita-
te, an in aduersitate referenda? Quid verò
dubitas? aiebat Christus, Cuinam censes
amplior redhibenda gratia, maiori an mi-
nori beneficio? Maiori, inquit illa. Com-
para igitur, inquit Christus, aduersa se-
cundis; & vtra præponderent diligentius ex-
pende. CRVX à peccatō reuocat; prosperi-
tas ad illa allicit & impellit. *Etenim multo* 2. Mach. 6,
tempore non sinere peccatoribus ex sententiâ 13.
agere, sed statim ultiones adhibere, magni be-
neficij est indicium. An non & illud, quod tri-
bulatio ad Deum moneat recurrere, prospe-
ritas eiusdem inducat obliuionem? Timor-
em deinde Dei, & compunctionem CRVX

Bernard.
lib. 2. de
Confid.
cap. 12.

excitat : prosperitas animum à sui custodiâ & disciplinâ relaxat. & quando incautis illa non fuit ad disciplinam, quod ignis ad ceram, quod solis radius ad niuem vel glaciem? Sapiens David, sapiens Salomon fuit, sed blindientibus nimis secundis rebus alter ex parte, alter ex toto desipuit. Magnus qui incidens in aduersâ, non excidit vel parum à sapientiâ. Nec minor, cui præsens felicitas si arrisit, non irrisit. Tribulatio & CRUX æternæ beatitudinis prognosticon & arrha quædam est, succitius temporalium futuræ damnationis non leue indicium. Nam sicut fulgur tonitrua portat, ita prosperitas supplicia sempiterna prænuntiat. *Si cui in terrenarum affluentia rerum felicitas arridere capita videtur, eo ipso infelicior est, quò vehementius ipsam pro felicitate amplectitur infelicitatem, aut magis immergitur ei, & absorbetur ab eâ. Quid nunc de his duobus affirmas? vtrum maius existimas munus? CRUCE vix malè quis vtitur, prosperitate vix quisquam benè.

Bernardus
Senenf.
Serm. 23.
in Fer. 5.
post Dom.
2. Quad.
att. 3. c. 3.
*Bernard.
Serm. 111.
in *salm.
Qui habi-
tat.

Suso in
Dialogo
ætern. sap.
cap. 13.

Profectò, aiebat Staurophila, si æterna meditemur, vt par est, excellentius donum est tribulatio, & ampliori dignum gratitudine. Rectè respondisti, inquiebat Christus: nam si Astronomorum omnium prædita esses scientiâ; si tam copiosè & eleganter posses de Deo dicere ac eloqui, quàm cuncta & Angelorum
&

& hominum lingue, si denique sola eâ effeser-
 ditione luculenter instructa, quot simul tota
 litteratorum atque Doctorum omnium fre-
 quentia, non tibi isthæc omnia tantum conser-
 rent ad vitæ pietatem ac sanctitatem, quàm si
 in quibuslibet afflictionibus tuis Deo te per-
 mittere ac resignare possis. Illa namque bonis
 malisq; communia sunt; hoc verò non nisi ele-
 ctorum est. O si quis iusto posset perpendere iu-
 dicio tempus & eternitatem! mallet ille pro-
 fectò vel centum annis in ardenti iacere cami-
 no, quàm vel minimâ leuissimæ afflictionis ca-
 rere mercede in calis æternum percipiendâ. Il-
 lud namque finem habet: istud nullo clauditur
 termino. Et ideò licet centū quis annis Deum
 supplex adoret, haud tamen dignas ei gratias
 agere posset pro minimâ tribulatione à Domino
 immisâ. Et mirandum profectò est, quòd sub
 pedibus electorum omnes lapides non vertan-
 tur in spinas in capita illorum insilientes, adeò
 ineffabilia bona erunt, quæ breuissimo suo labo-
 re consequentur. Quis vinqum, inquiebat
 Sturoplila, vel animo concepisset, tantum
 boni sub CRUCE latitare, tantumque mellis
 propinandum pro modico fellis?

Sed illud præterea animum nonnihil sol-
 licitat, num satis sit diuinæ bonitati pro im-
 missis calamitatibus gratias habere, an verò
 & iis habendæ, quorum improbitate, odio,

Anto. He-
 martius in
 Spec. per-
 sect. c. 10.

& maleuolentiâ CRVCES in nos deriuantur ?

Matth. 5,
44.

Miror, inquit Christus, cur hîc hæreas, si modò Scripturas legeris ; an non disertè in Euangelio prolocutus sum : *Diligite inimicos vestros, benefacite his qui oderunt vos, & orate pro persequentibus & calumniantibus vos?* Si diligendi inimici, consequenter & dilectionis signa exhibenda : *Probatio enim dilectionis, exhibitio est operis.* Benefacere autem, & orare pro persequentibus, non tam gratias agere quàm referre est. Nónne in CRVCE pro ipsis crucifixoribus meis orauit,

Gregor.
Hom. 30.
in Euang.

Luc. 23, 34

dicens : *Pater, dimitte illis, non enim sciunt quid faciunt?* In quo me & protomartyr Stephanus, & Apostolus Iacobus imitati sunt. Quæ autem maior gratiarum actio esse queat, quàm in ipsâ morte orare pro illis qui eam inferunt ?

Excellentissimè, inquit Staurophila, hic virtutis gradus ! non solùm non malefacere, non male velle malefactori, sed etiam ex ipsâ iniuriâ occasionem accipere benefaciendi ! Nescio autem quomodo ad eam vel aspirare tandem potero.

Aliorum saltem, inquit Christus, te excitent exempla : neque enim difficile est imitari, quod ab aliis tibi quæ similibus gestum cognoueris. Non meministi quid de Philosophi cuiusdam discipulo celebratum legatur ?

tur? Peccauerat hic, & indulgentiam petebat: sed concedere eam Philosophus noluit, nisi triennio toto esset cum damnatis, qui metalla in flumine deponunt. Deinde voluit, ut aliis tribus annis mercedem daret, qui iniurijs & conuitiis eum afflixissent. Completâ autem hac poenitentia, dixit ei Philosophus: *Veni nunc in ciuitatem Atheniensem, ut illic sapientiam possis discere.* Erat autem ibi quidam Senex sapientie studiosus, & sedebat ad portam, omnesq; ingredienti-
tes experiendi causâ conuitijs affligebat: qui cum idem iuueni ingredienti faceret, ille exorto cachinno risit. Cui Senex ait: *Quid est hoc, quod agis? ego te iniurior, & turides?* Cui iuuenis ait: *Et non vis ut rideam, cum tribus annis mercedem dederim, ut hoc paterer, quod hodie à te gratis patior?* Tunc Senex dixit ei: *Ingredere ergo ciuitatem, quia dignus es.* Hoc autem solebat Abbas Ioannes referre, & his ipse addebat, dicens: *Hæc est porta Dei, per quam Patres nostri per multas tribulationes & iniurias gaudentes ingressi sunt ciuitatem Dei.* Sed iuuerit & alios huius virtutis cultores oculis objicere, ne arduitate operis, & raritate sic operantium te forsan excuses. Gloriosus martyr Cyprianus capitis damnatus, spiculatori à Diaconis suis aureos viginti quinque numerari iussit. Alexander

Ruffin. in
Vit. Pat.
lib. 3. n. 84.

Baron.
Tom. 2.
anno 261.
num. 30.

Sophron.
in Plat.
spirit. c. 34.

Gregor.
Hom. 35.
in Euang

Leont. in
Vitâ, apud
Sarium
Tom. I.

xander Patriarcha Ierosolymitanus Notarium habuit, qui aurum ei furripuit. Is postea captus fuit: sed pius Patriarcha eum octoginta quinque numismatibus redemit. Quo reuerso ita pie misericorditerq; usus est, ut quidam ex urbis habitatoribus dixerit aliquando, nihil esse utilius, quàm in Alexandrum peccare. Stephanus Abbas tantæ erat patientiæ, ut eum sibi amicum crederet, qui sibi molestiæ aliquid irrogasset. Reddebat contumeliis gratis. Si quod in ipsâ suâ inopiâ damnum fuisset illatum, hoc maximum lucrum putabat. Omnes suos aduersarios nihil aliud quàm adiutores aestimabat. Lepidum porro est quod de Ioanne Eleëmofynario litteris commendatum est. Caupo erat, qui multis iniuriis & contumeliis affecerat iuuenem hunc sancto sanguine iunctum. Iuuenis apud Episcopum grauitè conqueritur, Episcopus ut iuuenis animum mitigaret, Itane, inquit, auius fuit te vel verbo violare? Faciam in eorem, quâ tota Alexandria mirabitur. Moxq; vocato ad se vectigalium magistro, iubet ut nihil amplius vectigalis, aut aliquod aliud Ecclesiæ debitum ab illo caupone exigat, sed ut immunem illum ab omni solutione, quæ quidem ipsi vel Ecclesiæ eius deberetur, relinquat. Hoc videlicet eius factum tota Alexandria mirata est.

Viro-

Virorum hæc sunt, aiebat Staurophila, in paucis fortium : quos & feminas aliquando ex Dei gratiâ amulatas facile crediderim. Nam de beatâ Lydvvinâ Batauâ virgine Ser. in Vitâ Tom. 2. cap. 1. proditum accepi, eam contumeliis & conuiitiis à furenti feminâ proscissam, nullo modo fuisse commotam. Cum illa deinde & in faciem eius scēdissimè exspueret, & ei moribus ac maledictis, tamquam vim passâ, concitaret, mitissima virgo in patientiâ suâ animam possidebat. *Malefscium verò beneficio compensare volens, clam ei munusculū transmissit; dicebatq; suis: Illis ego debere me fateor, qui viam mandatorum Dei, quorum plenitudo dilectio est, me currere compellunt.* Theresia Acta Canoniz. relat. 2. art. 6. quoque, notissimæ sanctitatis virgo, hos ardentius amabat, Deoque precibus commendabat crebrius, quos sibi aduersarios & maximè inimicos cognouerat, quibus etiam non rarò beneficia impendebat: vt Episcopus quidam dicere solet, non esse praesentius medium ad sanctæ illius heroidis amorem conciliandum, quàm iniuriâ eam vel damno afficere.

Hæc cum ipsa scias, filia, subiebat Christus, quid est quòd antea ambigebas? Inde, Domine, aiebat Staurophila, quòd memorix non occurrerent, & præceptum de diligendis inimicis in Euangelio traditum, adeò

exi-

eximium semper putauerim, vt paucissimi illud, & vix impleuerint. Est id quidem, aiebat Christus, magnæ perfectionis, quæ ipsa tamen & in veteri lege præscripta. Quid

Exod. 23, 4 enim est illud? *Si occurreris boui inimici tui, aut asino erranti, reduc ad eum. Si videris asinum odientis te iacere sub onere, non pertransibis, sed subleuabis cum eo.* Quid, quæso, tibi voluit Salomon, cum diceret: *Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & Dominus reddet tibi?*

Mirum, subdebat Staurophila, in illâ lege, quæ nihil ad perfectum adduxit, tantam perfectionem legi & præscribi. Cui Christus: Virtutum celsitudinem haud facile assequitur infirmus animus, & passionum suarum caligine obnubilatus. Tu verò ad summa semper annitere, & ab iniuriarum memoriâ tum demum perfectè te curatam intellige, non cum pro eo qui te contristauit oraueris, non cum illum muneribus affeceris, non cum ad mensam tuam eum perduxeris: sed cum, cognitâ illius aliquâ calamitate, siue corporali siue spiritali, quasi ipsa eam perpeffa fueris, ita te ad dolorem atque lacrymari perspexeris.

Climacus
Grad. 9.

Hei mihi Domine, inquiebat Staurophila, quàm longè sum ab hac perfectione! Et quando eò perueniam, quò tot Sancti & Sanctæ

Sanctæ suis exemplis viam strauere? Noli
desperare, aiebat Christus, *nec tuis te viribus* Gregor.
hoc implere posse confidas: sed obtine precibus, Hom. 35.
in Euang.
ut ipse hoc qui imperat, præstet. Quia peten-
tes libenter exaudit, quando hoc petitur lar-
giri, quod iubet. Neque verò te deiicere San-
ctorum præstantissima exempla, aut pusilla-
nimem reddere debent; illa siquidem in alte-
ro è duobus te optimè erudient; aut enim imi-
tationem sanctæ formæ excitabunt: aut ad tui-
ipsius agnitionem, & eius, quæ in te est fragi-
litas, demonstrationem per beatissimam hu-
militatem te conuertent. Crede mihi, filia,
magna imperfectio est, suam non ferre im-
perfectionem; & impatientiam ostendere,
quia minùs sis patiens. Nam & hoc æquo
animo tolerandum, donec ad altiora, Spiri-
tu sancto aspirante, promouearis. Interim
studium & laborem huc adferre oportet.

Climac.
Gradu 26.



Mihi abſit gloriari niſi in CRVCE Dñi
noſtri IEſv CHRISTI. *Gal. 6, 14.*



*Non onus eſt, ſed honos; non dedecus, at decus inq̃es:
Tecum vel minimam CHRISTE tuliffe CRVCEM.*

CAPVT XVII.

Vt in CRUCE gloriandum.

Mihi absit gloriari nisi in CRUCE Domini nostri Iesu Christi. *Gal. 4, 14.*

*Non onus est, sed honos; non dedecus, at decus ingens,
Tecum vel minimam Christe tulisse CRUCEM.*



ORONIDEM salutaribus monitis tandem imponere volens Christus, Vnum hoc, inquit, superest Staurophila, firmissimè tibi vt persuadeas, summam dignitatem, summam gloriam, summum honorem in eo situm, vt mecum & pro me baiules tibi CRUCEM. *Quid enim gloriosius, quàm mihi tanta & tam dura pro vobis passo, vicem reddere? plagas plagis, probra probris, cruorem cruori rependere? An non honor habetur seruo, si ex eodem bibat calice, ex quo Rex & Dominus? Fit hoc, cum tribulationis calicem, à me prius exhaustum, aliis quoque bibendum trado. Vnde Apostolis illis, confessum ad dexteram*

*Tertull.
lib. de Resurrect.
carnis.*

R

vel

vel finiftram meam ambientibus, dicebam :

Matth. 20, 23. *Calicem quidem meum bibetis ; infinuans magni amoris , & æterna hereditatis eſſe ſignum , Thom. à Villâ nouâ conſortes eos hic facere calicis & paſſionis meæ.*
Conc. de S. Iacob.

Philipp. 1, 29. Intellexerunt optimè hanc dignitatem Petrus & Paulus , quorum hic ait : *Vobis donatum eſt pro Chriſto , non ſolum vt in illum credatis , ſed vt etiam pro illo patiamini.* Ille vero : *Communicantes Chriſti paſſionibus gaude- dete , vt & in reuelatione gloriæ eius gaudeatis exultantes.* Si exprobramini in nomine Chriſti , beati critis , quoniam quod eſt honoris , gloriæ & virtutis Dei , & qui eſt eius ſpiritus ſuper vos requieſcit. Hic nimirum potiſſimus qui in hac vitâ haberi poteſt honor , & in hoc tibi, Staurophila, gloriandum.

Cui illa : Hoc docuiſti me, Domine ; nihil per oſtentionem aut vanam gloriam facere , imò adrepentem , & comitis inſtar ſe bono operi adiungentem prorſus reiſcere ; Quomodo igitur in CRVCE gloriabor ? Cui Dominus : Gloriam quærere, aut aduentitiâ delectari, prohibui equidem, quia vtrumque malum : omnem tamen gloriam non exclu- ſi, tantum vt qui gloriatur , in Domino gloriatur.

Quid autem eſt in Domino gloriari ? ro- gabat Staurophila. Illud nimirum, reſpon- debat Chriſtus, non ſeipſum commendare, ſed

2. Corinth. 10, 17.
Cornel. in 2. ad Co- rinth. 10, 17

sed à Domino commendationem & appro-
bationem expectare, ita vt illi, cuius patien-
tia donum est, illa ipsa accepta feratur, illi
omnis gloria adscribatur, ad illius laudem
& gloriam omnia dirigantur. *Omnis gloria* Ps. 44, 14.
filie Regis ab intus, non foris est: hoc est, non Bernard.
in flore sæni, aut in ore vulgi, sed in Domino: Serm. 25.
quòd conscientie solus sit arbiter Deus, cui soli in Cant.
placere desiderat, & cui placere, sola vera &
summa gloria est. Talis enim cum Psalte di-
cit: *Non nobis Domine, non nobis, sed nomini* Ps. 113, 10.
tuo da gloriam.

Gloria tibi, Domine, aiebat Staurophila,
quia erudisti famulam tuam, vt hanc non in
se, sed in te & à te peteret. Sed enim, cum
CRUX tua fuerit turpissimæ mortis suppli-
cium, & ignominie signum, scire aueo, an &
Dominus meus in CRUCE baiulanda potue-
rit gloriari. Cui Christus: Ego, filia, glo-
riam meam non quæsiui, nec hominibus
placere desiderauì: gloriam verò, quæ à so-
lo Deo est, semper quæsiui. CRUCEM tamen,
ne nescias, velut imperij mei insigne prætu-
li, vt Propheta prædixerat: *Cuius principa-* Isa. 9, 6.
tus super humerum eius. Principatus enim Theophyl.
meus erat CRUX, propter quam me Deus ex- in cap. 23.
altauit. Et sicut in signum dignitatis, alij bal- Luc.
theum, alij mitram portant, sic & ego CRU-
CEM. Et sanè si inquiras, inuenies non aliter

me in vobis regnare, nisi per asperitates & CRUCEM, quo fit ut delicioſi inimici ſint CRVCIS. An putas vacare myſterio, quòd ſupplicij mei fuerim geſtator? Non vacat: factum enim id ut lignum CRVCIS in ſcriptum mihi conuerterem poteſtatis, & pulchrâ ſpecie triumphi mei portare trophæum, & inuictæ patientiæ humeris, lignum ſalutis adorandum regnis omnibus inferrem, tamquam & tunc ipſâ operis imagine omnes imitatores meos confirmarem, & dicerem: Qui non accipit CRUCEM ſuam, & ſequitur me, non eſt me dignus. Quid ni ergo grata ignominia CRVCIS ei, qui Crucifixo ingratus non eſt? Nihil glorioſius quàm Chriſti portare opprobrium. unde vox illa prorsus exultationis & ſalutis: Mihi abſit gloriari, niſi in CRUCE Domini mei Ieſu Chriſti.

Verè, inquebat Staurophila, glorioſum omnino CRUCEM portare, nam qui Regibus interuiunt, quàm accepti illis ſint, ex fauoribus & muneribus, ex diuitiis & ſtemmatibus ab iis acceptis facilè apparet. Tui verò, Domine, quàm grati tibi ſint miniſtri, ex impositis manifeſtatur CRVCIBVS. Sic enim nobilitatus Tobias, ab Angelo audiuit: *Quia Tob. 12, 13. acceptus eras Deo, neceſſe fuit ut tentatio probaret te.*

Vtinam ita ſaperent, inquebat Chriſtus,

&

& intelligerent omnes filij hominum: qui dignitates & honores magnâ ambitione quærent, qui diligunt vanitates & insanias falsas. Verè enim terre CRUCEM propter me illustrius est quàm sine Apostolum, siue Doctorem, siue Euangelistam esse. Magna dignitas hæc, & regno quouis ac consulatu maior. Qui diligit & ardet Deum, eligit potius vincula & CRUCEM ferre propter ipsum, quàm celos inhabitare: non ita caput splendidum reddit imposita corona margaritis conspicua, ut catena ferrea & CRUX quæ propter Deum fertur. Potius mihi habetur malè affici pro Deo, quàm honorari à Deo.

Chrysost.
Ho. n. 8.
in Epist.
ad Ephes.

Non omnes, inquit Staurophila, capiunt verbum hoc, sed quibus datum est à Patre. Paradoxam enim hanc Staurosophiam, non caro & sanguis, sed Pater celestis reuelauit. Ita est, respondebat Christus, abcondita sunt hæc à sapientibus & prudentibus, & reuelata paruulis. Nouerat hæc Paulus, paruus in oculis suis, magnus in oculis Dei, qui ait: Libenter gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumelijs, in necessitatibus, in persecutionibus, in angustijs pro Christo: dum enim infirmor, tunc potens sum. Seipsum autè & aliis componens, dicebat: Ministri Christi sunt? plus

Math. 19.

11.

2. Corinth.

11. 9. 10.

Ibid. c. II,
23. 24. 25.

ego. Hanc autem gloriam quibus sibi arroget titulis, quæso, animaduerte. *In laboribus plurimis, in carceribus abundantius, in plagis supra modum, in mortibus frequenter. A Iudeis quinquies quadragenas vnâ minus accipi. Ter virgis cæsus sum, semel lapidatus sum, ter naufragium feci, nocte & die in profundo maris fui.* Ecce hæc illa sunt, in quibus vas illud electionis gloriatur.

Quoties vel audio vel lego hæc, toties, inquietabat Staurophila, prorsus in stuporem ab eo: quis enim non miretur Apostolici pectoris inuictam patientiam, & robur illud animi quouis adamante fortius? Hominem mortalem, Apostolatus sui insignia & velut gentilitia arma recensere, morbos, pericula, ærumnas, famem, sitim, frigus, nuditatem, quæ apud homines prorsus despiciabilia! Quis sapiens, & intelliget hæc? Respondebat Christus: Non id adeò abstrusum, & mundo incognitum. nonne & Gentiles dixerunt: Agere & pati fortia, Romanum est? *Ignis aurum probat, miseria viros fortes. Numquam virtutis molle documentum est. Militares viri gloriantur vulneribus, quia calamitas virtutis occasio est: Dux lætissimos mittit, qui nocturnis hostes aggrediantur insidijs: Præceptores plus laboris ab his exigunt, in quibus certior spes est.* CRVX igitur lætissimos & glorio-

Seneca l.
de Proud.
cap. 5.

riosissimos Dei ostendit milites, & quis non in Domino gloriatur, se hoc numero cen-
 ri? Fuit in hoc censu S. Secunda, *in cuius con-* Breniar.
Roman.
10. Iulij.
spectu cum Index sororem Ruffinam acerrime
virgis iussisset cedi, ita Iudicem interpellauit:
Quid est, quod sororem meam honore, me affi-
cis ignominia? Iube ambas simul cedi, quæ si-
mul Christum confitemur.

Si gloriari oportet, inquiebat Staurophila,
 aut aliquando expediat, vera hæc demum
 gloria, ad Dei gloriam pati, & aliam nullam,
 nisi in Domino quarere. Quis mihi det si-
 milem fieri in gloria Sanctorum; & non glo-
 riari, nisi in CRUCE Domini mei Iesu Chri-
 sti? Tu, ô Domine, gloria mea, tu exultatio
 cordis mei, in te gloriabor, & exultabo totâ
 die: pro me autem nihil, nisi in infirmitati-
 bus meis. Quærant Iudæi, quærant mun- Ioan. 5, 44.
 dani gloriam quæ ab inuicem est: ego hanc
 requiram, quæ à solo Deo est. Veritas mea,
 misericordia mea, gloria mea, Deus meus,
 & omnia, tibi soli laus, honor & gloria, tibi
 soli benedictio, claritas, sapientia, & gratia-
 rum actio in sæcula sæculorum, Amen.

Qui sunt CHRISTI, carnem suam CRVCIFIX-
RVNT cum vitijs et concupiscentijs. Gal. 2, 24.



CHRISTE Deus, CRVCIFIGE meam, CRVCIFIGE
rebellem

Hanc carnem, in vitium ne malefana ruat.

CAPVT XVIII.

Via CRVCIS finis, carnis CRVCI-
FIXIO.

Qui sunt Christi, carnem suam CRV-
CIFIXERVNT cum vitiis & concu-
piscentiis. *Gal. 5, 24.*

*Christe Deus, crucifige meam, crucifige re-
bellem*

Hanc carnem, in vitium ne male sana ruat.



is dictis sermonem iterque se
absoluisse credebat Staurophi-
la: verum occurrens Christus,
Quod felix faustumque, in-
quit, via quidem confecta hac-
tenus, mihi quod altera super sit cura, priore
non paulo difficilior. Quænam hæc? aiebat
illa. an non vniuersam iam absolui Stauro-
pædiam? an non cursum consummaui?
Consummasti, aiebat Christus, vtrumque
cursum, metam tamen non prorsus attingisti.
Quid igitur reliquum? subiiciebat Stauro-
phila. Hoc, respondebat Christus, vt CRVCI,
quam mecum hætenus tulisti, deinceps et-
iam affig. Meæ etenim finis Stauropho-
ria

August.
Enchirid.
cap. 53.

Leo Serm.
19. de Pass.

Bernard.
Epist. 245.
ad Guarin.
Abbat.

riæ hic fuit, vt baiulata tandem affigeret
CRVCI. *Quidquid enim gestum est in CRUCE*
meâ, ita gestum est, vt his rebus non mystice
tantum dictis, sed etiam gestis configuraretur
vita Christiana, quæ hîc geritur. Ibi ergo se
constituat Christianus, quod ego Christus eum
mecum sustuli; & ad id dirigat omnem viam
suam, vbi scit humanam saluatam esse natu-
ram. Ibi, ô Staurophila, fige tui cursus profe-
ctusq; metam, vbi ego posui meam. Factus
enim sum Patri obediens vsque ad mortem,
mortem autem CRVCIS. Quantumlibet er-
go cucurreris, si vsque ad mortem non perue-
neris, brauium non apprehendis. Hoc igitur
feriò etiam agendum, siquidem mea esse ve-
lis. Egône Domine, aiebat Staurophila, tua
esse nolim, cui me totam iam pridem con-
secraui? Tua non sum, bone IESV? Auertat
hoc Deus! non sis qui tuus esse potes
Alterius non sit qui suus esse potest.

Et esse mihi potius non libeat, quàm sine
te esse. *Quid enim ego sine te, nisi palmes*
extra vitem, arbor sine radice, corpus sine
animâ? Tua sum, Domine, tibi adhærere,
bonum mihi & desiderabile.

Psalm. 118,
60.

Generosè, inquiebat Christus, loqueris,
sed si verè, quod dicis, desideras, id facere
necesse est quod meam te verè faciat. *Quid*
illud, Domine? aiebat Staurophila. Parata
sum,

sum, & non sum turbata, ut custodiam mandata tua. Cui Christus: *Meus est, filia, qui tuus non est.* Et Staurophila: *Tuus est, Domine, qui tuus non est? quid hoc est, quæso, ænigmatiſ? An non audiſti, respondebat Christus, Apostolum dicentem: Qui Christi ſunt,* Gal. 5, 24. *carnem ſuam crucifixerunt cum vitijs & concupiſcentijs? Quid enim hoc? niſi quòd meus non ſit, nec ſpiritum meum habeat, cuius non fuerit crucifixa caro. Et an hunc ſuum dixeris, qui pro animi ſui motu membra* Caſſian. *ſua quoquam mouendi vel conuertendi non habet poteſtatem? Suus ergo non eſt, qui crucifixus eſt: qui verò crucifixus eſt, ille verè* lib. 4. c. 35. *meus eſt.*

Congruit ſiquidem deuotioni fidelium, ut qui crucifixi paſſionem celebrant, reprimendarum carnalium voluptatum CRUCEM ſibi ipſi faciant. In hac autem CRUCE per totam iſtam vitam, que in medijs tentationibus ducitur, perpetuò debet pendere Chriſtianus. Hac enim eſt, o Staurophila, hominis vita tranquilla, cum omnes motus eius veritati conſentiunt, & vocantur gaudia, & amores ſancti, & caſti & boni. Si autem conſentiunt, nihilominus dum negligenter reguntur, conſciantur & diſſipant animum, & faciunt vitam miſerrimam, & vocantur perturbationes, & libidines, & concupiſcentia male. De quibus vobis iam præcipitur, Beda in cap. 5. ad Galat. Auguſt. l. 1. contra Manich.

capitur, ut eas cum quanto potestis labore crucifigatis in vobis, donec absorbeatur mors in victoriâ.

Meritò, inquiebat Staurophila, CRVCI adiudicatur

Nazianz.
Carm. 18.
aduersus
Carnem.

Exitiosa caro, mundi labentis amica;

Celesti ac vitæ prælia dura mouens.

Hostis amica caro, blandissima pugna, bonumq;

Infidum, vetitos semper edensq; cibos.

Cænum, massa grauis plumbi, limosa catena:

Bellua pugnaci prodita materiâ.

Rom. 7,
22.

Tecum enim sentio, mi Domine, crucifigatur caro, quæ concupiscit aduersus spiritum. Tolle, tolle, crucifige eam, quæ quotidianum mihi exhibet prælium. *Condelector enim & ego legi Dei secundum interiorem hominem: video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Igitur ego ipsâ mente seruo legi Dei; carne autem legi peccati. Infelix ego homo, quis me liberabit de corpore mortis huius?*

Responderebat Christus: Libertatem hanc carnis adferet crucifixio, si nimirum mortificare didiceris membra tua quæ sunt super terram; in his enim vitia & concupiscentiæ resident. Cùm adeò necessaria, aiebat Staurophila, hæc crucifixio, ne molestum, quæso, sit, paulò clariùs eam ancillæ tuæ exponere.

Audi

Audi igitur, aiebat Christus, Duo sunt CRVCIS genera, vnum corporale, aliud spirituale. August. Serm. 20. de Sanctis.
 Vnum à potu atque epulis temperare, appetitum gula à delectationibus coërcere, ab his, quæ per tactum & gustum, visumq; decipiunt, sensum viriliter reuocare, ac violenter abstrahe-
 re. Alterum CRVCIS genus est pretiosius ac sublimius, motus animi regere, & perturbationes illius modestiæ tranquillitate placare, ira ac superbia impetus quasi feram bestiam refranare, litigare quotidie contra vitia sua, increpare se quadam censurâ austeritatis, & rixam quodammodò cum homine interiore conferere. Pretiosa enim in conspectu Domini, & gloriosa CRVCX, cogitationes malas in potestatem redigere, voluntates proprias abnegare, easq; regentis imperio subiugare.

Aliquantò iam meliùs capio, aiebat Staurophila, spiritualement hanc carnis crucifixionem: verum, vt equidem arbitror, non fit illa sine clauis, quare de illis quoque nonnihil instrui velim. Rectè mones, aiebat Christus, sunt enim clauis spirituales, quibus patibulo CRVCIS affigatur caro. An non Reginus Vates dixit: *Confige clauis à timore tuo carnes meas, à iudicys enim tuis timui? Configat carnes timor Domini, & iudiciorum eius, & seruituti redigat. Quòd si carnes istæ reijciunt clauos diuini timoris, haud dubiè dicitur:* Psal. xix. sic legit Ambros. August. & alij. Ambr. in illu locum.

Non

- Gen. 6, 3. *Non permanebit spiritus meus in his hominibus, quoniam carnes sunt. Nisi igitur affigantur CRVCI hæ carnes, & configantur clavis à timore Domini, non permanebit in his spiritus Dei. Qui autem configitur, mortificatur ut peccato deficiat, Deo vivat. Habet & clauum suum charitas, felix qui eo mernerit transigi. Valida est ut mors charitas, durus sicut inferi, zelus. Non te ergo offendat duritia clauorum, quia est duritia charitatis: nec validus clauorum rigor, quia valida est etiam charitas, sicut mors. Charitas sicut mortis ictus interimit. His clavis charitatis configatur anima, configatur & caro, ut & ipsa dicat, quia vulnerata charitate ego sum. Optimi, aiebat Staurophila, hi clavi, quibus ad optatam peruenitur libertatem! dulces clavi, qui carnem cruciant, animam lætificant! suaues clavi, qui carnem mortificant, spiritum viuificant! Verum quis maleus eos mihi infiget? Cui Christus: Numquid non verba mea quasi malleus conterens petram? Verbum Domini clauos timoris & amoris facile tibi infiget, ut ad illicita deinceps non mouearis. Viuus est enim sermo Dei & efficax, & penetrabilior omni gladio ancipiti, pertingens usque ad diuisionem anime ac spiritus, compagum quoque ac medullarum. Utinam Domine, inquebat Staurophila,*

rophila, hoc malleo transfigas clavis tuis car-
nem meam ! vtinam timoris clauo pedes,
amoris clauo manus ita CRVCI affigas, vt
imaginem mortis tuæ in carne meâ expri-
mens, membra mea non ampliùs fiant ar- Rom. 6, 13
ma iniquitatis peccato !



Mihi mundus CRVCIFIXVS est, et ego
mundo: *Gal. 6, 14.*



CRVX mihi mundus, ego CRVX illi: mortua viuo
Illi, quæ pro me mortua vita fuit.

CAPVT XIX.

Vt mundus crucifigendus.

Mihi mundus CRVCIFIXVS est, &
ego mundo. *Gal. 6, 14.*

CRVX mihi mundus, ego CRVX illi: mortua
vivo
Illi, quæ pro me mortua vita fuit.



ONVM, aiebat Christus, hoc
tuum, ô Staurophila, votum,
sed præter carnem & aliud et-
iamnum restat crucifigendū.
Dic, obsecro Domine, aiebat
Staurophila, quidnam illud? Mundus, in-
quiebat Christus, & quidquid ad illum per-
tinet. Sicut enim me exaltato in CRVCE do-
lores obtinuerunt habitatores Philisthym, &
tunc conturbati sunt principes Edom, sic non
aliter timebunt te demones, nec aliter tremor
tuus veniet super eos, nisi videant in te CRV-
CEM meam, nisi & tu potueris dicere, Mihi
mundus crucifixus est, & ego mundo. Talem
enim oportet esse Christianum, & hanc vocem
semper habere in ore. Nihil hac mortificatione
felicius. Hoc est beatæ vitæ fundamentum. Si

Origenes
Homil. 6.
in Exod.

Chrysost.
in cap. 6.
Epist. ad
Galar.

ita Domine, inquiebat Staurophila, oportet fieri, iam duo erunt in CRVCE vnâ, & non ego tantum, sed & mundus mecum CRVCI affigendus. Non tibi mirum hoc videatur, aiebat Christus, nam dum ego *visibiliter in carne CRVCIFIXVS sum, inuisibiliter quoque in eadem CRVCE diabolus cum principatibus suis & potestatibus affixus est CRVCI, tunc quod erat contrarium vobis* (vt Paulus ait) *tuli de medio affigens CRVCI meæ, exuens principatus, & potestates traduxi, liberè triumphans eas in ligno CRVCIS. Duplex ergo ratio CRVCIS; vna illa quâ ego crucifixus vobis reliqui exemplum; & hæc secunda, quâ CRVX illa trophæum diaboli fuit, in quo & crucifixus est, & triumphatus. Ad eandem formam duo contraria tibi sunt crucifigenda, tu ipsa nempe mundo, & mundus tibi.*

Origenes
Hom. 8. in
Iosue.

Intricatius hoc mihi videtur, inquiebat Staurophila, quàm vt capere queam. Elucidabo igitur, aiebat Christus: *Mundo crucifigeris tunc, cum veniens princeps huius mundi in te non inuenit quidquam: & tibi mundus crucifigitur, cum peccati concupiscentias non recipis. Amor CRVCIS meæ vitam, mundi verò amor parit mortem: inuicem ergo sibi moriantur, & mundus tibi, & tu mundo. Mundum autem intellige, non calum neque terram, sed res temporarias, laudem ex hominibus,*

Ambr. in
cap. 6. ad
Galat.

Chrysost.
in cap. 6.
ad Galat.

bus, famulitium, gloriam, opes; hæc & omnia
 qua vulgo videntur esse magnifica, tibi sint
 mortua, & tu vicissim illis. Nec illa te ca-
 piant, aut manibus iniectis captivum ducant,
 neque illorum cupidine tenearis. Vtinam, ô
 Saluator mundi, aiebat Staurophila, mundus
 cum flore suo & sæcularibus desideriis in
 corde meo ita exarescat, vt penitus mihi mo-
 riat, & crucifigatur; nihil vt illius concu-
 piscam, nihil illius me delectet, nihil illius in
 me viuat! Respondit Christus: Et quando
 tibi crucifigeretur mundus, nisi pro te crucifi-
 geretur, per quem factus est mundus? Sine
 me, filia, nihil potes, in me autem potes om-
 nia. Certissimum autem hoc adiutorium
 quod tibi in me, & per me est, satis insinua-
 uit Apostolus, dicens: *Mihi autem absit glo-*
riari nisi in CRUCE Domini nostri Iesu Chri-
sti, per quem mihi mundus CRUCIFIXVS est,
& ego mundo. Obserua Staurophila, & ex-
 pende illud, per quem mihi mundus crucifi-
 xus, hoc enim non poterat Paulus ex se, sed
 tantummodò per me. Subijciebat rursus
 Staurophila: Et ego Domine de abundan-
 tiâ gratiæ tuæ iam dicere mihi posse videor:
Mihi mundus crucifixus est. Omnia enim quæ
mundus amat, delectatio carnis, honores, diui-
tiæ, vana hominum laudes, CRUX mihi sunt.
Si autem mihi mundus crucifixus est, scio quia

August. de
 Verb. Apo-
 stoli.

Gal. 6, 14.

Bernard.
 Serm. 7. de
 Quadrag.
 Anselm. in
 cap. 6. ad
 Galat.

mortuus est. Non diligo eum, scio quia præterit. Non concupisco eum, scio quia corruptela consumetur. Eum proinde quasi fætidum vito, quasi lutum caueo, quasi nociturum relinquo. Benè id quidem, aiebat Christus, & non ad insipientiam tibi: sed bonum quoque ad vltiora te extendere, vt non tantum mundus tibi sit crucifixus, sed & tu mundo. Quid autem hoc? nisi vt talem te exhibere studeas, vt à mundo quasi mortua concupisci nō possis: & sicuti mundi gloriam non quæris, ita nec mundi gloria te quærat, sed velut foetens ab eo contemnaris? Plerumque autem contingit, vt iam homo mundum mente non teneat, sed tamen mundus eum occupationibus astringat. Et ipse quidem mundo iam mortuus est, sed ipsi mundus adhuc mortuus non est. Quasi enim viuus adhuc mundus eum conspicit, dum alijs intentum, suis actibus aliò rapere contendit. Inuehitur in similes Apostolus, cū ait: Si mortui estis cum Christo ab elementis huius mundi, quid adhuc tamquam viuentes in mundo decernitis? Qui mundo mortuus est, quid adhuc negotiis mundi se implicat? Cū non modò mortuum in corde tuo mundum mortuis relinquere debeat sæcularibus, sed talis insuper esse, vt etiam iis que mundus reputat CRVCEM, illis affixus sit, illis adhæreat, illa toto amplectatur affectu.

Sub-

Anselm. ci.
tato loco.

Coloss. 2,
20.

Bernard.
loc. cit.

Sublimis, inquiebat Staurophila, & Apostolica prorsus eminentiæ hic gradus est, quem Paulum designasse putauerim, cum dixit: *Tamquam purgamenta huius mundi facti sumus, omnium peripsema usque adhuc.* 1. Corinth. 4. 13.
Tales scilicet mundanorum reputatione erant, ut totus mundus, illis sublatis, omnimodâ sorde videretur purgatus, adeò denique superflui & immundi, atque hominum vsui inutiles, velut peripsema, siue purgamentum ferri, vel corium pomi, quod vndique aufertur, ut ipsum pomum dulcius comedatur. Ita est, mea Staurophila, subiiciebat Christus, non Apostoli dumtaxat, sed & vniuersi qui mihi seruire voluerint, mundo sunt despiciabiles, quorum hæc iam olim ad Deum lamentatio: *Miserere nostri Domine, miserere nostri, quia multum repleti sumus despectione. Quia multum repleta est anima nostra, opprobrium abundantibus, & despectio superbis.* Verùm, quod omnes seruos meos consolari debet, exiturus de hoc mundo ad Patrem præmonui & præmuniui eos, dicens: *Si mundus vos odit, scitote quia me priorem vobis odio habuit. Si de mundo fuissetis, mundus quod suum erat diligeret: quia verò de mundo non estis, sed ego elegi vos de mundo, propterea odit vos mundus.* Ioan. 15. 18.

Quàm bonum, Domine, aiebat Staurophila, & quàm iucundum immundû hunc

mundum, qui tuos odio habet, perfecto odio odisse! Quàm utile hunc tibi crucifigere, illique vicissim crucifigi! sed vnum hoc te obsecro, efficacem vt suggeras rationem, quâ incitata validius id velim & valeam.

August. 2.
de Trin.

Subiecit mox Christus: *In quantum Dei sapientiam, per quam facta sunt omnia, spiritaliter intelligis, in tantum carnalibus affectibus moreris, vt mortuum tibi hunc mundum deputans, ipsa huic mundo moriaris, & dicas: Mihi mundus crucifixus est, & ego mundo. Nemo enim faciem, id est, manifestationem ipsius diuinæ sapientia potest videre, & viuere. Ipsa enim est species, quæ rapit omnem animam rationalem desiderio sui, tantò ardentior, tantò mundior: & tantò mundior, tantò ad spiritalia resurgentem: tantò autem ad spiritalia resurgentem, tantò à carnalibus morientem. Atque hæc, vt arbitror, satis ad confirmandum te, ne conformeris huic sæculo, aut illius quidquam requiras. Vtique satis, aiebat Staurophila, nihil enim iam in mundo mihi placet, non ille me tenet, nihil illius teneo. Quidquid ille conferre potest, non me delectat adeptum, non contristat ademptum, vnicum hoc mihi votum, ô Amor meus! tibi adhærere, tibi vniri.*

CAPVT XX.

Cum Crucifixo simul crucifigi oportet.

Christo confixus sum CRVCI.

Galat. 2, 19.

*En meus est CRVCI FIXVS Amor ! me figite
clauī :*

Et liceat Domino cum moriente mori.



URGENS porrò Staurophila, & cœptum continuans sermonem, ista subiunxit: Cùm toto corde te desiderem, ô dilecte votorum meorum, & iugiter ad te suspirem. Quid, quæso, est quod te hacenus, prout volui, inuenire non valui? *In Cant. 3, 1.* lectulo enim meo per noctes quæsiui quem diligit anima mea, quæsiui illum, & non inueni. Surrexi, & circuui ciuitatem, per vicos & plateas quæsiui quem diligit anima mea, quæsiui illum, & non inueni. Quid est hoc Domine? vsquequò non datur adherere tibi, tibi coniungi, tibi vniri?

Inde scilicet, aiebat Christus, quòd cùm quæras, non quæras vbi oportet: tu enim me quæris in lectulo, in præsentis vitæ aliquantulà requie, at ego non habito in terrâ sua- *Iob. 28, 13.*

CHRISTO CONFIXUS SUM CRVCI. Gal. 2, 19.



*En meus est CRVCIFIXVS Amor: me figite clau:
Et liceat Domino cum moriente mori.*

uiter vinentium. Tu quæris per vicos & plateas ciuitatis, sed ego non in foro, non in publico, non in angulis reperior ciuitatis. Tu quæris in mundo, sed ego non sum de hoc mundo. Si carnem crucifixisti cum vitiis & concupiscentiis, si mundus tibi iam crucifixus, & tu mundo, & nihil iam aliud quære-
re quàm quod me delectat, ascende ad montem myrrhæ, ad montem Caluariæ, ibi inuenies cubile meum, in quo cubo, in quo requiesco, in meridie charitatis meæ. Ibi inuenies *ferculum Salomonis de lignis Libani*, su-
per omnia enim ligna Cedrorum CRUX mea excelsior. Ibi, veluti *argenteas* inuenies *columnas*, clauos illos, qui terculo CRVCIS me affixerunt. Ibi inuenies diuinæ naturæ meæ *reclinatorium aureum*, & *ascensum purpureum*. Fuit enim CRVCIS illa

Arbor decora & fulgida,

Ornata Regis purpurâ.

Ibi inuenies *mediâ charitate constrata* propter *filias Ierusalem*, medium enim CRVCIS ipse ardentissimâ flagrans charitate occupauit, offerens me in holocaustum diuini amoris igne combustum, vt filias Ierusalem ad me, meumque amorem & imitationem trahe-
rem. Eia igitur, dilecta mea, huc ascende, si quidem mihi desideras adunari. *Sequere me exaltatum à terrâ, vt non solum supra te, sed*

Cant. 3.
Ludouicus
de Ponte
lib. 6. in
Cantic.
exhort. 32.
§. 4.

Venant.
Fortun in
Hymno.

Bernard.
Serm. 4. de
Ascens.

& supra omnem quoque mundum mentis fastigio colloceris, vniuersa quæ in terrâ sunt, deorsum aspiciens, & despiciens, sicut scriptum est: Cernent terram de longè.

Isaia 33.

Niceta
Serronius
in Orat. 42.
Nazianz.

Hoc, aiebat Staurophila, etiam atque etiam desidero. Sed dic, quæso, ancillæ tuæ, quanam ratione non solum corporeo, sed etiam spirituali modo quispiam CRUCEM conscendat? Nimirum, inquit Christus, cum per ærumnas & afflictiones supra res terrenas asurgit, ac tentationes carni dolorem inurentes, velut quosdam clauos lubenter excipit, ut beatæ vitæ dulcedinem afferentes. Clauus enim pedes manusque penetrans, clauis est cælum referans, portasque aperiens æternales. Vtinam Domine, aiebat Staurophila, conclauari & configi tibi possim, ut æternæ salutis suauitate perfruar! Huc CRUX, & clauis te ducent, aiebat Christus. Vide autem an non ipsa crucifixi hoc insinuet figura & situs.

Basil Homil. de Baptisim.

Quemadmodum enim qui crucifigitur mortis subiectus condemnationi, ab illis disiungitur, cum quibus aliquando vitæ commercium habuit, sublimior iam illis, qui in terrâ adhuc repunt factus: ita & qui mecum crucifigitur, ab omnibus in vniuersum, qui secundum hoc sæculum viuunt, ab alienatus est, & sublatâ iam mente, ad caelestem conuersationem exaltatus, verè & cum fiduciâ dicere poterit, Nostra conuer-

uersatio in calis est. Reuerà enim qui patibulo CRVCIS affixus est, non iam præsentia contemplatur, nec de suis affectionibus cogitat, non pro die crastino sollicitudine curat, distenditur, nullà possidendi concupiscentià permouetur, nullà superbià, nullà contentione, nullà amulatione succenditur, non de præsentibus dolet iniurijs, non præteritarum iam recordatur, sed cum adhuc spirat in corpore cunctis elementis credit esse defunctum, illuc præmittens sui cordis intuitum, quò se non dubitat illicò transiturum: ita te quoque timore & amore Domini crucifixam, oportet non solum carnalibus vitijs, verum etiam ipsis elementis mortuam, illuc habere oculos anima defixos, quò te sperare debes momentis singulis migraturam.

Domine, aiebat Staurophula, quid mihi est in celo, & à te quid volui super terram? Amo te Amor meus Crucifixæ, amo amorem illum tuum, quo configi clavis voluisti, ut qui cumque amat, frui iam liberè amore possit; illiusq; inherere, & castis satiari amplexibus. Eueniat hoc mihi! sed neque satior amplexibus, ita auarus omnis amor est, nisi me totam sensero eisdem amoris clavis Amori meo configam; ut nulla nos vis, tempestas nulla separare possit.

Quàm nunc sapis, charissima! inquit Christus, quàm diuina hæc tua vota! non

Cassian.
lib. 4. c. 35.

Ps. 72, 25.

Carolus
Scrib. in
Amor di-
uin. parte 2.
cap. 8.

caro

caro & sanguis reuelauit tibi, sed spiritus Patris mei, qui in cælis est. Eodem repletus & Gal. 2, 19. Paulus, dicebat: *Christo confixus sum CRVCI: viuo autem iam non ego, viuit verò in me Christus*. Animaduerte hic vt *ecstasim faciat diuinus amor*, amatores suo statu dimouet, & *sui iuris esse non sinit, sed in ea qua amant penitus transfert*. Ecstaticus hic meus erga vos amor ita me rapuit, meipsum vt pro vobis exinaniuerim, formam serui accipiens, in similitudinem hominum factus, & habitu inuentus vt homo, & tandem etiam pro hominibus crucifixus. Sic & Paulus cum diuino amore flagraret, excessiue illius virtutis particeps factus: *Viuo, inquit, iam non ego, viuit verò in me Christus; tamquam verus amator, mentis excessum patiens. Vide autem exactam vitæ rationem, ac beatam illam animam admirare*. Quoniam enim seipsum mihi, & CRVCI totum præbuerat, & ad meam voluntatem omnia faciebat, non dixit, *Viuo Christo; sed, quod longè maius est, dixit, Viuit verò in me Christus*.

Admirari satis nequeo, aiebat Staurophila, quo modo dicat Viuo, &, Non ego viuo, sed in me viuit Christus; quasi enim hæc contraria sunt, Viuo & Non viuo. Non capis hoc? inquiebat Christus: lucem adferat hæc similitudo. Surculus aliquis naturali excisus

Dionys.
Arcopag.
de Diuin.
nom. c. 4.

Dionys.
loc. citat.

Chrysost.
in Epist. 2.
ad Galat.

excisus arbore, alteriq; insitus, priori illi omnino mortuus, in alterâ illâ, cui insertus est, tantum viuit, & ab illâ succum & vigorem omnem trahit: non secus qui mihi & arbori CRVCIS inseritur, priori, quâ mundo viuebat, vitæ extinctus succum gratiæ & virtutis à me solo fugit, & nouâ vitâ viuit in me. Habebat ita Paulus vitam, non quidem in se, sed in me. Viuebat, inquam, non tam ipse in se ipso, quàm in me, & ego in illo. Nam qui mundo mortuus *manet in charitate, in Deo manet, & Deus in eo.* Non viuebat in Paulo natura, non concupiscentia, non voluntas propria; sed tantum ego, qui gratiâ meâ quasi animâ & virtutibus, tamquam potentiarum motibus, cum ad omne bonum agebam & impellebam.

Quàm hoc, ô Domine, aiebat Staurophila, gloriosum! Næ ego felix omnino fuerim, si idem gratiæ tuæ munere mihi contingat! Hoc, ô Domine, votorum summa meorum, hoc æstuantis animæ meæ desiderium! Insere me tibi, ô arbor vitæ, vt moriar mihi, & viuam in te. Transfige me clavis tuis, & tibi, CRVCIQVE tuæ strictissimo annecte vinculo, numquâ dissoluendo. Etenim in CRUCE

Dulce mihi tecum viuere, dulce mori.

O liceat tantum, Amor meus crucifixe! Da hoc amanti, qui vocare dignatus es fugientem,

Philipp. 1.
21.
Chrysoft.
in Epist. ad
Philipp.

tem, inuitare repugnantem, alligere nolentem. Nunc, ô Sponse sanguinum, quod antè tantopere reformidabam, *mihi* pati cibum, crucifigi voluptas, *viuere Christus est, & mori lucrum*. Nam *etiam moriendo non moriar, eò quòd Te Vitam habeo in meipso*. Suspendium hoc elegit anima mea, non quo moriar, sed viuam. Nam quì moriar vitæ meæ pro me crucifixæ coniuncta? Quid in me, quæso, mors iuris haberet, quæ

Breuiar.
Rom. Fe-
sto Exalt.
Crucis.

1. Corinth.
15. 55.

————— *mortua tunc est,
In ligno quando mortua vita fuit?*

Vbi est ergo nunc mors victoria tua? vbi est mors stimulus tuus? Non timeo illum, si tu mortua. Sed ô vita animæ meæ! ô anima vitæ meæ! si tu moreris, libenter etiam tecum moriar. Quomodo enim viuam sine vitâ, sine animâ? Age igitur

Scriban.
Amor. di-
uin. part. 2.
cap. 9.

1. Cor. 6,
17.

Si iam fortè mori tibi stat sententia, Christe, CRVX ferat vna duos, mors ferat vna duos.


Imò non iam duos, sed vnum ex duobus coadunatum. *Qui adheret Deo*, inquit Apostolus, *vnus cum eo spiritus efficitur*. Quid ergo qui tibi, ô dilecte, clauis connectitur? O vnicum bonum meum! æterna veritas, IESV mi! vni me tibi in veritate, nec diuellar à te in æternum. O! liceat in hoc amoris lecto cum dilecto viuere, cum Amore meo mori,
cum

cum rediuiuâ vitâ meâ reuifcere, & reuiuifcere in nouitate vitæ gloriofæ.

Dicebat hæc CRVCI affixa, dilecto suo innixa & innexa Staurophila, iamque Amori suo immoriens, vltimum pænè exhalabat spiritum.

Delectatus autem languentis Sponsæ fuæ amore Christus, ita sermonem concludit: Eia columba mea, iam totius Stauropadix culmen tenes, metam nunc attingisti, brauium accipies. Mihi hæcenus compatiens, mecum iam conglorificaberis; mecum mortua, mecum viuificaberis; heres Dei, & coheres mihi futura regni caelestis. *Nam vt me, qui me humiliari factus obediens vsque ad mortem, mortem autem CRVCIS, Deus exaltauit, & donauit nomen quod est super omne nomen, ita & omnes eos qui mihi compatiuntur, & passionis meæ imitantur exemplum, Deus mecum exaltat in gloriâ.* Hæc namque VIA est, quam coheredibus meis, vt exaltentur, aperui. Hæc VIA quæ ducit ad vitam, & regnum æternum.

Origenes
lib. 7. in
Epist. ad
Rom.



ARGVMENTVM

LIBRI TERTII.

CAP. I.
& II.

III.

IV.

V.

Vitam quæ faciat beatiorem,
Christo Iudice, Christiane, CRVX est
Arbor nobilis & decora valdè,
Nulli germine, fronde, flore nulli,
Nulli multiplici secunda fructu :
 Nam CRVX crimina tollit expiatque,
 CRVX discrimina criminumque tollit,
 Clausa limina cordium recludit.

Et quisquam potes hanc vocare duram?
Mœstam, difficilem, dolore plenam?
Non est, credito, Christiane, non est ;
Credatur licet. Vtilis, iucunda,
Honestæ, & tolerabilis volenti est.

Hæc est quæ dubijs spei tenacem
Anchoram tribuit natanti in undis.
Hæc sed, heu ! premit, inquis, exprimitque
Sudoris mihi defluentis imbres,
Largos purpurei cruoris imbres.

Ohe ! nil metuas, suavis vna
Hic sanguis Domino merum propinat,

Et

Et merum Domini tibi propinat.

CRVX quid non facit? illa cordis adem

VI.

Deo construit & sacrat supremo.

Quid? quòd CRVX quoque fabricet co-

VII. &

ronam,

VIII.

Pulchram, perpetuam, bonam coronam.

Ecquid ampliùs hisce iam requiras?

Deo iungere tene concupiscis?

IX.

Aude: te satis efficace vinclo

Numini bona CRVX, tibi que Numen

Adstringet socium. O beate! quidnam

Jam tuis poterit deesse votis?

Seu iunet celeri celo ce calum

X.

Seu curru petere: vna CRVX vtrumque,

XI.

Et nauem tibi præstat, atque currum.

Quin scalas tibi malleumque præstat,

XII. &

XIII.

Illis ut supera Sionis arcem

Scandas, impete fortiore ut isto

Occlusi quatiens fores Olympi

Portas ingrediare sempiternas.

Felix o CRVCIBVS referta vita

Vitam quæ tribuit beatior em!

REGIÆ VIAE CRVCIS LIBER TERTIVS.

De bairlata CRVCIS fructibus.

PRÆLOQVIVM.

Math. 7,
14.



RECTA est VIA qua ducit ad vitam. Non vnus in CRVCIS semitâ occurrit cruciatus; pluribus illa anfractibus, laboribus ac periculis obsepta est, vt mirum minimè sit, si pauci eam ad finem vsque perambulent. Fatendum interim, tot vitæ spiritualis præsidia, tot pietatis adminicula, tot prærogatiuas atque emolumenta in eadem inueniri, vt qui accuratè illa voluerit expendere, faciliè omnem, quæ deterrene alias poterat, superaturus sit difficultatem. Fructuum nempe spes amplissima laboris mitigat minuitque magnitudinem; quantumque hic reuocat, tantum illa ad CRVCIS am-

REGIÆ VIÆ CRVCIS LIB. III. 291
amplexum, & suscepti itineris continuatio-
nem prouocat.

Intellexit hoc dilecta Deo anima, quæ di-
cebat: *Ascendam in palmam, & apprehen-* Cant. 7, 8.
dam fructus eius. Quid enim hoc? nisi, vt-
cumque asper & scabrosus sit palmæ cau-
dex, quia tamen fructum habet dulcissi-
mum, intrepida ascendam, vincamque quid-
quid durum, vt optatis tandem fruar fructi-
bus. Minuitur enim *ascendentis labor, dum* Hugo de
fructus in arbore sentitur odor; difficultatemq; S. Victore
ascensus aufert dulcedo gustus. Palma est Chri- l. 1. Instit.
stus, fructus eius salus; spes salutis in ligno Monast.
CRVCIS. Et verò ipse Christus formam ser- de bestiis
ui accipiens, acerbissimam CRVCIS mortem c. 23.
subire non dubitauit, eiusq; altitudines dolo- Phil. Car-
rum omnium & cruciatuum, ignominie atque path. in
dedecoris, non modò vicit, verum etiam ama- c. 7. Cant.
biles reddidit, & gloriosas planeq; caelestes &
salutares. Hinc Paulus egregius ille prædicator
& doctor in CRVCIS ignominia & passione
gloriatur, cum dicit: *Mihi absit gloriari nisi* Gal. 6, 14.
in CRUCE Domini nostri Iesu Christi. Hinc
reliqui Apostoli, & ceteri fideles omnes, labo-
rum premia consecuti sunt, & consequuntur.
In hac vnâ tentamenta omnia & erumnarum
tormina sedantur atque vincuntur: per hanc
animi perturbationes & vulnera, vel lethalia,
feliciſimè curantur.

Sed quòd absconditi vulgo sint hi fructus, hinc scilicet est quòd tarde adedò ad CRVCIS iter accingamur. Optima enim quæque natura celat, nec eorum pretium primâ fronte apparet. Aurum, argentum, rariora marmora terræ visceribus altè abstrusa iacent, vt nec eruta quidem aliam quàm vilis glebæ referant speciem. Vniones, gemmæ, lapides pretiosi partim in conchylibus & limacibus, partim in bufonibus, & id genus inamœnis reperiuntur bestiolis; primoque aspectu despiciabilia apparent. Pleraque aromata rudibus integuntur corticibus; at verò quàm intus hæc pulchra, pretiosa, & efficacia! Talis quoque CRVX, afflictio, & tribulatio; aspera prorsus & horrida est, absque eo quod intrinsecus latet: id verò nisi periti rerum æstimatores aperiant, quid mirum si magno eam studio passim & fugiant & auersentur ignari? Qui autem absconditum in eâ agnoscunt thesaurû, nã illi vel maxime amant & amplectuntur. E cælo accersamus testimonium: Magnum illud Baticæ decus Teresîa, à morte cuidam gloriosa apparens, affirmavit, se nullam ob rem luculentiorẽ in cælo recepisse mercedem, quàm ob labores, CRVCES, & dolores hic exantlatos; seque, si vllâ ex causâ in terram optaret redire, non aliâ, mortalem hanc vitam cælestibus præ-

Ribera l. 5.
Vit. S. Te-
ref. c. 4.

po-

posituram gaudiis, quàm vt ampliùs pate-
retur. Maximi proinde momenti ad CRV-
CIS iter ritè emetiendum fuerit, hæc aliaque
attentiùs confiderare & expendere.

Non defuit hac in parte Staurophilæ no-
stræ suauissimus ductor, doctorque CRVCIS
Christus. Oblatis enim toto itinere variis
occasionibus, modò hunc modò illum
CRVCIS explicabat fructum, vt ita & ala-
criùs viam capesseret, &, quod ex fatigatio-
ne suboriri solet, tædium animosiùs supera-
ret. *Sunt enim qui in studijs spiritualibus fa-* Bernard.
tigati: & versi in teporem, atque in defectu Sermon. 32.
quodam spiritus positi, ambulant tristes VIAS in Cant.
DOMINI, corde arente & tædente, accedunt
ad iniunctum CRVCIS OMNIS, frequenter mur-
murant, longos dies, longas conqueruntur &
noctes, loquentes cum S. Iob: Si dormiero, di- Iob. 7. 4.
cam, Quando consurgam? & rursum exspe-
ctabo vesperam. Ergo ubi contingit tale ali-
quid pati, si misertus Dominus appropiet no-
bis in VIA quâ ambulamus, & incipiat loqui de
calo qui de calo est; nec non fauorabile quid-
piam cantare nobis de canticis Sion, narrare et-
iam de ciuitate Dei, de pace ciuitatis, de eter-
nitæ pacis, de statu eternitatis, erit pro vehi-
culo animæ dormitanti & pigritanti leta nar-
ratio, ita vt pellat omne fastidium ab animo au-
diæntis, & à corpore fatigationem. An tibi

*aliud vel pati vel petere ille videtur, qui ait :
 Psal. 118, Dormitauit anima mea præ tædio, confirma me
 28. in verbis tuis ?*

Chrysoft.
 Hom. 4.
 ad Pop.
 Antioch.

Verba autem vitæ æternæ, & mellitissimas
 consolationes Staurophilæ in viâ suggestas
 tertio hoc Libro seorsim describemus: vt ita
 de CRUCE, velut ligno vitæ, fructus spiritua-
 les, & iustitiæ manipulos colligere discamus.
 Sic enim agricola letatur & gaudet tempesta-
 tem videns. Non enim præsentia respicit, sed
 futura; non respicit fulmina, sed manipulos
 computat; non marcescentia semina, sed ver-
 nantes spicas; non grauem imbrem, sed iucun-
 dissimam areæ ventilationem: sic & nos non
 præsentem spectemus afflictionem, sed orien-
 tem ex ipsâ utilitatem, exq; ipsâ nascentem
 fructum. Expectemus aream & manipulos, &
 non modo nihil graue ex præsentī CRUCE pa-
 tiemur, sed & innumera bona capiemus.



CAPVT PRIMVM.

CRVX *seruat à lapsu, vincit tentationes.*

Verbum CRVCIS ijs qui salui fiunt,
Dei Virtus est. 1. *Corinth. 1, 18.*

*Ne labar, CRVCIS hic fragiles labor atterit
artus,
Nam CRVCE malo premi, crimine quàm
perimi.*



IXDVM Staurophila animo res-
soluerat se abnegare, CRVCEM
tollere, Christum sequi; cùm
simul tres validissimi atque va-
terrimi hostes, Mundus, Caro,
Daemon, in eius perniciem coniurarunt. Vni-
cum his erat studium, à stadio CRVCIS Stau-
rophulam reuocare, sæculo reddere, & per
spatiosam viam in æternâ præcipitare dam-
nationem. Et nunc quidem aperto Marte,
nunc ex insidiis aggredi decernunt. Occur-
rebat in viâ collis quidam prominentibus
faxis hinc inde præruptus, non modicam
ascendenti præbens difficultatem: iuxta
hunc in dumeto quodam subdoli se abdide-
rant inimici. Qui vbi grauius ingemiscentem

Verbum CRVCIS, ijs qui salui fiunt,
Dei virtus est. 1. ad Cor. 1, 18.



Ne labor, CRVCIS hic fragiles labor atterit artus,
Nam CRVCE malo premu, crimine quā perimi.

audierunt Staurophilá, opportunè prodeunt,
 & variis technis ad se pertrahere conantur.
 Hinc illecebras suas explicabat mundus, &
 quidquid oculis gratum, dignitates, hono-
 res, titulos, & magna ostentabat nomina:
 inde suauè blandiens caro, voluptates, deli-
 cias, & quidquid sensibus amœnum propo-
 nebat, vt tantò grauior appareret CRVX,
 quantò hæc talia crederentur dulciora. Ist-
 hinc diabolus occultis & fraudulentis sug-
 gestionibus animum incitabat, atque hæc ir-
 ritamenta malorum, quà poterat, ita depin-
 gebat, vt multò etiam appetibilia videren-
 tur. Hærebat inter hæc etiamnum tyro in
 scholâ CRVCIS Staurophila, & quid ageret,
 quid statueret, vix ipsa nouerat. Nam cùm
 tentatoribus his plusculum attenderet, ne-
 que ab eorum lenocinio generosè se expedi-
 ret, prona iam ibat in præcipitium; & rui-
 set planissimè, ni benignissimus IESVS pone-
 eam, ipsò, quod gestabat, CRVCIS ligno re-
 tinuisset, & veluti frano quodam reuocasset
 in viam. Post modicum porrò interuallum,
 quod ei ad se colligendum indulsèrat, ita
 eam affari cœpit:

Agnosce sine, Staurophila, virtutem CRV-
 CIS? ecquid iam tibi videtur? Absque CRV-
 CE fuisset, perieras funditus, hostium tuo-
 rum ludibrium & præda effecta. Quid enim

T 5

in

in præceps ruentem sustinuit, quid reuocauit, nisi sola CRVX? Cui Staurophila: *Misericordias Domini in æternum cantabo. Misericordiæ enim tuæ deputo, bone IESV, quòd mala non perpetrarim, quòd in viâ peccatorum non steterim. Nisi quia Dominus adiuuit me, paulò minùs in inferno habitasset anima mea. Quare confitebor tibi Domine Deus meus in toto corde meo, & glorificabo nomen tuum in æternum. Quia misericordia tua magna est super me, & eruisti animam meam ex inferno inferiori.*

Hem! istud sapere est, inquiebat Christus: & hoc intelligere te volebam; CRVCES, quas immitto, aut flagelli loco, esse cùm peccas, aut fræni ne pecces. Paterna manus est, quæ lapsabundos crebrò verberat vt reuocet; carnificis, quæ tardè, sed semel punit. *Vt medici sanguinem interdum prouidè dimittunt, non quia ager sis, sed ne agrescas: sic Deus per CRVCES quædam adimit, materiem aliàs & fomitem futura vitiorum.* * Quosdam enim præsciens multa peccare posse, flagellat eos infirmitate corporis ne peccent; vt eis vtilius sit frangi languoribus ad salutem, quàm remanere incolumes ad damnationem. * Multi siquidem acceptâ sanitate lasciuiunt. Qui egroti casti erant, sanati adulteri sunt: qui dum egrotarent, neminem ledebant, receptis viribus inua-

Lipf. lib. 1.
de Conf.
cap. 9.

* Isidor
Hisp.
lib. 3. de
Summo
bono c. 3.

* August.
in Psal. 97.

inua-

inuadunt & opprimunt innocentes. O quàm multi sceleratè sani sunt, qui innocenter agrotarent! Vitia reciduntur agritudine. Nimirum siluescit vitis, & in labruscas degenerat, nisi putetur: exorbitat homo, nisi flagelletur. Exclamabat hìc Staurophila: O Domine, refugium factus es nobis, non recedimus à te, bonas. Blandiris, ne fatigemur in viâ: castigas, ne aberremus à viâ. Quid ergo non misericorditer præstatur hominibus à te, Domine, à quo etiam tribulatio, beneficium est? nam res prospera donum est consolantis, res aduersa donum admonentis. Et nuper me cuiusdam amici languor admonuit, optimos esse homines dum infirmi sunt. Quem enim infirmum aut auaritia aut libido sollicitat? non amoribus seruit, non appetit honores, opes negligit. Denique, vt quidam ait:

Luxuriat rarò discruciata caro.

Contrà verò,

Luxuriant animi rebus plerumque secundis:

Nec facile est aquà commoda mente pati.

Quàm verè hæc, aiebat Christus, à te commemorata, tam velim eorum frequentius meminisse, & cùm opus est, in opus conferre. Quò enim instrumentum, si eo non vtaris? quid iuuerit medicina, si eam non sumas? quid proderit culter, si ad scindendum non adhibeatur? *Vtile quiddam est* CRVX

August.
Tract. 7. in
Ioan.
Clem. Ale-
xand. lib. 1.
Pædag.
c. 8.

Aug. Serm.
de Verb.
Dom.

August.
Epist. 37.

Plinius l. 7
Epist. ad
Maxim.

Ouid. l. 2.
de Arte
amandi.

August. in
Psalm. 50.

&c

& tribulatio, vtile Medici ferramentum, contra diaboli tentamentum. sed nisi vtaris, ipsum tibi reddis inutile. Aduersa corporis, remedia sunt animæ. Ægritudo carnem vulnerat, mentem curat: languor vires libidinis frangit. Quid ni igitur vt talia suscipias & amplectaris? Incensâ domo gaudet possessor, si restinguendo igni aqua adferatur: cùm peccati flamma in corde exardescere cœperit, misericorditer Deus tecum agit, si tribulationis aquam largiter super infundat. Væ autem his, qui in tribulatione positi, negligunt vitam emendare, & tam salutari remedio vt ad salutem. Vnde & Scriptura velut mirum quiddam enarrat, quòd ægrotauerit Asa dolore pedum vehementissimo & nec in infirmitate suâ quæsierit Dominum.

2. Paralip.
16, 12.

August. in
Psalm. 93. Agnosco, inquiebat Staurophila, agnosco, Domine, diuitias misericordiæ tuæ. *Voluisti enim filios tuos erudire, & exercere laboribus, vt non essent sine timore, ne amarent aliquid aliud, & obliuiscerentur te verum bonum suum. Bonus es Deus. Si cessares, & non mires amaritudines felicitatibus sæculi, obliuiscerentur tui. Sed vbi angores molestiarum faciunt fructus animæ, fides quæ dormiebat, excitatur: & conuertuntur ad te, auersi à cupiditatibus suis prauis.*

Sed & alium, aiebat Christus, elicere fructum

Etum è CRVCE licet; nimirum eam non frangi tantum loco cohibere à malo, sed ipsos etiam malorum incentores, diabolum tentantem, mundum allicientem, carnem blandientem profligare ac prosternere. CRVX Martial. Episc. Epist. 1. cap. 8.
enim armatura inuicta est contra satanam, galea custodiens caput, lorica protegens pectus, clypeus tela maligni repellens, gladius diabolicas insidias appropinquare nullo modo sinens.
 In solà CRVCE celestis victoria datur. Et verò hac etiam gratià ego CRVCEM Euthym. in cap. 19. Ioannis. *humeris meis tuli, tamquam strenuus Dux lanceam, quā deiecturus eram aduersarium, * vt qui in ligno vincebat, in ligno quoque vinceretur.* * Eccles. in Præfat. de Cruce.
 * *Vt igitur Dux sumptis armis quibus facile se tueri possit, ea dat etiam militibus suis, sic & ego feci, omnibus dicens: Qui vult venire post me, abneget semetipsum, & tollat CRVCEM* * Chrysost. Sermon. 1. de Ieiunio. Matth. 16. 24.
suam, & sequatur me.

Benedictus es Domine Deus meus, inquebat Pf. 143, 1.
 Staurophila, qui doces manus meas ad prælium, & digitos meos ad bellum. Sed obsecro re, num hæc armatura Christiani militis à signo CRVCIS, an à CRVCE viuâ, quæ ipsum reuerà discruciet, sumenda? Cur non ab utroque, aiebat Christus; signum enim CRVCIS contra omnium dæmonum machinamenta validissimum est præsidium. Cyprian. in Sermon. de Pass. Dom.
 Huius signi tanta est auctoritas & potestas, vt
 non

*non solum Israelitica limina muniat, sed etiam ab his, qui Israeliticè non viuunt, solum Sacramenti signum repellat demonia. Nec minus virium habet tribulatio. Vt enim sal carnes à putredine & vermibus præseruat, non secus CRUX & afflictio mentem aduersus spirituales insidias præmunit. Sapiientis animus tolerantia rerum humanarum, contemp-
tione fortuna, virtutibus omnibus vt mœnibus septus, vinci aut expugnari non potest. Nam animus contra calamitates fortis & contumax; luxuriæ non aduersus tantum, sed & infestus est. Et vide, quælo, num huc vltro etiam Sancti mei confugerint, cum blandientis Dominae persentirent illecebras? An non Paulus castigabat corpus suum, & in seruitutem redigebat, ne reprobis efficeretur? An non Benedictus, cum ei versutus dæmon speciem feminæ, quam aliquando viderat, obiecisset, tantoque libidinis igne animum eius accendisset, vt panè de descendenda eremo deliberaret, abiectis ilicò vestibus nudum se in viticas & vepres abiect, & tamdiu in illis se volutauit, donec per cutis vulnera eduxisset vulnus mentis? & vide quo fructu, ex eo tempore, sicut post ipse discipulis perhibebat, ita in eo est tentatio voluptatis edomita, vt tale aliquid deinceps minimè in se senserit. En quid agat tribulatio sponte al-*

Cicero in
Paradoxis.

Senec.
l. 3. Natur.
quaest.
exord.

1. Cor 9,
27.

Greg. l. 2.
Dialog.
cap. 2.

assumpta. Eodem spiritu Bernardus in lacum
 frigidâ tempestate, Franciscus in niues desi-
 liit. Quorsum verò hæc ? nisi quòd externa
 CRVX interiores tentationes vi suâ velut ex-
 cutiat. Nisi igitur apprehenderis baculum
 CRVCIS, improbi canes latrare ac lacerare
 non cessabunt. *Si non uteris undique scuto* Thomas
patientia, non eris diu sine vulnere. Bene est, à Kemp.
 inquiebat Staurophila, abunde est, *Pone me* lib. 3. de
 iam, *Domine, iuxta te, & cuiusvis manus pu-* Imitat.
gnet contra me. Quoniam firmamentum meum Christi
& refugium meum es tu: tu es patientia mea cap. 35.
Domine, spes mea à iuuentute meâ. Iob. 17, 3.
 In CRUCE Psal. 70, 3.
 triumphabo de hostibus meis, & non con-
 uertar donec deficient. O saluberrima
 CRVX quàm utilis nobis es! ô quàm pauci
 agnoscunt potentiam virtutis tuæ!



Pius et misericors est Deus, et remittet in
die tribulationis peccata. *Ecdi 2, 13.*



*Culpa animę vestem maculauit, lauit IESVS
Sanguine, CRUX reliquum pulueris excutit.*

CAPVT II.

CRUX emendat, & emundat à peccatis.

Pius & misericors est Deus, & remittet in die tribulationis peccata.

Eccli. 2, 13.

Culpa anima vestem maculauit, lauit Iesus Sanguine, CRUX reliquum pulueris excutiet.



MENTALEM orationem summo mane Staurophila de more instituebat, atque hoc viatico quotidie munita in viam se dabat. Fuit cum pro argumento expenderet, quanta animarum dignitas, quanta gratiæ pulchritudo, quæ eas velut byssino candenti & splendido decentissimè conuestiret. Deinde considerabat, quanta peccati deformitas, quæ totâ animæ vestem foetidissimo luto & stercore commacularet. Hæc dum in itinere, vt edocta erat, secû subinde ruminaret, alto suspirio ita ingemiscibat: Eheu! quis *emundabit conscientiam meâ* Heb. 9, 14.
ab operibus mortuis? quis abluet à malitiâ cor meum? Utinam deleantur iniquitates meæ, & expurgentur omnia delicta mea!

V

Cum

Cùm Christus ad interiores has voces respondens, Et hæc, inquit, Staurophila, virtus CRVCIS est, vt peccata deleat, conscientiam emundet, stolam animæ abluat, & super niuem etiã dealbet. Agnoscebat hoc prudens illa Sara, quæ Domino dicebat: *In tempore tribulationis peccata dimittis his, qui inuocant te.* An non Ecclesiasticus ait: *Pius & misericors est Deus, & remittet in die tribulationis peccata?* Et: *In die tribulationis commemorabitur tui, & sicut in sereno glacies, soluentur peccata tua.* Atque hinc est quòd opera illa, quibus peccata expiantur, & pro illisdem satisfit, pœnalia dicantur, & vere etiam sint; vt sicut culpæ delectatio æternum Numen offendit, ita voluntaria castigatio aut pœna patienter tolerata, Deum quoque placet ac mitiget.

Concil.
Trident.
sess. 14. c. 9.
& can. 13.

Memini, inquit, Staurophila, hanc doctrinam me alias quoque audiuisse: & magnâ sanè animi voluptate legi ab vniuersali Synodo definitum, *temporalibus flagellis à Deo infligis, & à nobis patienter toleratis, apud Deum Patrem per Iesum Christum satisfieri posse.* O quantum hoc beneficium! quanta afflictorum consolatio! Hoc siquidem pacto qui rite cum CRVCIBVS & tribulationibus suis negotiari nosset, non modicum reportaret lucrum. *Et si enim acerba & gra-*

uis est Dei ira; tamen cum medendi vim habeat, eos, qui ipsam experiuntur, ad bonum provehit. Ita est, inquit Christus, sed rari admodum sunt qui considerent quanti sit muneris molestia corporalis, quæ & admissa peccata diluit, & ea, quæ admitti poterant, compescit. Nam lior vulneris, ut ait Sapiens, abs terget mala: flagellorum dolor vel cogitatas, vel perpetratas nequitias diluit. Hinc viri sancti, quia corruptionis suæ vulnus non sine putredine esse considerant, libenter se sub manum Medici ad sectiones parant, ut aperto vulnere virus peccati exeat, quod sanâ cute intus occidebat. Peccatum enim sanies est; pœna, ferum medicinale. Sicut igitur saniem habens, si non secatur, est in maioribus malis: ita peccans, si non puniatur, omnium miserrimus est. Hoc igitur erat, aiebat Staurophila, quod sibi volebat Ioannes Abbas, qui rogatus ut tertianâ laborantem curaret, respondit ei: *Rem tibi necessariam cupis abijcere. Ut enim corpora nitro, vel alijs huiusmodi lenimentis abluuntur à sordibus, ita animæ languoribus, alysq; huiusmodi castigationibus purificantur.*

Sed, obsecro Domine, quid illud est, quod animæ quædam etiam purgatissimæ vitæ grauius plerumque discrucientur, cum nefas videatur, ut illis noceat aduersitas, quibus nulla dominatur iniquitas? Respondebat

Didym.
apud Damasc. l. 3.
Parallel.
c. 49.
Gregor.
Part. 3. Pastor. Admon. 13.
Prou. 20,
30.

Gregor.
l. 7. Moral.
cap. 7.

Chrysost.
Hom. 6. ad Pop. Ant.

Ruffinus in
Vit. Pat.
lib. 2. c. 1.

Ioan. 15, 2

Laurent.
Iust. Lign.
vit. de Pa-
tient. c. 3.

Psalm. 98, 8.

August. in
Psalm. 98.

Christus: Non legisti quid de Patre meo, cœlesti agricolâ, iam olim dixerim? *Omnem palmitem, qui fert fructum, purgabit eum, ut fructum plus afferat.* Quid autem hæc purgatio, nisi tribulatio & CRUX? *Quod enim flagellum grano, quod lima ferro, quod fornax auro, hoc tribulatio homini iusto.* Purgatur hac, non destruitur: splendeat licet, & velut aurum rutilet, in fornace tamen tribulationis scoria eius excoquenda est. Nam & qui hominibus videntur perfecti, coram Deo suas etiam imperfectiones habent, à quibus eos, misericorditer sæuiens pius Pater, emundat, vindicans scilicet *in omnes adinuentiones eorum.* Considera mihi hîc artifices: illi enim *pleraque faciunt & ostendunt imperitis: & cùm iam iudicauerint imperiti esse perfecti, expoliunt illa artifices, qui nouerunt adhuc quid illis desit, ut mirentur homines tantam expolitionem rebus accessisse, quas iam perfectas pronuntiauerant.* Fit hoc & in edificijs, & in picturis, & in vestibus, & propè in omni genere artium. Primò iudicant illud iam quasi perfectum esse, ut oculi eorum amplius nihil desiderarent. Sed aliud indicat oculus imperitus, aliud indicat artificis regula. Sic & viri sancti versantur ante oculos Dei, tamquam sine culpâ, tamquam perfecti, tamquam Angeli: nouit autem quid illis desit, qui vindicat in omnes

nes affectiones eorum. Vindicat autem non irascens, sed propitius: & ad hoc vindicat ut perficiat cæptum, non ut damnet eiectum. O quam vtiliter, inquiebat Staurophila, hælitauī, quando tam luculenter ignorantia mea instruitur! Verè enim nemo mundus à for-
 dibus. Dum enim per varias actiones vite hu-
 ius sollicitudo distenditur, necesse est de mun-
 dano puluere etiam religiosa corda sordescere.
 Et quis est, Domine, qui non aliquid inquina-
 menti hîc aut ibi contrahat? *Septies cadit*
iustus. & vix etiam laudabili vitæ hominū, si
 absq; misericordiâ Redemptoris iudicetur!

I eo Ser. 4.
 de Quadr.

Prou. 24,
 16.

Benè igitur, aiebat Christus, flagello CRV-
 CIS puluis excutitur, quem ad deformationem
 animæ iniquitas assiduata congeffit, ut exteriori
 vulnere sanetur plaga interior. Purgari il-
 le non vult, qui Dei flagella non admittit.
 Tribulationis virga omnem terrenæ conuer-
 sationis puluerem excutit, ut animæ vestis
 purior nitidiorque euadat.

Blesens.
 Epist. 31.

Mens etenim certa, & puri sibi conscia cordis,
 Hoc plus splendescit, quò magis atteritur.

Prosper
 Epigr. 52.

O quàm præstans, aiebat Staurophila, hoc
 beneficium! Ecquis non ambiat feruentis-
 simis votis, ut CRVCE aliquâ affligatur, ut ita
 animæ vestis expurgetur? Memini enim eie-
 ctum in tenebras exteriores, qui nuptiali ca-
 rebat veste; & in cælestem illam Ierusalem,

Matth. 12,
 11.

Apoc. 21,
27.

Hieron.
Epist. 33.
ad Castrut.

Ezech. 16,
42.

Petr. Dam.
libr. 8.
Epist. 6.

non intraturum aliquid coinquinatum. Ut non minimum, inquebat Christus, hoc beneficium; ita magna ira est, quando peccantibus non irascitur Deus. unde & in Ezechiele ad Ierusalem, Iam, inquit, non irascar tibi, zelus meus recessit à te. Medicus si cessauerit curare, desperat. Laudanda proinde diuina dispensatio, quæ ad hoc suos temporaliter verberat, ut perpetuis eos flagellis abscondat: ad hoc premit, ut eleuet; ad hoc secat, ut sanet; ad hoc deijcit, ut exaltet. Qui enim bona agit, & mala suscipit, quidquid ei iuste retributionis in terrâ subtrahitur, hoc illi in calo multiplicius cumulatur. Porro autem Medici corporum, quos desperant, ad percipienda passim quæ petierint alimenta relaxant: at quos erigendos esse conijciunt, cuncta eis noxiæ delectationis edulia minaciter interdicunt: antidota in super & amara propinant, ut per amaritudinis haustum, ad incolumitatis dulcedinem conualescant. Quid ergo mirum, si Medicus animarum, omnipotens Deus, & quos perpetuæ morti cernit obnoxios, viuere delectabiliter sinat; & quos ad vitam eligit, sub strictâ seueritatis sue lege constringat? Nam & animalia, quæ in proximo mactanda dispenimus, indulgentius victitare permittimus, & largiora illis alimenta prebemus: eorum verò penuriam & maciem paruipendimus, quæ ad usum seminis, & ad propa-

propagandam sobolem reservamus. Vites quoque
& secunda arbores putationibus subiacent, steriles autem, & quæ ignibus sunt tradenda, ramis enagentibus, quò liberius eò diffusus patient. De tuis igitur pressuris atque molestiis gaude, & totis in Domino visceribus gratulare. Quia quò magis affligeris, tantò magis animæ vestis expurgatur & expolitur.

Attollebat hic vocem Staurophila: *O altitudo divitiarum sapientiæ & scientiæ Dei!* Rom. 11. 33.
quàm incomprehensibilia sunt iudicia eius, & inuestigabiles viæ eius! Quis enim non putaret misericorditer agi cum peccatoribus, cum eis parcitur, cum nullâ pœnâ affliguntur? At verò magna misericordiæ iam est, nequitia impunitatem non relinquere, ne cogatur Deus in extremo gehennâ damnare. *O quanta pœna, nulla pœna!* Hoc mirum est, inquit, August. Sermon. 37. de Verbis Domini.
bat Christus, quod in Psalmis legisti: *Non audiuit populus meus vocem meam, Israël non intendit mihi.* Sed quid inde secutum? Psal. 80. 12.
dimisi eos secundum desideria cordis eorum, ibunt in adinventionibus suis. Hoc & illud, quod per alium Prophetam dictum est: *Misereamur impios, & non discet iustitiam.* Isai. 26. 10. Quid enim est hoc, nisi, Si impiis miserearis & parcas, manebunt in suâ impietate, nec convertentur ad iustitiam. Subiecit rursus Staurophila: *Misericordiam hanc ego nolo, Domine, super omnem* Bernard. Sermon. 42. in Cant.

- nem iram miseratio ista, sepiens mihi vias iustitiae. Satiùs profectò mihi iuxta Prophetam*
- Psal. 2, 12.** *consilium apprehendere disciplinam, ne quando irascatur Dominus, & peream de viâ iustâ. Volo irascaris mihi Pater misericordiarum, sed illâ irâ, quâ corrigis denique, non quâ extrudis de viâ: illud mihi tua benigna animaduersio parit, hoc formidolosa nutrit dissimulatio.*
- Hab. 3, 2.** *Cùm enim sentio te iratum, tunc maximè confido propitium: etenim cùm iratus fueris, misericordiae recordaberis. Dicam igitur cum*
- Iob. 6, 10.** *S. Iob, Hec mihi sit consolatio, ut affligens me dolore non parcas. Domine hîc vire, hîc seca, ut in æternum parcas.*
- August.**



CAPVT III.

CRVX oculos mentemque aperit.

Sola vexatio intellectum dabit auditui.

Isa. 28, 19.

Bos ego, corpus ager, CRVX stiuā, colonus
IESVS.

Prò quantos fructus, si bona terra, feret!



SOLITVM CRVCIS iter cum Christo suo Staurophila carpebat: accidit autem vt campum quemdam, in quo agricolæ terram aratro subigebant, transirent. Hic oculorum curiositati nonnihil indulgens Staurophila, boues arantes, colonos stiuam tenentes defixiùs considerabat. Christus ab hoc spectaculo ad interiora eam suauiter reuocans, Vt, inquit, placet tibi hæc aratio, quam non indiligenter videris attendere? Sensit illa, emissitque oculos in se notari: pudore proinde suffusa, hircere non audebat. At benignissimus IESVS modicam hanc noxam dissimulandam potiùs quàm perstringendam ratus, Præbet, inquit, & hoc rusticanum opus, quod te in VIA CRVCIS erudiat; nec frustra illud occurrisse arbitre-

Sola vexatio intellectum dabit
auditui. *Isaie 28, 19.*



Bos ego, corpus ager, CRVX stitua, colonus IESVS.
Pro! quantos fructus, si bona terrâ, feret.

ris. Quid enim similis CRVCI quàm ar-
 trum? nam bonus agricola cùm parat terra so-
 lum vertere, non nisi per signum CRVCIS id
 facere conatur. Dum enim aratro dentale sub-
 jicit, affigit aures. stinam inserit, figuram CRV-
 CIS imitatur. Atque hinc non difficulter eli-
 cies quid in arcano sensu sit aratrum ducere;
 id enim aliud non est, quàm quasi quodam
 compunctionis instrumento, ligno, & ferro
 Dominice Passionis, duriciem sui cordis attere-
 re, atque ad proferendos bonorum operum fru-
 ctus aperire. Est, inquam, vomere CRVCIS
 terram subiecti exterioris edomare. Nam
 quemadmodum terra opus habet ut aretur &
 proscindatur, ita anima fidelis, pro ligone in-
 diget tentationibus & afflictionibus, ne produ-
 cat malas herbas, ut eius emolliatur durities,
 ne nimium offeratur & exiliat. CRVX igitur
 aratrum est, ager ipse homo, agricola Pater
 cælestis.

Vixdum capio, inquiebat Staurophila,
 quid ex aratri huius ductu sperandum com-
 modi. Quamquam enim CRVCES & affli-
 ctiones vomeris instar hominem totum con-
 fendant, quorsum id tamen fiat, aut quo
 fructu, non vsquequaque intelligo. Scio au-
 tem, quòd qui arat, in spe fructus percipiendi
 debeat arare. Dicam apertius, inquiebat
 Christus. Ut aratrum terram aperit, & susci-
 piendo

Maxim.
 Taurin de
 Cruce Do.
 mini Flo-
 mil. 2.

Bedæ c. 41.
 in Luc.

Fausue
 Rhe. iens.
 Epist. 2.
 Tom. 3.
 Biblioth.
 PP.
 Chrysostr.
 Tom. 1. in
 Psal. 125.

1 Corinth.
 9. 10.

piendo femini præparat; non secus CRVX
& tribulatio cor reſerat, ad ſemen diuini
verbi excipiendum, & ad eius veritatem ag-
noſcendam aptum reddit. Quod enim in
proſperitate homines ignorant, id in aduer-
ſitate vel ſerò tandem cognoscunt. An non
legiſti, *Vexatio intellectum dabit auditui?* Vel-
licat enim ſurdaſcentem aurem CRVX, vt
velit nolit attendere cogatur. Proſperitas ve-
rò ſtultorum aggrauat & obturat aures, vt
audire nequeant. Appoſitè igitur de Deo
ſcriptum: *Eripiet de anguſtiâ ſuâ pauperem,
& reuelabit in tribulatione aurem eius.* Quid
autem eſt *aurem in tribulatione reuelare*, niſi
auditum cordis verberum plagis aperire? Cùm
enim præcepta deſpicimus, piâ diſtriçtione no-
biſcum agitur, vt flagella timeamus. *Aurem*
itaque cordis tribulatio aperit, quam ſæpè hu-
ius mundi proſperitas claudit.

Tandem, inquiebat Staurophila, capere
videor, quod antea ignorabam; nempe hoc
eſt quod vulgò dici ſolet, Παθήματα, μαθή-
ματα. *Nocumenta, documenta.* Vnde Croeſius
Cyro dicebat: *Eſi moleſtiam mihi calamitates*
meæ attulerint, eadem tamen mihi doctrina
loco fuerunt.

Felices porrò illi, ſubijciebat Chriſtus, qui
hanc è CRVCE Philoſophiam hauriunt! &
ad paternas Dei caſtigations oculos ape-
rientes,

Iſaie 18,
19.

Iob 36, 15.

Gregor.
l. 26. Mo-
ral. cap. 23.

Herod. l. 1.

rientes, vitam emendant. Raphaëlis moni-^{Tob. 11,}
 tione edoctus Tobias imposito felle, patris^{13.}
 sui oculos serenauit: & in Euangelio legis,
 luto cæcum à natiuitate fuisse illuminatum.^{Ioan. 9, 6.}
 Quid hoc aliud innuit, quàm aduersitatibus^{& seq.}
 & rebus naturâ contrariis mentis lumen re-
 stitui? Hoc est ergo CRUCEM illuminare, ve-
 xationem dare intellectum auditui. Fatetur
 de se id Regius Vates. *Conuersus*, ait, *sum in* ^{Psal. 31, 4.}
arumpâ meâ, dum configitur spina. Benè et- Bernard.
 enim *confixus est, qui conuersus exinde est; be-* ^{Serm. 48.}
nè pungitur, quisquis compungitur. Multi cùm^{in Cant.}
sentiunt spinam, corrigunt culpam. Vis aliud
 exemplum? Magnus ille Babylonis Rex
 Nabuchodonosor Deum non cognoscebat
 cùm diceret: *Nónne hæc est Babylon magna,* ^{Dan. 4, 27}
quam ego edificauit in domum regni, in robore
fortitudinis meæ, & in gloriâ decoris mei? At
 postquam ab hominibus eiectus, cum bestiis
 & feris habitauit, fœnum vt bos comedit,
 & rore cæli corpus eius infectum est; tunc
 tandem oculos ad cælum leuauit, tunc sen-
 sus illi redditus, tunc benedixit Altissimo, &
 agnouit quia non est qui resistat manui eius.
 Impius Manasses & idololatra *sectabatur au-* ^{2 Paralip.}
guria, observabat somnia, maleficis artibus in- ^{c. 33 vsque}
seruebat, multaq. mala operatus fuerat coram ^{ad v. 12.}
Domino, vt irritaret eum: postquam verò
 captus & *vinctus, catenis atque compedibus*
 du-

ductus est in Babylonem, tunc orauit Dominum Deum suum, & egit penitentiam valde Deo patrum suorum. Tunc cognouit quod Dominus ipse esset Deus. Prodigus ille adolescens in se reuerius non est, nisi postquam cœpit egere, filiquas cum porcis vorare, & tantum non fame perire; ita multi bene facere nesciunt, nisi malè illis fiat: malè agunt, nisi malè cum eis agatur.

Baron.
an. Christi
602.

Cæsen. in
Annalib.

Psal. 118,
137.

Næ ille felix dicendus, aiebat Staurophila, cui percutiendo aperiuntur oculi, si antea non videbat. Beatus ille, qui aduersitate illud cognoscit, sine cuius notitia cælo exularet. Aperuit ita oculos, aiebat Christus, Mauritius Imperator, qui immemor Dei vixit, cum millia aliquot innocentium Christianorum à barbaro immanissimè cædi passus est, quos minimo pretio redimere licuisset. At cum ex variis prædictionibus & visionibus manum Domini ad vliscendum agnouit, specimen edidit probatissimi Christiani, conficiens sibi è calice iræ Dei poculum medicina, quod sibi prodesset ad peccatorum purgationem, & perfectam salutem. Ante oculos enim eius, iussu Phocæ Imperatoris, necati sunt quinque eius filij. Tum ille compunctus, alia philosophiâ dixisse fertur: *Influs es Domine, & rectum iudicium tuum. Tandem & ipse Mauritius ultimo loco occisus est, cum se casu superiorem in omni-*

omnibus demonstret. Utinam, inquiebat Staurophila, ita sciperent homines, ac intelligerent, ideo mala aut permitti aut immitti à Deo, ut mali esse desinant! sed *obscuratum* Rom. 1, 27 *est insipiens cor eorum*; non norunt hæc bona ex iis, quæ mala ipsi vocant aut putant, elicere. Tua autem Domine providentia etiam hæc talia ad eorum salutem ordinat.

Hoc est, aiebat Christus, *diligentibus Deum* Rom. 8, 28 *omnia cooperantur in bonum*. Ideò siquidem permittuntur etiam bonis accidere mala, ne summum bonum male deserant, sed ad illud in malis potius recurrant. *Matrum plurima* Chrysost. l. 1. de Prov. uid. Dei. *cum nihil obsecrando proficere se viderint, larvas quasdam, horrosq; segmenta parant, atque ita pueros ad reditum impellunt; persuadentq; ad se iterum recurrere*. Idem & hominibus contingit: quando enim malignus ille dæmon eos perterret, quando ingruit aliqua CRUX vel afflictio, tunc frugi efficiuntur, tunc seipsos agnoscunt, tunc ad Deum omni studio recurrunt.



Auxilium de tribulatione. Psal. 107, 13.



Tuta salutis erę miseram CRVCIS anchora firmet.
Tota vël equoreis naufraga mergor aquis.

CAPVT IV.

CRVX anchora spei, tesserâ salutis.

Auxilium de tribulatione. Psalm. 107, 13.

Tuta salutifera miseram CRVCIS anchora
firmet,
Tota vel æquoreis naufraga mergor aquis.



MBVLANTEM aliquando ad
littus IESVM, ponè cum CRV-
CE sequebatur Staurophila.
Ecce autem sæuior quædam
exorta procella incautam in
mare deiecit. Cumque fluctuum volumini-
bus paulò iam abriperetur longiùs, illacry-
mans exclamabat: *Saluam me fac Deus, quo-* Psalm. 68, 1.
niam intrauerunt aquæ usque ad animam meâ.
Veni in altitudinem maris, & tempestas de- vers. 15.
mersit me. Eripe me, Domine, de luto, ut non vers. 6.
infigar, neque absorbeat me profundum. Cùm
hæc & his similia altâ lugubrique voce que-
reretur, Christus ad eam, Quid est, inquit,
quòd ipsa tibi, quâ licet, non succurras? An
nescis CRVCEM, quam geris, anchoræ tibi lo-
co esse, quâ in mediis etiam fluctibus fir-
mam te reddas ac tutam? Dicebat hæc

X

Chri-

ra firmet
r aquis.

Christus, & simul apprehensâ eius CRVCE, ad terram benè madentem, & tantum non exanimem reduxit.

Post modicum temporis vt ad se rediit, ita eam allocutus est: Animaduertisne, Staurophila, hos aliosque, qui tibi in hoc itinere accidere casus, totidem documenta esse, quæ aut VIAM CRVCIS cautè perambulare, aut virtutem eius multò maximam te edoceant? Ecce enim, quid aliud est præfens sæculum, quàm mare magnum & spatiosum, plenum procellosis voraginibus? Pelagus hoc longè lateque protensum, diuersis peccatis, & variis tentationibus, velut quibusdam fluctibus æstuat. *Mens quippe humana, quot tentationes patitur, tot flatibus mouetur. Hanc enim plerumque ira perturbat. cum recedit ira, succedit inepta letitia. luxuria stimulis vrgetur: æstu auaritia longè lateq; ad ambienda, quæ terrena sunt, tenditur. Aliquando hanc superbia eleuat, aliquando verò inordinatus timor in infimis deponit. Et quàm magnam faciunt tempestatem multitudines cupiditatum, quæ velut in quodam freto corporis nauigantem hinc atque inde perturbant, vt gubernator sui esse animus non possit.*

Horresco, inquiebat Staurophila, auribus oculisque hauriens discrimina & fluctus, cum quibus mihi quotidie luctandum. *Quod enim*

Gregor.
l. 11. Moral. c. 23. in
c. 13. Tob.

Ambros.
Apol. poster. pro
Dauid, c. 3.

CRUCE,
im non

e rediit,
ertisne,
hoc iti-
enta ef-
rambu-
mam te
est præ-
& spa-
ginibus
um, di-
s, velut
s quippi
t flatibus
erturbat.

ia. luxu-
longè la-
enditur.
liquando
ponit. Et
multitu-
dam freto
e pertur-
n possit.
auribus
fluctus,
m. Quod
enim

*enim mare abruptius quam sæculum? tam infis-
dum, tam mobile, tam profundum, tam im-
mundorum spirituum flatibus procellosum.*

Ambros.
Præf. in
4. lib. super
Luc.

Quis autem euadere pericula hæc poterit?
quis emergere de profundis aquarum, de la-
cu miseriæ, & de luto faciis? Neque ego, aie-
bat Christus, fidere huic pelago te velim.

*Noli credere, noli esse securus. Licet in modum
stagni fufum æquor arrideat, licet vix summa
iacentis elementi spiritu terga crissentur, ma-
gnos hic campus montes habet. Intus inclu-
sum est periculum, intus est hostis. In illo æstu,
charybdis luxuriæ salutem rotat. Ibi ore vir-
gineo, ad perpetranda naufragia, scylla seu re-
nidens libido blanditur. Hic barbarum littus,
hic diabolus pirata, cum socijs portat vincula
capiendis.*

Hieron.
Epist. 1. ad
Heliod.

Sed enim, aiebat Staurophila, doce, quæso,
benignissime IESV, vt me in hisce fluctibus
dirigam. Docuit te, inquiebat Christus, Apo-
stolus meus Paulus, cum diceret: *Fortissi-
mum solatium habemus, qui confugimus ad te-
nendam propositam spem: quam sicut ancho-
ram habemus animæ tutam ac firmam. Quem
admodum enim de naui quæ in anchoris est, re-
cte dicimus quod iam in terrâ sit, adhuc tamen
fluctuat, sed in terrâ quodammodo educta est
contra ventos, & contra tempestates; sic con-
tra tentationes huius peregrinationis nostræ*

Hebr. 6,
18.

August. in
Psalm. 64.

Anton.
Balingh. in
Soopa-
diâ, tit. Ad-
uersitas.

spes nostra fundata, facit nos non abripi in saxa. Nec melior anchora salutari CRUCE, quæ ipsam suâ figurâ manifestè repræsentat. Echinus Marinus, quem fluctus vehementiores ad terram deuoluere, violenterque allidere solent, periculi metuens, vt vitæ suæ prouideat, spinis, quibus totus inuolutus est, minuiorem aliquem calculum colligit, vt eo se quodammodò libret stabilitque contra procellas, ne earum vi in siccum propellatur. Idem & te facere oportet. Sæuiant venti, exurgant procellæ, non tibi, sed Deo adiutori tuo innitere. Me veram petram & lapidem angularem tolle, illique firmâ spe inhæreas, & nulla te deiiciet tempestas. Dic

FC 71, 28.

Philipp. 1,
19.

cum Prophetâ: Mihi autem adhærere Deo bonum est, ponere in Domino Deo spem meam. Inhærebat huic anchoræ tribulationibus undique cinctus S. Paulus, Scio, inquit, quia hoc mihi proueniet ad salutem, per vestram orationem, & subministrationem Spiritus Iesu Christi, secundum expectationem & spem meam, quia in nullo confundar: sed in omni fiducia, sicut semper, & nunc magnificabitur Christus in corpore meo, siue per vitam, siue per mortem.

Sed & hoc euidentiùs intelligere velim, aiebat Staurophila, quî CRUX mihi futura anchora spei, aut quomodo in tantâ salutis in-

incertitudine tribulatio labantem animum
ita fulciat, vt certam beatitudinis concipiat
fiduciam. Num ignoras, aiebat Christus, tri-
bulationem prædestinationis esse symbolū?

*Tribulatio symbolū
prædestinationis.*

CRUCEM, arrham salutis, & æternæ beatitu-
dinis tesseram? *Quem enim Deus diligit, per
aqua, per iniqua, per fluxus & refluxus perdu-
cit ad portum.* Et quemcumque potioribus do-
nis exornare sublimiterq; transformare decre-
uerit, eum non blandè & molliter lauare, sed

Lipfius
Centur.
miscel.
Blos. Instit.
Spir. c. 8.
S. 3.

totum in mare amaritudinis immergere con-
suevit. Quo autem fructu? nisi illo, de quo

Sara dicebat: *Hoc pro certo habet, omnis qui* Tob. 3, 21.

*te colit (ô Deus!) quod vita eius, si in probatio-
ne fuerit, coronabitur: quia post tempestatem,
tranquillum facis; & post lacrymationem &
fletum, exultationem infundis.* Apertius dixit

n. b. h. w.

Apostolus: *Si quid patimini propter iustitiam,* 1. Petr. 3,
beati. Hac est enim gratia, si propter Dei con- 14.
scientiam sustinet quis tristitias, patiens iniu- 1. Petr. 2,
stè. Et quid clariùs, quàm quod ipse in Euan-

gelio dicebam: *Beati qui persecutionem pa-* Matth. 5,
tiantur propter iustitiam, quoniam ipsorum 10.

est regnum celorum. Certa itaque atque secu- Leo Ser. 9.
ra est expectatio promissæ beatitudinis, ubi de Quadr.

est participatio Dominicæ CRUCIS. Qui enim
compatitur, & conglorificabitur. O amplif-
simum, aiebat Staurophila, spei fulcrum! ô
quantum auxilium in tribulatione! Non

aded CRVX affligere deinceps poterit, quàm
 expectatio æternæ salutis consolari. Tu au-
 tem Domine, qui *dominaris potestati maris,*
 & *motum fluctuum eius mitigas,* gubernâ me
 in hoc æquore, ne peream in fluctibus. Vnco
 CRVCIS retrahere me ab hoc pelago ad te sola-
 men vnicum, quem à longè (quasi stellam ma-
 tutinam & Solem iustitiæ) vix lacrymanti-
 bus oculis in littore celestis patriæ me exspe-
 ctantem video. Exaudi Deus salutaris noster,
 spes omnium finium terræ, & in mari longè. In
 mari turbulento versor; tu in littore stans,
 aspicias pericula nostra: saluam me fac propter
 nomen tuum. Da, Domine, inter scyllam & cha-
 rybdim ita tendere, & tenere medium, ut vitro-
 que periculo evitato, secûra perveniam ad
 portum.

Pf 88, 10.

August. in
Soliloq.

P sal. 61, 6.



CAPVT V.

EX CRUCE vinum spirituale.

In mundo pressuram habebitis.

Ioan. 10, 33.

*Si graue formides CRVCIS hoc torcular acerba,
Eia age, dulce bibas, quod fluit inde, merum.*



VTVMNVS erat, & vuis colligen-
dis aut vino torculari expri-
mendo passim exercebantur a-
gricola. Non poterat id non
frequenter in oculos mentem-

que Staurophila incurrere: nam quaquauer-
sus pergeret, vindemiam cernere erat. Com-
moda hæc Christo visa occasio, vt more suo
fructum aliquem CRVCIS discipula aperir-
ret. Ita proinde inquit: Non est, mihi crede
Staurophila, quod tribulationis emolumen-
ta luculentiùs repræsentet, quàm hæc botro-
rum, quam cernis, in torculari expressio,
idque velim non indiligenter abs te consi-
derari, ne sub pressurâ CRVCIS animo defi-
cias.

Volupe mihi erit, aiebat illa, audire hoc
mysterium, neque iniucundum fore sermo-
nem suspicor de vino, quod latificat Deum Iudic. 9, 13.

In mundo pressuram habebitis. Ioan. 16, 33.



*Si graue formides CRVCIS hoc torcular acerbe,
Eia age, dulce bibas quod fluit inde merum.*

& homines. Mixta erit, inquit Christus, oratio, siue, vt ita dicam, suauis-amara; dulcedinem enim propinabit vinum, at pressuram & afflictionem exprimet torcular. *Qualis qualis fuerit,* aiebat Staurophila, grata erit; quia à sacro tuo ore, & de re saluberrimà; quare tota iam audire gestio.

Principio, aiebat Christus, illud aduerte- August. in
Psalm. 83.
re te velim, quid agatur in visibilibus torcularibus, & hoc ipsum spiritualiter agi in hominibus videbis. *Vua certè pendet in vitibus, & oliua in arboribus,* pro his enim fructibus solent torcularia preparari. *Et quamdiu pendet in frutetis suis, tamquam libero aëre perfruuntur: & nec oliua oleum est, nec vua vinum ante pressuram.* Sic sunt *& homines,* quos Rom. 8, 29
prædestinavit Deus conformes fieri imaginis Filij sui, qui præcipuè in passione magnus botrus expressus est. Huiusmodi ergo homines, antequam accedant ad seruitutem Dei, fruuntur in hoc saculo, tamquam deliciosâ libertate, velut vua, aut oliua pendentes. Sed quoniam dictum est: *Fili, accedens ad seruitutem* Eccli. 2, 1.
Dei, sta in timore, & prepara animam tuam ad tentationem; accedens quisque ad seruitutem Dei, ad torcularia venisse se cognoscat, contribulabitur, conteretur, comprimetur, non vt in hoc saculo pereat, sed vt in apothecas Dei defluat. Exuitur carnalium desideriorum in-

tegumentis, quasi vinacijs. Vnde Paulus ait:
 Coloss. 3, 9 *Exuite vos veterem hominem cum actibus
 suis, & induite nouum. Hoc totum non fit nisi
 de pressurâ, propterea torcularia nominantur.
 In pressuris constituti ad hoc conteruntur, vt
 amorem, quo ferebantur in ista mundana, se-
 cularia, fluxa, peritura exuentes, passi in eis in
 hac vitâ tormenta, & tribulationes pressura-
 rum, & abundantiam tentationum, incipiant
 Psal. 9, 10. querere illam quietem, quæ non est de hac vi-
 tâ, & sit Dominus refugium pauperi: & in hac
 pressurâ defluit vinum, defluit oleum, quæ
 sunt bona desideria.*

August. in
 Psalm. 55.

Desidero, aiebat Staurophila, ô deside-
 rium & satietas cordis mei, prælo CRVCIS
 quanta quanta sum comprimi, vt bona desi-
 deria de bono corde exprimantur. Scio enim
 quia in torculari fructuosa pressura est. vna in
 vite pressuram non sentit, integra videtur, sed
 nihil inde manat: mittitur in torcular, calca-
 tur, premitur, iniuria videtur fieri vne, sed
 ista iniuria sterilis non est, imo si nulla iniu-
 ria accederet, sterilis remaneret. Rectè dixisti,
 aiebat Christus: botrus enim quamdiu in
 vite pendet, nec in vini saporem liquatur,
 cui utilis est? putrescet sensim, aut à volucris
 cæli comedetur. Si verò in torculari pre-
 matur, vinum defluit, & in cellarijs recon-
 ditur. CRVCIS pondere hic premi, tribula-
 tio-

tionibus oportet fatigari, vt anima tamquam vinum in æterna tabernacula mereatur recondi. Erras profectò, Staurophila, erras, si cogites te integram & non probe contusam, peruenturam ad cælum. *Miserere mei Domine*, clamabat Dauid, *quoniam conculcauit me homo*. Dic & tu idem cum illo: sed noli timere, quia conculcauit te homo, vinum habeto; *rua facta es, vt calceris*. * *Vt enim botri vineæ calcati ac pressi latissimum liquorem vini suo agricolæ atque vinitori effundunt: sic viri Dei iusti ac sancti diris cruciatibus atque pressuris hominum, botrorum instar, afflicti ac torti, per victoriam salutarem cultori Deo, mihiq; celestem letitiam de se pariunt ac promunt.*

Psal. 55. 1.

August. in
Psal. 55.* Philo.
Carpath.
in cap. 7.
Cant.

Non reformido calcari, reponebat Staurophila, modò cælestibus recipiar vasis. O quàm gloriosum erit premi! quàm dulce cruciari! modò efficiar vinum suauissimum, dignum Dilecto meo ad potandum, labijsq; & *dentibus illius ad ruminandum*. Sitit enim anima mea refocillare sitim æstuantissimæ animæ tuæ, Domine IESV, nostri amore languide. Meritò tu quidem id feceris, inquietabat Christus, debitum enim id meo in te amor. Et ingrata prorsus fueris, anantisque nomine parum digna, si gratiam referre negligas. Quanti enim mihi scietit, vt sponsæ
meæ

Cant. 7. 9.

Isai. 63, 3. *meæ vinum optimum propinarem? Torcular enim calcaui solus, & aspersus est sanguis super vestimenta mea, & omnia indumenta*
 Cant. 1, 13. *mea inquinavi. Ego botrus Cypri, in vineis Engaddi, botrus Terræ promissionis è CRVCIS*
 Zach. 9, 17. *naui. Hoc vinum germinans virgines, * ma-*
 * Esther 1, *gnificentiâ regiâ dignum, * vinum verè cor*
 7. *hominis latificans, vt qui illud biberit, non*
 * Psal. 103, *immeritò exclamet: Calix tuus inebrians*
 15. *quàm præclarus est! Magnum proinde non*
 Psal. 22, 5. *erit, si vt vicem mihi reddas, & ipsa velut*
 vua matura in torculari conculceris, vt de-
 August. in *fluente vino potes dilectum animæ tuæ. Præ-*
 Psalm. 55. *para igitur te ad pressuras, sed noli esse arida,*
ne de pressurâ nihil exeat.



CAPVT VI.

CRVCE homo fit templum Dei.

Nescitis quia templum Dei estis, &
Spiritus Dei habitat in vobis?

1. Corinth. 3, 16.


*Inspice, & adifica mihi tale in pectore tem-
plum,*

Quale tibi in molli CRVX mea signat humo.



o pulcherrimi cuiusdam tem-
pli occursum nonnihil subsi-
stens Staurophila, ædificij ma-
gnitudinem, structuræ sym-
metriam, aliaque similia ac-
curatius contemplabatur. Et paulò confidē-
tior effecta, Christo dicebat : *Magister, qualis* Marc. 13, 1
structura ! & quales lapides ! Cui Christus,
Opportunè, inquit, me ducis ad sacram
hanc ædem, quæ interioris templi in ani-
mâ Deo exstruendi typum suggerit. Nam &
hoc CRVCIS baiulatione perficitur, vt ani-
ma velut sanctissimum quoddam taberna-
culum diuinæ Maiestatî consecratur. Stu-
pens ad hæc Staurophila, Egône, inquiebat,
Deo templum ex me & in me construam?
Quid hoc quæso mysterij ? Respondebat
Chri-

Nescitis quia templum Dei estis, et
Spiritus Dei habitat in vobis. 1 Cor. 3, 16.



*Inspice, et ædifica mihi tale in pectore templum,
Quale tibi in molli CRVX mea signat humo.*

Christus: Tu quidē, ō Staurophila, *sublimi in domo habitas, quæ à Deo tibi fabricata est: corpus hoc dico, quod sic cōpegit, quod sic aptavit, quod sic ornavit & ordinavit, ut gloriose in eo & delectabiliter habitares. Sed & ipsi corpori domum fecit excelsam, aptissimam & decoram, dico autem sensibilem dico & inhabitabilem mundum. Nonne ergo indignum reputas, ut tibi ipse fecerit domum, tu verò ei templum edificare dissimules? Propterea iam ne dederis, ō filia, somnum oculis tuis, & palpebris tuis dormitationem, donec inuenias locum Domino, tabernaculum Deo Iacob.*

Bernard.
Serm. 2. de
Dedicat.
Eccles.

Psal. 131, 4

Sed, inquit Staurophila, ubi inuenitur huius edificij locus, aut quis poterit esse architectus? neque enim Altissimus in manufactis habitat. Quod ergo edificabo templum ei, qui dicit, & verè dicit: Cælum & terram ego impleo? Quid? respondebat Christus. An non legisti, Ego & Pater veniemus, & mansionem faciemus. Iam ergo ubi preparanda sit domus Dei facilè colligis: quoniam non capit eum, nisi imago sua. Anima capax illius est, quæ mirum ad eius imaginem est creata. Propter quod iam festina, adorna thalamum tuum, quoniam complacuit Domino in te, & terra tua inhabitabitur. Exulta satis filia Sion, habitabit in te Deus tuus. Illa admirans, ait: Et unde hoc mihi, ut veniat Maiestas Domini mei

Bern. ibid.

Ierem. 23,
24.

Ioan. 14,
23.

Isaia 62, 4.
Zach. 9, 9.

Luce 1.

ad

ad me? quanta enim Dei benignitas? quanta dignatio? quanta gloria animarum, quod Dominus vniuersorum, & qui nullam habet indigentiam, templum sibi fieri iubeat in illis. Cui Christus: Credidne, Staurophila, Scri-

1. Cor. 3.
16. 18.

pturis? scio autem quòd credas. quid igitur illud est? *Templum Dei sanctum est, quod estis vos?* Et: *Nescitis quia templum Dei estis, & Spiritus Dei habitat in vobis?* Eia igitur, ædificemus, spirituale hoc tēplum. Nec est quòd de formâ anxie quæras: nam Prophetæ

Ezech. 43,
10.

olim dixit Deus: *Ostende domui Israël templum, & metiantur fabricam eius.* Audiui illud iam pridem, aiebat Staurophila, sed sensum eius affecuta non sum, nec modò quid sibi velit prorsus capio. Ipse Deus apud Prophetam, aiebat Christus, satis explicat quorsum velit figuram domus & fabricæ, & omnem descriptionem eius filiis Israël ostendi, nimirum *ut custodiant*, inquit, *omnes descriptiones eius, & praecepta illius, & faciant ea.* Voluit itaque instaurari templum iuxta ideam & dimensiones quas accuratissimè Ezechieli delineauerat. Templum autem

Lactant. de
Iust. lib. 5.
cap. 8.

Dei, quod quisque moliri debet, *non lapides aut lutum est, sed homo ipse qui figuram Dei gestat. Quod templum non auro & gemmarum donis corruptibilibus, sed æternis virtutum muneribus ornatur.* Nec mysterio vacat, quòd

quòd idea templi CRVX sit. Cruciformes enim sunt pænè omnes, quæ Deo exstruuntur Basilicæ. Quin & in templo illo antiquo facile videre est, totam illius formam ita fuisse dispositam, vt CRVCIFIXI viuam quamdam referret imaginem. Nam si in ipso vestibulo corpus extensum, vt meum in CRVCE positum fuit, imageris, dexteram manum ad portam Meridianam, sinistram ad Aquilonarem, pedem vtrumque ad Orientalem spectare portam aspicias. Caput autem verget ad Sanctum sanctorum, vbi sedes erat Dei. *Caput enim Christi, Deus.* 1. Cor. II; re verò holocaustorum in medio pectoris ^{3.} mei situm erat, in quo oblatum est illud sacrificium laudis, quò vno sacrificiorum omnium longè maximo omnia antiquæ legis sunt sacrificia consummata. A latere altaris dextro mare ænèum collocatum, sanguinem & aquam à latere meo manantem referebat. Quid autem totum hoc denotat, nisi eum quem diuina Maiestas velut templum inhabitare decreuerit, vitam debere agere crucifixam, CRVCISQUE mortificationem iugiter in suo corpore portare?

Iam video, inquiebat Staurophila, quòd templi illa tendebat exstructio, quam mihi non vno nomine tam seridò commendabas: hoc enim inde conficitur, vt qui CRVCEM

Y

tulerint

Hæc ex
Villalpan.
tom. 2. l. 4.
& lib. 5. variis locis.

tulerint quotidie, magnâ Dei dignatione templum fiant diuinæ Maiestatis. Id scilicet volui, inquiebat Christus. Exeruciati enim afflicti, infirmi, domus sunt & habitaculum Dei. Gloriatur enim Deus se cum his velut domesticis habitare. *Hæc dicit excelsus & sublimis, habitans aternitatem, & sanctum nomen eius in excelsis, & in sancto habitans, & cum contrito & humili spiritu.* Habitat ergo cum contritis, contusis, ærumnosis & afflictis. Et alibi, auersatus manufacta templa, disertè ait, se pauperculos & calamitosos potius inhabitare. *Calum, inquit, sedes mea, terra autem scabellum pedum meorum! Quæ est ista domus, quàm edificabitis mihi? & quis est iste locus quietis meæ? Omnia hæc manus mea fecit, & facta sunt vniuersa ista, dicit Dominus. Ad quem autem respiciam, nisi ad pauperculum, & contritum spiritu, & tremementem sermones meos? Viden' cum quibus, & in quibus Deus habitet? Et an non*

2. Cor. 12, 9. *Paulus idipsum testatur, dicens: Libenter gloriabor in infirmitatibus meis? quare autem? ut inhabitet in me virtus Christi. Quasi dicat: Libenter in morbis, doloribus & afflictionibus gloriabor, quia per ea, quasi in domo propriâ & tabernaculo suo inhabitat in me virtus & fortitudo Christi. Nam vbi deest humanum auxilium, ibi maximè adest diui-*

diuinum. Vnde optimè Propheta : *Tibi de-* Psal. 10, 14
relictus est pauper, orphano tu eris adiutor.

Hoc si verum, aiebat Staurophila, immò
quia verum est (nefas enim de eo vel leui-
ter addubitare) non verebor & ego cum va-
se illo electionis dicere : *Placeo mihi in infir-* 2. Cor. 12,
mitatibus meis, in contumelijs, in necessitati- 10.
bus, in persecutionibus, in angustijs pro Chri-
sto. Sed obsecro te, ô sapientissime archite-
cte, doce vlteriùs, quo pacto templi fabrica
debeat construi. Faciam id, sed breuiter, aie-
bat Christus, tu accuratiùs singula nota. *Pri-* Ex S. Do-
mum iacienda sunt fundamenta, quæ fides est, roth. Doct.
sine quâ impossibile est placere Deo. Constitue 14.
deinde supra fundamentum ædificium ex- Hebr. 11, 6
cellentissimum. Adijce lapidem obedientiæ:
apponat & virtus alterum patientiæ lapidē:
singulæ deinde adiectæ virtutes, singuli lapi-
des erunt. Charitas annectet parietē parieti.
Bitumen humilitas est, quæ ceteras virtutes,
vt tales sint, efficit. Tectū timor Dei. Corona
quæ supra tectum præcipitur in lege adhibe-
ri, ne paruuli cadant, prudentia est. In hoc
ædificio exstruendo tua desudet industria, vt
habere inhabitantē spiritum sanctum possis.

Breui hoc compendio, aiebat Staurophi-
la, multiplices virtutes commendari cerno,
quarum singulæ plurimas habeant difficul-
tates: & qui ego paupercula omnes has com-

parem? Quid vis? aiebat Christus. ex vno lapide non fit domus: plures, immò omnes virtutes ad spiritualem fabricam concurrunt; sed eas expetere & expectare oportet à Domino virtutum, *qui dat omnibus affluenter, & non improperat.*

Sed redeamus ad sçhema CRVCIS, quod potissimum imitandum proposui. Scias autem, nisi errare velis, tibi seruandas omnes CRVCIS dimensiones, & in hoc exactissime iuxta Apostoli mei instructionem incur-
 Ephes. 3, bendum, *vt possis comprehendere cum omni-
 18. bus Sanctis, quæ sit latitudo, & longitudo, & sublimitas, & profundum.* Iuxta hanc formã tota spiritualis machina dirigenda est. Latitudo CRVCIS est transuersum illud lignum, in quo porrectæ sunt manus; longitudo, ipsum CRVCIS hastile; altitudo accedit, si CRVX erigatur, est enim altitudo summitas CRVCIS erectæ; profundum, est infimum CRVCIS terræ infixum. Hæc iam mystico animæ templo applicemus. *Latitudo* sit charitas ad omnes, etiam inimicos, ita vt ex amore Dei homo nullam omnino refugiat
 Ex August. Scm. 3. de Annunti. Domini, in Psal. 103. Hom. 3. ex Quinqu. CRVCEM, à quocumque demum illa, & quomodocumque proueniat. *Longitudo*, perseverandi longanimitas, vt CRVCEM ferentes quotidie, in eâ perseverent vsque in finem. *Altitudo* sit spes celestium præmiorum: &

cor sursum, siue directa in Deum intentio. *Profundum* quod in terrâ figitur & occulta-
tur, inscrutabilia significat iudicia Dei; unde
timor, humilitas, & soliditas omnium virtu-
tum. O quàm pulchræ dimensiones hæ
templum non manufactum absolunt!

Sed quis mihi det, inquebat Staurophi-
la, nulla ut earum fabricæ meæ desit? Tu Do-
mine, qui eas docere non es dedignatus, pro
bonâ voluntate tuâ ancillæ tuæ tribues. Tu Psal. 90, 9.
es enim spes mea & refugium meum. Verum,
estne aliquid aliud in hac templi substru-
ctione considerandum? Est, inquebat Chri-
stus: lapides enim singuli ad CRVCIS regu-
lam, & CRVCIS malleo debent conquadra-
ri. Num te latet decantatum illud:

*Scalpri salubris ictibus,
Et tonsione plurimâ,
Fabri polita malleo
Hanc saxa molem construunt,
Artisq; iuncta nexibus
Locantur in fastigio.*

Breuiar.
Rom. in
Hym. De-
dic. Eccle.

Vis autem scire quid sit quadrari? Attende August. in
similitudinem quadrati lapides, similem enim Psal. 86.
te esse conuenit: in omni tentatione, in omni
tribulatione stare oportet, non cadere. Si im-
pellaris, si quâ vertaris, noli cadere; nam qua-
dratum lapidem quacumque verteris, stat. Sed
nec dolere fas fuerit, etli instar lapidis dolari

contingat. Tanti enim est effici domum Dei,
 vt quiduis pro eo meritò tolerandum sit.
 Neque ego, aiebat Staurophila, iam refugio
 tribulationem, nec CRVCEM respuo, quæ
 Psal. 64, 5. me aptum faciat Dei habitaculum. *Tem-*
plum enim Domini sanctum est, mirabile in
æquitate: & quid volo, nisi vt sanctificetur
Dominus in me, vt ab eo inhabitante & ego
quoque sancta efficiar corpore & spiritu? Id
utique, aiebat Christus, beneficio CRVCIS
optimè assequeris: nam qui hîc seipso præ-
buerint templum Dei viui, efficiuntur & ipsi
 Psal. 121, 3. lapides viui, reponendi in cælesti illâ *Ierusa-*
lem, quæ edificatur vt ciuitas, ad quâ de pere-
grinatione hac suspirant desideria electorum.
Quinimò non lapidem tantùm cælestis illius
ciuitatis eum faciam, qui CRVCEM tulerit
vsque in finẽ, sed maximis etiam honoribus
 Apoc. 3, 12. augebo. Nam *qui vicerit, faciam illum colum-*
nam in templo Dei mei, & foras non egredietur
ampliùs: & scribam super eum nomẽ Dei mei, &
nomen ciuitatis Dei mei nouæ Ierusalem, quæ
descendit de celo à Deo meo, & nomẽ meum no-
uum. O dulcissime Magister, inquebat Stau-
 Luc. 1, 38. rophila, *fiat mihi secundum verbum tuum!* Eia
 veniat aliquando tẽpus illud, quo secundum
 misericordiam tuam magnam promissiones
 tuæ, quæ omne desiderium superant, in me
 compleantur: Votorũ hæc summa meorum.

CAPVT VII.

CRVCI decreta corona.

Esto fidelis vsque ad mortem, & dabo tibi coronam vitæ. *Apocal. 2, 10.*

Aeternam doctâ CRVX fabricat arte coronam:

O quantum est, Christi pro CRVCE ferre CRUCEM!



IA CRVCIS faxis aspera, vepribus horrida, longitudine tædiosa, tota denique angusta & permolesta, in maximas sæpè angustias Staurophilam coniebat. Fuit, cùm pusillanimitate spiritus oppressa, seriò meditaretur viam deferere, CRUCEM abijcere, & tot exantlatos labores vnico momento reddere irritos. Sed *fidelis* *1. Cor. 10,* *est Deus, qui non patitur suos tentari supra id¹³.* quod possunt, sed facit etià cum tentatione prouentum, vt possint sustinere. Nam affulsit illicò afflictæ illi miserantis Christi benignitas, qui blandè eam consolans, *Esto, inquit, fidelis vsque ad mortem, & dabo tibi coronam vitæ.* *Apoc. 2, 10.* Aspera est hæc via, nec inficior, & scio quanta sustineas; at noli deficere, hisce dolo-

Esto fidelis vsque ad mortem, et dabo
tibi coronam vitæ. *Apocal. 2, 10.*



*Æternam doctâ CRVX fabricat arte coronam:
O quantum est CHRISTI pro CRVCE ferre
CRVCEM!*

ribus æterna respondet corona. *Beatus* liqui- Iac. I, 12.

dem qui suffert tentationem; quoniam cum probatus fuerit, accipiet coronam vitæ, quam repromisit Deus diligentibus se. Ad hæc

Staurophila: Delectat quidem mentem immarcescibilis illa gloriæ corona; sed heu! nimium frangor & pænè fatisco. Cui Chri-

stus: Mitte querelas. *Nisi tentatio, nec corona;* Chrysost. Hom. 4. ad Pop.

nisi certamina, nec præmia; nisi studia, nec honores; nisi tribulatio, nec remissio; nisi hiems, nec æstas. Ergo quando tentaris, cognosce quia

paratur corona. Nonne tentatio Ioseph virtu- Ambros. lib. 4. c. 4. in Lucam.

tis est celebratio? nonne iniuria carceris, corona * Basil. Orat. 11. de Patient.

est castitatis? * *Vt gubernatorem navis tempestas, Athletam stadium, militem acies, magnanimum calamitas, sic Christianum hominem tentatio probat.*

Ego verò, inquiebat Staurophila, imbellis miles, vires mihi deesse sentio, nec athleticè valeo depugnare, multò minùs vincere.

Non pugnare te, Staurophila, sed tolerare doceo. Non inferre, sed perferre mala, coronam meretur. *Ladendo vincere, satanicarum* S. Isidor. Pelus. l. 2. Epist. 169.

legum est; ac proinde in Olympicis illis certaminibus, quæ in ipsius honorem celebrantur, sic coronam consequuntur qui decertant. At in

spirituali palæstrâ, contraria coronarum lex est. Hic enim lege sancitum est, ut qui percutitur, non qui percutit, coronâ donetur. Hoc demum

caleſte ſtadium, hoc Angelorum theatrum merito eſſe creditur.

At durum eſt, inquiebat Staurophila, per faxa, per ſentes & ſpinas graue hoc pondus CRVCIS circumferre. Quid times ſpinas? reſpondebat Chriſtus. an non de illis creſcunt roſæ, quibus coroneris in cælis? Ne vearis igitur, mea Staurophila, ad imitationem capitis tui, pro te ſpinis coronati, ſentes & vepres pro diademate & ſerto decôris tibi imponere, & ego dabo tibi coronam de lapide pretioſo. Elige, cum electâ meâ Catharinâ Senenſi, hîc ſpineam, vt poſteâ recipias coronam auream.

Domine, vt video, inquiebat Staurophila, aurea hæc corona magni conſtat, & incudem & malleum pati oportet vt fabricetur. Quid ni ita fiat? aiebat Chriſtus, *afflictiones corona horum ſunt, qui in eis certamen ſuſtinent. Nónne & ſuper dorfum meum fabricauerunt peccatores, prolongauerunt iniquitatem ſuam? Si iam & iuſti inter malleum & incudem ponantur, ipſâ impiorum malleatione Deus eis coronam gloriæ componit. Habeto igitur & tu mentem fixam & duram ſicut incudem, vt per alternos malleorum ictus & crepitus percuſſa, ludibriis & maledictis irriſionibusq; laceſſita, iniurijs affecta, infracta, & in nullo laſa ſeu diſſoluta perſeuerans, tota lenis*

S. Nilus in
Parænſi.

Pfal. 128, 3

Bleſenſ.
Epiſt. 134.

Climach.
Grad. 4.

lenis & plana immobilisq; persistas. Malleum autem non pati, mollis est animi. Opportunè nonnemi Pythagoras dicebat: *Et si argentum sis, ex te tamen nec obolus proba moneta fiet, cum tam impatiens existas.* Ita tibi quoque iure dixerim, quamvis argentea, quamvis aurea sis, pluribus precibus Deum fatiges, nullius tamen pretij es, quia malleorum impatiens: & ideo ex te pretiosa non fiet corona. Quibus verò infractus inter aduersa stat animus, nã illi splendidissimas sibi fabricant coronas. Talis S. Secunda Martyr, quæ tyranno aiebat: *Gloria nominis Christiani verberum ictibus augefcit, & tot conciliat coronas sempiternas, quot temporarijs flagellorum ictibus pulsatur.* Quid verò hinc consequitur, nisi quòd vbi deest CRVX, vbi deest malleus, defutura quoque coronam? Crede mihi Staurophila, *Sit tribulationes Sanctorum crudeli miseratione minuantur, paulatim gemmis corona ipsorum priuantur; quia quanto in hoc sæculo magis fuerint afflicti, tantò post resurrectionem maioribus honoribus extollentur.*

Non levis, inquiebat Staurophila, sub CRUCE perseuerandi mihi indicitur necessitas. Nam si absque eâ periculum subeo amittendi æternam gloriæ coronam, quidvis potius tolerauerim, quàm huic me discrimini expo-

Drexel.
Gymnas.
patient.
part. 2. c. 1.
§. 3.

Surius in
Vitâ 10.
Iulij.

Laurent.
Iust. in
Ligno vitæ
de Patient.
cap. 3.

Apoc. 3, 11

exponam. Et Christus: *Tene, filia, quod habes; ut nemo accipiat coronam tuam. Si CRVX pre-
mat, malleus contundat, tribulatio affligat,
non tristitia hæc nimum confideres, sed ocu-
los conijcias in eam quæ tibi repromittitur
coronam. Hæc dolorem minuet, & leuior
erit omnis C R V X, quam huius condierit
consideratio.*

Cyprian.

l. 4. Epist. 6.

de Exhort.

Martyrij.

*Ad agonem secularem exercentur homines,
& parantur, & magnam gloriam computant
honoris sui, si illis, spectante populo, & Impe-
ratore presente, contigerit coronari. Ecce
agon sublimis & magnus, & corona celestis
premio gloriosus, ut spectet suos certantes
Deus, & super eos, quos filios facere dignatus
est, oculos suos pandens, certaminis spectaculo
perfruatur! Quanta gloria dignitas, quanta
felicitas, preside Deo coronari! Verè hoc ma-
gnum, inquebat Staurophila, sed quotus-
quisque horum in ipso certamine recorda-
tur? Non legisti, aiebat Christus, quantus ad
passionem stimulus fuerit Quadraginta Mar-
tyribus, & carceris custodi coronarum, quas
exspectabant, intuitus. Cum enim ob fidei
confessionem vinculis constricti hiemis tem-
pore frigidissimo, nudi sub aperto aëre per-
noctare iussi essent, ut frigore congelati nece-
rentur, ita orabant: Quadraginta in stadium
ingressi sumus, quadraginta item, Domine,
coronâ*

Breuiar.

Roman.

9. Martij.

coronâ donemur, ne vna quidem huic numero
desit. Cùm autem ianitor carceris quosdam è
calo descendentes Angelos, tamquam à Rege
missos, qui coronas triginta nouem militibus
distribuerent, intueretur, ita secum loqueba-
tur: *Quadráginta hi sunt, quadragésimi coro-
na ubi est? Quæ dum cogitaret, vidit vnum
ex illo numero, cui animus ad frigus feren-
dum defecerat, in proximum tepesactum bal-
neum defiliisse.* Sed ille coronæ incensus
cupiditate, excitatis custodibus, vestes sibi
detrahit, ac Christianum se clarâ voce profes-
sus, Martyribus se adiunxit. Tanti momen-
ti est coronam respicere, coronam medita-
ri! Cogita, quæso, quâ lætitiâ exultabis, quo
gaudio perfunderis, cùm dulcissimâ voce
sponsum animarum aliquando dicentem
audies: *Veni sponsa Christi, accipe coronam,*
quam tibi Dominus preparauit in æternum?

Breuiar.
Rom. Ant.
de Virg.



CAPVT VIII.

*Maiôrne CRVCI & passionibus, quàm
actionibus corona respondeat.*



Is dictis, ad alia properabat Saluator, nisi Staurophila retinuisset; Superest, ô Domine, inquiring, nodus quidam, quænum sciendi curiositas, an coronæ cupido nexuerit, haud ipsa scio. Tu, ô æterna sapientia, iudicabis, & si mereatur, etiam dissolues. Propone, inquiebat Christus, vt audiam. In hoc enim patientiæ stadio etiam ad diuerticula quædam deflectere, minimè mihi molestum, dummodò in Viam redeamus. Ab eâ, inquiebat Staurophila, quæstiuncula mea non abibit: quin potiùs, vt credo, eam promouebit. Sed quid moras necto? quod me remoratur hoc est: Anne amplior & pretiosior corona reposita sit CRUCEM ferentibus, quàm ijs, qui absque eâ multis bonis incumbunt operibus? Nolo te lateat, Staurophila (inquiebat Christus) bona agere, & mala pati, Christianum, hoc est, tuum esse; vtrùm autem præstet, maiori-ve dignum præmio, tum dicam, cum ipsa, vnde hoc tibi inciderit, aperueris. Legebam,
inquie-

inquietabat illa, nuper sanctæ Lydvvinæ virginis Vitam, & in eâ, vt generosissima illa Dei Sponsa vigesimum octauum in suâ infirmitate agens annum, cum incredibili Martyrij arderet desiderio, in mentis excessu viderit *coronam pretiosissimam, gemmis diuersorum colorum variegatam, necdum tamen in orbem penitus absolutam. Ad se autem vt redijt, cogitabat quanam illa esset corona,* petijtq; à Domino varijs afflictionibus exerceri, vt orbem hunc absolueret. Exaudiuit eam Deus; & ecce quidam milites cubiculum eius ingressi indignis modis corpusculum eius variè afflictum, & hydropisi tumidum, absque vlllo pudore contrectant. Addunt turpissima conuitia, vocant bestiam, prostibulum, voracem, & multa alia, nec paucis eius vulnera cumulant vulneribus, ita vt sanguis in paleas vicinosque pannos deflueret. Post illorum discessum, Angelus ad eam venit instar Solis splendidus, atque: *Salue charissima soror; ecce nunc absoluta est CORONA, quam nuper imperfectam vidisti; ludibria & vulnera corpori tuo imposita fuere gemmae, quas in illâ CORONA & adesse vidisti, & deesse.* His lectis, ita mecum ratiocinabar: Quid est quod illuminatissima hæc virgo, non vnâ CRUCE tot annis excruciatâ, nouas flagitarit tribulationes, vt CORONAM suam

Ioannes
Brugman-
nus in Vitâ
part. 3. c. 6.
apud Sur.
tom. 2.

suam exornaret atque perficeret? Cur, quæso, bonis operibus id potiùs conata non fuit, nisi quòd tribulationis malleo eam citiùs

sciret absolui? *Nam quos manet CORONA, exspectat iniuria. & per dolores quibus hîc afficimur, vel peccata expiamus, vel, si non tot peccata habemus, splendidiore CORONAS accipimus.* Confirmabat me quoque in hac opinione & illud quòd de sanctâ Gertrude legeram, quæ cum noctem duxisset insomnem, atque inde plurimùm debilitata, viribusq; esset destituta, obtulit huiusmodi defectum Domino, in laudem eternam, ad salutem omnium. Cui dixit Dominus: In infinitum acceptius mihi est, dum quis in infirmitate suâ post consumptas per vigiliam vires, defectum illum virium humiliter sustinendo, mihi offert, quàm dum aliquis corpore sanus, qui benè vigilare potest, totâ nocte in oratione perui-gilat. en causas dubitationis nostræ.

Vt video, aiebat Christus, non extra semitam ambulas, neque improbare velim probabilem hanc tuam collectionem. Etenim exigua molestia propter Deum æquanimiter tolerata, incōparabiliter præstantior est, quàm sint multa & grandia bonorum operum exercitia. Atque homini vtilius est, etiam modicum grauiamen patienter pro Dei honore vel amore sustinere, quàm grandia opera patrare.

Et

Ambr. l. 1.
Offic. c. 1
Greg. Ny-
sen. apud
Damasc.
lib. 3. Pa-
rallel. c. 49.
Insinuat.
diuin. pie-
tatis lib. 3.
cap. 70. &
Blos. in
Monili c. 9.

Blos. in In-
sit spiri-
tual. c. 8.

Ilem in
Speculo
Spir. c. 8.

Et quid dicam? *Nihil Deo acceptius, nihil tibi salubrius in mundo isto, quàm libenter pati pro Christo tuo, & si quidem aliquid melius & utilius saluti hominum, quàm pati, fuisset, id utique verbo & exemplo ostendissem.* Quantum consolationis, inquebat Staurophila, est in verbis istis! quantum lætitiæ calamitosi & afflictis hæc adferre debent! cùm vident, maiorem se fabricare CORONAM, quo plures & grauiores pertulerunt CRVCES. Sed absconditum est hoc verbum à cordibus multorum, & fortè fidem vix inuenierit.

Cur autem, inquebat Christus, non credant? an non Sancti quique in eâ se fuisse mente testati sunt, cùm CRVCIBVS & morbis ab aliis functionibus, multisque actionibus bonis præpediti, neutiquam quæsti sunt, meritorum quæstum hoc pacto sibi imminui? Quid? quòd & in beneficijs CRVCES numerarint, atque hoc nomine vel maxime sibi fuerint gratulati. *Magna enim hæc dignitas, & Regno quouis ac Consulatu maior.* Neque pro Deo pati cuius passim conceditur, estque id magnarum virtutum, præstantissimarumque actionum, pro Dei gloriâ proximique salute obitarum, merces amplissima. Vnde meritò Philippensibus gratulatur Apostolus, quòd ijs *donatum esset non solum*

Thomas à Kemp.
lib. 2. de Imitat. Christi,
cap. 12.

Chrysost.
Hom. 8. in Epist. ad Ephes.

Phil. 1, 29.

ut in Christum crederent, sed etiam ut pro illo paterentur.

Ruff. in
Vitis Pa-
trum lib. 3.
num. 158.

Pelagius
15. in Vitis
Patrum
num. 65.

Subit animum, inquebat Staurophila, quemdam huius animi fuisse, qui frequenter ægrotaret. *Contigit autem ut vno anno nullam aduersa contingerent*: hinc bonus ille cepit affligi, flere, & grauiter etiam queri, ac dicere: *Reliquisti me, Domine, & noluisti me presenti hoc anno visitare*. Et alius paris patientiæ, in morbo cibum recusabat à Fratre oblatum, dicens optare se in eâ infirmitate ad alios triginta annos à Deo relinqui. Abstinuissent, ni fallor, his votis, si tantumdem bonis exercitijs, quantum malorum perpeffione, sperassent consequi.

Missale
Roman.

Sed reduc me etiam in memoriam, subiciebat Christus, qui mundi Redemptor & Seruator sum. Vide autem cuius operi humani generis redemptio potissimum adscribatur. Erat vnaquæque actionum mearum meriti prorsus infiniti, & tamen mundi salus passioni, morti, & effuso maxime tribuitur Sanguini. Quam crebrò cantari audiuiisti: *Adoramus te, Christe, & benedicimus tibi, quia per CRUCEM tuam redemisti mundum*. Altiùs, inquebat Staurophila, extolli CRUX nõ poterat, Domine, quàm ut instrumentum fieret redemptionis nostræ. Nihil ad tribulationes seu mitigandas, siue commendandas

das melius excogitari, quàm quòd per illas
saluus fieret mundus. *Quàm magnificata sunt* Psal. 103;
opera tua, Domine! omnia in sapientia fecisti. 24.

Quis igitur, inquiebat Christus, dubiter,
num plus actionibus an perpeffionibus tri-
buendum? cum his peculiariter reconcilia-
tio humani generis, peccati expiatio, rese-
ratio cæli, diuino decreto fuerit referuata? Et
discite hinc, filij Adæ, populus acquisitionis
meæ, quanta peccati grauitas, quæ tali tam-
que operoso egebat remedio: discite quan-
ti mihi steterit vestra salus, quamque exi-
mius meus erga vos fuerit amor: discite tri-
bulationum & CRVCIVM dignitatem; & vt
mei gratià dura quæque toleranda sint, qui
tam atrocia, tamque immania pro vobis,
cum adhuc inimici essetis, pertulerim.

Vnicum hoc tuum, mi Redemptor, exem-
plum, aiebat Staurophila, assensum non tam
petit, quàm extorquet. Nec video quí relu-
ctari vltra quis posset. Quid si & alterum,
aiebat Christus, puri hominis adiecero, con-
fectumne videbitur negotium? Confectum,
aiebat Staurophila. Tum Christus: Specta
mihi igitur *maximum illum patientiæ certato-*
rem, & immobilem petram, Iob, & bonos eius
actus cum passionibus compone, & iudica
vnde amplius illuxerit. Quandònam erat Iob
illustrior, quando domum suam omnibus ad-

Chrylost.
Epist. 7. ad
Olympia.
paucis hîc
& ibi præ-
termisiss.

uenientibus aperuit, an cū ea ruente, verba amara non protulit, sed potius Domino benedixit? Cū hoc quidem virtus esset, istud ærūna? Quando splendidior erat, dic mi, cū sacrificabat pro filiis suis, & eos ad concordiam congregabat: an cū defossi, & amarissimo genere fuissent mortis extincti, cū magnā Philosophiā pertulit quod euenit? Quando potius ille radiavit, quando de tonsurā ouium suarum calefacti sunt humeri nudorum: an cū audiens ignem descendisse de calo, & exedisse cum Pastoribus greges, non est commotus, neque turbatus, sed amantissimè pertulit casum? Quando maior illuxit, cū sanitate corporis ad oppressorum patrociniū utebatur, conterens molas iniquorum, & ex medio dentium rapiens rapinam, miseris portus existens; an cū hoc idem corpus eius, hoc est indigentium scutum, vermibus videbatur absumi, sedens in stercore, & testā illud radens. Impleo, inquit, tabo glebas terræ? Atqui illa quidem omnia præclara facinora erant; ista verò omnia passionēs: sed tamen ista illum clariorem, quā illa fecere. Hæc enim maximè amarissima certaminum portio, & maiorem virtutem requirens, & animam fortiorem, & mentem Philosophiæ appositiorē, quæ maiorem circa Deum habebat charitatem: & præterea, cū illa quidem fierent, etsi impudenter & valdè crudeliter, attamen

attamen contradicit diabolus; dicens; Num- Iob 1, 9.
quid gratis colit Iob Deum? hac verò cum con-
tigissent, confusus abscessit, terga dans, quòd
neque vel impudentem contradictionem, um-
bram saltem habentem aliquam, posset oppo-
nere. Hæc enim CORONÆ perfectio, hoc vir-
tutis cacumen, ista fortitudinis aperta proba-
tio, hoc verissimum Philosophiæ incremen-
tum. Hæc itaque cogitans, ac retractans quan-
tum sit lucri, acta cum molestijs ac doloribus
vita, gaude & delectare quæstuosam, & mille
plenam CORONIS VIAM CRVCIS per fre-
quentissimas passionis deambulans.

Ibid. non-
null. inter-
icctis.



Cum ipso sum in tribulatione. Psal. 90, 15.



Quàm leue, sponsa, iugū CRVCIS efficit vna volūtas:
Te mihi CRVX sociat, me caro sumpta tibi.

CAPVT IX.

CRVX Christo vnit, & conformat.

Cum ipso sum in tribulatione.

Psalm. 90, 15.

*Quam leue, Sponsa, iugum CRVCIS efficit
vna voluntas!*

Te mihi CRVX sociat, me caro sumpta tibi.



DELINITA optimis Christi sermonibus Staurophila, inhiabat magis ac magis suauissimos CRVCIS fructus ex eius ore capere, & carpere: ad Christum promissa conuersa, Obsecro te, inquit, dilecte mi, Perge & alias CRVCIS prerogatiuas exponere, vt tantò libentiùs eam feram, quantò cognouero vtiliorem. Vberri-
mus, aiebat Christus, & longè præstantissimus fructus est, quem Psalmista his verbis indicauit: *Iuxta est Dominus ijs qui tribulati* *Psalm. 33, 19*
sunt corde. idemque Deum ita loquentem inducit: *Cum ipso sum in tribulatione, eri-* *Psalm. 90, 15*
piam eum, & glorificabo eum. Quid autem maius? quid excellentius concipi potest, quàm habere Deum tibi præsentem, & auxiliantem in tribulatione: Quare non imme-

ritò idem sibi gratulabatur, Deo dicens:

Pfal. 12, 4. Si ambulauero in medio umbræ mortis, non timebo mala, quoniam tu mecum es. Quid

enim timeat mali, cum quo summum est bonum? Si Deus pro nobis, aiebat Apostolus, quis contra nos? & quàm confidenter in me-

Iob 17, 3. dijs ærumnis aiebat ille, Libera me Domine, & pone me iuxta te, & cuiusuis manus pugnet contra me. An non præsentissimum hoc Dei auxilium expertus est castissimus Io-

Sap. 10, 13. seph, quem æterna Sapientia venditum non dereliquit, sed à peccatoribus liberauit eum, descenditq; cum illo in foueam, & in vinculis non dereliquit eum. Videtne iam quid illud

fit, Cum ipso sum in tribulatione? tantumdem enim valet, ac si dixisset: Contribulor afflicto: sicut enim qui meus est, in tribulatione mecum est; sic & ego in tribulatione cum illo sum.

Interfari volens Staurophila, Licetne, inquit, pace tuâ, Domine, quæ animû meum pulsât, proponere quæstionem? Licet verò, aiebat Christus. Tum illa: Vereor vt parum calamitosus & miseris vera videatur hæc tua doctrina. Plerumque enim se à Deo derelictos, obliuioni traditos, & prorsus conqueruntur desolatos. Et ille ipse Psalmista, qui

Pfal. 33, 19 ait, Deum iuxta esse ijs qui tribulato sunt corde; quoties, quæso, expostulat, & conqueritur

ritur se velut desertum? An non hæc illius voces: *Deus, Deus meus, respice in me, quare me dereliquisti?* Et, *Ne derelinquas me Domine Deus meus, ne discesseris à me? Usquequò Domine obliuisceris me in finem, usquequò auertis faciem tuam à me? Quare faciem tuam auertis, obliuisceris inopia nostra, & tribulationis nostra?* Quis verò credat Deum præsentem illi, qui de absentia eius sic lamentatur?

Respondit Christus: Adest quidem Deus afflictis, in quibus patitur, sed præsentiam suam non semper manifestat. In tribulatione inuocantem exaudit ipse aliquando in abscondito tempestatis; in quâ veluti tectus latet, & ad iustorum probationem tantisper faciem suam abscondit. *Stat nonnumquam post parietem, respiciens per fenestras, prospiciens per cancellos, obseruans scilicet quemadmodum athleta pius, nonnihil sibi relictus, in acie decertet.* Antonius ille, magnus Eremitæ incola à dæmonibus *flagellatus atque confossus*, mirisque modis exagitatus, abientem Dominum, & sui, dum colluctaretur, oblitum credidit, nam cum *radium ad se lucis influere* cerneret, illicò præsentiam Domini intelligens, & ex intimo pectore trahens longa suspiria, dicebat: *Vbi eras, bone Iesu? Quare non à principio adfuisisti, ut sanares vul-*

Psal. 21, 1.

Psal. 37, 22

Psal. 12, 1.

Psal. 43, 24

Psal. 80, 8.

Cant. 2, 9.

Athanas. in
Vitâ An-
ton. cap. 8.

nera mea? Et vox ad eum facta est, dicens: Antoni, hic eram; sed expectabam videre certamen tuum. Ita ergo adest Deus in tribulatione, etiamsi absconditus.

Bernard.

Serm. 16.
in Psal.

Qui habit.

Et sane ex ipsa tribulatione, Deum adesse in tribulatione, cognosci potest. *Quis enim sustineret? quis subsisteret? quis persisteret sine eo?* Si mecum Deus, aiebat Staurophila, in tribulatione, quid aliud præter ipsam requir-

Psal. 72, 27

* August.
de Trinit.

ram? *Mihi adhaerere Deo bonum est, quia omnes qui elongant se ab eo, peribunt.* Quanta enim hominum miseria, cum illo non esse, sine quo non possunt esse?* Prorsus ita est, inquebat Christus: & vis exemplo hoc discere?

August.

Serm. 105.
de Temp.

Perdiderat Iob omnia illa quæ dederat Deus, sed habebat ipsum omnia qui dederat, Deum. O virum putrem, & integrum! O sadum, & pulchrum! O vulneratum, & sanum! O in stercore sedentem, & in celo regnantem! Diues abunde fuit, qui omnibus ablatis, Deum retinuit, & in eo omnia. Bonum proinde & mi-

Bernard.

Serm. 17.
in Psal.

Qui habit.

hi, inquebat Staurophila, tribulari, Domine, dummodò ipse sis mecum, quàm regnare sine te, epulari sine te, sine te gloriari. Bonum mihi in tribulatione magis amplecti te, in camino habere te mecum, quàm esse sine te vel in celo.

Psal. 72, 25

Quid enim mihi est in celo, & à te quid volui super terram?

Rectum nunc, aiebat Christus, consecuta

es sensum, cum intelligis CRUCES esse glutinum, quo Deus animar, & anima vicissim Deo conglutinetur. Non meministi quid sancta Gertrudis diuinitus aliquando intellexit? Reuelatum ei fuit, quod, quemadmodum annulus est signum desponsationis, ita aduersitas, tam corporalis quam spiritalis, humiliter propter Deum tolerata, sit verissimum signum diuinae electionis, & quasi desponsatio anime cum Deo: in tantum ut grauatus quisque confidenter dicere possit: *Annulo suo subarrhauit me Dominus meus.* Eadem & alias intellexit, quod quandoque Dominus (cuius delicie sunt esse cum filiis hominum) nihil inueniens in homine propter quod placita dignatione ipsum adesse deceat, tribulationes vel molestias tam corporales quam spirituales immittit, ut inde habeat opportunitatem manendi cum illo, quia Scriptura veritatis dicit; *Iuxta est Dominus his qui tribulato sunt corde.* Et rursus ipse Dominus: *Cum ipso sum in tribulatione.*

Blos. Mon.
spirit. c. 10.

Blos. ibid.
Prou. 18,
31.

Psal. 33, 19
Psal. 90, 15

Pro quanta, exclamabat Staurophila, diuinæ miserationis dignatio! quis credat tantam summam illam Maiestatem vermem hominem fieri, ut quasi eius amicitiam ambiret, delicias suas fateatur esse cum filiis hominum? O Domine, quid est homo, quia magnificas eum, & quare apponis erga illum cor tuum? Tantum

Prou. 8, 31.

Iob 7, 17.

ne

ne hominis est familiaritas, vt ei CRVCEM & afflictionem immittas, vt iusto velut titulo ei adesse, ei te queas coniungere? Quàm admirabile mysterium, quòd CRVX, contēpta apud prudentes huius sæculi, arrha annulusque sit diuinæ desponsationis! O CRVX venerabilis, quàm abscondita est dignitas tua à cordibus eorum qui terrena sapiunt! Dicebat hæc Staurophila, & inardescēbat animo, iamque vehementer & Christum & CRVCEM propter eum diligebat.

Fouendū hunc igniculū putauit Christus. Est, inquiebat, filia, & aliud in CRVCE quod alternum nutrire valeat amorem, nec amanti illud abscondam. Conciliatrix amoris, amantium est similitudo, & morum humorumque certa quædam cōgruentia. Tanto autem erga humanum genus amore incensus fui, vt *non rapinam arbitratus esse me æqualem Deo, memetipsum exinanierim formam serui accipiens, in similitudinem hominum factus, & habitu inuentus vt homo.* Cur autem censēs id me fecisse? nimirum vt ita homines ad me amandum allicerem, quibus per omnia assimilatus essem absque peccato. Nunc autem, dic mihi, quid arbitraris ab homine vicissim requiri? an non vt & ipse meam, quā licet, affectet similitudinem, formam æmuletur, imitetur mores, sequatur

tur vestigia? An non idè cælestis Pater meus
quos præsciuit, hos & prædestinavit conformes Rom. 8, 29
fieri imaginis Filij sui? Quomodo autem, in-

quiebat Staurophila, poterimus fieri confor-
 mes imaginis tuæ? Si, respòdebat Christus, ad
 exemplar vitæ & passionis meæ viuam mei
 imaginem vitæ & moribus exprimar, & sic-

cut ego propter vos CRUCEM suscepi, & in
 eâ mortuus fui, ita & vos *per commune con-* Leo Ser. 9.
sortium CRUCIS, aliquid, quod propter vos de Quad.

gesti, agatis. Hoc scilicet est quod Apostolo-

rum Princeps monebat *communicare Chri-* 1. Pet. 4, 13
sti passionibus. Qui autem CRUCEM *portat,* Pet. Dam.
passioni Redemptoris sui verè communicat. Ser. de
Quælibet enim CRUX, quodlibet grauamen Inuent.
imaginem excellentissime passionis meæ re- S. Crucis,
fert, & in eo homo promereri potest perfectam Blos. in Far.
eiusdem passionis participationem. Instit. vti-
Nemo si- lil. sub fin.
quidem ita cordialiter sentit passionem Chri- Thom. à
sti, sicut is cui contigerit similia pati. Kemp. l. 2.
 cap. 12.

Quis loquetur, aiebat Staurophila, potentias Psal. 105, 2

Domini? Quis enarrabit mirabiles adinuen-
 tiones amoris tui? Quid enim nobilius mili-
 ti, quàm deferre arma Regis? Quid gloriosius
 sponsæ, quàm assimilari sponso? Vnde sum-
 ma hæc mihi iam dignitas, abnegare meip-
 sam, & CRUCEM tollere post te? Vt enim, qui
 eiusdem sunt Ordinis, eodem vtuntur & ha-
 bitu; & quorum eadem insignia, vnus cen-

sentur

sentur familiæ & nobilitatis : ita non iniuriâ Cruciferam me , tui Ordinis & de familiâ gloriabor esse IESV Crucifixi.

Gloriatio hæc, inquebat Christus , non erit inanis: non solum enim patienter CRUCEM ferens mihi conformatur, sed ego, velut ei vnitus, in eodem patior. Ipsum enim me fidelibus meis inclusi , vt quod eorum vni fiat , mihi factum reputem. Vnde Saulo Ecclesiam persequenti dicebam : *Saule , Saule, quid me persequeris ?* Et in iudicio immiseri cordibus dicturum me protestatus sum:

Matth. 23, 45. *Quamdiu non fecistis vni de minoribus his, nec mihi fecistis .* Patior itaque in singulis membris meis , quibus vires & adiutorium suggero , vt tantò lenius sit CRUCEM ferre, quò meliore socio & auxiliatore decorantur.

Iam, intelligo aiebat Staurophila, quid tibi voluerit Augustinus, cum diceret : *Vnus homo cum capite & corpore suo Iesus Christus, Saluator corporis, & membrorum corporis, duo in carne vnâ, & in voce vnâ.* Passiones itaque Christi non in solo Christo, imò passiones Christi, non nisi in Christo. Si enim Christum intelligas caput & corpus, passiones Christi non nisi in Christo. Non minus, aiebat Christus, id intelligebat felicissima illa & vere beata Martyr Felicitas , quæ cum in carcere parturiret, nec eiulatus posset comprimere , vnus ali-

aliquis lictorum acerbo scommate dixit: Si nec hos quidem dolores, ô femina, ferre queas silentio, illos quomodo feres, cùm vrêris, secaberis, laniaberis. Huic Felicitas prudentissimè & prorsus Christianè, iam, inquit, pro me patiôr, at tunc in me passurus est Christus. Prout dixit, sic contigit. Nam cùm feris obijceretur, nullos eiulatus, sed nec villos gemitus prodebat.

Domine, subijciebat Staurophila, qui ista attentius expenderit, te scilicet afflicto adesse, tibi CRVCE cum desponsari, te ipsum in illo pati, huic procul dubio CRVX amara non accidet. Et mirum planè, ni toto eam pectore summisque votis ambiat. Quare minùs nunc stupeo generosum illud sanctissimæ Heroidis Teresiæ votum, quo inexplibili desiderio optabat AVT PATI AVT MORI. Quàm dulcis quoque erat CRVX Magdalenæ de Pazzi, quæ dicebat, se non desiderare breuem vitam & celerem mortem, quia in cælo nulla esset passio: *Desidero ergo, inquebat, vivere diu, quia desidero amore Dei diu pati, non tantum martyria, sed & morbos, calumnias, infortunia, & quævis aduersa.* Amanti igitur dulcis tribulatio, quæ acerba & prorsus intolerabilis non amanti. Nonnumquam enim in tantum confortatur homo ex affectu tribulationis & aduersitatis,

Vincent.
Puccinius
in Vita.

Thom. à
Kemp.
de Imit.
Christi. 2.
cap. 12.

ob amorem conformitatis CRVCIS Christi, ut
se sine dolore & tribulatione esse non veller:
quoniam tantò se acceptiorem Deo credit,
quantò plura & grauiora pro eo ferre poterit.
Neque verò, inquiebat Christus, addubitare
ampliùs decet, num ex amore CRVCES im-
mittantur, cùm eas philtrea quædam & ille-
cebras amoris ipsa cognoscas. Non enim sic
calcem infusa accendit aqua, atque tribu-
latio in amantium mentibus diuinum amo-
rem. CRVX sanè & afflictio bonum est occul-
rum, quod nemo compensare queat: adeò ut
si quis centum annos flexis à me genibus CRV-
CEM amicabilem precetur, nec sic tamen il-
lam emereri possit. Equidem malim afflictio-
nes creare ex nihilo, quàm amicos meos CRV-
CIS expertes relinquere.

Suso in
Dial. æter-
na: Sap.
cap. 13.



CAPVT X.

*Præsidio CRVCIS mare sæculi
transfretandum.*

Per multas tribulationes oportet nos
intrare in regnum cælorum.

Actor. 14, 21.

*Non timet Aeolios ratis hæc fera flamina,
fratres,
CRVX malus, remus, CRVX cui clauus
adeft.*



VM longo fatis tempore VIAM
CRVCIS Staurophila peram-
bulasset, iamque salutare il-
lud onus tantum amare, quã-
tum principio horrere didicif-
set; appropinquabat tandem viæ vitæque
terminus: quando Christus sponsam suam
recreare volens, naui impeditam docere cœ-
pit, vt CRVCIS præsidio per sæculi huius
pelagus turbulentissimum, ad cælestis patriæ
portu transfretare oporteret. Et age, inquie-
bat, ô Staurophila, quod reliquum est iti-
neris commodius hac naui mecum confi-
cies, non longè enim es à patriâ, & deside-
rato toties sine. Sic autem contingit homini

Aa

in

Per multas tribulationes oportet nos
intrare in regnum cælorum. Act. 14, 21.



Non timet Æolios ratis hæc, fera flamina, fratres:
CRVX malus, remus, CRVX cui clauus adest.



LIBER TERTIVS. 371

in hac vitâ, tamquam si videat quisque de longinquo patriam, & mare interiaccat; videat quò eat, sed non habeat quâ eat. Sic & ad illam stabilitatem quæ est in cælo, volunt homines pervenire, sed interiacet mare huius seculi quâ eundum. Ut ergo esset & quâ irent, veni ego inde ad quem ire volebant. Et quid feci: Institui lignum quo mare transceatur. Nemo enim potest transire mare huius seculi, nisi CRUCE portatus. Hanc CRUCEM aliquando complectitur & infirmus oculus, & quia non videt longè quò eat, non ab illâ recedit, & ipsa illum perducet. Mare transcendendum est: noli lignum contemnere, quia quâ transceatur ad patriam non est, nisi ligno portaris: in mari enim ambulare non potes, sicut ego ambulavi; navi ergo portare. Eripe te, si potes, à submersione: si non vis mergi, tabulam apprehende, ligno portare, CRUX te perducet.

Perlibenter, aiebat Stauroplula, portari me permifero, quæ CRUCEM hactenus, & sæpe etiam permolestam portavi. Verum, quod aliàs considerasse me vix memini, quam multa hic cerno CRUCIS mysterium oculis animique ingerentia. Quid enim anchora aliud quam geminata CRUX? Signum quoque CRUCIS naturaliter visitur in ipsa navi, cum velis tumentibus vehitur, cum expansis palmaris labitur. Mare enim non

August.
Tract. 2. in
Ioannem.

August in
Psalm 51.

Mian.
Felix in
Octavo.
Iustin.
Martyr
Apolog. 2.

scinditur, nisi trophaeum istud, quod malus appellatur, saluum in naui maneat. Iam clauus à CRVCE quantum abludit? & remorum vice CRVCEM fungi posse, quis non videat?

Non malè, inquiebat Christus, CRVCIS sacramentum in naui consideraſti. Nam cum à nautis scinditur mare, prius ab ipsis arbor erigitur, antenna sustollitur, velum distenditur, ut CRVCE Domini aquarum fluenta rumpantur: & hoc Dominico securi signo, portum salutis petunt, periculum mortis euadunt. Figura enim sacramenti quadam est, velum suspensum in arbore, quasi Christus sit exaltatus in CRVCE, atque ideo confidentiâ de mysterio veniente homines ventorum procellas negligunt. Sine arbore CRVCIS naui infirma est; statim eam diabolus inquietat: at ubi signum hoc CRVCIS erigitur, statim & diaboli iniquitas repellitur, & ventorum procella sopitur. Vis nunc, ô Staurophila, patientiæ nauigio cæli petere portum? in ipso velo me veluti crucifixum considera, aspiciens in auctorem fidei, & consummatorem IESVM, qui, proposito gaudio, sustinuit CRVCEM.

Psal. 118,
103.

Quàm dulcia faucibus meis, aiebat Staurophila, eloquia tua Domine, quæ spirituali nauigio sæculi superare fluctus, & ad cælestem docent navigare Ierusalem! Concupisco

Max. Tau-
rin. Ser. 56.
tom. 3.
Ambros.

Hebr. 11.

pisco proinde, si ita tuæ visum bonitati, pluribus de his instrui.

Audi ergo, inquiebat Christus, breuem mysticæ navis descriptionem. Similis est omnis status Ecclesiæ magnæ navis, quæ per vndosum pelagus ad magnam potentis regni urbem properare cupit. *Navis huius Dominus, ipse omnipotens Deus est; gubernator verò ego virgenitus eius Filius; prosper ventus, Spiritus sanctus. Ipsum mare, hic mundus habeatur; ventorum verò varietates & turbinum, diversis tentationibus conferantur: persecutiones, tribulationes, & pericula, fluctibus exaquantur. Promontoria & loca confragosa, hi sunt, qui in potestatibus sæculi sunt Indices, & pericula minantur & mortes. Dithalassæ loca, quæ duplicibus vnda fallacis æstibus verberantur, hypocritæ sunt, & dolosi: nec desunt piratæ, & Sirenes, aliæque innumera pericula. Iam verò rapidus vortex, & tartarea charybdis, & saxis illisa naufragia, ac mortifera subersiones, quid aliud æstimanda sunt, quàm peccata? Viden' ut hîc non modica patiendi sit materia, ampla hîc fluctuum & tribulationum seges: sed navis quæ longanimitatis & patientiæ asseribus compacta est, quæ bitumine timoris Dei intus ac foris bene oblita, per medias procellas securaperueniet ad portum salutis.*

Clemen.
Roman.
Epist. I. ad
Iac. fratrem
Domini.

Admirabatur Staurophila tam accuratam tamque breuem nauticæ rei descriptionem; & In paucis verbis, inquebat, Domine, quanta mihi consideranda proponantur! Quot virtutes exercenda! quot pia obseunda exercitia! *Mirabiles, ô Staurophila, inquebat Christus, elationes maris; sed mirabilis in altis Dominus*, huic *indefinenter supplicandum*, benignam largiatur auram, quam *nauigantes discrimina cuncta superent*. Si qua deinde paullumitas spiritus, si animi delectio, si tarditas aut impatientia aliqua per rimas infunderent, exhaurienda statim erit conscientia sentina. Quàm multa, inquebat Staurophila, incommoda secum adfert nauigatio, præsertim diuturnior. Sanè vt lætissimum ad patriam tendere, ita nescio quam triste in hoc mari magno tot difficultatibus die noctuque nauigare.

Psal. 92, 4.

Clemens
loc. cit.

August. de
Cant. nouo
c. 2. Tom. 9

Sed inter hæc tristia, inquebat Christus, *celosina nostrum dulce cantemus*, ALLELUIA, *et læti ac securi ingrediamur sempiternam ac felicissimam patriam. Non metuat anima mare hoc magnum, cuius fluctus ac turbines sentit inimicas sæculi potestates. In Deo sperantes multi iam Sancti hos fluctus spreuerunt, multi caleaucrunt, multi per aquas securi ad patriam peruenerunt. Sed, inquebat Staurophila, multi quoque naufragium fecere,*

cere, multi submersi sunt in profundum quasi lapis.

Quid tum, inquiebat Christus, absque naui non transitur pelagus; qui decumanos fluctus, qui procellas & tempestates exhorrescit, isve cedit, mirum non est si naufragium patiatur. Peritus nauta omni vento prosperè nauigat; nouit enim velum ita obliquare, vt contrario etiam vento portum petat. In mari non semper malacia, nec vltimum nauigium à procellâ liberum. *Non enim nihil significat naui illa portans me, & Discipulos meos, quæ contrario vento laborabat in fluctibus. Si in naui pericula sunt, sine naui certus interitus. Opus ergo naui, vt huius mundi submersionibus vindiceris.*

August.
Serm. 22.
de Diuersis
edit. Lo-
uan.

Verum, ne quid præteream, occultum inimicum, ac valdè fraudulentum, qui nauim validè remorari possit, hîc tibi detegam. Quantâ potes sollicitudine & curâ, ô Staurophila, illud cura,

Ne vite ipsa tuæ immittas Echeneidacarnem,

Nazian. in
Carm. ad
Virgin.

Quæ veluti iniectâ properantem compede puppim

Detinet, ac tantam cogit subsistere molem.

Voluptas carnis, mundi, prosperitas, CRUCES & tribulationes respuunt, nec aduerso vento nauigare didicerunt. Epulonis naui

nullam habebat CRVCEM, prospero utebatur vento, sed hoc vento ad infernum nauigauit. Lazari naus plena erat CRVCIBVS, & aduerso ferebatur vento; sed hic flatus eam in sinum Abrahæ, tamquam in portum tranquillissimū duxit. Et cum fluctus essent tam multi, vicissimque alios super alios Lazarum impeterent, non tamen demersum est nauigium. Diuitis verò nauiserat plena mercium, ac secundo nauigabat vento, verum ad naufragium festinabat, eò quod onus nolebat circumspectè ponere.

Circumspectiorem me facient, aiebat Staurophila, monitiones tuæ, quæ munitiones quoque aduersus hostium insultus, & varias fluctuationes mihi erunt. Sed scire hoc vnicum tandem velim, an patientiæ hæc nauis optatum etiam subintret portum. Subintrat, inquiebat Christus, & quidem citissimè ac securissimè. Nec est quòd dubites, si me-

mineris istius: *Per multas tribulationes oportet nos intrare in regnum celorum.* Animaduertis hic, credo, aquas tribulationum rate CRVCIS secandas, & sic peti portum regni celorum. *Quod autem CRVX ad patriam post multos errores redire faciat, satis declarant, cum latroni in CRVCE posito dicerem, Hodie mecum eris in paradiso. Qui utique diu oberans ac naufragus aliter ad patriam paradisi,*

Ambros.
Serm. 51.
tom. 5.
Luc. 23, 44

de

de quâ primus homo exierat, redire non poterat, nisi fuisset arbori religatus. Sic CRVCIS rate mundi discrimina illecebrosa licet transire, ita melioris vitæ cursus non incidit in scopulos voluptatis. Acclamabat hîc Staurophila, O quàm benè nauigant, qui in nauibus Christi CRVCEM sicut arborem præferunt, atque inde explorant flabra ventorum, ut corpora sua dirigant ad sancti Spiritus gratiam, in ligno Domini tuti atque securi. Felices prorsus, qui non permittunt naues suas vago fluctu errare per maria, sed ad portum salutis, & ad consummationem gratiæ cursus sui directione contendunt, ut fidâ tandem statione potiuntur, ubi naufragium timere non possint.

Ambros. in
Psal. 47.



Quadrigæ tuæ, saluatio. Hab. 3, 4.



Quam tuleram, tulit hæc me CRVX: CRVCI et
 ipsa volucres
 Adde rotas; si vis currere, currus erit.

CAPVT XI.

*Vehiculo CRVCIS caelestem adiri
Ierusalem.*

Quadrigæ tuæ, saluatio. *Hab. 3, 4.*

*Quantuleram, tulit hæc me CRVX, CRVCI
& ipsa volucres
Adde rotas, si vis currere, currus erit.*



ROSPERO vento, cum eo cui obediunt venti & mare, litus attingit Staurophila; cumque è naui exscendisset, ita eam Christus excepit: Agendum, dilecta mea, feliciter emensi sumus hoc mare, nec longe sumus à regno Dei, tot votis desiderato. Breue autem quod restat curriculum, curru potius conficiemus; partim, vt varietate hæc itineris subleuetur molestia; partim, vt citius eò pertingas, vbi te speras sine fine manuram. Dici vix potest, vt hæc Staurophilam delectarint, quæ tacita secum cogitabat, an, veluti alia emolumenta CRVCIS hæcenus exposita ex CRVCE ferè conflata fuerant; ita quoque vehiculum quoddam exhiberetur CRVCIS, quo caele-

cælestem patriam liceret adire. Id verò vt videbat IESVS, statim respondit: Dubitâsne Staurophila, num currum tibi CRVX præstare queat? Et quid obsecro illa mihi aliud fuit, quàm triumphalis currus, quo de mundo, morte & diabolo trophæum erigens,

Luc. 24, 16 cælestem Ierusalem gloriosus intraui. *Oportebat enim pati Christum, & ita intrare in gloriam suam.* An non legisti Prophetam, triumphum CRVCIS meæ describentem? *Cornua*, ait, *in manibus eius.* cornua scilicet CRVCIS, quibus clavis affixus fui, atqui *ibi abscondita erat fortitudo mea.* Pergit verò narrare, vt in triumphum ducti captiui. *Ante faciem*, inquit, *eius ibit mors.* Egredietur diabolus ante pedes eius. Quæris quando? Tum

Hab. 3, 4, 5 nimirum, cum *exspolians Principatus & Potestates, traduxi confidenter, palam triumphans illos in* memetipso. CRVX enim trophæum diaboli fuit, in quo & crucifixus est, & triumphatus. Ne verò currus Prophetam oblitum putes, subiunxit: *Qui ascendes super equos tuos, & QVADRIGÆ tuæ saluatio.* Nam vt Elias, qui typum mei gessit, curru & equis igneis per turbinem in cælum ascendit; ita & ego, post CRVCEM & passionem, propriâ virtute cælos penetraui. Quid verò iam restat, nisi vt qui consors fuerit CRVCIS meæ, eâdem, veluti vehiculo, euehatur

Coloss. 1,

15.

Origen.

Hom. 8. in

Iosue.

Hab. 3, 8.

2. Reg. 4,

11.

in cælum? CRVX siquidem & tribulatio, *habitus victoria, & palmata Christianorum vestis est, talique curru triumphant.* Hoc in veritate tibi dico. *Si libenter, ô Staurophila, CRUCEM portas, portabit te, & ducet te ad desideratum finem, ubi scilicet finis patiendi erit.*

Tertull. in
Apolog.
cap. 50.
Thom. à
Kemp. l. 2.
cap. 12.

Oblectabatur plurimùm hisce sermonibus Staurophila, & exclamans aiebat: *Quàm bonus Israël Deus, his qui recto sunt corde!* Quàm magna, Domine, misericordia tua super me! qui CRUCEM mihi cōuertis in currum, & quod portandum mihi erat onus, eo ipso me portari & vehi in cælum decreuisti! Clarissimè videre mihi nunc videor, quomodo *diligentibus Deum omnia cooperentur in bonum.* Hoc nimirum erat, Staurophila, subijciebat Christus, quare *ingum meum suauis, & onus dixerim leue.* Verè enim *leue onus est, quod portantem non grauat, sed leuat.* Quid eo leuius onere, quod non solum non onerat, sed & portat omnem, cui portandum imponitur? Est onus exonerans, sicut pennæ auum, quæ ferunt à quibus feruntur. Nam esto, appositis pennis onus crescat, tamen sarcina est leuior. Atqui hoc de hac quadrigâ meâ intelligas velim. *Sic enim oneri gravissimo Legis accedens quadriga Euangelij, & auxit perfectionem, & difficultatem minuit.*

Psal. 72, 1.

Rom. 8, 28

Matth. 11,
30.

Bernard.
Epist. 72.

Et

August. in
Psal. 59.

Et ided non grauis est *sarcina CRVCIS*.
Portent illam homines, & inuenient quàm sit
leuis, quàm suavis, quàm incunda, quàm ra-
piens in calum, & à terrâ eripiens.

Bernard.
Ser. i. in die
Paschæ.

Placebat Staurophila mirum in modum
spiritualis hic currus: proinde de singulis eius
partibus benignissimum Magistrum interro-
gandum duxit, Opto, inquit, mi Domine,
particularius cognoscere, quamnam huius
currus rotæ, qui equi, quis auriga. Næ tu, in-
quiebat Christus, semel & simul multa pro-
ponis, quæ singillatim disserenda. Quatuor
spiritualis huius currus rotæ sunt, totidem
virtutum gemmæ, quibus trophæum CRV-
CIS ipsemet exornauit: *Charitas* scilicet, *Obe-*
dientia, *Patientia*, & *virtutum radix Humili-*
tas. Ego enim CRVCI affixus ad *Iudeorum*
blasphemias humilis, ad *vulnera patiens* fui,
& *charitatem* nemo maiorem habuit, quàm
ego, qui animam meam non pro amicis tan-
tum, sed & pro inimicis posui. *Obedientia* fuit
consummata, nam *inclinato capite tradidi spi-*
ritum, factus obediens usque ad mortem. Hicce
ego rotis currum CRVCIS intruxi, vt es-
sem vobis *obedientie forma*, *incentiuum amo-*
ris, *patientie speculum*, *humilitatis exem-*
plum.

Quàm pulchræ, aiebat Staurophila, rotæ
currus tui, Domine: o quam volubiles: quàm
apte

aptæ vt nos ad cælum subleuent ! Sed concupiscit anima mea vlteriùs de ijs audire dulcissimum eloquium tuum. Ausculta igitur, ô filia, aiebat Christus. Primò rotam amoris nuncupauit. *Vt enim corpus pondere, sic animus amore fertur, quocumque fertur.* Non laborat amor: nam quo plus amaueris, hoc leuiorem sarcinam feres: quandoquidem amorem geris, qui ultra celos omnes ad dilectum vsque portat ac euehit. Etenim amans spiritus, quocumque vult peruolat, cupctis illi celis patentibus.* Vide mihi nunc, quam congrue vehiculum CRVCIS amoris voluatur rotâ. Nam

August.
lib. 10. de
Ciuit.
*Rufin.
lib. De 7.
amoris
grad. c. 4.

*Quantacumque CRVX sit mora,
Vix apparet brevis hora,
Nec sentitur pra amore.*

Altera rota est vera Obedientia, & conformitas cum voluntate diuinâ. *Nam qui diuinam* voluntatem in omnibus sequi conatur, *is curru* vehitur, cum omnibus CRVCIBVS ipti alioqui ferendis. Alij verò, qui hanc itineris agendi rationem & compendium ignorât, pone sequuntur pedites, & onerosas CRVCES aut morose trahunt, aut laboriose ferunt. Itaque expeditus & gaudens homo voluntati Dei conformis, per medias ærumnas ad caelestem patriam securus pergit.

2.
Dorothei.
Serm. de
Obed.

Rota tertia, Patientia est; quæ quantum promoueat ad regnum Dei assequendum,

3.

non

Aet. 11, 21

2. Cor. 4,

17.

non semel iam doctum dictumq;. *Per multas enim tribulationes oportet intrare in regnum celorum. Et quod in presenti est momentaneum & leue tribulationis vestræ, supra modum in sublimitate eternum gloriæ pondus operatur.*

†

Ephes. 4,

10.

Bernard.

Serm. 4. de

Ascens.

Domini.

Denique quarta rota, Humilitas est; sine quâ qui ad cælum ascendere concupiscit, verissimè descendit: qui autem se humiliat, exaltabitur. Hanc rotam ego in meipso ostendi, *quoniam qui de calis descendi, ipse sum & qui ascendi.* Qui aliter vadit, cadit. Vide ergo *ne ductoris imò seductoris iniqui aut vestigium aut consilium sequaris*, ne de curru fortè corruas. Atque hæc de rotis.

Bernard.

Serm. 1. in

De lic.

Eccles.

Subiecit verò Staurophila: Non graue sit Domino meo, si sermonem nonnihil interrupo. Video enim rotas hæc perungēdas. *Necessè est enim ut vñctio spiritalis gratiæ adiuvet infirmitatem nostram, deuotionis adipe liniens CRVCES patientiæ nostræ. Quia nec sine CRVCE sequi te licet, & sine vñctione, CRVCIS asperitatem ferre quis posset?* Hinc enim est quòd multi abominantur & fugiunt aduersa, CRVCEM quidem videntes, sed non etiam vñctionem. Vnde ergo vnguentum huic rei necessarium? Ex me, respondit Christus, qui à chrismate nomen sumpsi. Vixit enim me Pater oleo lætitiæ præconfortibus meis: quòd non mihi soli serua-

Psal. 44, 9.

ui, sed & in alios deriuatum est. *Oleum enim* Cant. 1, 2
effusum nomen meum. & de plenitudine eius
omnes athletæ mei postea peruncti sunt.
Haud satis assequor, inquiebat Staurophila,
quid hoc sibi velit. Cui Christus: Sicut ego
descendens in aquas Iordanis, non illas
modò, sed omnes omnino sanctificaui, &
aptas feci ad sanctificationem Baptismi; ita
quoque postquam exiui è ciuitate baiulans
mili CRUCEM, in vnâ illâ omnes alia à me
uncto eodem oleo latitiæ delibutæ sunt.
CRUCES enim antea erant admodum in-
suaues, horridæ, asperæ, & iugum planè
grauissimum: verùm ego *computrescere feci* Isa. 10, 27.
iugum à facie olei, vt deinceps CRUX esset
iugum suaue, & onus leue. Quare illi qui
prius à CRUCE maximè abhorrebant, eam
postea vehementer etiam desiderarunt. Vnde
exclamat quæcumque est talis: *Trahe me*, Cant. 1, 3.
post te curremus in odorem unguentorum tuo-
rum. Quid si ipsam unctionem in se effusam Bernard.
sentiret, cuius ita tenui exhilarata fragrantia Sermon. 22.
promouetur vt currat, mirum si non & vola- in Cant.
ret. Suspirans hic Staurophila, *Sicut adipe*, Psal. 62, 6.
& pinguedine repleatur anima mea,
& labijs exultationis laudabit os meum.

Sed anhelò, vt de equis quoque benigni-
tas tua sermonem pertexat. Equi, inquiebat
Christus, quibus currus cuehitur, sunt desi-

Bernard. in
Sentent.

derium ex amore celestis patriæ, & affectus videndi Deum, quibus datur fortitudo, & circumdatur hinnitus: calcaria verò, fluxa labilitas presentium, & stabilis æternitas futurorum. Quàm celeriter, Dilecta mea, hi equi, aquilis etiam velociore, eò te perducent,

Ambros. in
Psal. 118.
oñon. 4.

quò totà auiditate tendis? O bonorum equorum iugum mirabile! quibus fræna pacis, habene sunt charitatis, constricti inter se concordie vinculis, & iugo fidei subiecti! Quàm felix est, Domine, inquiebat Staurophila, qui equis hisce & salutaribus quadrigis tuis velitur!

Habac. 3, 8

verissimè enim scriptum est: Quadrigæ tuæ saluatio: iis siquidem expeditissimè ad æternam peruenimus salutem. Sed de equorum Rectore, siue Aurigâ vnicum, precor, adijce verbum. Auriga, inquiebat Christus, ipse ego sum, Verbum Patris; qui noui equos gubernare, vt æqualis omnium sit cursus; & segniores flagello iustitiæ excito, vt currant, & à terris ad superiora se subrigant, atque ad cælum eleuent. Hoc flagello sugata sunt illecebræ seculares, exterminatus mundi Princeps, Iustorum cursus impletus est. Quid iam tibi videtur de toto hoc Equitatu. Satis, inquiebat Staurophila, suauiter equitat, quem currus patientiæ portat. Rectissimè enim Quadriga tua ad cælestem dirigit Ierusalem, & veram immortalitatem. Quàm mul-

Ambros.
vbi suprâ.

ti enim sunt qui tribulationibus exercitati

Mortis sacre compendio

Vitam beatam possident?

Breuiar.
Roman. in
Hym. de
Mart.

Absque CRUCE ad cælum vix peruenissent, aut testudineo incedentes gradu, post diuturnos Purgatorij ignes eò serò tandem euolassent. Sed hæc Martyrum, vt credo, prærogatiua est; quorum Currus velocior. Atque vtinam & mihi hæc obtingat felicitas!

Quid ni contingat? aiebat Christus; numquam enim abest Martyrij tempus. *Sine ferro & flammis Martyrem esse licet, si patientiam in animo veraciter conserues.** Multi ducunt martyrium in lecto; prorsus multi: iacet fidelis in lecto, torquetur doloribus, orat, exauditur; imò non exauditur, sed exercetur, & vt recipiatur filius, flagellatur. Non cedit doloribus per impatientiam, nec malis artibus quarit sanitatem, certat tamen viriliter. *Vires non habet, & diabolus vincit: fit martyr in lecto, coronante illo, qui pro illo pependit in ligno.* Viden' vt à curru CRUCIS non excludantur, qui aduersà valetudine discruciantur? Confide ergo & tu filia, & cum gaudio patientiæ curru in cælum vehere, quia

Idiota de
Verâ patient. c. 10.
*August.
Serm. 19.
de Diuers.
cap. 8.

Labor hic parvus est, & brevis vita.

Mercès grandis est, quies infinita.

Toties martyr Dei efficeris,

Quoties pro Deo panem pateris.

Thom. i
Kemp. in
Cant. de
Patient.

Ascende ad me in montem. *Exod. 24.12.*



*Scande, tibi faciles CRVX præbet idonea scala
En patet ad Superos REGIÆ (scande) VIA*

CAPVT XII.

CRUX *scala, quâ ascenditur in
domum Dei.*

Ascende ad me in montem. *Exod. 24, 12.*

*Scande, tibi faciles CRUX præbet idonea
scalas,*

En patet ad Superos REGIA (scande) VIA.



ALENTIBVS votis & rotis sen-
sim Staurophila supernæ Ieru-
salem appropinquabat, quam
cùm à longè vtrumque aspi-
ceret, ita eam Christus excita-

uit: Leua nunc, amica mea, oculos tuos, &
vide ciuitatem illam supra montem posi-
tam. Hæc est enim Ierusalem illa, *que sursum*
est, que edificatur vt ciuitas, cuius participa-
tio eius in idipsum. Hæc ciuitas Regis magni,
cuius fundamenta in montibus sanctis.

*Gal. 4, 26.
Psal. 121, 3*

*Psal. 47, 9.
Psal. 86, 1.*

Vix se tenebat hæc audiens Staurophila,
& præ lætitiâ exultans, aiebat: *Gloriosa dicta*
sunt de te ciuitas Dei. Beati omnes, qui dili-
gunt te, & qui gaudent super pace tuâ. Latata
prorsus sum in his quæ dicta sunt mihi, quia
stantes erunt pedes nostri in atrijs tuis Ierusa-
lem. Sed quis iam deducet me in ciuitatem

*Psal. 86, 2.
Tob. 13, 18*

*Psal. 121, 2
Psal. 59, 10*

*munitam? quis adducet, Domine, in montem
Psalm. 5, 4. sanctum tuum, & in tabernacula tua? Quis
dabit mihi pennas, sicut columbae, & volabo,
& requiescam?*

Excepit Christus: Non opus est alis, sed
SCALIS: neque enim volando, sed gradatim
ascendendo peruenitur in montem Domi-
ni. Non meministi vt Patriarcham Iacob
Deus olim solatus sit, ostendens illi SCALAM
Gen. 28, 12. *stantem super terram, & cacumen illius tan-
gens caelum: Angelos quoque Dei ascendentes
& descendentes per eam, & Dominum inni-
xum scale?* Memini, inquit Staurophila,
historiæ huius: sed expone, quæso, spirituale
quod in eo latet mysterium. Et Christus:
Philo l. de *Miranda sunt hæc prorsus; continent enim
Somnys. præillustre laboris & patientiæ exemplum. Sca-
Tertull. la enim hæc ostendit arduum iter ad caelum,
l. 3. Cont. quo quidem alij per labores CRVCESQUE
Marcion. perueniant; unde alij difficultate superati
decidant. Sed utcumque laborem habeat hic
ascensus, aiebat Staurophila, illud tamen
dulcissimè solatur, quòd gradibus his supe-
ratis, aditus pateat in caelum. Ita est, inquit
Christus, & hoc voluit æterna Dei Sa-
Sap. 10, 10 *pientia, cum profugum ira fratris instum de-
duxit per vias rectas, & ostendit illi regnum
Dei, & dedit illi scientiam Sanctorum: hone-
stauit illum in laboribus, & compleuit labores
illius.**

illius. Iam tum sanè id Iacob agnoscebat, unde & euigilans, pauensque dicebat: *Quàm* Gen. 28. *terribilis est locus iste! non est hic aliud nisi domus Dei, & portaceli.* nimirum hæc ideò illi ostensa, vt nec fratrem, nec ærumnas, nec dolores vllos refugeret, quibus nimirum sciret cælestes adiri mansiones, & requiem parari æternam. Quis, inquebat Staurophila, similes mihi concedat scalas, vt ascendam ad montem Domini, & ad domum Dei Iacob? Ecce terra deorsum, quam calcamus pedibus nostris: ecce iam celum sursum, quod videmus oculis nostris; & ascendere gestiens, canto: Ad te leuavi oculos meos, qui habitas in celis. vbi sunt ergo scala? tanta enim interualla conspicio inter celum & terram, tantam separationem & tanta spatia locorum; & illuc volo ascendere, & scalas non video. An nescis, respondebat Christus, vt in alijs, ita & hic ipsam tibi præsidio fore CRUCEM? quàm magna enim & mira ego cælestis Architectus de CRUCE meà feci? Ex ipsâ enim scilas cæli, per quas hominem lapsum ad cælestem patriam leuaré, construxi. O quales scale! quarum caput in celum positum, per quas ipse & ascendi, & descendi, & propter cōfirmationem ipse super eas incumbo! Ascende secunda, si desideras celum: non te terreat earum nec angustia, nec longitudo, nec altitudo: nihil

Isaie 2, 3.
August. in
Psal. 122.

August. de
Cataclyf.
tom. 9.

timeas, non nutant gradus eius, quos ego Architectus sic confirmaui, ut in eius ligno manus meas clauis affigi voluerim. Deluper autem scalæ innitor, ut lasis manum porrigam, ut ascendentes meo ad labores prouocem aspectu.

Hieron:
Epist. ad
Iulian.
tom. I.

O Domine, inquebat Staurophila, quanto desiderio desiderat anima mea per SCALAM CRVCIS ascendere in Bethel, in domum Dei nostri! Huc enim me prouocat, huc inuitat facies illa tua decora, in quam desiderant Angeli prospicere. Sed ascendere conanti porrige, quæso, manum, & ostende iam quomodo CRUX & tribulatio SCALA sit cæli.

Habet hoc, respondebat Christus, omnis aduersitas & CRUX, ut quantum hominem mœrore deprimere videtur, tantum subleuet ad cælum, Deoque faciat viciniorem. Ita aquæ diluuij quò magis increfcebant, & arcam Noë obruere videbantur, eò magis à terrâ ad sidera eleuabant. Quàm sæpè afflictî, gementes, excruciatî experti sunt se ipsâ CRUCE à terrenis ad cælestia sustolli: nec ipsa id nescis, Staurophila. Scio Domine, inquebat illa, sed totam scalæ fabricam si fas sit, nouisse luberet. Cui Christus, Latera huius Scalæ sunt duo illa verba, *Sustine, & abstine*. Quid verò de gradibus dicam, quos

quos tibi Paulus *demonstrat*, & ascendentes
 quamplurimos inuitat: *Flecto*, inquit, *genua*
mea ad Patrem Domini nostri Iesu Christi, *ut*
det vobis comprehendere cum omnibus San-
ctis, quæ sit altitudo & latitudo, longitudo &
profundum. Quatuor gradus posuit CRVCIS.
Non ergo laboriosæ sunt hæc scala. Quatuor
gradus habent, & perducunt ad calum. In al-
titudine caput positum est crucifixi. Sursum
cor habeat Christianus ad Dominum, quod
interrogatus quotidie respondet, & ascendit
unum gradum: in latitudine CRVCIS ma-
nus affixæ sunt crucifixi. Perseuerent manus
Christiani in operibus bonis, & secundum gra-
dum ascendit. In longitudine CRVCIS corpus
pependit crucifixi. Castiget quis corpus suum
observationibus, ieiunijs illud suspendat, ut ser-
uituti animæ subiciat, & tertium gradum
ascendit. In profundo CRVCIS occultum est
quod non vides, sed inde exurgit hoc totum
quod vides. Ad sit fides Christiana, quod non
potest comprehendere, credat corde, altiora à se
non querat, spes eum nutriet, & tunc quartum
gradum ascendit. Per hos gradus ascenderunt
Sancti omnes, continentes, coniugati fideles,
euaferunt ruinas mundi, migraverunt ad loca
tutissima.

Felices prorsus, inquit Staurophila, hi
 gradus, quibus ad felicitatem conscenditur

Psal. 83.

aternam! Vtinam, Domine, celeri cursu illos superare queam! Cui Christus: *Ascēssiones* has in corde disponere oportet in hac valle lacrymarum, in loco quē tibi Deus posuit. Ille etenim benedictionem dabit, vt eas de virtute in virtutem, donec videas Deum deorum in Sion. Non te terreat labor, non reuocet difficul-

Cant. 3, 10

tas: neque enim ad aureum Salomonis reclinatorium aditus patet, nisi per ascensum purpureum. Nōne vides vt ipsa CRVX, ex quā *scalas* mihi in cælum feci, fuerit ornata

Isaiz 63, 2.

Regis purpurā? Non legisti *rubrum* fuisse *indumentum* meum, & *velut calcantium in torculari*? Age igitur, cruenta Sponsi tui lege vestigia, & imitationis fernore eisdem insiste, vt cum eo simul ascendas in montem sanctum, & in tabernacula æterna. Parata sum, subiiciebat Staurophila, & non sum turbata, vt sequare vestigia Dilecti mei, vt *ascendam*

Hab. 3, 16

ad populum accinctum nostrum: nam, vt non semel intellexi, *sancti Martyres ad caelestis regiæ ianuam gradibus pœnarum suarum ascendentes, scalas sibi quodammodo de equuleis, catastis, & CRVCIBVS fecerunt*. Sed obsecro, Domine, trahere me post te, quia retrahit à te corpus hoc aggrauans animam. Dirige quæso gressus meos, ne commoueantur pedes mei: operi manum tuarum, Domine, porrigas dexteram, ne corruam in conspectu ad-

Saluian.
lib. 3. de
Gubernar.
Dei.

uer-

uersariorum meorum. Vix hæc elocuta erat,
 cum Christus extensâ manu apprehendit
 eam, & subleuauit ad se in montem, dicens:
 Optimum, Dilecta mea, factum, quod im-
 ploraris auxilium meum, nec in potentiâ tuâ,
 sed in me solo habueris fiduciam. Nam qui Prouer. 29,
sperat in Domino, subleuabitur: nec unquam 25.
 de deserto huius mundi ascendere poterit
 anima, nisi innixa super Dilectum suum. Cui Cant. 8, 5.
 illa: Docuisti hoc, Domine, ancillam tuam,
 ut speraret in te. Propterea confitebor tibi, &
exultabo in Deo IESV meo. Benedictus Deus
meus, & exaltetur Deus salutis meæ. Deus, qui
precinxit me virtute, & posuit immaculatam
viam meam. Qui perfecit pedes meos tamquam
cervuorum, & super excelsa statuit me. Et dedi-
sti mihi protectionem salutis, & dextera tua
suscepit me. Propterea diligam te Domine for-
*titudo mea, & * benedicam nomini tuo in sacu-*
lum, & in saculum seculi.

Hab. 1, 18.

Psal. 17, 47

V. 33.

V. 1.

*Psal. 144,

1.



Pulsanti aperietur. Luc. 11, 10.



Hem! CRVCE pulſo ſores, Proceres attollite
portas:
Cognitus hic vobis (eia aperite) ſonus.

CAPVT XIII.

CRUX regni celorum pandit portas.

Pulsanti aperietur. *Luc. 11, 10.*

*Hem! CRUCE pulso fores, Proceres attollite
portas,
Cognitus hic vobis (eia aperite) sonus.*



VECTA iam erat Staurophila
ad ipsum montis fastigium, in
quo ante ipsam Ierusalem lata
quædam area, non admodum
tamen longa protendebatur.
Hic verò Christus Dilectam suam ita affatus
est: In proximo est, mea Staurophila, ut im-
pleatur desiderium tuum, ecce enim hæc est
ciuitas Regis magni.

Viden' ut luce splendidâ fulgeat, cuius
fundamenta in montibus sanctis, & lumen *Psal. 47, 9.*
eius simile lapidi pretioso, tamquam lapidi
iassidis, sicut crystallum; ecce murum ma- *Apoc. 21,*
gnum, & altum habentem portas duodecim: *11.*
tota structura muri ex lapide iasside, ipsa ve- *Ibid. v: 18.*
rò ciuitas aurum mundum simile vitro mun- *21.*
do. Singule portæ ex singulis margaritis, &
platea ciuitatis aurum mundum tamquam vi-
trum perlucidum. Quàm grata hæc oculis,
quàm

quàm iucunda! Nec auribus hîc sua deest
 Tob. 13, oblectatio; nam per *vicos eius* perpetuum
 22. & suauissimum *Alleluia* cantabitur. Lætitiâ
 Psal. 83, 1. gestiens Staurophila exclamabat: *Quàm*
dilecta tabernacula tua, Domine virtutum!
concupiscit, & defecit anima mea in atria
Domini: quia melior est dies una in atrijs tuis,
 Psal. 25, 8. *super millia. Dilexi enim, Domine, decorem*
domus tue, & locum habitationis gloriæ tue.

Meritò sane, inquiebat Christus; hîc enim
 Isaiz 61, 3. dabitur tibi, omnibusque lugentibus *coro-*
na pro cinere, oleum gaudij pro luctu, pal-
 Apoc. 2, 4. *lium laudis pro spiritu mœroris.* Hic abster-
get Deus omnem lacrymam ab oculis Sancto-
 Isaiz 60, 5. *rum, & mors ultra non erit, neque luctus,*
neque clamor, neque dolor erit ultra, quia pri-
ma abierunt. Tunc, ô charissima, videbis,
& afflues, & mirabitur & dilatabitur cor
 Psal. 35, 9. *tuum. Tunc inebriaberis ab vbertate domus*
Dei, & torrente voluptatis potaberis. Tunc
 Psal. 47, 9. *quoque cum alijs Sanctis gratulabunda di-*
ces: Sicut audiuiimus, sic vidimus in ciuitate
Domini virtutum, in ciuitate Dei nostri.

Domine, inquiebat Staurophila, vt hæc
 Psal. 41, 5. *recordata sum, effudi in me animam meam,*
quoniam transibo in locum tabernaculi admi-
rabilis vsque ad domum Dei.

Sed, ô Domine, si inueni gratiam in ocu-
 lis tuis, iam amplius noli tardare, sed osten-
 de

de mili, obsecro, gloriam tuam. Ita suspi-
rans, & velut ceruus desiderans introitum
cælestis Ierusalem, leniter ducente & comi-
tante Christo, deambulabat Staurophila, do-
nec tandem peruentum est ad portam ciui-
tatis; cum Christus ad eam: *Hæc porta Domi- Psal. 117.,*
ni, iusti intrabunt in eam. Iam, ô dilecta, cur-^{19.}
sum consummasti, fidem seruasti, reliquum
est vt intres in gaudium Domini, receptu-
ra coronam iustitiæ. An non vides vt te
candidatorum Martyrum exercitus exspe-
ctet, vt Virginum turba inuitet, vt omnis
curia cælestis cum gaudio acclamet: *Veni* Breuiar.
sponsa Christi, accipe coronam, quam tibi Rom.
Dominus preparauit in æternum? Eleuans
porrò oculos Staurophila, videre sibi visa
est *turbam magnam stantem ante thronum* Apoc. 7, 13
in conspectu Agni; & omnes (vt appare-
bat) amicti stolis albis, & palme in manibus
eorum. Cui Christus: *Hi qui amicti sunt sto-*
lis albis, qui sunt? & vnde venerunt? Ait illa:
Domine mi, tu scis. Et dixit: *Hi sunt qui* Ibid.
venerunt de tribulatione magnâ, & lauerunt
stolas suas, & dealbauerunt eas in Sangu-
ine Agni, ideò sunt ante thronum Dei, &
seruiunt ei die ac nocte. Non esurient, neque
sitient amplius, nec cadet super illos Sol, ne-
que ullus æstus: quoniam Agnus, qui in me-
dio throni est, reget illos, & deducet eos ad
vite

vite fontes aquarum. O vtinam eorum iungar consortio! aiebat Staurophila; vtinam iocietate fruar ciuium supernorum, qui me expectant, donec retribuas mihi! Sed quid agimus, Dilecte mi? en fores etiamnum clausæ sunt: quis eas referabit? Clamare vix ausim; atque vt excelsâ voce inclamen, repulsam timeo. Memini enim fatuas illas

Matth. 25, 12. virgines, quæ dicebant, *Domine, Domine, aperi nobis*, audiuisse durum illud *Nescio vos.*

Quid hæsitas? inquebat Christus. ipsâ
Luc. 11, 10 CRVCE tuâ, ceu malleo, validissimè portas has pulsâ, *pulsanti enim aperietur.* Nec

Matth. 11, 12. insolentiam metue, *regnum enim calorum vim patitur, & violenti rapiunt illud.* Non-

Luc. 13, 24 ne omnes admonens olim dixi: *Contendite intrare per angustam portam*, vt scirent fas esse non tantum pulsare, sed multâ etiam vi & contentione viam sibi in cælum aperire: *quia multi quarent intrare, & non poterunt.* Id verò aptissime fecerit CRVX, quæ paradisum referat, & caelestis regni clauis est. Iubentis vocem secuta Staurophila, semel iterumque, quantâ vi poterat, ianuam cæli CRVCE pulsabat, dicens: *Attollite portas, principes, vestras, & eleuamini portæ æternales, & introibo in tabernaculum Dei mei.* Nec mora; statim apertum est cælum; & electa illa post tot CRV-

Psal. 13, 7.

ces

ces & tribulationes, exultans & lætabunda admissa est in atria Domini. Antequam verò intraret, chartam quamdam in terram dimisit, quam adstantium quidam auidè rapiens, & pià curiositate aperiens, vidit in ea scriptum

TESTAMENTVM STAVROPHILÆ.

✠ In nomine Domini nostri IESV
CHRISTI Crucifixi, Amen.

Staurophila athereos iam iam subitura penates,

Hæc mittit genti verba suprema sue.

Hætenus, ut licuit, nostros spectastis agones,

Et VIA quo passu sit mihi trita CRVCIS.

Nunc meritum bonitate suâ mihi pandit Olym-
pum,

Qui fuerat nostræ Duxq; Comesq; viæ.

Sed tamen extreme (vel in ipso limine celi)

Signa voluntatis scribere posse dedit:

Insit & Aligerum, qui me custodit, Achatem,

Hæc TESTAMENTI verba notare mei.

Illa ego tot pridem, magnosq; experta labores

Staurophila, è CRVCIS hac sat benè no-

ta VIA;

C e

Exiguo

Exiguo vixi celebs, & paupere censu:

Patris opes CHRISTI nomine, pauper habet.

At mihi ductoris largo de munere IESV

Sunt bona, pauca quidem, sed meliora super.

Horum, mortales, ego vos ex asse relinquo

Heredes, & ius omne resigno meum.

Protulit aeternæ quæ CHRISTVS dogmata
vite,

Quæq; salutifera sunt CRVCIS apta VIÆ;

Hæc ego Testatrix, tribus his signata libellis,

Aeternum vobis nuncupo, lego, dico.

Quæ CRVCIS in stadio vestigia nostra le-
gantur,

Lego eadem vestro sed relegenda pede.

CRUX superest, nostræ CRUX maxima causa
salutis,

Quâ mihi nil toto gratius orbe fuit;

Hanc quoque transcribo; capite, & citò ferre
ferentem

IESV Staurophoris præmia mille CRUCEM.

Illâ triumphalis Superum mihi currus ad aulâ:

Si placet hæc vobis meta, tenete VIAM.

Adum in atriis celestis Ierusalem, regnante

à ligno CRVCIS Domino nostro IESV

CHRISTO:

Ego STAVROPHILA ancilla

CHRISTI Testamentum meum

relegi, signavi, subscripsi. ✝

Hæc

Hæc dilapsa cælo continebat scheda. Interim Staurophila intrauit in gaudium Domini sui, in gaudium illud, quod solum est verum & solidum gaudium: *quod non de creaturâ, sed de creatore concipitur; cui comparata omnis aliunde iucunditas, maror est; omnis suauitas, dolor est; omne dulce, amarum; omne decorum, fædum; omne postremo quodcumq; aliud delectare possit, molestum.* Quis verò cogitare sufficiat, quanto deuotionis affectu tota in eius occursum celestium legionum prodierit multitudo? quibus ad thronum gloriæ canticis sit deducta, quàm placido vultu, quàm serenâ facie, quàm diuinis amplexibus à Sponso suscepta?

Bernard.
Epist. 114.

Bernard.
Serm. 1. de
Assumpt.
B. M. A-
R. I. A. E.

Sed frustra omnino sim, si quod in illâ viuentium regione iam vider, audit, gustat, & tranquillissimâ possidet securitate, exponere voluero. Quia *nec oculus vidit, nec auris audiuit, nec in cor hominis ascendit, que præparauit Deus iis, qui diligunt illum.* Res ista fide non capitur, spe non attingitur, charitate non apprehenditur; desideria & vota transgreditur. Quid igitur? desperandumne est? minimè: *estimari non potest, ACQVIRI POTEST.* Quo autem pretio? *quanto labore digna est requies, que non habet FINEM?* Si verum vis iudicare, æterna requies æterno labore recte emitur. Verum hoc est; sed noli ti-

1. Cor. 2, 9

Augusti-
nus.

August. in
Psalm. 93.

mere, misericors est Deus. Si enim haberēs æternum laborē, numquam peruenires ad æternam quietem. Ergo ut aliquando peruenias ad id quod emis, non in æternum laborandū est, non quia non valet tanti, sed ut possideatur, quod emitur. Decies centena millia annorum in labore quid valent? Decies centena millia annorum habent FINEM; quod tibi dabo, dicit Dominus, non habebit FINEM. Qualis misericordia Dei? nec dicit, Decies centena millia annorum labora; non dicit, Vel mille annos labora; non dicit, Quingentos annos labora; sed, Cum viuis labora, in paucis annis. Inde iam requies erit, & FINEM non habebit.

Augustin.
lib. 22. de
Ciuit. Dei
cap. 30.

O requies æterna! O FINIS sine FINE!
ô gaudium immensum! ô tranquillissima
quies in Deo ipso! qui est desideriorum nostrorum FINIS, qui sine FINE videbitur, sine fastidio amabitur, sine fatigatione laudabitur. Ecce quid erit in FINE, sine FINE! Nam quis alius noster est FINIS, nisi peruenire ad Regnum cuius nullus est FINIS?

HUC REGIA CRVCIS ducit VIA;
huc suo, ut vidimus, itinere peruenit Staurrophila, hic etiam totius nostræ scriptiōnis ad Dei vnius gloriam sit tandem

FINIS.

IN

INDEX LOCORVM
S. SCRIPTVRÆ
QVÆ
IN HIS LIBRIS
EXPLICANTVR.

GENESIS.



APVT 6. *Vers.* 3. Non permanebit spiritus meus in homine in æternum, quia caro est. *Pagina* 270

28, 12. Viditque in somnis scalam stantem super terram, & cacumen illius tangens cælum. 390

42, 21. Merito hæc patimur, quia peccauimus in fratrem nostrum. 199

EXODVS.

4, 3. Virga Moysis versa est in colubrum. 139
23, 4. Si occurreris bovi inimici tui, aut asino erranti, reduc ad eum. 254

23, 15. Si non tu ipse præcedas, ne educas nos de loco isto. 161

DEUTERONOMIUM.

33, 9. Qui dixit patri suo, & matri suæ: Nescio vos. 110

19. Inundationem maris quasi lac sugent. 213

Cc 3

IVDI-

IN

INDEX LOCORVM

I V D I C V M.

16, 21. Eruerunt oculos eius, & clausum in
carcere molere fecerunt. 85

T O B I A S.

3, 13. In tempore tribulationis peccata dimit-
tis his, qui inuocant te. 306

12, 13. Neceſſe fuit vt tentatio probaret te. 44

I V D I T H.

8, 26. Reputantes peccatis noſtris hæc ipſa
ſupplicia minora eſſe. 199

E S T H E R.

5, 3. Oſculata eſt ſummitatem virgæ eius. 240

I O B.

1, 21. Dominus dedit, Dominus abſtulit. 245

6, 10. Hæc mihi ſit conſolatio, vt affligens me
dolore non parcat. 312

36, 15. Reuelabit in tribulatione aurem eius. 316

P S A L M I.

2, 12. Ne quando irāſcatur Dominus, & perea-
tis de viâ iuſtâ. 312

15, 4. Multiplicatæ ſunt infirmitates eorum,
poſteâ accelerauerunt. 224

22, 4. Virga tua & baculus tuus ipſa me conſo-
lata ſunt. 241

29, 7. Ego dixi in abundantia meâ: Non moue-
bor in æternum. 170

31, 4. Conuerſus ſum in ærumnâ meâ, dum
conſigitur ſpina. 317

10. Multa

S. SCRIPTURÆ.

	10. Multa flagella peccatorum.	81
33.	19. Iuxta est Dominus iis qui tribulato sunt corde.	359
	20. Multæ tribulationes iustorum.	15
	34, 6. Via eorum tenebræ & lubricum.	86
	44, 14. Omnis gloria filia Regis ab intus.	259
	49, 15. Inuoca me in die tribulationis.	221
	54, 16. Descendant in infernum viuentes.	202
	55, 1. Misere mei Domine, quoniam conculcavit me homo.	331
	62, 6. Sicut adipe & pinguedine repleatur anima mea.	385
	72, 5. In labore hominum non sunt, & cum hominibus non flagellabuntur.	200
	76, 3. In die tribulationis meæ Deum exquisiui manibus meis.	223
	79, 6. Potum dabis nobis in lacrymis in mensurâ.	51
	80, 12. Dimisi eos secundum desideria cordis eorum, ibunt in adinventionibus suis.	311
	82, 17. Imple facies eorum ignominia, & quærent nomen tuum Domine.	224
	90, 15. Cum ipso sum in tribulatione.	359. 363
	98, 8. Et vlciscens in omnes adinventiones eorum.	308
	106, 13. Clamauerunt ad Dominum cum tribularentur.	222
	115, 4. Calicem salutaris accipiam, & nomen Domini inuocabo.	216
	118, 28. Dormitauit anima mea præ radio, confirmata me in verbis tuis.	294
	37. Auerte oculos meos, ne videant vanitatem.	153

INDEX LOCORVM

129. Confige timore tuo carnes meas. 269
 119, 1. Ad Dominum cū tribularet clau-
 mali. 222

PROVERBIA.

- 3, 11. Disciplinam Domini, fili mi, ne abicias
 cū ab eo corripieris. 177
 12, 7. Verte impios, & non erunt. 106
 13, 4. Vult & non vult piger. 57
 16, 11. Pondus & statera iudicia Domini
 sunt. 49
 19, 2. Qui festinus est pedibus, offendit. 155
 24, 16. Septies cadit iustus. 309
 25, 21. Si esurierit inimicus tuus, ciba illum:
 si fuerit, da ei aquam bibere: prunas enim congre-
 gabis super caput eius, & Dominus reddet tibi. 254
 29, 25. Qui sperat in Domino, subleuabi-
 tur. 395

ECCLESIASTES.

- 2, 12. Quid est homo, vt sequi possit Regem
 factorem suum? 166
 7, 27. Virum de mille vnum reperi: mulierem
 ex omnibus non inueni. 99

CANTICA.

- 1, 2. Adolescentulæ dilexerunt te. 124
 Oleum effusum nomen tuum. 385
 3. Trahe me post te, in odorem vnguento-
 rum tuorum curremus. 59. 385
 12. Fasciculus myrrhæ dilectus meus mihi,
 inter vbera mea commorabitur. 164
 2, 16. Dilectus meus mihi, & ego illi. 211
 3, 1. Quæsiui illum, & non inueni. 279
 9. Fer-

S. SCRIPTURÆ.

9. Ferculum sibi fecit Rex Salomon delignis Libani, columnas eius fecit argenteas, &c. 281
 4. 9. Vulnerasti cor meum in vno oculorum tuorum. 221
 7, 8. Ascendam in palmam, & apprehendam fructus eius. 291
 8, 5. Innixa super dilectum suum. 395
 6. Fortis est ut mors dilectio. 270

SAPIENTIA.

- 1, 11. Custodite vos à murmuratione, quæ nihil prodest. 177
 3, 2. Deus tentavit eos, & inuenit illos dignos se. 165
 10, 10. Iustum deduxit Dominus per vias rectas, & ostendit illi Regnum Dei. 390

ECCLESIASTICVS.

- 2, 4. Sustine, & in dolore tuo patientiam habebis. 233
 13. Pius & misericors est Deus, & remittet in die tribulationis peccata. 305
 16. Vae his, qui perdiderunt sustententiam. 181
 10, 29. Noli extollere te in faciendo opere tuo. 187
 23, 38. Gloria magna est, sequi Dominum. 165
 27, 12. Stultus sicut luna mutatur. 192
 34, 2. Quali qui apprehendit umbram, & persequitur ventum, sic & qui attendit ad vita mendacia. 191
 35, 21. Oratio humiliantis se nubes penetrabit. 219.

INDEX LOCORVM

ISAIA S.

3, 12. Qui te beatum dicunt, ipsi te decipiunt.	192
7, 15. Vt scias reprobare malum, & eligere bonum.	131
9, 6. Factus est principatus super humerum eius.	259
10, 27. Computrescet iugum à facie olei.	385
26, 10. Misereamur impio, & non discer iustitiam.	311
28, 19. Sola vexatio intellectum dabit auditui.	316
30, 21. Hæc est via, ambulate in eâ.	7
66, 2. Ad quem respiciam, nisi ad pauperculum & contritum spiritu.	338

IEREMIAS.

4, 18. Viæ tuæ & cogitationes tuæ fecerunt hæc tibi.	199
23, 29. Numquid non verba mea quasi malleus conterens petram?	270

EZECHIEL.

1, 11. Facies eorum & pennæ eorum extentæ desuper.	153
16, 42. Iam non irascar tibi, zelus meus recessit à te.	310
43, 10. Ostende domui Israel templum, & mediantur fabricam eius.	336

MICHAËAS.

7, 9. Iram Domini portabo, quoniã peccavi ei.	199
---	-----

HABA-

S. SCRIPTURÆ.

HABACVC.

3, 2. Cùm iratus fueris, misericordiæ recor-
daberis. 312

4. Quadrigæ tuæ saluatio. 380

16. Vt ascendam ad populum accinctum no-
strum. 394

II. MACHAB.

6, 13. Multo tempore non sinere peccatoribus
ex sententiâ agere, sed statim ultiones adhibere,
magni beneficij est indicium. 247

EX NOVO

TESTAMENTO.

MATTHÆVS.

5, 44. Diligite inimicos vestros, benefacite his
qui oderunt vos. 250

6, 1. Attendite ne iusticiam vestram faciatis
coram hominibus, vt videamini ab eis. 151

6, 3. Nesciat sinistra tua, quid faciat dextra
tua. 190

22. Si oculus tuus fuerit simplex, totum cor-
pus tuum lucidum erit. 18

10, 38. Qui non accipit crucem suam, & sequi-
tur me, non est me dignus. 44. 165

11, 30. Iugum meum suauis est, & onus meum
leue. 381

12, 48. Quæ est mater mea, & qui sunt fratres
mei? 110.

13, 22. Qui

INDEX LOCORVM

13, 22. Qui autem seminatus est in spinis, hic est qui verbum audit, & sollicitudo sæculi istius, & fallacia diuitiarum suffocat verbum.	90
16, 23. Vade post me satana.	159
20, 23. Calicem quidem meum bibetis.	258

L V C A S.

2, 35. Tuam ipsius animam pertransibit gladius.	31
6, 22. Beati eritis cum vos oderint homines.	230
9, 23. Dicebat autem ad omnes.	10
Si quis vult post me venire.	54
Abneget semetipsum.	105
Tollat Crucem.	138
Crucem suam.	127
Quotidie.	179. 182
Et sequatur me.	157. 163
11, 34. Si oculus tuus fuerit simplex, totum corpus tuum lucidum erit.	152
13, 24. Contendite intrare per angustam portam.	400
19, 5. Zachæ festinans descende.	158
23, 26. Impoluerunt illi Crucem portare post Iesum.	158
44. Hodie mecum eris in paradiso.	376
24, 26. Oportuit pati Christum, & ita intrare in gloriam suam.	208

I O A N N E S.

2, 4. Quid mihi & tibi est mulier?	109
10, 33. In mundo pressuram habebitis.	327
13, 15. Exemplum dedi vobis, ut quemadmodum ego feci, ita & vos faciatis.	164
14, 6. Ego	

S. SCRIPTURÆ.

- 14, 6. Ego sum via, veritas, & vita. 166
 15, 2. Omnem palmitem, qui fert fructum,
 purgabit eum, ut fructum plus adferat. 308
 18. Si mundus vos odit, scitote quia me
 priorem vobis odio habuit. 277
 18, 11. Calicem, quem dedit mihi Pater, non
 vis ut bibam illum? 216

ACTVS APOSTOLORVM.

- 9, 4. Saule, Saule, quid me persequeris? 366
 14, 21. Per multas tribulationes oportet nos in-
 trare in Regnum cælorum. 376.

AD ROMANOS.

- 8, 18. Non sunt condignæ passionis huius tem-
 poris ad futuram gloriam quæ reuelabitur in no-
 bis. 205
 28. Diligentibus Deum omnia cooperantur
 in bonum. 319
 29. Quos præsciuit, hos & prædestinavit
 conformes fieri imaginis Filij sui. 365
 38. Quis nos separabit à charitate CHRI-
 STI? 214

I. AD CORINTHIOS.

- 1, 18. Verbum Crucis percutitibus stultitia
 est. 78
 Verbum Crucis iis, qui salui sunt, Dei
 virtus est. 295
 3, 16. Nescitis quia templum Dei estis, & spi-
 ritus Dei habitat in vobis. 336
 4, 13. Tamquam purgamenta huius mundi fa-
 cti sumus, omnium peripetema usque adhuc. 277
 7, 28. Tri-

INDEX LOCORVM

7, 28. Tribulationem tamen carnis habebunt
huiusmodi. 95

10, 13. Fidelis est Deus, qui non patietur vos
tentari suprâ quàm potestis. 49-174

31. Omnia in gloriam Dei facite. 153

11, 12. A Domino corripimur, ne cum hoc
mundo damnemur. 195

II. AD CORINTHIOS.

4. 16. Id quod in præsenti est momentaneum
& leue tribulationis nostræ, æternum gloriæ pon-
dus operatur in nobis. 174

5, 15. Qui viuunt, iam non sibi viuunt, sed ei,
qui pro ipsis mortuus est. 108

6, 8. Per gloriam, & ignobilitatē; per infamiam,
& bonam famam; vt seductores, & veraces. 25

7, 4. Superabundo gaudio in omni tribula-
tione nostrâ. 231

10, 17. Qui gloriatur, in Domino gloriatur. 258

AD GALATAS.

2, 19. CHRISTO confixus sum Cruci. 279

20. Viuo autem, iam non ego: viuunt verò in

CHRISTVS. 107. 284

5, 24. Qui CHRISTI sunt, carnem suam
crucifixerūt cum vitiis & concupiscentiis. 125. 267

6, 14. Mihi absit gloriari, nisi in Cruce Do-
mini nostri IESV CHRISTI. 260. 275. 291

Ibid. Mihi mundus crucifixus est, & ego
mundo. 17. 275

AD EPHESIOS.

3, 18. Vt possitis comprehendere cum omni-
bus Sanctis, quæ sit latitudo & longitudo, & subli-
mitas, & profundum. 340. 393.

A D

S. SCRIPTURÆ.

AD PHILIPPENSES.

1, 29. Vobis donatum est pro CHRISTO,
non solum ut in illum credatis, sed ut etiam pro
illo patiamini. 258

3, 18. Inimici Crucis CHRISTI. 69

AD COLOSSENSES.

2, 14. Chirographum decreti, quod erat con-
trarium nobis, & ipsum tulit de medio, affigens il-
lud Cruci. 274

15. Exspolians principatus & potestates, tra-
duxit confidenter, palam triumphans illos in se-
metipso. 380

20. Si mortui estis cum CHRISTO ab ele-
mentis huius mundi, quid adhuc tamquam viuen-
tes in mundo decernitis? 276

3, 9. Expoliantes vos veterem hominem cum
actibus suis. 106

AD THESSALONICENSES I.

3, 3. Nemo in tribulatione moveatur, ipsi enim
scimus quod in hoc positi sumus. 38

AD HEBRÆOS.

4, 12. Viuis est enim sermo Dei, & efficax, &
penetrabilior omni gladio ancipiti. 270

6, 18. Confugimus ad tenendam propositam
spem, quam sicut anchoram habemus animæ tu-
tam ac firmam. 323

10, 20. Initiaret viam nouam & viuentem per
velamen. 9

12, 1. Aspicientes in auctorem fidei, & con-
summatores IESUM. 164.

2. Pro-

INDEX LOCORVM S. SCRIPTVRÆ.

2. Proposito sibi gaudio sustinuit Crucē. 207
 5. Flagellat omnem filium quem recipit. 212
 11. Omnis disciplina in præsentī quidem videtur non esse gaudij, sed mœroris. 230
 13, 13. Exeamus ad eum in castra, inproperium eius portantes. 137

I A C O B V S.

- 1, 2. Omne gaudium existimate, fratres mei, cū in tentationes varias incideritis. 230
 12. Beatus vir qui suffert tentationem, quoniam cū probatus fuerit, accipiet coronam vitæ. 345
 5, 13. Tristatur quis in vobis? orer. 219.

I. P E T R I.

- 4, 13. Communicantes CHRISTI passionibus gaudete. 230. 258. 365

A P O C A L Y P S I S.

- 1, 9. Particeps in tribulatione, & Regno, & patientiā in CHRISTO IESV. 208
 2, 10. Esto fidelis vsque ad mortem, & dabo tibi coronam vitæ. 343
 3, 19. Ego quos amo arguo & castigo. 46.



INDEX RERVM MEMORABILIVM.

A.



- Bnegatio sui.** 105
Corpori & ani-
ma necessa-
ria. 111
Eius exemplum in Chri-
sto. 109
In Abraham Patriar-
châ. 110
In eremitâ quodam. 107
Abſalom ſegetes Ioab combu-
rens, cuius typus. 224
Adoleſcentis ad meliora con-
uerſi prudens reſpoſum. 107
Aduerſa præſtant ſecundis.
 247
Vide, Afflictiô, CRVX,
Tribulatio.
Ægrotare quantum ſubinde
bonum. 248
Ætatem primam Deo confe-
crandam. 123
Afflictiône modicâ redimuntur
æterna. 65
Afflictiô dignum reddit Deo.
 165
Afflicti templû Domini. 338
In iis CHRISTVS pati-
tur. 366
Vide, CRVX, Tribulatio.
Agatha lata in pœnis. 232
Agnes gaudet ſuppliciis. ibid.
Alexander Patriarcha redi-
mit qui aurum ei ſurripue-
rat. 252
Aliare holocauſtorum pe-
ctus CHRISTI. 337
Aman triſtis ob negatum
honorem. 93
Amanti CRVX in votis. 367
Amato aſſimilari, votum a-
mantium. 124
Ambitioſorum cura & cru-
ciatus. 93
Amor non laborat. 214. 383
Extremum facit. 284
Amor CRVCIS vitam, a-
mor mundi parit mortem.
 274
Anchora ſpei, CRVX. 321.
 324
S. Andrea ad CRVCEM an-
helatio. 67
Andreana CRVX. 21
Anima potentia vs abnegan-
da. 112
Anima purgata cur plerumq;
aſſigantur. 307
Annus deſponſationis cum
CHRISTO, CRVX. 363
Antonio in tentatione demo-
num Deus adſt. 361
Apophthegma veterum Mo-
nachorum de voluntate
propriâ. 160
Aratro CRVCIS terra cor-
dis proſcindenda. 315
D d Arcus

INDEX RERVM

Arcus spiritualis, CRVX.

219

Armatura Christiani militis, CRVX.

301

Ars spiritualis sagittadi.

221

Arsenij visio de duobus lignum transuersum portantibus.

149

Asinus molam vertens, figura peccatoris.

85

Auari martyrium.

91

Aulica vita quam misera.

94

Aulici martyres seculi. ibidem.

B.

Bailationis CRVCIS quis finis.

265

Bailatores CRVCIS pauci.

56

Beatitudinis aterna prognosticon afflictio.

248

Item gaudere in tribulationibus.

231

S. Benedictus in spineto se volutans, carnis vici tentationem.

302

Beneficio virgo quadam iniurias compensabat.

217

Beneficium Dei tribulatio.

200. 241. 247

Beneplacitum diuine dispositionis piis letitia causa.

218

Boni maliq. dispari affiguntur euentu.

143

Bonifacius martyr ungulis excarnificatus iubilat.

242

Botri vinea calcati, viri iusti.

331

Botrus Cypri, CHRISTVS crucifixus.

332

C.

Calamitas viru probat.

345

Calix passionis a Dei manu acceptandus.

216

Caro crucifigenda.

265

Quam exitiosa.

268

Catharina Senensis afflictionibus delectabatur.

133

Spineam elegit coronam pra aurea.

ib. 246

Christianus CHRISTVM sequatur.

166

In hoc positus ut perferat.

38

CHRISTO conformetur.

266

Perpetuo sit crucifixus.

267

CHRISTVS Magister et Doctor veritatis.

12

Infans aduersa pra prosperis elegit.

130

Capus fidelium.

167

Vinctus nos vngit.

324

Vt in nobis viuat.

284

Omne cruciatuum genus tulit.

26. & seqq.

Dolor eius de singulis hominum peccatis.

27

Amans paupertatis.

29

Saturatus opprobriis.

30

Cur CRVCEM elegit.

74

Cur crucifixus.

144

Cur de CRVCE non descendit.

185

Quo animo CRVCEM tulit.

181

Proposito sibi gaudio sustinuit CRVCEM.

207

Cur CRVCEM baila-

260

MEMORABILIVM.

	<i>Vt in eâ gloriatus sit.</i>	259	<i>Quidnam sit.</i>	17
	<i>Est imitandus.</i>	163	<i>Quotuplex illa sit.</i>	29
345	<i>Eius erga nos amor.</i>	215	<i>Olim infamis stipes, seruile</i>	
<i>manu</i>	<i>Quis verè sit eius.</i>	267	<i>supplicium.</i>	71
216	<i>Illi seruire.</i>	73	<i>A CHRISTI membris de-</i>	
265	<i>Illi conformamur per CRV-</i>		<i>corata, felix & dulce</i>	
268	<i>CEM.</i>	365	<i>lignum.</i>	72
<i>afflictio-</i>	<i>Illi configi CRVCI ut pos-</i>		<i>Inter mala non haben-</i>	
133	<i>simus.</i>	282	<i>da.</i>	129
<i>coronam</i>	<i>Citharâ canere spirituali-</i>		<i>Cur homini necessaria.</i>	39
b. 246	<i>ter.</i>	229.234	<i>Cuiusque viribus à Deo</i>	
VM se-	<i>S. Clara in morbo gratias</i>		<i>commensurata.</i>	49
166	<i>Deo refert.</i>	243	<i>Libratur à Deo priusquam</i>	
<i>rat. 38</i>	<i>Clauis amoris.</i>	270.282	<i>immutatur.</i>	50
<i>forme-</i>	<i>Clauis spiritus ales quibus ho-</i>		<i>Quid sit CRVCEM tolle-</i>	
266	<i>mo crucifigendus.</i>	269	<i>re.</i>	19
<i>us. 267</i>	<i>Clauis ianua cali.</i>	400	<i>Absque dilatione tollen-</i>	
<i>ster &</i>	<i>Comuatorum CRVCES.</i>	95	<i>da.</i>	124
12	<i>Conscientia verum quantum</i>		<i>Sua cuiq; ferenda. 127. 134</i>	
<i>prospe-</i>	<i>torturum.</i>	86	<i>Integra ferenda.</i>	170
130	<i>Consolatio à CRVCE non</i>		<i>Vndecumque veniat, velut</i>	
167	<i>abest.</i>	212	<i>de pater nâ Dei manu ac-</i>	
384	<i>Consuetudo mitigat afflictio-</i>		<i>cienda.</i>	215
284	<i>nis.</i>	179	<i>Eam ferre quanta digni-</i>	
<i>genus</i>	<i>Corona tribulationibus per-</i>		<i>tas.</i>	261
<i>& seqq.</i>	<i>ficatur.</i>	352	<i>Eius beneficio homines pror-</i>	
<i>ulis ho-</i>	<i>Maiore passionibus quam</i>		<i>sus indigni.</i>	368
27	<i>actionibus d. beatur.</i>	350	<i>Eam cum IESV gestantium</i>	
29	<i>Coronari à Deo, quanta di-</i>		<i>diuersa intentio.</i>	197
30	<i>gnitas.</i>	348	<i>Aratrum est spirituale.</i>	315
<i>elege-</i>	<i>Cruciatum qui praeferit Deo,</i>		<i>Character ouium CHRI-</i>	
74	<i>no fructur creatore.</i>	69	<i>STI.</i>	13.213
144	<i>Cruciatum apud Romanos</i>		<i>Nummus quo emitur re-</i>	
<i>descen-</i>	<i>CRVCEM suam fere-</i>		<i>gnum Dei.</i>	33.209
185	<i>bant.</i>	87	<i>Cantico celebrata.</i>	235
EM su-	<i>Crucifixi figura Salomonis</i>		<i>Expugnat anima hostes.</i>	301
181	<i>templo exposita.</i>	337	<i>Inferum & illecebra diui-</i>	
o susti-	<i>Crucifixi spiritus.</i>	209	<i>ni amoris.</i>	368
207	<i>Crucifixi diabolus.</i>	274	<i>Clauis regni calorum.</i>	400
<i>culano-</i>	<i>Crucifixi spiritualiter.</i>	282	<i>Consolatione non caret.</i>	212
260	<i>CRVX asperum quid</i>		<i>Eâ vix quisquam vitur</i>	
<i>vt</i>	<i>natur.</i>	21	<i>D d 2 mali,</i>	

INDEX RERV

- malè , prosperitate vix
quisquam bene. 248
Vide, Afflictio, Tribulatio,
aliaq; toto Indice passim
occurrentia.
Currus triumphalis, CRVX.
380
Eius rota. 382
Quomodo ungenda. 348
Equi huius currus, & au-
riga. 386
S. Cyprianus audita mortis
sententiâ, Deo gratias re-
spondit. 242
Viginti quinque aureos car-
nifici numerari iussit. 251
tias in aduersis, quàm sex
millia in prosperis. 239
Dilatatio in negotio salutis no-
xia 121
Dimensiones CRVCIS. 181.
340. 391.
Diuitia quot secum adferant
angores. 23
Spina vocantur. 90
Domus anima corpus, cor-
poris mundus, Dei anima.
335
Duce quàm maximè opus in
viâ spirituali. 158
Dulcedo amoris. 214

E.

- D.
Dæmones timent in quibus
CRVCEM conspiciant. 273
Davidis regis humilitas. 75
Despici pro Deo, quàm bo-
num. 75
DEVS adest tribulatus.
53. 259
Occultat suam subinde
presentiam, 361
Eam probat ipsâ tribulatio-
nis tolerantia. 362
Vt pater amantissimus CRV-
CES immittit. 53
In balance CRVCES expen-
dit. 50
Dulcedo est quâ cuncta dul-
corantur. 209
Ab eo promouentia bona
censenda. 129
Illo vt digni efficiamur 165
Deo gratias quàm bona ora-
tio. 244
Plus valet vnum Deo gra-
tias in aduersis, quàm sex
millia in prosperis. 239
Dilatatio in negotio salutis no-
xia 121
Dimensiones CRVCIS. 181.
340. 391.
Diuitia quot secum adferant
angores. 23
Spina vocantur. 90
Domus anima corpus, cor-
poris mundus, Dei anima.
335
Duce quàm maximè opus in
viâ spirituali. 158
Dulcedo amoris. 214
Echinus marinus vt procellis
se opponat. 324
Eduardi Anglorum regis pia
humilitas. 76
Eligere CRVCEM nefas,
sed oblata acceptanda.
130. 134
Epulo ob delicias damnatus.
41
Equi Currus CHRISTI.
386
Erubescere CRVCEM non
oportet. 142
Esther summitatem virga
Assueri exosculans, quid
mysticè designet. 240
Exemplo aliorum CRVX
suscipienda. 124
Exempla imitationem exci-
tare debent, non pusillani-
mitatem. 255
Orantium in tribulatione.
222
Gratias agentium. 242
Ini-

MEMORABILIVM.

Inimicis bene facientiū. 251
 Gaudentiū in aduersis. 231
 Extasim facit diuinus amor.
 284
 Exultatio S. Andrea in CRV-
 CE. 67
 Anima beatitudini vicina.
 398.

F.

Fabrica templi spiritalis, e-
 iusq; idea. 336
 Familia cura quantum onus.
 27
 Fastidium CRVCIS quo mo-
 do pellatur. 293
 S. Felicitas dolebat in partu,
 gaudebat in martyrio. 366
 Ferenda non trahenda CRVX.
 138
 Fides afflictiones docet esse
 bonas. 110
 Filij quot parentibus adse-
 rant cruciatus. 99
 Filiorum est patri in omnibus
 velle placere. 211
 Filiorū Dei character CRVX
 & tribulatio. 213
 Flagellat pater filium cui ser-
 uat hereditatem. 213
 Flagello CRVCIS pecca-
 torū pulvis excutitur. 309
 Flagellis à Deo inflictis Deo
 possumus salu. fieri. 306
 Fomes diuini amoris CHRIS-
 TVS. 215
 S. Franciscus tribulationes
 sorores suas vocabat, &
 pro iis gratias agebat. 131
 Francisci Xauerij patiendi
 desiderium. 132

Fructuum spes minuit dolo-
 rem. 290
 Fugere CRUCEM nemo po-
 test. 183
 Fundamentum vite spiri-
 tualis mortificatio. 273

G.

Gaudendum in tribulatione.
 227
 Qui id fecerint. 231
 Gehenna cogitatio patientia
 stimulus. 202
 S. Gertrudis virium defectum
 Domino offert. 352
 Gloria Sanctorū in cal. 0399
 Gloriandum in CRUCE. 257
 Gloriarī in Domino quid sit.
 258
 Gloria vana quantum ma-
 lum. 151
 Quam inanis. 191
 Meritorum dissipatrix. 193
 Bono operi subdole se immi-
 scet. 189
 Perfectos infestat. 188
 Vt superanda. 152
 Eius remedium. 190
 Gluten quo anima Deo con-
 iungitur, CRVX & affli-
 ctio. 363
 Gradus scala CRVCIS.
 393
 Gratia agenda in tribulatio-
 nibus. 237. 241
 Martyribus aequatur id fa-
 ciens. 244
 Gratiarum actio discriminat
 malos à bonis. 245
 Maior ob aduersa, quam
 prospera referenda. 247
 Dd 3 Pro

INDEX RERVM

Pro beneficiis non admodum
magna. 239
Debita inimicis & persecu-
toribus. 250
S. Francisci in tribulatio-
ne. 133
Aliorum item. 242
Grauiora nemo patitur quàm
ferre queat. 51

H.

Heraclius Imperator trium-
phali ornatu CRUCEM
ferre nequit. 154
Honor maximus, tribulatio-
nes pati. 258
Honoris appetitus quantis
laboribus obnoxius. 92
Honoris cupidus luna compa-
ratus. 192
Horror CRUCIS vt mitige-
tur. 138
Hostes anima. 295
Eorum tentationes. 297
CRUCE prostigantur. 301
Humilitas in CRUCIS baiu-
latione seruanda. 154
Rota est in curru CRU-
CIS. 384

I.

Iacobus intercisus quoties
membropriuabatur, toties
Deo gratias agebat. 242
Instantia in pio opere vitan-
da. 149
Ierusalem superna descri-
ptio. 389. 397
Incipientes cur minus tenten-
tur. 169
Inferni imago in avaro. 92

Iniuriarum memoriâ quis
perfectè liber. 254
Inferi CHRISTO vt arbori
debemus. 285
Intellectus abnegatio. 113
Intèritio recta sit, & ad Deum
directa. 153
Bona vana gloria insidia-
tur. 190
Eius gradus. 195
Ioannes Abbas morbum a-
groto necessarium curare
renuit. 307
Ioannis Eleëmofynarij pia
vindictandi ratio. 252
Iob in arumnis gratias agit.
239. 241.

Instar campana percussus
suauem edidit sonum. 245
Omnibus ablatus Deum re-
tinuit. 362
Passionibus illustrior quàm
actionibus, etiam bonis.
356
Eius calamitates & patien-
tia. 25
Obicit ei demon quòd pro-
pter mercedem Deo serui-
ret. 44

Ira Dei quæ optanda. 312
Misericordie plena. 243
Ira scitur maximè Deus, cum
peccatoribus non irasci-
tur. 310
Iudicium proprium in re spi-
rituali maximè nocet. 159

L.

Labor non est in amore. 214
Lacedæmonij vt puerorum
experiantur indolem. 46

Laudes

MEMORABILIVM.

<i>Laudes querere quàm va-</i>	<i>uerfis ad Deum conuer-</i>
<i>num.</i> 150	<i>sus.</i> 318
<i>Iis delectari, p. ericulosũ.</i> 189	<i>Membrum capiti suo compa-</i>
<i>S. Laurentius affatus gratias</i>	<i>riatur.</i> 167
<i>agit.</i> 242	<i>Mercede aternâ consideratâ</i>
<i>Lazarus aduerso vento in fi-</i>	<i>afflictionas dulcescunt.</i> 184
<i>num Abrahæ delatus.</i> 376	<i>Misericordia Dei magna,</i>
<i>Luxuria malum.</i> 90	<i>dum hîc peccatores punit.</i>
<i>Lydvina virgo iniurias be-</i>	311
<i>neficiis compensat.</i> 253	<i>Monachorum pia simplicitas,</i>
<i>Ei ostensum vt perficienda</i>	<i>ligneam CRUCEM cir-</i>
<i>esset corona.</i> 351	<i>cumferentium.</i> 17

M.

<i>Magdalena de Pazzi lon-</i>	<i>Monachorum probatio.</i> 47
<i>gam optabat vitam, vt</i>	<i>Monachorum trium diuer-</i>
<i>diu posset pati.</i> 397	<i>sus in iniuriis affectus.</i> 146
<i>Magister in re spiritali</i>	<i>Morborum CRUX quàm</i>
<i>quàm necessarius.</i> 158	<i>utilis.</i> 23
<i>Malleo CRUCIS lapides</i>	<i>Anima beneficium est.</i> 299
<i>templi spiritalis caden-</i>	<i>Eâ ad triginta annos qui-</i>
<i>di.</i> 341	<i>dam optat affligi.</i> 354
<i>Cali fores pulsanda.</i> 400	<i>Moriatur homo sibi, vt uiuat</i>
<i>Malum cuiq; suum molestissi-</i>	<i>Deo.</i> 108
<i>imum apparet.</i> 173	<i>Moriendi cum CHRISTO</i>
<i>Malum spiritalis nauis</i>	<i>votum.</i> 286
<i>CRUX.</i> 372	<i>Mors incerta.</i> 123
<i>Manasses vinctus & compe-</i>	<i>Mortificatio Christiano ne-</i>
<i>ditus Deum agnoscit.</i> 318	<i>cessaria.</i> 109
<i>Marco & Marcelliano tor-</i>	<i>Quinq; sensuum & poten-</i>
<i>menta epula.</i> 232	<i>tiarum anima.</i> 112
<i>Beata MARIAE Virginis</i>	<i>Carnis.</i> 268
<i>CRUX.</i> 22. 35	<i>Moses elegit affligi cum po-</i>
<i>Doloris gladius.</i> 37	<i>pulo Dei, aspiciens in re-</i>
<i>Mare est prasens saculum.</i>	<i>munerationem.</i> 206
322. 374	<i>Mulier viro quanta CRUX.</i>
<i>Quàm periculosum.</i> 323	98
<i>Martyres in lecto.</i> 387	<i>Mundus lacrymarum val-</i>
<i>Maurimonij incommoda.</i> 96	<i>lis.</i> 1
<i>Mauritius Imperator in ad-</i>	<i>Mare.</i> 322. 374
	<i>Amarus est ne ametur.</i> 40
	<i>Crucifigendus nobis est.</i> 273
	<i>Illi despecti, à Deo electi.</i> 24

D d 4

Ni.

INDEX RERVM

Nihil illius nos detineat. 276
 Ut illi moriamur. 275. 278
 Murmurare ob CRVCEM, quàm malum. 177

N:

Nabuchodonosor Deum in prosperis ignorans, agnoscit in aduersis. 317
 Natura superanda. 66
 Naufragium passus diues Epulo vento secundo. 376
 Nauigatio spiritalis describitur. 373
 Nauigantium spiritali celessima. 374
 Nauts CRVCEM exprimit. 371

Ea mare seculi transfratandum. ibid.
 Necessitatem ad Deum recurrendi CRVX imponit. 223
 Nicolaus Syrauphorus linguea baiulans CRVCEM. 18
 Nobili CRVX non erubescenda. 74

Nobilium CHRISTI insignia CRVCEs. 260
 Nocumenta documenta. 316
 Nouitius Carthusianus: ut in proposito fueris confirmatus. 172
 Nummus quo calum venale est, CRVX, & tribulatio. 33. 209

O.

Obediens CRVCE vitur pro vehiculo. 383
 Oculi mentis intentio cordis. 152

Oculos aperit CRVX. 316
 Oculi Tobia felle, caci nato sunt curati. 317
 Ode in CRVCE exultantis. 235

Officina variarum CRVCIUM. 20

Omnibus in rebus vanitas & afflictio. 88
 Opera satisfactoria cur sint pœnalita. 306
 Opinio aduersa videri facit grauiora. 171

Opprobrium CRVCIS exemplo CHRISTI ferendū. 141

Orandum in CRVCE. 219

Quare. 221

Quomodo. 225

Oratione inuat afflictio. 222

Oratio pro agnoscenda viâ salutis. 6

Osculo CRVX & tribulatio excipienda. 240

P.

Palpari post resurrectionem cur CHRISTVS se permiserit. 205

Parentum amor mortificandus. 109

Paterna manus est quæ CRVCEM imponit. 215

Patentia quid sit. 45

Eius initium & finis. 145

Gradus. 146

Patiens quis verè dicendus. 134

Pati pro Deo, maius quàm mortuos suscitare. 249

Vtilius quàm magna operari. 352

Patrie

MEMORABILIVM.

Patris disciplinam non repel-
lant filij. 212
Paulus in tribulationibus ge-
stiens. 261
Quanta eius in aduersis fi-
ducia. 324
Apostolatus eius insignia.
 262
Pax animi ut acquiratur.
 234
Peccatis CRVX debita. 199
Peccator nullam habet re-
quiem. 84
Perfectio omnibus Christianis
praescribitur. 145
Per se gratias agebant, cum à
Rege inberentur flagellari.
 240
Perseuerantia in CRVCE ne-
cessaria. 181. 185. 266
Petrus inuersè crucifixus. 21
Philosophi discipulus triennio
mercedem soluit iniurianti-
bus. 251
Placens sibi displicet Deo. 188
Pœna huius vitæ magis meri-
toria quàm futura. 201
Præceptum de diligendis inimi-
cis qui impieuerint. 251
Premia nutritiæ patientiam.
 205
Pretium CRVCIS abscondi-
tum. 292
Probatio fortitudinis in ad-
uersis. 262
Procrastinatio periculosa. 122
Prosperitas huius vitæ for-
midabilis. 41. 84
Futura damnationis inli-
cium. 248
Prosperitati succedit aduersi-
tas. 42

Pfallere quid sit. 227
Psalterium spirituale quomo-
do tangendum. 234
Pulus peccatorum CRVCE
excutitur. 309
Purgant animam tribulatio-
nes. 308
Purgatorij pœnis pro peccatis
velle satisfacere, impru-
dens dictum. 201

Q.

Quadraginta martyribus ca-
lestes corona destinatur. 348
Quadrato lapidi similis sit
iustus. 341
Quanam uniuscuiusque di-
cenda CRVX. 129
Quatuor currus CRVCIS
rota. 382
Querela afflictorum à Deo
se deprehensos dicentium, re-
iecta. 361
De Deo in aduersis quàm
stulta. 199
Indicium ea est hominis in-
grati. 246
Ille in aduersis non indulgen-
dum. 178
Impiorum de neglectâ viâ
salutis. 79. 84
Pia cuiusdam quod integro
anno non fuisset afflictus.
 354
Quotidie ferenda CRVX. 182

R.

Redemptio humani generis
cur CHRISTI passioni po-
tius quàm actionibus ad-
scribatur. 354

Dd 5 Re.

INDEX RERV

Regnat in nobis CHRISTVS	Sceptrum CHRISTI CRVX.
per asperitates. 260	259
Regni CHRISTI CRVX,	Schola CHRISTI viam
Sceptrum. 74	docet CRVCIS. 12
Regnum calorũ sine CRVCE	S.Secunda ignominiam repu-
non obtinetur. 208	tat non torqueri. 263
Regũ cura & CRVCES. 83.	Flagellorum ictibus aiebat
Religio summa, in infirmitate	sibi coronas cudi semperer-
gratias agere. 244	nas. 347
Religiosi CRVCIS à Geni-	Sensualitas malorum irrita-
libus appellari Christia-	mentum. 111
ni. 78	Sequi Deum quàm glorio-
Relinquere semetipsum ut	sum. 165
homo possit. 106	Serui CRVCIS soli inue-
Remora spiritalis, cavo no-	niant viam beatitudinis.
stra. 375	208
Resignatio in afflictione neces-	Serui fugitivi olim CRVCE
saria. 226	notati. 73
Quanti facienda. 249	S.Servulus paralyticus hyp-
Est suavis melodia in au-	nis Deum in morbo cele-
ribus Dei. 234	brat. 243
Rota curvus CRVCIS, cha-	Signi CRVCIS efficacia. 301
ritas, obedientia, patientia,	Simon Cyrenæus CRVCEM
humilitas. 382	ferens post IESVM, quid
	designet. 158
S.	Sirim CHRISTI refocillare,
Sacularium gaudium breue,	ut liceat. 331
doloribusque permixtum. 82	Spes gloria in tribulatione.
Sagitta mystica, orationes	208
sunt. 219	Solatium laboris est. 205
Samson peccatoris servitutem	206
exprimit. 85	Eius intuitu CRVX tole-
Sancti non queruntur se	randa. 203
morbus à perfectione im-	Staurophila unde dicta. 2.11
pediri. 353	Stephano quid lapides effece-
S.Saturninus gratias agit in	rit dulces. 207
tormentis. 242	Stulta mundi elegit Deus. 78
Scala CRVCIS, eiusq; ty-	
pus. 390	T.
Latera eius & gradus. 393	Templum Domini anima no-
	stra. 335

Quomodo

MEMORABILIVM.

Quomodo edificandum. 339

Salomonis CHRISTVM
exprimebat. 337

Cur ad CRVCIS formam
costruatur. ibidem.

Tentatio vana gloria ex sui
confidentia accidit. 189

Carnis dolore superatur. 302

Pios frequenter exercet. 169

S. Teresa virgo aduersarios
in pensus amat. 253

Eius votum, aut pati, aut
mori. 307

Ut pati posset, caelo vellet
scindere. 292

Tentatio mundanorum curiarum
quod significet. E

S. Theresia tormenta delicias
reputabat. 232

Thimistoletis dictum: Perieramus,
nisi perissemus. 200

S. Theresia: maritimum ob
sequium Domino benedictum. 242

Timoris via 193

Timorem Dei tribulatio ex
citatur. 247

Torcular spirituale vinum
exprimens, CRVX est. 329

Tribulatio hominis pro alio. 43

Tribulum electorum. 214

Ad Deum ire coepit. 224

Pecunia complacuit. 241

Alma caritas, statum in
ducit. 225

Abluit peccata. 306

Prædestinationis symbolum,
& artha. 325

Præmia habet immensa. 249

24 ed. non liber. 82

Vide, afflicto, & CRVX.

Triumphus CRVCIS &
Crucifixi. 380

V.

Velle CHRISTVM sequi, pri-
mum in itinere CRVCIS.

55.59

Veris descriptio. 3

Via ad patriam præsens vi-
ta. 40

VIA CRVCIS, via
salutis. 10.11.182

Quam difficilis. 343

Via triplex bona intentionis.
193

Via virtutis ardua. 12

Viduarum labores & dolo-
res. 101

Vinum spirituale è torculari
CRVCIS. 300

Virga aurea Assueri osculo
excipienda CRVX est. 240

Virga Moysis CRVX assimi-
lata. 139

Virgo quadam vt ad perfe-
ctionem pertigerit. 217

Visio cuiusdam Religiosi de
varietate hominum CRV-
CEM ferentium. 125

Vinctio spiritali linienda
CRVCEs. 384

Vnire suas afflictiones meri-
tis CHRISTI utilissi-
mum. 226

Voluntas humana quam im-
becillis. 57

Quam varia & mutabi-
lis. 119

Propria abneganda. 113

Cum illa in calum non ad-
scendendum. 160

Volun-

INDEX RERVM MEMORABILIVM.

<i>Voluntati Dei se conformet</i>	C E M.	63
<i>homo.</i> 184	<i>Vuis comparasi homines in</i>	
<i>Pacem habet, quid id fa-</i>	<i>hoc saculo.</i>	329
<i>cit.</i> 235	<i>Vxorum seruitus.</i>	97
<i>Voluntatis Dei adimplerio,</i>		
<i>piorum solatium.</i> 132	Z.	
<i>Voluptates quam noxia.</i> 89	<i>Zachaus cur iussus ex arbo-</i>	
<i>illis studentes fugiunt CRV-</i>	<i>re descendere.</i>	158.

FINIS.





63
es in
329
97


rb0-
158.

ANTVERPIÆ;
EX OFFICINA PLANTINIANA
BALTHASARIS MORETI.
M. DC. XXXV.









Biblioteka Jagiellońska



stdr0029814

251

101

071

04

02

01

01

01

01

01

01

Haef ten